

〔重刊訂正本〕

中國醫學大成

錢君利題



【三十一】

〔重刊訂正本〕

中國醫學大成

上海科學技術出版社

中國醫學大成 (全套共五十冊)

上海科學技術出版社出版

(上海瑞金二路四五〇號)

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷

活幼心書

〔元〕曾世榮 撰著

幼科直言

〔清〕孟介石 編著

原 編 曹炳章

總審定 裘沛然

總審閱 蕭敏材 朱邦賢 沈麗君

重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於
上海中醫學院

〔元〕

曾世榮

撰著

活幼心書

中國醫學大成

活幼心書提要

元、曾世榮編撰。世榮字德顯。號育溪。衡之丞西人。四庫未著錄。書分上中下三卷。上卷爲決證詩賦七十五則。中卷爲明本論四十三則。拾遺論八。下卷爲信效方。又分四卷。其卷一列湯散門。列湯方四十五。散方七十五。卷二列圓膏門。丸方三十二。膏方十五。卷三列丹飲門。丹方七。飲方卅七。卷四列金餅門。金方三。餅方三。附拾遺方十四。統計二百廿五方。柯逢時跋云。元本是書每半葉十一行。每行二十一二字不等。蓋至元甲午曾氏原刻本全佚。藝風前輩所藏士禮居本。德顯出處無徵。是書辨證詳明。處方精審。允爲仁人之言。同治衡陽縣志及各家著錄。多作新書。黃跋偶沿其誤。千頃堂書目。光緒湖南通志。據抱經堂補元志並作二卷。殆亦未見全書。明宣德庚戌有修補本。日本高保甲寅曾爲校刻。皆不及此本之完善。因屬翟君展成。蕭君伯丞再三讎校。改正良方。並附校勘記於後。以明實在。清宣統二年曾由武昌醫館刻成。流行絕少。且無句讀。爰再爲重校。加以圈點印行之。

活幼心書提要

和序

醫家惟小兒科爲尤難。蓋自其能言而被病者。猶可以問而知之。而其未能言者。不可以問而知也。史言扁鵲入咸陽。爲小兒醫。然鵲之書多不傳其言。有曰。望而知之。謂之神。聞而知之。謂之聖。鵲之術固不在於書歟。信斯言也。惟鵲爲可也。夫醫不可以無書也。太倉公乃亦以醫者意耳。不肯爲書。使倉公者常有於世焉。雖無書可也。如倉公之不常有。何哉。且吾聞學醫者。與學儒無異。儒者求聖賢之心法。以有聖賢之書存焉耳。醫無其書。則軒岐之心法。泯焉而不傳久矣。又何由而學之。故醫書之浩衍。與儒書相埒。殆又過之。然板行於天下。人得而有之者。往往大方脈之書爲多。彼爲小兒者。每以專科自名。或私得一方。卽祖父子孫相傳。世享其利。他人萬金不願授也。其肯與天下後世公共之哉。育溪曾君。用儒攻醫。得戴劉二家之傳。自少至老。凡活人之幼者。枚數不知幾何人。在證處方。皆超然衆醫之表。乃以得之師傳者。廣粹精覈。爲活幼心書一編。旣成。不以私其家。將以公之天下後世。使爲其術者。無學醫廢人之患。凡人之幼。皆有成人之望焉。厚哉育

溪之用心也。人孰無此心哉。皆能以育溪之心爲心。則善矣。雖然。書本陳言。心須活法。或徒泥其書。而不善用。譬之兵家。不知合變。膠柱而調瑟焉。吾未見其可也。昔臨安李立之者。以小兒科擅名一時。有嬰兒忽病瘕。求治之。立之令人乘高撲之地下。以一衾盛之。兒不覺大驚。遂發聲能言。問之曰。此乳搐心也。非藥所能療。此活法之說也。因附著之。

泰定丁卯閏九月朔。中議大夫前同知海北海南道宣慰使司事副都元帥和尼赤序。

廉序

育溪曾德顯。儒家者流。明小方脈。幼幼之心。不啻父母。仁人之用心也。余家有襁褓童子。感驚風疾。其父母者咸憂焉。德顯乃不憚煩暑。隨招隨至。一眎之曰。毋慮。遂用對證之藥療之。藥未既而效已隨之。誠可嘉尙。原其平昔用心之勤。集諸方書之經驗者。著以成帙。目之曰活幼心書。夫心者。虛靈善應。神妙不測。主宰一身。應酬萬事者也。推廣此心。以及人及物。使顛連無告者爲同胞。癢疴疾痛者爲同體。乃刻諸梓。以廣其傳。非惟傳之今。亦且傳諸後。俾後人亦能推此心。以及人及物。則活幼之心爲無窮也。豈曰小補哉。

天歷己巳八月廿又一日朝散大夫同知衡州路總管府事廉公亮引

活幼心書 廉序

吳序

人得天地生物之心以爲心。則當視天地萬物爲一體。癢疴疾痛。舉切吾身。仁者事也。先儒謂醫家以手足痿痺爲不仁。斯言善狀仁字。蓋手足痺則氣脈不相通。痛癢無所覺。心之生道息矣。烏得仁。況醫家之於嬰孩。語言未足辨。脈理未足憑。必能以心體之。然後可以察其癢痛疴疾之所在。非有志於仁者。其能若是乎。烝西曾君德顯。儒而爲醫。幼從鄉先生李月山。固已得儒學於心授。長從世醫劉氏。又能得醫學於心傳。精讀醫經。詳味藥性。參前輩之奧議。伸自己之獨見。有求必應。不倦於貧。集其平時論證與方。名曰活幼心書。將與同志共之。夫作書以述其心之所用。而且克廣其傳。亦庶乎仁者之用心矣。嘗觀其書。則審證施劑。信有異乎人者。五苓散在諸家止用之。解傷寒溫濕暑毒霍亂。而德顯於驚風痰搐瘡疹等疾。通四時而用之。前同知衡州府事胡省齋因其子驚風得愈。問之曰。五苓散何以愈斯疾乎。德顯曰。此劑內用茯苓。可以安此心之神。用澤瀉導小便。小腸利而心氣通。木得桂而枯。足能抑肝之氣。而風自止。所以能療驚風。施之他證。亦皆

有說。省齋深然之。此其善用五苓散也。小兒驚風搐掣。醫者視爲一病。輒以金石腦麝蜈蠶蛇蠍等劑投之。非徒無益。反激他證。德顯則謂有因驚風而搐者。有因氣鬱而搐者。驚屬心。風屬肝。而鬱於氣者亦有搐。陳氏所謂蓄氣而成搐者是也。但未著其方。余於驚風則隨證施治。若氣鬱而搐者。則用寬氣飲治之。只以枳殼枳實爲主。嘗因患搐者。倉卒求藥。教服鋪家枳殼散。而搐亦止。病者深感之。此又治搐之特見也。其他緊證。俱能究心。用藥之奇。成效之速。有未易縷述者。寄寓予家將十年。二孫藉其調護。每識證於微渺。制疾於萌芽。其用心之溥。非特於吾輩爲然。蓋其篤志於仁。重義輕利。亦自讀書中來。非可以庸俗例視也。讀其方論。因敘數語於篇端。識者儻察予言。必有知其用心者。

元貞乙未上巳日前太學篤信齋進士吳剛中謹書

羅序

吾鄉月山李先生。博極羣書。操行修潔。最謹於義利界限。媚學之子。翩翩從之。其誨諸生也。不止於詞藝而已。必勉以正心修身。俾之有士君子之行。德顯曾君。從游者之一也。居無何。場屋之事廢。於是以業儒者而業醫焉。昔賢達則願爲良相。窮則願爲良醫。其心均在濟人耳。醫豈細事哉。而幼幼之醫。尤不易也。蓋氣色微。筋骨脆。癢疴疾痛。不可問而知。他人止於面色指紋之間。揣摩投劑。德顯則切脈。先之。儻證陽而脈陰。證陰而脈陽。必治脈不治證。精思詳究。探本索原。藥餌所施。百不失一。未嘗以病家之貴賤貧富而異用其心。或遇窘乏太甚之家。亦隨力捐貲。濟其饘粥。以故全活者衆。德顯非饒於財者。能推是心。亦賢矣哉。業醫三十年。古今醫書。讀之不輟。今取其平日閱證用藥之已效者。著爲方論。纂爲詩歌。名之曰活幼心書。是心也。恆心也。惻隱之心也。心誠求之之心也。對越天地神明而無愧矣。且欲鐫梓以爲海內共之。用心廣大可敬也。夫余嘗觀趙德麟侯鯖錄。有人得癰疽方甚奇。寶而不傳。後爲虎所食。非天譴歟。德顯心事若茲。天必福之。以誘

世人之善用其心矣。德顯衡之烝西人。號育溪。名世榮。德顯其字也。
丁未中秋邵清遺老七十翁羅宗之巨海甫謹序

自序

聞之先儒曰。天向一中分造化。人於心上起經綸。大哉心乎。其萬事之機括乎。前乎千百世而上。爲天地立心。生民立命者。此心也。後乎千百世而下。爲往聖繼絕學。來者續師傳。亦此心也。是心也。以之活幼。卽有惻隱之真。所謂乍見孺子將入於井。皆有怵惕惻隱者。無非自此心中來。宋翰林侍御世醫戴克臣者。徽宗朝活幼宗師也。取信當時。有聲朝野。心以傳心。得其妙者。惟烝西高原劉茂先。名祀。自號固窮。與山茂先之心。其五世孫字直甫者。名思。又深得之。推其所得。隨施輒效。亦可以見其用心矣。然昔賢之學。固以心而傳。而昔賢之心。非書又無以衍其傳。況自開慶以來。其書散漫。戴劉二公之心傳。幾不復見。予生二公之後。而無默契乎二公之心。蚤歲師事直甫。於茲有年。面命心傳。領會多矣。但念一宗醫書。方論待決。歲月寢遠。卷帙不齊。設有危難。未易檢閱。吁。得其心者。敢不究其心哉。明窗晝熏。短檠夜雨。因就其遺書。而精加編次。繁者刪之。缺者補之。書非可用。不敢錄。方非已效。弗敢收。脫亡遺漏。存十一於千百。上探三皇前哲之遺言。下探克臣茂先之用心。

實則吾心固有之理。旁求當代明醫之論。亦姑爲活幼之一助云耳。遂名其書曰活幼心書。書成。客或難予曰。醫者意也。但觀形切脈。以意逆志。是爲得之。何必一切求諸書。而且以心書名之哉。予曰。不然。予非有心於著述。而求異於人也。不過推廣劉氏數傳之真心。以求契夫戴氏之初心耳。朱文公有言。意者。心之所發也。書之所述。豈非心之流行發見者乎。客唯而退。於是乎書。

至元甲午菊節衡陽後學會世榮德顯識

活幼心書目錄

卷上 決證詩賦

觀形氣	一
及幼攻補	二
戒毀同道	三
爲醫先去貪嗔	四
辨證早決安危	四
五色主病	五
診脈明證	六
議金銀薄荷	七
胎寒	七
藏寒	七

胎熱	八
弄舌舒舌	八
臍風	八
臍突	八
夜啼	八
急驚	八
天釣	八
急驚後如瘧	九
慢驚	九
搐證	九
諸風毒	九
破血傷風	九

活幼心書 目錄

傷積	九
驚積	九
諸熱	一
吐瀉	一
傷寒	一
傷風	一
夾驚傷寒	一
夾食傷寒	一
下後傷風	一
夾風傷寒	一
風寒互證	一
結胸傷寒	一
痞似結胸	一
壞證傷寒	一

赤白痢	一
五色痢	一
風痢	一
腫證	一
五疳	一
走馬疳	一
脫肛	一
癰證	一
瘰證	一
癖證	一
諸疝	一
龜胸	一
驚丹	一
咳嗽	一

目疾	一五
諸瘡	一五
口瘡	一五
哺露	一五
丁奚	一五
腹痛	一四
五淋	一四
瘰癧	一四
驚癰鶴膝	一四
陰囊腫	一四
斑疹	一四
豆瘡傳變	一四
瘡疹	一三
駒黥	一三

胎寒	一
卷中 明本論	
小兒專科賦	一七
小兒常安	一七
不內外因	一六
失血	一六
黃證	一六
諸汗	一六
解顱	一六
天柱倒	一六
五軟	一六
重舌鵝口	一五
丹毒	一五

胎熱	二
臍風撮口	三
夜啼	四
急驚	五
慢驚	八
風毒	九
傷積	一〇
熱證	一〇
傷寒	一二
咳嗽	一七
吐瀉	一九
諸吐	二一
諸瀉	二二
赤白痢	二五

腫證	二七
疳證	二九
走馬疳	三〇
脫肛	三〇
痢證	三一
瘧疾	三三
癖證	三五
疝證	三五
龜胸	三六
驚丹	三六
瘡疹	三七
陰囊腫	四二
驚癰鶴膝	四三
癰癰	四四

五淋	四
腹痛	四
丁奚	四
口瘡	五
諸瘡	五
目疾	五
丹毒	五
重舌	五
五軟	五
諸汗	五
黃證	五
失血	五
不內外因	六
小兒常安	六

拾遺

論小方脈數差殊	六
辨藥病不相主對	六
論豆瘡不應疏利	六
評非時用附子大黃	六
明小兒四證八候	六
治暑風用藥次序	六
爲醫要量大見高	六
遇諸塗救治驚風	六

卷下 信效方

湯散門

湯類

日生湯	一
-----	---

牛蒡湯	二
黃芩四物湯	二
耆歸湯	二
枳實湯	三
小柴胡湯	三
防己湯	四
防風湯	四
知母湯	五
白芍藥湯	五
茯苓厚朴湯	五
茯神湯	六
守中湯	六
瀉肺湯	六
五和湯	七

養藏湯	七
貝母湯	八
固真湯	八
生地黄湯	八
薑橘湯	九
理中湯	九
桂枝湯	九
麻黃湯	九
獨活湯	一〇
五黃湯	一〇
化毒湯	一一
青木香湯	一一
排風湯	一一
中和湯	一二

人參甘桔湯	一三
人參芎歸湯	一三
五拗湯	一三
六和湯	一四
黃耆六一湯	一四
真武湯	一五
牡蠣大黃湯	一五
坎離湯	一五
清脾湯	一六
麥門冬湯	一六
化丹湯	一六
茴香湯	一七
大柴胡湯	一七
快膈湯	一七

升麻湯	一八
小陷胸湯	一八
散類	
百解散	一九
五苓散	一九
當歸散	二〇
三解散	二〇
勻氣散	二〇
雄黃散	二一
惺惺散	二一
木通散	二二
烏梅散	二二
黃金散	二二
平胃散	二三

七寶散	二二
三稜散	二四
立消散	二四
天竺黃散	二五
連牀散	二五
川草散	二六
柿煎散	二六
拂毒散	二六
金鈴散	二七
消黃散	二七
疏風散	二八
陳氏木香散	二八
陳氏異功散	二八
羌活散	二九

香薷散	二九
瀉黃散	三〇
調元散	三〇
醒脾散	三一
醍醐散	三一
二聖散	三一
補肺散	三一
安神散	三一
燒鹽散	三一
綠袍散	三三
益黃散	三四
解表散	三四
參苓白朮散	三五
守胃散	三五

南星腹皮散	三六
導赤散	三六
錢氏白朮散	三六
和中散	三七
糖煎散	三七
六柱散	三八
九仙散	三八
草龍膽散	三九
金波散	三九
內金散	三九
霹靂散	四〇
順搖散	四〇
外消散	四一
活血散	四一

桃花散	四二
三白散	四二
麝香人齒散	四二
四黃散	四三
薄荷散	四三
槲皮散	四三
白芨散	四四
二香散	四四
萬金散	四四
神效散	四五
赤葛散	四五
四聖散	四六
天花散	四六
蟠龍散	四六

伏龍肝散……………四七

益元散……………四七

祛風散……………四七

全蠍觀音散……………四八

備急散……………四八

黃土散……………四九

回陽散……………四九

蜜陀僧散……………五〇

圓膏門

圓類

琥珀抱龍圓……………五〇

鎮驚圓……………五一

烏犀圓……………五二

香芎圓……………五三

香連圓……………五四

化癖圓……………五四

蘆薈圓……………五五

使君子圓……………五五

補腎地黃圓……………五六

寬腸圓……………五六

香陸胃苓圓……………五七

二薑圓……………五七

沒石子圓……………五八

半夏圓……………五八

六聖圓……………五九

內消圓……………五九

截驚圓……………六〇

散氣圓……………六〇

膏類	
沉香檳榔圓	六七
快活圓	六六
碧玉圓	六六
豆蔻圓	六五
莪朮圓	六五
三聖圓	六四
濬川圓	六三
枳殼圓	六三
商陸圓	六三
二聖圓	六二
金菜圓	六二
萬應圓	六一
金粟圓	六一

祛風膏	七三
清涼膏	七三
玄霜膏	七二
益中膏	七二
黃連膏	七一
鉤藤膏	七一
葶麻膏	七一
辟塵膏	七〇
烏豉膏	七〇
烏附膏	七〇
烏梅膏	六九
地黃膏	六九
如意膏	六八
硃砂膏	六八

千金膏……………七四

丹飲門

丹類

水晶丹……………七四

不驚丹……………七五

鶴頂丹……………七六

黑虎丹……………七六

祛暑丹……………七七

四神丹……………七七

祛瘧丹……………七八

飲類

百傷飲……………七八

速效飲……………七九

柴胡飲……………七九

四順飲……………八〇

清肺飲……………八〇

沖和飲……………八〇

明目飲……………八一

玉露飲……………八一

寬氣飲……………八二

萊豆飲……………八二

寬熱飲……………八三

赤蒼飲……………八三

化蟲飲……………八四

玄參飲……………八四

參香飲……………八五

健脾飲……………八五

五皮飲……………八六

立效飲	八六
沉香飲	八六
拔毒飲	八七
藿香飲	八七
參蘇飲	八八
紫草茸飲	八八
天麻飲	八九
黑白飲	八九
白附飲	八九
二仙飲	九〇
雙金飲	九〇
大順飲	九〇
快斑飲	九一
消暑清心飲	九一

金餅門

金類

定喘飲	九二
常山飲	九二
消毒飲	九三
縮砂飲	九三
定吐飲	九三
萬安飲	九四

餅類

一字金	九五
一七金	九五
一抹金	九六
香橘餅	九六
通聖餅	九七

薑豉餅.....九七

拾遺

香艾圓.....九八

烏白圓.....九八

既濟解毒丹.....九九

輕粉散.....九九

獨聖散.....〇〇

藿香托裏散.....〇〇

拔毒散.....〇一

神應散.....〇一

涼肺散.....〇二

玄明粉.....〇二

必勝散.....〇三

遠徹膏.....〇三

至聖散.....一〇四

八仙飲.....一〇四

活幼心書

元 衡陽 曾世榮德顯編次

鄞縣 曹赤電炳章圈校

卷上 決證詩賦

觀形氣

觀形觀氣要精通。稟受元來自不同。細察盈虧明部分。隨機用藥見奇功。
形者、面色也。氣者、神氣也。張吉夫云。小兒證候。不可取之一端。在表裏相應。隨機消息。豈膠柱調瑟者。所能觀其形而知其證哉。信斯言也。況小兒虛實。有非係乎肥瘦。而係乎氣色者。何以言之。蓋有肥而氣怯。瘦而氣壯。氣怯則色必嫩。其爲虛可知矣。氣壯則色必盛。其爲實可知矣。由是論之。五臟之氣。皆形於面部。肝青、心赤、肺白、腎黑、脾黃。是其本體。肝旺於春。心旺於夏。肺旺於秋。腎旺於冬。各七十二日。脾寄旺於四季後一十八日。是其本位。然有時乎不春不冬。而

面變青黑者。非肝之與腎也。不秋不夏而面變赤白者。亦非心之與肺也。蓋五臟之氣。層見疊出。隨證流形。初無一定。忽然青黑主乎痛。忽然赤者主乎熱。忽然白者主乎冷。忽然黃者主乎積。此其氣之開闔。非係乎時。非拘乎位。又如心主頰。肝主眼。并左臉。脾主脣之上下。肺主右臉。腎主耳前頰孩音外。其形或見於位。或露於他部。所謂不可取之一端。明其義也。且脾主脣之上下。爲吐瀉。或患痢日久。然其色黑。則腎之乘脾。水反剋土。名爲強勝。其藏或敗耳。肝主眼。並左臉。其色青。本色也。主驚駭風痰發動。是爲順證。若見白色。乃肺之剋肝。卽爲逆證。以此推考。變而通之。存乎其人。學者留心於此。誠有用焉。

及幼攻補

察病必須明表裏。更詳虛實在初分。惡攻喜補人皆信。誰識攻中有補存。

張子和曰。人身不過表裏。血氣不過虛實。此言其大略耳。惟庸工之治病。純補其虛。不敢治其實。舉世皆曰平穩。誤人不見其迹。渠亦不自省其過。雖終老而不悔。且曰。吾用補藥也。何罪焉。病人亦曰。彼以補藥補我。彼何罪焉。雖死亦不知覺。此庸工誤人最深。如鯀湮洪水。不知五行之道。夫補者人所喜。攻者人所

惡。醫者以其逆病人之心。而不見用。不若順病人之心。而獲利也。豈復計病者之死生乎。蓋醫有賢愚。人多謬誤。以賢爲非。以愚爲是。不明標本。妄投藥餌。自取危困。徒切感慨。所謂攻者。萬病先須發散外邪。表之義也。外邪既去。而元氣自復。卽攻中有補存焉。裏之義也。然察其表裏虛實。尤在臨機權變。毋執一定之規也。

戒毀同道

大抵行醫片言處。深思淺發。要安詳。更兼忠厚。斯爲美。切戒逢人恃己長。鄭端友曰。醫門一業。慈愛爲先。嘗存救治之心。方集古賢之行。近世醫者。診察諸疾。未言理療。訾毀前醫。不量病有淺深。效有遲速。亦有陰虛陽實。翕音吸合轉移。初無定論。惟務妒賢嫉能。利己害人。驚謔病家。意圖厚賂。尤見不仁之心甚矣。昔神宗時。錢仲陽爲醫有聲。皇子儀國公病瘵音瘵。繼音繼國醫莫能治。長公主朝。因言錢乙起草野。有異能。立召入。進黃土湯而瘵愈。神宗褒諭。問黃土何以瘳。斯疾狀。乙對曰。以土勝水。木得其平。則風自止。且諸醫所治垂瘵。小臣適當其瘵。上悅其對。擢太醫丞。賜紫衣金魚。一旦超然衆醫之表。豈不貴哉。學者能

以仲陽之心爲心。則善矣。

爲醫先去貪嗔

爲醫先要去貪嗔。用藥但憑真實心。富不過求貧不倦。神明所在儼如臨。人有恆心。踐履端謹。始可與言醫道矣。凡有請召。不以晝夜寒暑。遠近親疏。富貴貧賤。聞命卽赴。視彼之疾。舉切吾身。藥必用真。財無過望。推誠拯救。勿憚其勞。冥冥之中。自有神佑。如臨汝張彥明爲醫。未嘗以錢爲較。應有求醫。期於必效。一日城中火災。周回熬盡。煙焰中獨存其居。後且子孫榮貴。以此見天道有陰扶顯助之靈。誠爲可敬。

辨證早決安危

色脈參詳貴造微。早憑疾證決安危。時醫怕觸病家諱。病稍差池便怨咨。爲醫固難。及幼尤難。故醫者診視小兒之證。儻色脈精明。則死生可判。若以恐觸病家之諱。猶豫其說。不吐真情。稍有差池。必招其怨。與其受怨於後。孰若告之於先。縱有危難。夫復何怨。昔扁鵲見桓侯曰。疾在腠理。不治將深。桓侯不信。復見曰。疾在骨髓。雖司命無如之何。後果弗起。學者於此。觸類究心。斯有得於

扁鵲之妙旨。

五色主病

積黃青則是驚風。熱赤傷寒。紫淡紅。黑痛白爲虛冷嗽。更須隨部用神工。望聞問切。醫者先之。凡看病形指文。聽聲察色。其病圖載方冊。皮有薄厚。但周時外嬰孩。多在懷抱。手無垢膩。則指白皮嫩。其紋顯而易見。至三五歲者。常貪戲耍。手弄泥水。則指羸皮厚。其紋隱而難辨。參諸面部。是爲捷要。有紫黑而紋羸。或叫怒而容變。則倉卒難定。必須聽聲。有中風而迷悶。或久患而昏沉。語遲失音。口瘡咽痛。尤非聞而知之所能盡。問證一節。最爲的當。然幼幼方脈。謂之啞科。縱稍長。成語不足信。有飽曰飢。癢曰痛。如是類者。屢嘗試之。每究心及此。初在父母審其得患之由。而告醫者參詳。則易於調治。多有病家不肯自言其致疾之始末。而一聽醫者之揣摩。由是觀之。問亦難矣。必須診脈以決諸證。然南北稟賦不同。施治之法。亦當隨其虛實冷熱用藥可也。若夫造妙工夫。初無其他。大學所謂若保赤子。心誠求之。專是業者。儻不盡此心之誠。何以察不言之疾乎。

診脈明證

小兒脈應二周前。一指分關寸尺全。六至號爲無病子。不和氣主按如絃。浮洪風熱數驚候。虛冷沉遲實積堅。指滯脾經時緩應。過猶不及亂難痊。

叔和脈經曰。孩兒三歲至五歲。呼吸須將八至看。乃以八至爲平。及觀張氏脈訣云。小兒常脈。只多大人二至爲平。予嘗指下審之。果一息六至爲平。若七至八至。乃是數脈。主發熱作驚。由此而論。則脈之微妙。不可不察。學者當審而切之。庶無錯誤。凡把幼穉之脈。僅二三歲者。但在一指揣按關部。側指於關前。取寸口。側指於關後。取尺澤。至四五歲餘。却密下三指。按三部。明標本。察病證。然後可以剋進退。決安危。蓋周歲以前。氣血未完。脈難依據。周歲以後。氣血和平。始可診脈。二歲以前。只依一指按關部。取法爲率。若絃緊主氣不和。先與順之。然後調中快氣。浮洪主風熱。先與解之。然後疏風除熱。急數主受驚。先與發散。然後鎮心退驚。沉遲主虛冷。先與溫之。然後理虛去寒。實滑主傷積。先與表之。然後疏滌積聚。沉緩主宿冷滯脾。錢氏脈訣云。沉緩爲積。此又因宿冷積滯於脾。則脾氣弱而不能磨化穀食。遂成積也。先與和解。然後去積溫脾。已上脈病。

皆宜對證調治。有傳作乖異。尤在臨機應變。不可執一。所謂醫者意也。其有旨哉。若一息十餘至爲危急。謂之太過。一息僅二至爲虛極。謂之不及。大小不同爲惡候。謂之亂。皆難治也。若年至十二三以上。又當參諸大方脈。以明得病之由。因其所製之方以爲治。斯不誤矣。

議金銀薄荷

薄荷湯內用金銀。多爲訛傳誤後人。細讀明醫何氏論。於中載述得其真。古方所載金銀薄荷爲湯。使後人之醫者。遂薄荷之外。加以金環銀環同煎。殊欠講明。夫環者。乃婦人常帶之物。垢膩浸漬。用以煎煮。其味雜乎藥內。大非所宜。切須戒此。昔明醫何澄論金銀薄荷。乃金錢薄荷。卽今之家園薄荷葉小者。是其葉似金錢花葉。名曰金錢薄荷。此理甚明。非所謂再加金銀同煎。大概錢字與銀字相近。故訛以傳訛。是亦魯魚亥豕之類也。

胎寒

先後數詩雖曰繁素誠爲學者識證提綱

孩兒百日胎寒候。足曲難伸兩手捲。音口冷腹膨身戰慄。晝啼不已夜喧。

藏寒

手兼足冷面微青。腹痛腸鳴泄瀉頻。蓋爲生時感寒溼。夜多啼切日常輕。

胎熱

三朝旬外月間兒。目閉胞浮證可推。常作呻吟煩躁起。此爲胎熱定無疑。

弄舌舒舌

弄舌微微露卽收。得於病後最難瘳。出長收緩名舒舌。熱在心脾不用憂。

臍風

風邪早受入臍中。七日之間驗吉凶。若見腹疼臍凸音起起。惡聲口撮是爲風。

臍突

嬰孩生下旬餘日。臍突光浮非大疾。穢水停中明所因。徐徐用藥令消釋。

夜啼

夜啼四證驚爲一。無淚見燈心熱煩。面瑩夾青臍下痛。睡中頓哭是神干。

急驚

面紅卒中渾身熱。脣黑牙關氣如絕。目翻搐搦喉有痰。此是急驚容易決。

天釣

天鈞元因積熱深。涎潮心絡又多驚。雙眸翻上脣焦燥。呵欠頻頻疾便生。

急驚後如瘧

急驚之後傳如瘧。外感風邪爲氣虛。略表次和脾與胃。自然寒熱得消除。

慢驚

陰盛陽虛病已深。吐餘瀉後睡揚睛。神昏搐緩涎流甚。此證分明是慢驚。

搐證

搐證雖分急慢驚。亦因氣鬱致昏沉。良醫欲治宜寬氣。氣順之時搐自停。

諸風毒

諸風夾熱隱皮膚。凝結難爲陡音頓除。項頰腫須護喉舌。內疏風熱外宜塗。

破血傷風

跌撲皮膚因破損。外風侵襲在傷痕。隨時發腫微加痛。活血疏風是要言。

傷積

頭疼身熱腹微脹。足冷神昏只愛眠。因食所傷脾氣弱。下宜遲緩表宜先。

驚積

大府無時泄下青。見人啾唧似生嗔。解驚去積宜施劑。立致精神起臥寧。

諸熱

諸熱元初各有因。對時發者是潮名。乍來乍止爲虛證。晚作無寒屬骨蒸。

吐瀉

脾虛胃弱病根源。水穀如何運化行。清濁相干成吐瀉。久傳虛渴便風生。

傷寒

傷寒之候有多般。一概推詳便究難。面目俱紅時噴嚏。氣羸身熱是傷寒。

傷風

惡風發熱頭應痛。兩頰微紅鼻涕多。汗出徧身兼咳嗽。此傷風證易調和。

夾驚傷寒

身微有熱生煩躁。睡不安兮神不清。此是夾驚感寒證。亦須先表次寧心。

夾食傷寒

鼻涕頭疼時吐逆。面黃紅白變不一。此因夾食又傷寒。發表有功方下積。

下後傷風

表而未盡遽宣通。通後從而喘氣攻。此是陽微陰弱證。肺經再受有邪風。

夾風傷寒

孩子傷寒又夾風。目多眵淚臉腮紅。太陽冷汗微生喘。口水如涎滴滿胸。

風寒互證

風寒雙中汗難通。重下雄黃散是功。得汗來時猶可治。莫教不汗變張弓。

結胸傷寒

大結胸兮小結胸。水兼寒熱不雷同。陽經下早留爲毒。用藥無非直達攻。

痞似結胸

證同前證應無痛。病在陰經下早虛。邪毒結留心下滿。此名痞氣膈中居。

壞證傷寒

此病初傳不識機。致令汗下失其宜。邪乘虛入傷榮衛。知犯何經急療之。

赤白痢

小兒下痢細尋推。不獨成於積所爲。冷熱數般雖各異。寬腸調胃在明醫。

五色痢

痢成五色豈堪聞。日久傳來神氣昏。乾痛煩啼爲最苦。更防兒小命難存。

風痢

風毒乘脾黃褐色。看來其痢與驚同。但聞不臭斯爲異。獨瀉脾經自有功。

腫證

古今議腫是脾虛。大抵多從溼熱爲。十種根因各調治。詳分補瀉在臨機。

五疳

五疳五藏五般看。治法詳推事不難。若見面黃肌肉瘦。齒焦髮豎卽爲疳。

走馬疳

傷寒熱毒上熏蒸。面色光浮氣喘生。口臭齒焦腮有穴。馬疳如此是真形。

脫肛

肛門出露久難收。再感風傷事可憂。況自先傳脾胃弱。更詳冷熱易爲瘰。

痢證

驚傳三搐後成痢。嚼沫牙關目上翻。明辨陰陽參色脈。不拘輕重總風痰。

瘧證

夏傷於暑。秋成瘧。閒日連朝不少差。解表去邪須次第。再宜養胃固脾家。

癖證

本因積久成頑結。男左女右居腹脇。俗云龜癆不須聽。化癖調脾自安帖。

諸疝

諸疝元來各有名。蓋因寒溼氣侵成。治分芍藥烏梅散。勻氣金鈴與五苓。

龜胸

無端脣口忽然紅。心肺因痰飲聚中。風熱乘之加喘急。形如覆掌號龜胸。

驚丹

兒在胎時母受驚。驚傳邪熱子傷神。忽然赤片微微起。涼解肌膚始見寧。

咳嗽

咳嗽雖然分冷熱。連聲因肺感風寒。眼浮痰盛喉中響。戲水多因汗未乾。

齁齕

孩兒齁齕爲啼時。食以酸鹹又乳之。或自肺經傷水溼。風痰結聚早爲醫。

瘡疹

毒停在胃布諸經。運氣變遷瘡疹生。面口脣紅兼嗽渴。腹疼中指冷分明。

豆瘡傳變

黑陷瘡枯嗽失音。瀉兼渴甚吐無停。身涼食減多沉困。更有痰多命必傾。

斑疹

斑證總言因胃熱。赤生黑死分明別。忽如錦片出肌膚。溫毒發時從兩脇。

陰囊腫

厥陰少陰寒激搏。致令腫縮宜溫藥。光浮不痛作虛醫。赤腫須憑涼劑卻。

驚癰鶴膝

風溼流傳骨節間。痛兼心悸是驚癰。若於腕脛多疼重。凝結成團鶴膝看。

癰癰

初發原於耳項旁。證輕多謂是無妨。因循作腫成膿後。穿破名爲癰癰瘡。

五淋

淋病雖然分五種。要明各類在詳看。曰膏曰冷同其證。血石均爲熱一般。

腹痛

大凡腹痛初非一。不特癰瘕與疳癖。分條析類證多端。看取論中最詳悉。
丁奚

久積成疳因失治。肚高頸細變丁奚。更兼手足如筒樣。面白身黃汗不時。
哺露

積傳疳後曰丁奚。哺露因而又得之。腹大青筋蟲滿肚。吐頻瀉數急調脾。
口瘡

心脾胃熱蒸於上。舌白牙根肉腐傷。口角承漿分兩處。有瘡雖異治同方。
諸瘡

滿頭及額生如癩。但用連牀得安瘥。徧身糜潰更多煩。一抹金塗無不快。
目疾

生下經旬目見紅。蓋因胎受熱兼風。涼肝心藥斯爲妙。疝氣豆瘡宜別攻。
丹毒

小兒氣弱肌膚薄。熱毒乘虛來發作。急須化毒與消風。毒散風消始安樂。
重舌鵝口

孩兒胎受諸邪熱。熱壅三焦作重舌。或成鵝口證堪憂。用藥更須針刺裂。

五軟

稟賦元虛髓不充。六淫之氣易來攻。頭兼手足身羸弱。此證名爲五軟同。

天柱倒

忽然天柱倒何如。此病皆因肝腎虛。外有風邪容易襲。故傳項軟不相隨。

解顱

頭顱初見如開解。腎弱元虛大可憂。補腎調元是良藥。投之不應定難瘳。

諸汗

小兒自汗證多端。切莫將爲一例看。要識陰陽虛實病。勤勤調理自然安。

黃證

身黃暑溼蒸脾得。內外因分治最良。更有胎傳生便見。母宜多服地黃湯。

失血

九道何爲血妄行。蓋因抑鬱熱邪生。隨經施治明虛實。氣順如常血自勻。

不內外因

人身一或才傷損。重則宜其血亦多。不內外因然有自。各分證治在專科。

小兒常安

四時欲得小兒安。常要一分飢與寒。但願人皆依此法。自然諸疾不相干。
右前詩訣。言雖鄙俚。所貴平易能記者。得之於心。應之於手。何施不可。參諸後論。尤見詳備。此特爲初學之勉。非敢立異於人也。

小兒專科賦

以小兒專科要識形證爲韻
前場屋中應舉入韻賦式

細辨諸證。難明小兒。惟造理以達此。於專科而見之。傷風清涕交流。初傳在肺。夾食黃紋必見。是屬居脾。原夫七日之內。臍痛乃多。百晬之外。骨蒸者少。惟驚疳積熱。半在攻裏。故暑溼風寒。先宜發表。總謂十三科目。各貴精專。不拘長幼。兒童均稱是小。觀其得病。嬰孺要參脈形。雖痛癢難通於一問。然重輕明察於諸經。暴感邪氣。顙頰微紫。久因客忤。山根太清。勿問兒小。但憑藥靈。腎有證攻。黑色多浮於地閣。即承心爲邪克。赤紋獨露於天庭。即額茲蓋脈病證治。審察要詳。襁褓嬰孩。變更莫測。凡有疾苦。全憑見識。非業擅一門。何以取效。苟醫不三世。徒然用力。難同初學之妄議。貴在專科之定式。心肝恬淡。自然毋染於時災。脾胃和平。戒以勿

餐於夜食。請言夫醫通仙道。溥以生意。家傳祕方。及諸幼年。參天地之化育。無息少閒。免父母之憂懷。有驚卽痊。雖用藥聖。亦由業專。然而見魚口兮氣弱殊甚。聞雅聲兮命傾必然。旣危吐露以真實。安有怨咨而妄傳。表用疏通。細述戴君之語。藏明補瀉。載稽錢氏之篇。專者何。精義無二。全活孩提。博學有諸。在明機要。是知小脈科兮。嘗喜一藥多效。大方科兮。固有十形三療。蓋進以乳食。務要撙節。而遠之鼓樂。免生驚叫。調和自小。以無恙。長大何憂於不肖。春融一念。普推活幼之誠。日究千方。庶盡及人之妙。然嘗論形質始具。夙有靈性。語言未通。是爲啞科。非圓機之士。焉察彼證。必精製之劑。能除宿痼。有信巫不用醫。適以謬甚。有是方不重藥。尤其誤矣。此病家自取過耳。於醫者殊無奈何。術顯咸陽扁鵲。全嬰而有驗。脈明晉代叔和。及幼以無訛。抑又聞皓白虛盛。神氣常昏。紫黑實多。聲音益勝。陽證似陰。脈按細緊。陰證似陽。脈來緩應。然大學所謂若保赤子。心誠求之。此又在究心而觀證。

嘗謂爲醫不易。而幼幼之科。尤不易也。

黃帝曰。若吾不能察其幼小。雖聖人猶難之。況後學乎。余雖不才。謾成前賦。以

便學者觀形切脈之要。臨病之際。非特少資談柄。亦可以發揮神聖工巧之妙。豈不韙歟。其或未然。後之明者。改而證諸。幸莫大焉。

活幼心書卷上 決證詩賦

活幼心書

元 衡陽 曾世榮德顯編次

鄞縣 曹赤電炳章圈校

卷中 明本論

胎寒

孩兒初生百日內。覺口冷腹痛。身起寒粟。時發戰慄。曲足握拳。晝夜啼哭不已。或口禁不開。名曰胎寒。其證在胎時母因腹痛而致。產經云。胎寒多腹痛。亦有產婦喜啖甘肥。生冷時果。皆致胎寒。或胎前外感風寒暑溼。治以涼藥。內傷胎氣。則孩兒生後。昏昏多睡。間或嘔乳瀉白。若不早治。必成慢驚。慢脾。凡有此候。宜以冲和飲。當歸散。合和水煨薑煎服。使之微泄。泄行進勻。氣散調補。泄止氣勻。神安痛定。手足舒伸。次用參苓白朮散。以養胃氣。白芍湯去其寒溼。乳母宜節生冷飲食。庶漸瘥也。又有手足稍冷。脣面微青。額上汗出。不願乳飲。至夜多啼。頗似前證。但

無口冷寒戰。名曰藏寒。其疾夜重日輕。腹痛腸鳴。泄瀉青水。間有不瀉者。此證亦在百日內有之。皆因臨產在地。稍及冷氣侵逼。或以涼水參湯洗兒。或斷臍帶短。而又結縛不緊。爲寒氣所傷。如此宜以白芍藥湯及冲和飲。加鹽炒茴香、茱萸、水薑煎投。並乳母同服。

胎熱

嬰兒生下。三朝旬月之間。目閉而赤。眼胞浮腫。常作呻吟。或啼叫不已。時復驚煩。偏體壯熱。小便黃色。此因在胎。母受時氣邪毒。或外感風熱。誤服湯劑。或食五辛薑麵過多。致令熱蘊於內。熏蒸胎氣。生下故有此證。名曰胎熱。所謂胎熱。即多驚。若經久不治。則鵝口、重舌、木舌、赤紫丹瘤。自此而生。先以木通散煎與母服。使入於乳。兒飲之。通心氣。解煩熱。然後以四聖散溫洗兩目。目開進地黃膏、天竺黃散。及牛蒡湯。當歸散亦令母服。使從乳過。是一助也。乳母宜忌雞酒、羊麵、庶得易安。不致反復。又有一證。如前證元無大病。而遽然弄舌者。但身熱而四肢冷。脣青色。此脾胃不和所致。宜服守胃散自瘳。音愈有弄舌出於大病後。舌略出不長。一動即收。此是惡候。以錢氏白朮散治之。不瘳。音愈將傳危急。舒舌者。此脫著衣服。

不常。外感風熱。入於心脾。蓋脾之脈絡繫於舌。故時復舒卷。出長收緩。或渴或不渴。謂之舒舌。宜瀉心脾經之熱。用瀉黃散加黃芩水煎服。但不可以大寒之劑攻之。熱退則寒起。傳作他證。切宜謹之。

臍風撮口

嬰孩始生。一七之內。腹肚脹硬。臍畔四圍浮腫。口撮牙關不開。攢眉而叫。名臍風證。乃因剪臍帶短。或結縛不緊。致外風侵入臍中。或用鐵器斷臍。爲冷所侵。或牽動臍帶。水入生瘡。客風乘虛而入。傳之於心。蘊蓄其邪。復傳脾絡。致舌強脣青。手足微搐。口噤不能進乳。啼聲似啞。喉中痰涎潮響。是其候也。此證多致不救。若一七之外。先投劫風膏。次以五苓散。加寬氣飲。入薑汁。葱白。燈心。煎湯調服。與解風痰。及用一字金。煎荊芥湯。或薄荷湯。調抹口內。證輕卽快。如稟賦充實。發熱有痰驚搐。投黑白飲。溫蜜湯。空心調下。微泄似茶褐色二三行。進白芍藥湯。水薑棗煎服。常用此法亦效。若臍凸音迭肚緊。微有青色。口撮不開。肝風盛而脾土受制。不可施治。凡有此候。百無一活。縱使得安。亦非長壽。一法用之間有驗者。孩兒牙根肉上有小泡。如粟米狀。用溫湯蘸舊絹裹手指。輕輕擦破。卽口開舌軟。不藥

自瘡。音愈有臍突一證。又非臍風。此亦因初生洗浴。繫臍不緊。穢水侵入於內。產後旬日外。臍忽光浮如吹。捻動微響。間或驚悸作啼。治用白芍藥湯加薏苡仁。水煎空心溫服。次以外消散塗貼。自然平復。

夜啼

夜啼者。有驚熱夜啼。有心熱夜啼。有寒疝夜啼。有誤觸神祇夜啼。此四者。詳具於後。驚熱者。爲衣衾之厚。或抱於極煖處久坐。致生煩悶。邪熱攻心。心主神。神亂則驚。心與小腸爲表裏。故啼泣而遺溺者是也。治法遏熱鎮心。則自安矣。用百解散。牛蒡湯。三解散主之。心熱者。見燈愈啼。面紅多淚。無燈則稍息。蓋火者陽物也。心熱遇火。兩陽相搏。才有燈而啼甚。故經曰。火疾風生。乃能雨。此其義也。宜涼心安神。用百解散。或五苓散。加黃芩。甘草。水煎服。次牛蒡湯。三解散。及琥珀抱龍圓爲治。有遇黃昏後至更盡時。哭多睡少。有啼聲不已。直到天明。乃胎中受寒。遇夜則陰勝而陽微。故腰曲額汗。眼中無淚。面瑩白而夾青。伏臥而啼。入盤腸內。弔之證。名爲寒疝。治法去宿冷。溫下焦。白芍藥湯。烏梅散。及沖和飲。加鹽炒茺萸。茴香。水薑煎服。及鉤藤膏亦佳。誤觸神祇者。面色紫黑。氣鬱如怒。叫時若有恐

懼。及睡中驚惕。兩手抱母。大哭不休。此誤觸禁忌神祇而得。或因惡祟所侵。蓋嬰孩目有所覩。口不能言。但驚哭無時。指紋俱隱。故玉環集云。忽然兩手形無見。定知唐突惡神靈。治法先解其表。宜百解散。次驅邪鎮心。用蘇合香圓。琥珀抱龍圓。投之自效。

急驚

急驚之論。前代書所不載。惟曰陽癰。大概失所愛護。或抱於當風。或近於熱地。晝則食多辛辣。夜則衾蓋太厚。鬱蒸邪熱積於心。傳於肝。再受人物驚觸。或跌撲叫呼。雷聲鼓樂。鷄鳴犬吠。一切所驚。未發之時。夜臥不穩。困中或笑或哭。齧_{五結}齒_{五巧}齧_{五巧}乳。鼻額有汗。氣促痰喘。忽爾悶絕。目直上視。牙關緊急。口噤不開。手足搐掣。此熱甚而然。況兼面紅脈數可辨。蓋心有熱而肝有風。二藏乃陽中之陽。心火也。肝風也。風火陽物也。風主乎動。火得風則煙焰起。此五行之造化。二陽相鼓。風火相搏。肝藏魄。心藏神。因熱則神魂易動。故發驚也。心主乎神。獨不受觸。遇有驚則發熱。熱極生風。故能成搐。名曰急驚。治之之法。先以五苓散加黃芩、甘草水煎。或百解散發表。次通心氣。木通散、三解散、疏滌肝經、安魂退熱、牛蒡湯、防風湯主

之。驚風既除之後。輕者投半夏圓。重者下水晶丹。與之去痰。免成癡疾。但不可用大寒涼藥治之。熱去則寒起。亢則害。承乃制。若倉卒之間。驚與風證俱作。只用五苓散加辰砂末。薄荷湯調服。少解其證。蓋五苓散內有澤瀉導小便。心與小腸爲表裏。小腸流利。心氣得通。其驚自減。內有桂木得桂則枯。是以有抑肝之氣。其風自停。況佐以辰砂。能安神魂。兩得其宜。大略要解熱涼心肝。後用平和湯散調理。稍熱之劑則難用。醫者宜審之。愚嘗感慨諸人。每見驚風搐作。不明標本。混爲一證。遽然全用金石腦麝。蜈蚣蛇蝎。大寒搜風等劑投之。耗傷真氣。其證愈甚。多致弗救。殊不知驚生於心。風生於肝。搐始於氣。是爲三證。其驚與風。首已詳及。然所謂畜氣而成搐。陳氏之論。最爲明理。但未著其方。余於此證。則用寬氣飲治之。只以枳殼。枳實爲主。蓋其氣也。四時平和則身安。一息壅滯則疾作。況小兒啼哭不常。其氣蘊蓄。內則不能升降。外則無由發泄。展轉經時。亦能作搐。善醫者審察病源。從而療之。萬無一失。更辨陰陽虛實。不可輕忽。若陽實證。煎平和湯調三解散主之。此急驚有搐之類。若陰虛證。煎固真湯調寬氣飲治之。此慢驚有搐之類。若暴感此證。未別陰陽虛實。先用五苓散和寬氣飲。及少加寬熱飲。三藥合用。薑

汁沸湯調灌即解。大抵治搐之法。貴以寬氣爲妙。氣順則搐停。此自然之理。男左女右。手足搐者。卽爲順證。男右女左。手足搐者。卽爲逆證。故難治也。有男右女左。證輕者。投順搐散。使分左右。庶好療之。天釣者。初得時。頓頻呵欠。眼忽下淚。身熱脈浮洪實。是風痰壅聚。上貫心包。致經絡閉而不通。目睛翻視。頸項強仰。兩手掣轉向後。大哭如怒。脚曲腰直。發熱痰鳴。爪甲皆青。狀如鬼祟。名曰天釣。治法同前。急驚內藥與服。先解風熱。次理痰氣。斯爲當矣。暑風一證。因夏月感冒風寒太甚。致面垢脣紅。脈沉細數。忽發驚搐。不省人事。治用消暑清心飲。辰砂五苓散。及琥珀抱龍圓。自安。切勿以溫劑調補。熱氣得補則復盛。尤宜戒之。又有急驚。天釣之後。變作潮熱。手足逆冷。有似瘧疾。蓋因病愈之時。不善將護。外感風邪。乘虛而入於經絡。再未解散。以致如此。經曰。重陽必陰。重陰必陽。又曰。亢則害。承乃制。此其義也。宜服柴胡加桂湯。及當桂散。氣實者。則以烏犀圓。水晶丹。略與通利。勻氣散止補。後以參苓白朮散調理。自然平愈。此證所用藥品。間使苦寒之味。務在消陽盛之火。肺金得勝。肝木自平。而風邪亦散。斯爲良法。大凡幼穉。欲令常時驚悸不作。在乎腎藏和平。故戴氏曰。治驚不若補腎。謂心屬火。火性燥。得肝風。

則煙焰起。致生驚悸。補腎則水升火降。邪熱無侵。雖有肝風。不生驚駭。其法當於申時。進補腎地黃圓一服。或琥珀抱龍圓。用申時者。蓋水生於申。佐之以藥。則腎水得平。心火不炎。自無驚矣。

慢驚

治慢驚者。考之古書。亦無所據。惟載陰癇而已。蓋慢驚屬陰。陰主靜而搐緩。故曰慢。其候皆因外感風寒。內作吐瀉。或得於大病之餘。或傳誤轉之後。目慢神昏。手足偏動。口角流涎。身微溫。眼上視。或斜轉。及兩手握拳而搐。或兼兩足動掣。各辨男左女右。搐者為順。反此為逆。口氣冷緩。或顙門陷。此虛極也。脈沉無力。睡則揚睛。謂兩目半開半合。此真陽衰耗。而陰邪獨盛。陰盛生寒。寒為水化。水生肝木。木為風化。木剋脾土。胃為脾之府。故胃中有風。癰音熾癰音熾漸生。其癰癰證狀。兩肩微聳。兩手垂下。時復動搖不已。名為慢驚。宜以青州白圓子。蘇合香圓。入薑汁杵勻。米飲調下。虛極者加金液丹。次用沖和飲。同七寶散。水煨薑煎服。使氣順風散。少解吐瀉。間以胃苓湯救其表裏。若吐不止。可投定吐飲。瀉不減。宜服六柱散。或日生湯。去胃風。定癰癰。清神氣。五苓散導其逆。調榮衛。和陰陽。若痰多脣白。四肢如

冰。不省人事。此虛慢之極。用固真湯速灌之。以生胃氣。胃氣既回。投醒脾散。沉香飲調理。有慢脾風者。自慢驚傳變。始因吐瀉。經久不治。故胃弱脾虛。脾虛生風。風入經絡。則手足無時搖動。昏沉不省。面帶痿色。風勢太甚。乃虛之極。急用青金丹。天麻飲灌服。或六柱散。固真湯。不問有熱有痰。皆風入脾經。亦是危證。若痰如牽鋸之聲。面無風氣。猶甚縮。氣羸頑軟。搐甚。不可治也。

風毒

風毒者。因驚風之後。風從氣行。血從氣使。毒氣蓄於皮膚。流結而爲腫毒。遂成頑核赤色。多在頤頰之間。或耳根骨節之處。重則成癰。成癰。謂之遁毒風。宜以百解散。牛蒡湯。及當歸散。倍加枳殼。大黃。水煎服。或用皂角子。薄荷同煎。續投雄黃散。消毒飲。結在頤頰者。治用烏豉膏。以護咽喉。外則敷以拂毒散。及外消散。若因跌撲破損皮膚。風邪侵襲。傷寒而發毒腫。謂之破血傷風。可投疏風散。活血散。及黃芩四物湯調治。若發於喉下。如帶橫纏者。乃纏喉風也。三因方烏喉風。此證宜投化毒湯。及烏豉膏。鎔化護喉。却不可於喉外用藥塗貼。但依前遁毒風內治法。如服藥後散止不定。或上頭項。或遊於面目。而又復來喉下。如赤紫微浮。中有白

突者。陽證變陰。亢則必害。謂之赤遊風毒。亦難治矣。

傷積

凡嬰孩所患積證。皆因乳哺不節。過餐生冷堅硬之物。脾胃不能剋化。積停中脘。外爲風寒所襲。或因吃臥失蓋。致頭疼面黃。身熱眼胞微腫。腹痛膨脹。足冷肚熱。不安。昏神飲食不思。或嘔或噦。口噫酸氣。大便酸臭。此爲陳積所傷。如覺一二日。先以百傷飲發表。次當歸散入薑煎服。溫動積滯。方下烏犀圓。六聖圓。重與寬利。後用勻氣散調補。有食飽傷脾。脾氣稍虛。物難消化。留而成積。積敗爲痢。腹肚微痛。先調胃氣。次理積。却止痢。則病根自除。和中散理虛養胃。三稜散。烏犀圓。助脾化積。沉香檳榔圓。守中湯。進食止痢。仍忌生冷黏膩之物。不致復作。有時時泄青水。如生菜汁。是受驚而後有積。煩悶啾唧。常似生嗔。名爲驚積。先解驚。後理積。解驚五苓散。或百解散。理積三稜散。或烏犀圓。及三解散。炒神麴。生薑煎湯調服。醒脾散。沉香檳榔圓。寧驚化積。壯氣和胃。仍節冷乳。自然平治。

熱證

仲景論曰。有翕翕_音發熱。有蒸蒸熱。此分汗下之不同。翕者若翕之所覆。明其熱

在表也。屬上太陽第一證。以桂枝湯主之。蒸者如熏蒸之甚。主其熱在胃也。屬陽明三十二證。以調胃承氣湯下之。此仲景法也。緣小兒之熱。似是而非。若同而異。有傷寒熱。變蒸熱。積熱。麻豆熱。驚風熱。潮熱。骨蒸熱。有表裏俱虛而熱。有熱雖同名則異。可不明辨標本以施治乎。須令驗證。對證用藥。斯爲的論。傷寒熱。十指稍冷。鼻流清涕。發熱無汗。面慘凌振。右頤有紫紋。治法載於傷寒條內。變蒸熱。溫溫微熱。氣羸驚少。喎乳瀉黃。上脣尖有小泡。如水珠子。卽變蒸也。不須用藥攻治。如兼他證者。當依其所感之候。略與和解。不必重劑可也。蓋變者變其形容。蒸者蒸長肌肉。三十二日爲一變。六十四日爲一蒸。又三大蒸。積五百一十二日。變蒸畢而形氣血脈筋骨全矣。夫變蒸之說。再考明醫陳氏書。載十變之內。五蒸存焉。又有三大蒸。計其數恰五百一十二日。最爲明矣。積熱。眼胞浮腫。面黃足冷。發熱從頭至肚愈甚。或聞飲食之氣惡心。及腹疼嘔吐。治法詳載傷積論中。麻豆熱。面赤足冷。身發壯熱。呵欠頓悶。咳嗽腰疼。時或作驚。腹痛自痢。及中指獨自冷者是也。治法詳見瘡疹證內。驚風熱。偏身發熱而光。自汗心悸不寧。脈數煩躁。治法與急驚證同。所用藥餌。必先解表。潮熱。有午後發熱。或日晡發熱。對時

如潮水之應。不差是也。先用百解散發表。次以當歸散及三解散治之。脈實者下之。宜大柴胡湯。虛浮散者微汗之。用百解散。若發熱而嘔者。小柴胡湯主之。虛熱。因病後發熱無時。一日三五次者。此客熱乘虛而作。先以胃苓湯加黃耆末。溫米清湯調服。次投錢氏白朮散。或固真湯。帶涼服。及用溫鹽湯。參入涼水。送下黑錫丹。固守元氣。骨蒸熱。身體虛羸。遇晚二發。有熱無寒。醒後渴汗方止。此乃疳病之餘毒。傳作骨蒸。或腹內有癖塊。有時微痛。用參苓白朮散。薑棗三稜煎湯調服。或投化癖圓。先療脾虛宿滯。次以柴胡飲爲治。仍忌鷄酒羊麵毒物。有小兒熱證。用表裏藥後。其熱俱退。既退復熱者何也。療病至此。難以概舉。或再解表攻裏。或施涼劑。熱見愈甚。以陰陽辨之。何者爲是。推其原乃表裏俱虛。而陽浮於外。陰伏於內。所以又發熱。宜用溫平之藥和其裏。則體熱自除。投錢氏白朮散。去木香加扁豆。水煎。及黃耆六一湯。安神散。自然平復。若日久汗多。煩渴食減。脈微緩。喜飲熱。可服真武湯。雖附子性溫。取其收斂陽氣。內有芍藥性寒。一寒一溫。亭分得宜。用之無不驗矣。

傷寒

仲景一書前輩發明甚詳。愚不敢贅。姑舉其略。

按仲景傷寒論云。春氣溫和。夏氣暑熱。秋氣清涼。冬氣冷烈。此四時正氣之序也。惟冬時嚴寒。去寒就溫。不致於傷。偶然觸冒。名爲傷耳。小兒在襁褓中。或長成而稟賦虛怯。苟失其養。百病蠱起。故傷寒多得於秋冬。或薄暮清朝。蓋秋冬多冷。夜起便送。或遽出風寒之地。爲邪氣所侵。旋即噴嚏凌振。五指稍冷。關紋不見。面目俱紅。慘而不舒。氣羸體熱。無汗惡寒。是傷寒也。或面色光而不慘。汗出惡風。是傷風也。其候與大脈科若同而異。治療之法。亦相去不遠矣。餘外不然。蓋以小兒是純陽之體。用藥不可太熱。此醫門入法。所謂治小兒無熱一也。然仲景一十六條。三百九十七法。前賢名曰金匱。豈不貴哉。兼五運有太過不及之異。六氣有逆從勝伏之差。變生災眚。音省應在人身。或遇客邪臨御。藏氣虛弱。因受其病。謂之時氣。又與傷寒不同。乃四時乖戾之氣。如春應暖而反寒。夏應熱而反冷。秋應涼而反熱。冬應寒而反溫。非其時而有其氣。人感冒中傷而有病者。不擇地之遠近。所患一同。當以何經何藏所受病證。知犯何逆。以法治之。此仲景之妙旨。然治小兒傷寒傷風。與大方相同者。若發熱身無汗。麻黃湯主之。以表實無汗。榮血受邪而設也。得汗則寒邪發泄。而無壅遏之患。若身熱自汗。桂枝湯主之。以表虛自汗。衛受

邪而設也。解肌則風邪疏散。而無壅滯之患。凡治病之要。尤在臨機審察。庶無誤矣。夾驚傷寒。其候謂感寒時。忽受驚觸。情性昏沉。身微有熱。心躁或渴。睡中多驚。手足動掣。面紅痰嗽。齧牙呵欠。山根準頭皆淡青色。兩眉下有紫紅見。論其得病之由。或被驚發熱。後感寒邪。或先感寒邪。後因被驚。遂致兩熱相乘。所有此候。宜百解散發表。次牛蒡湯治驚熱。散邪氣。若看證大。莖蓉當歸散。三解散。間以無驚圓。琥珀抱龍圓。與服。夾食傷寒。其證鼻流清涕。頭疼發熱。晝輕夜重。時復吐逆。噫氣酸醜。面黃紅白。變之不一。目胞微浮。乍涼乍熱。心煩發渴。腹痛脹滿。皆因飲食過傷。又感風寒。激搏而熱。其熱氣與食熏蒸於胃。胃爲水穀之海。脾實則能剋化。今脾胃因飲食所傷。致有斯疾。先煎小柴胡湯。加生薑自然汁同服。或五苓散入薑汁沸湯調下。與解寒邪。溫胃止吐。次用百解散及當歸散。水薑煎服。疏解外邪。溫正胃氣。烏犀圓去積。勻氣散止補。參苓白朮散調脾胃。則瘡愈矣。下後傷風。其候兩臉微紅。眼胞浮腫。發熱痰喘。飲食少進。此則亦因外感風寒。未經發散。下之失宜。邪氣未除。而正氣有損。調理又遲。致榮衛不和。正氣失守。脾胃尙弱。過傷飲食。名爲食復。用小柴胡湯和解。次三稜散調治。或因下後體氣虛弱。腠理

不密。遽出風寒之地。易爲感冒。此爲再經外邪。侵襲於皮毛。皮毛者肺之合也。風寒外侵於皮毛。內合於肺經。致有痰熱喘急。肺主氣故也。亦宜發散。表邪旣退。然後調脾。使中州之土固守。則何患乎外邪得以侵襲哉。用五苓散。加麻黃去節。存根。沸湯泡過。功全表裏。水薑煎服。其解表散。惺惺散。枳實湯。或當歸散。加陳皮。水薑煎服。以和中散調理。夾風傷寒。與前證相似。但臉紅身熱。氣羸微喘。目淚口渴。手足皆溫。太陽冷汗。口水流滴胸前。時或惡風。此因先傷寒發熱。日久未經解散。將傳入裏。而又感風。風熱相搏於內。致心脾蘊熱。熱氣上逼。口舌發瘡。名爲夾風傷寒。諸熱引肝風。目多眵淚。口燥發渴。手足溫者。邪將傳裏。口水不止。而加生瘡者。熱上蒸也。太陽冷汗者。表之虛也。邪實表虛。證在半表半裏之間。宜以小柴胡湯加桂爲用。疏滌肝風。羌活散和解。四順飲去上焦熱。則口舌之證乃除。而重感之邪亦得消釋。風寒互證。活人書云。脈似桂枝反無汗。病似麻黃反煩躁。風喜傷衛。寒傷榮。榮衛俱病。仲景以大青龍湯治之。然榮行脈中。衛行脈外。榮衛皆虛。疾由生矣。蓋兒小者。因抱養失宜。風寒不避。致有斯疾。兒大者。或因水浸雨侵。或因向火脫著。遽然出外。外邪乘虛而襲。汗閉不通。其後或冷或熱。昏醒不定。名

爲風寒互證。但小方用藥品味。分兩不與大人同。若此證一汗。風寒旣除。惟當順氣化痰。慎勿投峻補之劑。熱氣得補則復盛。變生他證。初用雄黃散。水薑葱薄荷同煎。併三服。稍熱投。得汗卽瘳。免爲角弓反張之證。次以當歸散。惺惺散間服。若痰不退。牛蒡湯如意膏。半夏圓。結胸傷寒。其候兩眉尖紅。脣紫鼻青。咳嗽口痛。痰結氣促。咳嗽不活。身熱汗出。目露白睛。項頸如柔痊之狀。不可俛仰。結胸之證。居身之高分。故經云。高者因而越之。下者引而竭之。所謂結胸。如繫結而不能解者。諸陽受氣於胸中。邪氣與陽氣相結。固而不解。非虛煩結實之比。胸膈高起。不按自痛。名大結胸。按之方痛。名小結胸。有水寒熱結胸。凡此諸證。低者舉之。高者陷之。仲景結胸之高邪。當行降下之法。以下結固之邪。內經曰。結雖大猶可解也。蓋傷寒之結。非直達之劑。孰能解之。仲景治小結胸證。以小陷胸湯主之。平常小兒多有小結胸證。然陷胸湯內有黃連極苦。難以施之。嬰孩如發表後。但用鶴頂丹爲治。有兒最小者。於此丹內加寬氣飲。寬熱飲少許。薑汁茶清調下自瘳。若僅六七歲兒。投小陷胸湯。入蜜同煎服取效。壞證傷寒。其候外察印堂多紫紋。脣白如灰色。四肢黃瘦。吐瀉間作。或寒或熱。飲食減少。大概外感風寒暑溼。內因飢

飽失節。不能調護。以傳受日深。醫不辨其表裏虛實。汗下失宜。使陰陽反錯。邪氣得勝。正氣將衰。胃納五味。以養五藏。脾受五味。以分清濁。而榮養百骸。今汗下不依其法。致傷榮衛。榮衛者。自中焦而生。得其氣之清者爲榮。濁者爲衛。其重濁者爲糟粕而下行。偶六淫所侵。治不如法。則外邪日盛。正氣乖常。胃氣衰微。變證多出。或作瀉痢青黃吐逆寒熱。或爲腫滿偏枯五疳八痢。或成丁奚哺露。傳變不一。各有條論。隨證治之。並宜先投加味白芍藥湯和解。

咳嗽

咳嗽者。固有數類。但分冷熱虛實。隨證疏解。初中時未有不因感冒而傷於肺。內經曰。肺之令人咳何也。岐伯曰。皮毛者。肺之合也。皮毛先受邪氣。邪氣得從其合。故難經云。形寒飲冷則傷肺。使氣上而不下。逆而不收。衝壅咽膈。淫淫如癢。習習如梗。是令咳也。乍暖脫著。暴熱遇風。邪氣侵於皮膚。肺先受之。而爲咳嗽。若初得時。面赤脣紅。氣粗發熱。嗽來痰鳴。此是傷風痰壅作嗽。用清肺飲。五拗湯。及小柴胡湯。羌活散。皆可解表。次青木香湯。有小兒汗出未乾。遽爾戲水。亦致傷風咳嗽。外證眼胞微浮。額汗痰鳴。亦宜清肺飲。瀉肺湯。與之疏風化痰。解利邪熱。小柴

胡湯亦可。若嗽日久。津液枯耗。肺經虛矣。肺爲諸藏華蓋。臥開而坐合。所以臥則氣促。坐則稍寬。乃因攻肺下痰之過。名爲虛嗽。聲連不斷。喉中痰鳴。氣息欲絕。嗽罷則吐白沫。或乾嘔。此肺虛而氣不順也。面脣皆白而慘。嗽過額上多汗。哽氣長出。乳食減少。致脾虛而胃亦虛。宜其有吐。投茯苓厚朴湯及藿香飲。次溫脾潤肺。理中湯加杏仁、北五味。水煎服。蓋此藥補脾而益肺。藉土氣以生金。則自瘳矣。或咳而夾紅。有紫黯色。於理中湯內再加乾薑爲用。亦良法也。有脾虛亦能作嗽。當投補劑。用醒脾散、茯苓厚朴湯。令脾氣實。然後間以清肺飲煎服。疏解肺經風寒。及藿香飲助脾養胃。亦救子益母之法也。有一證。咳嗽至極時。頓嘔吐乳食與痰俱出。盡方少定。此名風痰。壅成肝木剋脾土。宜以白附飲投之。卽效。百日內嬰孩。偶咳嗽痰壅。睡中不寧。亦因產後感風而得。但不可過用發散之劑。先以解表散一二服。次投貝母湯及惺惺散爲治。小兒喘疾。重於咳嗽。然有虛實冷熱之分。不可概舉。實熱者投清肺飲加五和湯。水薑煎。及瀉肺湯。碧玉圓爲治。經云。喘急多因氣有餘。蓋肺主氣故也。虛冷者投枳實湯。水薑煎。並如意膏。補肺散。坎離湯。自效。此肺虛感風。氣不升降。致有是證。及用定喘飲常驗。不拘冷熱。

皆可服。涎壅失音。二聖散主之。 齁齕一證。郭氏曰。小兒此疾。本因暑溼所侵。未經發散。邪傳心肺。壅而爲熱。有熱生風。有風生痰。痰實不化。因循日久。結爲頑塊。圓如豆粒。遂成痰母。細推其原。或啼哭未休。遽與乳食。或飼以酸鹹。氣鬱不利。致令生痰。或節令變遷。風寒暑溼侵襲。或墮水中。水入口鼻。傳之於肺。故痰母發動。而風隨之。風痰潮緊。氣促而喘。乃成痼疾。急宜去風化痰。先以五苓散同寬氣飲。寬熱飲。用少薑汁和百沸湯調服。次進知母湯。雄黃散。如意膏。半夏圓。

吐瀉

吐瀉者。乃揮霍擾亂之證。霍者吐。亂者瀉。有心痛而先吐者。有腹痛而先瀉者。莫不由中焦而作。上焦主納而不出。中焦主腐化水穀。而生榮衛。灌漑百骸。下焦分別水穀。主出而不納。此三才成式。日用常行。故脾居中州。胃爲水穀之海。乳哺入胃。脾能剋化。然後水穀分在臍上一寸。名分水穴。分其清濁。傳受得宜。則無吐瀉之患。凡嬰孩上吐不止。下瀉不停。皆因六氣六氣者。筋骨血也。未完。六淫六淫者。風寒是也。易侵。兼以調護失常。乳食不節。遂使脾胃虛弱。清濁相干。蘊作而然。有先瀉而後吐者。乃脾胃虛冷。其候先瀉白水或白凍。吐亦不多。口氣緩而神色慢。額前

有汗。六脈沉濡。此爲冷也。先吐而後瀉者。乃脾胃有熱。氣促脣紅。吐來面赤。脈洪而數。渴飲水漿。此爲熱也。冷熱之分。要須詳審。有數歲者。亦患此證。始自夏秋。晝近極熱之地。解衣乘涼。夜臥當風之所。失蓋感冷。陰陽相搏。氣射中焦。名爲霍亂。活人書用香薷散調治。以其能分別水穀。升降陰陽。又曰。熱多欲飲水者。五苓散。寒多不飲水者。理中圓。詳究治法。得非欲平中焦乎。又有脾經積滯未除。再爲飲食所傷。不吐則瀉。不瀉則吐。宜以三稜散化積。守胃散和中。必自安矣。錢仲陽議曰。吐乳瀉黃。是傷熱乳。吐乳瀉青。是傷冷乳。皆當下之。詳夫此理。乃迎奪之法也。不若傷熱者用五苓散以導其逆。傷冷者用理中湯以溫其中。自然平復。有小兒盛夏初秋。遇夜乘風。渴而飲水。過餐生冷果物。攻激腸胃。遂乃暴吐暴瀉。傳作手足俱痺。筋攣而痛。痛則神志不寧。以驚證治之。誤矣。所謂筋遇寒則引縮。又以陽明養宗筋。屬胃與大腸。因內傷生冷飲食。外感風邪。吐瀉交作。胃氣固虛。不能養其宗筋。亦致攣急。此證口氣溫。面色慘。脈沉緩。再以手按兩膝腕下。見筋縮而引於皮間。是其候也。治以理中湯加附子半生半炮。水薑熟煎。空心溫服。更詳虛實冷熱爲治可也。

諸吐

論吐之原。難以概舉。有冷吐、熱吐、積吐、傷風嗽吐、傷乳吐。其吐則同。其證有異。各述於後。冷吐乳片不消。多吐而少出。脈息沉微。面白眼慢。氣緩神昏。額上汗出。此因風寒入胃。或食生冷。或傷宿乳。胃虛不納而出。宜溫胃去風除宿冷。用當歸散、水煨薑、陳皮煎服。或間投沖和飲、理中湯、及薑橘湯。定吐飲。如諸藥不效。以參香飲治之。熱吐面赤脣紅。吐次少而出多。乳片消而色黃。偏體熱甚。或因暑氣在胃。或食熱物。精神不慢。而多煩躁。此熱吐也。宜解熱毒。用大順飲。溫熟水空心調下。並五苓散、小柴胡湯。並加薑汁緩服。及香薷散主之。誤服熱藥。先投萊菔飲。解之。次服止吐之劑。積吐眼胞浮。面微黃。足冷肚熱。晝輕夜重。兒大者脈沉緩。此宿冷滯脾。故吐黃酸水。或有清痰。脈實而滑。為食積所傷。吐酸醜氣。或宿食併出。兒小者吮乳不化是也。先用五苓散、薑汁。溫湯調下和解。次以烏犀圓主之。最小者投三稜散、化癖圓。傷風嗽吐。有熱生風。有風生痰。痰結胸中。肺氣不順。連嗽不止。和痰吐出。此為嗽吐。痰壅而作。乃為實證。宜去風化痰。先投清肺飲。次小柴胡湯為治。若嗽久而肺虛。土不生金。故面白脣燥。乾嗽乾嘔而無痰。可溫補為

上用茯苓厚朴湯、惺惺散、如意膏爲治。傷乳吐。纔乳哺後卽吐。或少停而吐。此因乳飲無度。脾氣弱。不能運化。故有此證。譬如小器盛物。滿則溢。治法宜節乳。投三稜散。諸吐不止。大要節乳。徐徐用藥調治。必安。節者。樽節之義。一日但三次。或五次。每以乳時。不可過飽。其吐自減。及間稀粥投之。亦能和胃解吐。屢見不明此理。惟欲進藥以求速效。動輒斷乳二三日。致餒甚而胃虛。啼聲不已。反激他證。蓋人以食爲命。孩非乳不活。豈容全斷其乳。然乳卽血也。血屬陰。其性冷。吐多胃弱。故節之。醫者切須知此。乳母亦宜服和氣血調脾胃等藥。

諸瀉

論瀉之原。有冷瀉、熱瀉、傷食瀉、水瀉、積瀉、驚瀉、風瀉、藏寒瀉、疳積釀瀉。種種不同。各分於後。冷瀉多是白水。瀉密而少。腹痛而鳴。眉皺目慢。面帶白色。額有汗多。此爲冷瀉。沖和飲、當歸散、合和水煨薑煎服。並守中湯、參苓白朮散、益中膏、沉香檳榔圓治之。熱瀉大便黃色。如筒弔水。瀉過卽止。半日復然。心煩口渴。小便黃少。食乳必羸。此爲熱瀉。先用五苓散或大順飲。次以錢氏白朮散主之。香薷散亦佳。傷食瀉。乃脾胃素弱。復爲生冷果食所傷。故大便不聚而瀉。或因乳母餐生。

冷肥膩之物。自乳而過。亦能作瀉。面脣俱白。瀉稀而少。或如壞雞子。腥臭異常。身形黃瘦。名傷食瀉。宜先溫正胃氣。次理積而後固脾。沖和飲。當歸散。合和水。煨薑。棗子煎服。理積。兒大者。烏犀圓。小者。化癖圓。三稜散。固脾。和中散。醒脾散。水瀉。謂之洞泄。乃陰陽不順。水穀不分。瀉黃水。而小便少。番次密而無度。是夏秋之際。晝則解衣取涼。夜則失蓋感冷。冷熱相激。清濁渾亂。或因母自熱中來。乳有熱氣。遽以哺之。令兒脾胃不和。水穀交雜而下。以呔咀五苓散。加薏苡仁。車前子。半夏。水薑煎服。分正陰陽。或先用大順飲。溫白湯調下。香薷散調中止。補錢氏白朮散。六和湯亦好。積瀉。脾氣虛弱。乳食入胃。不能運化。積滯日久。再為冷食所傷。傳之大腸。遂成泄瀉。留連不止。諸藥不效。蓋以積在脾胃。積既未除。何由得瘳。宜先去積。後止瀉。瀉止實脾。則病除矣。三稜散。烏犀圓。續用沉香。檳榔圓。參苓白朮散。和中散。香橘餅調理。驚瀉。糞青如苔。稠若膠黏。不可便止。但鎮心抑肝。和脾胃。消乳食。斯為治法。先投五苓散。次用三稜散。水薑。粳米煎服。或三解散。煨神麴。生薑煎湯調服。及沉香。檳榔圓。不驚丹調治。風瀉。慢驚大病後有之。其糞稀黃褐色。或夾不消乳食同下。此因脾虛所致。或夾褐黑色者。屬腎。蓋脾虛為腎水所乘。

故也。若久不進飲食。再有驚搐。宜疏腎水。去脾風。次補脾則自瘳。庶無復作之患。疏腎水。以咀五苓散。加黑牽牛半生半炒。並薏苡仁水。薑煎服。去脾風。瀉黃散。調脾氣。參苓白朮散。藏寒瀉。糞如青竹色。不稀不稠。或下青水。未瀉時腹痛而鳴。叫哭方瀉。多是生來三五月內有此。周歲則無。始因斷臍帶短。風冷自外逼內而成。此疾先用沖和飲。水葱白煎投。溫中解表。次以當歸散。水煨薑煎服。及投勻氣散。理中湯。疳積瀉。其候面色痿黃。肚脹脚弱。頭大項小。髮稀且豎。肌肉消瘦。不思飲食。晝涼夜熱。或腹內有癥瘕氣塊。瀉則顏色不等。其臭異常。其瀉有時。或一月半月旬日一番。自瀉自止。名爲疳積瀉。先以當歸散。加三稜。陳皮。水薑煎服。次投烏犀圓。沉香檳榔圓。及化癖圓。蘆薈圓。沒石子圓。兒最小者。難下圓子。止投三稜散。快膈湯。自然痊瘳。若瀉或痢。色青甚而淡黃夾白。寒多熱少。此陰邪勝陽。宜用守中湯。胃苓湯與服。扶表救裏。方進當歸散。加陳皮。紫蘇。水薑。糯米煎服。亦宜和解。理中湯。清米飲。空心調服。溫脾去溼。益氣清神。寒盛者。理中湯內加熟附子。水薑。棗煎服。次投南星。腹皮飲。水薑煎服。和脾胃。去陰邪。若瀉或泄。色青淡而有沫糞稠。熱多寒少。亦致面黃肌瘦。煩躁不寧。宜以咀咀五苓散。加薏苡

仁、車前子。水薑煎服。解散餘邪。仍用茵陳蒿、梔子仁煎湯。調細末五苓散溫服。退黃色。消陽毒。及當歸散。水薑棗煎投。或服萬安飲、四神散。

赤白痢

赤白之痢。世人莫不曰赤爲陽爲熱。白爲陰爲冷。或曰無積不成痢。至於調治。若以冷熱之劑互進。或投去積之藥。必難取效。不究其原。何由可療。且四時八風之中人。五運六氣之相勝。夏秋人多痢疾。內經曰。春傷於風。夏生飧泄。至真要大論曰。少陽在泉。火淫所勝。民病注泄赤白。其可拘於無積不成痢之說。若專以積爲論。豈一歲之中。獨於夏秋人皆有積。春冬不然。蓋風邪入胃。木能勝土。不爲暴下。則成痢疾。赤白交雜。此爲陰陽不分。法當分正陰陽。五苓散以導其逆。理中湯以溫其胃。使色歸一。然後施治。若一分之後。仍赤白同下。則當究其所患之因。若先白後赤。乃內傷生冷。外失於蓋。由元氣感於暑熱。治法先救其裏。次解暑毒。若先赤後白。乃先傷熱而後失蓋感冷。先宜解熱。後治其痢。有夾熱而痢者。則下純鮮血。此風能動血。宜冷服黃連香薷散、川草散。以當歸散加醋炒蒸柏葉水、薑煎服。或羌活散加三和湯水、薑倉米煎。有人冷而痢者。則下純白凍。或白上有粉。

紅色。或似猪肝瘀血。皆爲陰證。蓋血得寒則凝。泣音故也。先用呶咀五苓散。加守中湯煎投。次以附子理中湯帶涼服。或固真湯。儻不辨其虛實冷熱。妄行施治。必致脾胃愈虛。不能乳食。成噤口痢者。則難療矣。又有裏急後重。蓋裏急爲陽。後重爲陰。未圞音清前腹痛爲裏急。已圞後腹痛爲後重。故裏急者。大腸澀也。先以大順飲加寬氣飲和解。及羌活散水。薑倉米煎服。次下寬腸圓。後重者。爲氣虛。用呶咀五苓散加人參水。薑煎服。併投香連圓。若二證俱作。前二圓子並進。或雙金飲。金粟圓亦效。然瀉痢二字。自是兩證。糞夾水來。多而順者。曰瀉。帶血凍白凍。來三五點而痛者。曰痢。輕重陰陽。於此而分。斯爲治法。有膿血交雜。經久不止。晝輕夜重。或晝夜頻數。食減痛多。並用萬金散。神效散主之。有五色痢者。乃因五藏蘊熱。日久不散。故有是證。蓋五藏受熱。榮衛不調。五穀不化。熏腐藏府。神氣昏沉。此候已危。最苦是腹中刺痛。兒小者無治法。蓋五色者。乃五藏之色。皆見於外。兒大者可用局方三神圓。或小來復丹。以五苓散送下。或者可療。若投藥如故。不可爲也。又有風痢。多是黃褐色。與疳瀉頗同。但不臭。爲異耳。此風毒停滯於脾。宜去脾經風毒。瀉黃散主之。若見赤白同下。久而不禁。小便澀少。痛熱並作。脣裂眼赤。

氣促心煩。坐臥不安。狂渴飲水。穀道傾陷。時復面容如妝。飲食不進者。難治。

腫證此疾更多投五皮飲爲好

原腫病之由。標本之疾。腎主元氣。天一之水生焉。肺主沖化。地四之金屬焉。腎爲本而肺爲標。皆至陰以積水。其爲病也。腎者胃之關鍵。關鍵不利。樞機不轉。水乃不行。滲於脈絡皮膚。而爲浮腫。當推究內外所因。而爲施治。兒大者。憑脈以明虛實。古方有十種論證。短氣不得臥爲心水。兩脇緊痛爲肝水。大便鴨溏爲肺水。四肢苦重爲脾水。腰痛足冷爲腎水。口苦咽乾爲膽水。乍虛乍實爲大腸水。腹急肢瘦爲膀胱水。小便閉澀爲胃水。小腹急滿爲小腸水。然脈浮爲風爲虛。沉伏爲水病。沉則脈絡虛。伏則小便難。卽爲正水。脾脈虛大。多作脾腫。因循不治。乃成水腫。蓋脾屬土。喜燥而惡溼。常感溼氣。溼喜傷脾。血化爲水。土敗不能制水。則停蓄不行。留滯皮膚。故作浮腫。初得病時。見眼胞早晨浮突。至午後稍消。以羌活散疏解。次醒脾散主之。及間投南星腹皮散。其脾冷困。則燥以草果。縮砂之類。然此證夏與秋冬治之頗易。惟春不然。蓋四時之水。無如春水泛溢。兼肝木旺而脾土受剋。不能受水。所以難療。進退不常。須徐徐調理取效。若脾熱而困。又以藥燥之。雖

火能生土。亦可勝水。奈何燥之太過。土不敵火。則熱愈甚。而不食發熱煩渴。醫者又進之以燥劑。由此而面目轉浮。致脾敗而手足背皆腫。蓋手足背與臍凸。迭音即脾之外候。有未經發表。遽用下藥以瀉之。則一瀉而腫消。乃云得瀉之力。殊不知脾愈瀉而愈虛。不逾旬月。其腫如初。此世人只知瀉腫爲最。而不求其十補勿一瀉之論。法當隨四時用藥。解表通利小便。春以七寶散。加麻黃、桂枝、赤茯苓、水薑、葱煎服。夏以五苓散。加麻黃、車前子、薏苡仁。秋以清肺飲。加羌活、細辛、商陸。冬以冲和飲。加白朮、生川烏、赤小豆。已上三藥。並用水薑、葱煎投。滋潤救脾。導水湯劑。滲泄之。乃爲良法。更以香陸胃苓圓、赤蒼飲頻服。自然獲安。蓋內經云。開鬼門。汗發也。潔淨府。便利小平治權衡。以平爲期。此之謂也。有初腫便覺痰嗽氣喘。小水不通。正屬肺腎所主。先服解表散。次以三白散爲治。餘證輕者。投商陸圓。故經曰。其高者因而越之。即湧吐之義也。下者引而竭之。即滲泄之義也。凡得此病。非一朝一夕之故。不可以孟浪之藥求其速效。以致虛脫。如癒後再感外風。滿面虛浮。用排風湯和解。仍服前救脾湯劑。免致反復。飲食之忌。惟鹽醬蠶鮓溼麵。皆味鹹能溢水者。併其他生冷毒物。亦宜戒之。重則半載。輕者三月。須脾胃平復。腫消氣實。

然後於飲食中。旋以燒鹽少投。則其疾自不再作。故劉氏曰。治腫非易。補養尤難。所忌者切須詳審。有經久不消者。下濬川圓卽效。

疳證

小兒疳證。其名有五。心、肝、脾、肺、腎是也。詳析於後。
齧^五切^巧牙舒舌。舌上生瘡。愛飲冷水。脣紅面赤。喜伏眠於地。名曰心疳。目生眵。髮際左臉多青。或白睛微黃。瀉痢夾水。或如苔色。名曰肝疳。愛喫泥土冷物。飲無度。身面俱黃。髮稀作穗。頭大項小。腹脹脚弱。間或釀瀉。肌瘦目慢。晝涼夜熱。不思乳食。名曰脾疳。鼻下赤爛。手足枯細。口有腥氣。或作喘嗽。右頤眇白。名曰肺疳。兩耳內外生瘡。脚如鶴膝。頭縫不合。或未能行。牙齒生遲。其縫臭爛。傳作走馬疳之類。名曰腎疳。大抵疳之爲病。皆因過餐飲食。於脾家一藏有積不治。傳之餘藏而成。五疳之疾。若脾家病去。則餘藏皆安。苟失其治。日久必有傳變。然脾家病宜蘆薈圓。沉香檳榔圓。或水晶丹。烏犀圓。更察虛實療之。有蟲者投使君子圓。化蟲飲。如心腹痛。吐清水。蟲自下。多投二聖圓。諸疳證皆宜用局方五疳保童圓。或萬應圓。常服化積治疳。仍各投本臟調理之劑。寧心用茯神湯。調肝用耆歸湯。調脾用參苓白朮散。補

肺用補肺散。補腎用調元散。庶各得其宜。則前證不致再作。

走馬疳

凡得此候。多因氣虛受寒。及有宿滯。留而不去。積溫成熱。虛熱之氣上蒸。或食甜酸鹹膩之物。而脾雖喜甘。積滯日久。蘊熱上熏於口。致齒焦黑爛。間出清血。血聚成膿。膿臭成蟲。侵蝕_音口齒。甚致頤頰穿破。乳食不便。面色光浮。氣喘熱作。名走馬疳。治之之法。先去積熱。用當歸散。合三稜散。水薑棗煎服。次投蘆薈圓。玉露飲。及以溫鹽水灌嗽。或軟鷄翎蘸鹽水拂洗。略拭乾。仍以燒鹽散。內金散。密陀僧散。傅之。若經久不瘡者。傳於脣之上下。乃成崩砂證。或穴發滿頤。齒落骨露。飲食減少。氣促痰鳴。必致危矣。

脫肛

脈訣曰。大腸共肺為傳送。蓋肺與大腸為表裏。肛者大腸之門。肺實熱則閉結不通。肺虛寒則腸頭出露。有因痢久。裏急後重。努力肛開。為外風所吹。或伏暑作瀉。腸滑不禁。或稟賦怯弱。易於感冷。亦致大腸虛脫。凡小兒所患瀉痢。皆因暑溼風熱乘脾胃虛而得。蓋風屬木。木勝則制土。土主脾胃。虛而受制。又溼喜傷脾。因虛

受溼。不能分別清濁。水穀交雜。則爲洞泄。洞泄既久。大腸亦虛。大腸乃手陽明燥金。而土虛不能生金。金氣既虛。則傳送之道亦虛。又爲風冷所襲。故肛門脫而不收。法宜補脾溫胃。使金得受母之益。而氣實。宜藿香飲。勻氣散。平胃散主之。次則內投固腸之劑。用健脾飲。養藏湯。服餌。外以敷貼之法。用伏龍肝散。傅之。及葶麻膏貼顙門。使引氣上。令其自收。如收盡。仍以水洗去其膏。又有邪熱積滯於大腸。未經疏滌。亦成此疾。其肛門色紅而軟。肺脈浮數。右手指紋紫見。身微有熱。時或煩躁。先投清肺飲。疏解。次用薄荷散。蟠龍散爲治。間服萬安飲。亦佳。

痢證

古人議痢最多。大概在乎觀形切脈。明辨陰陽。對證用藥。不致妄投湯劑爲上。陰痢者。因慢驚後去痰不盡。痰入心包而得。四肢逆冷。吐舌搖頭。口嚼白沫。牙關緊閉。但不甚驚搐作啼。面色或白或青。脈息沉微。故嬰孩寶書云。睡中吐舌更搖頭。正此之謂。治以固真湯。加日生湯同煎。調寬氣飲和解。陽痢者。因感驚風三次發搐。不與去風下痰。則再發。然三次者。非一日三次也。或一月。或一季。一發驚搐。必經三度。故曰三次。所謂驚風三發便爲痢。卽此義也。其病主身熱自汗。兩目

上視。嚼沫齧牙。手足掣搦。面色紅紫。六脈浮數。以百解散加五和湯。水煎疏解。次下痰。用水晶丹或半夏圓。胎癇者。因未產前。腹中被驚。或母食酸鹹過多。或爲七情所汨。致傷胎氣。兒生百日內有者是也。發時心不寧。面微黃。氣逆痰作。目上視。身反張。啼聲不出。先用參蘇飲和解。次以不驚丹。或琥珀抱龍圓間投。輕者可瘡。重則亦危。六畜癇者。發時作牛馬猪羊雞犬聲。便致僵仆。口吐涎沫。不省人事。張氏論此。蓋初發作羊犬聲者。咽喉爲風痰所梗。聲自如此。其理甚明。若言六畜者。特強名耳。凡得此證。宜多投疏風順氣化痰等劑。早爲治療。則免終身之患。食癇者。因中焦不和。飲食時偶被驚搖。則驚氣停滯中脘。食不剋化。淹留日久。氣鬱痰結。痰結則風熱生。由此致疾。陳氏有曰。結氣而成癇。此其義也。宜寬中順氣。去風痰。療驚積。和脾胃。則安矣。狂癇者。亦屬陽。難經云。重陽則狂。至長成小兒才發。時妄言不食而歌。甚則踰牆上屋。棄衣而走。或一日二日方醒。始因冒熱感風。風熱內蓄。久則風痰鬱結。上迷心包。蓋心乃神之舍。偶爲邪熱攻逼。則神失所守而昏亂。名曰狂癇。然心火肝木皆爲物。火不自炎。因風吹起煙焰。木不自動。因風撼而自動搖。風火合德。兩陽相搏。其熱可知名。心藏神。肝主驚。因風生痰。以致

於此。醫者爲治療。既能清心平肝。疏風退熱。得病暫安。不與鎮心下痰。則痰涎結實。停滯心絡。病至再三。加以發搐頻數。難爲治療。必成廢人。有曰驚癇。卽與此證相類。若乍感真疾。日月稍近。法當解表散驚。及涼心肝。次下風痰。解表散驚百解散。涼心肝三解散。防風湯。下風痰水晶丹。碧玉圓。更須臨證參詳。乃無失也。

瘧疾

內經瘧論云。瘧瘧皆生於風。而發作有時何也。岐伯曰。夏傷於暑。秋必病瘧。謂腠理開而汗出。遇風。或得於澡浴。水氣舍於皮膚。因衛氣不守。邪氣並居其疾始作。伸欠寒慄。腰背俱痛。骨節煩疼。寒去則內外皆熱。頭疼而渴。乃陰陽二氣交爭。虛實更作而然。陰氣獨勝則陽虛。故先寒戰慄。腰背頭項骨節皆痛。陽氣獨勝則陰虛。故先熱發。時不嗜食。善嘔頭疼腰痛。小便不利。陰盛陽虛則內外皆寒。陽盛陰虛則內外俱熱。此外感六淫。或內傷七情。蘊積痰飲。病氣與衛氣並居。故病日作。衛氣晝行於陽。夜行於陰。得陽而外出。得陰而內薄。內薄五藏。六氣深入。不能與衛氣俱出。則間日而作。當衛氣所至。病氣所在。則發。在陽則熱。在陰則寒。經曰。亢則害。極乃反。俟陰陽各衰。衛氣與病氣相離。則病休。陰陽相搏。衛氣與病氣再集。

則病復。各隨其衛氣之所在。與所中邪氣相合而然也。先寒後熱者。先傷寒而後傷風。名曰寒瘧。先熱後寒者。先傷風而後傷寒。名曰溫瘧。但熱不寒者。名曰瘧。瘧音瘧。身重寒熱。骨節痛。腹脹滿。自汗善嘔。名曰溼瘧。但寒不熱者。名曰牝瘧。蓋瘧之爲病。而證狀非一。故處方之制。隨其陰陽虛實。脈病證治。汗吐下溫。對證施劑。以平爲期。然百病中人。必因其正氣之虛。感受邪氣。留而不去。其病爲實。自表傳裏。先汗後下。古今不易。蓋治瘧之法。必須先表。用百解散。水薑葱煎投。次小柴胡湯。加桂。水薑棗煎服。以和解表裏之邪。自然作效。若表裏實。用當歸散。五和湯。或烏犀圓。六聖圓下之。勻氣散止補。後以藿香飲。加草果。良薑。水薑。棗煎投。正胃氣。去寒邪。則自平復。如解表後。寒熱往來。以二仙飲。或三聖圓截之。寒熱既除。用平胃散。加茴香湯和勻。鹽湯空心調服。溫胃燥脾。進飲食。使中州之土既實。則外邪不戰而自屈。此爲明論。有寒多熱少。經久不愈。致脾胃弱。飲食減。神色慢。二薑圓主之。及清脾湯爲治。每見治瘧不明理者。多取草藥。擲水冷服。或露而投之。水傷脾胃。耗損真元。變證百出。或傳成浮腫。或轉作疳瀉。或變爲冷痢。致脾胃虛弱。飲食減少。因而不救者有之。且嬰孩嬌脆。何堪用以草藥服餌。爲醫爲父母。

者。切宜戒之。

癖證

嬰兒始生。稟賦未完。失於襁褓之不慎。乳哺之不節。外爲六淫侵襲。內因五藏氣虛。冷積久停於脾。不能剋化。結成癖塊。突於脇下。或左或右。俗曰龜癆。其疾皆因積滯蘊作。致有寒熱。或腹肚疼痛。或晝涼夜熱。治療之法。氣實者。亦須溫正胃氣。後用烏犀圓或水晶丹下之。如過二三次。卽以稀粥略止。候所作形證消盡。方投補益之劑。氣虛者。先與調脾胃。固真元。神色稍正。飲食進多。如前法下之。若太虛甚。用三稜散。化癖圓漸消之。順適陰陽。以平爲期。然先補後瀉。行迎奪之法。則取去陳寒冷積。若面黃脣白。髮豎肌瘦。乃爲虛極。不可輕下。但徐徐用藥消化。調理爲上。若兒小者。更令乳母常服藿香飲。使藥從乳過。亦少助也。

疝證

按內經大奇論曰。腎脈大急沉。肝脈大急沉。皆爲疝證。心脈搏滑急爲心疝。肺脈沉搏爲肺疝。蓋疝者。寒氣結聚之所爲。故令臍腹絞痛者是也。又巢元方曰。諸疝者。陰氣積於內。復爲寒氣所傷。榮衛不調。二氣虛弱。風冷入腹而成。故肺經云。

急者緊也。緊則爲寒、爲實、爲痛。血爲寒泣音則爲瘕。氣爲寒聚則爲疝。皆因本藏氣虛。外感於寒溼。內傷於生冷。遂使臍腹絞刺。激搏而痛。無有定處。倉卒之際。不堪忍者。謂之疝也。並宜先用五苓散。沸湯調服。和解。輕則但以白芍藥湯。烏梅散。鉤藤膏爲治。重者。金茱圓。散氣圓。未有不瘳音愈也。

龜胸

嘗論此候。因風痰停飲。聚積心胸。再感風熱。肺爲諸藏華蓋。居於膈上。水氣泛溢。則肺爲之浮。日久凝而爲痰。停滯心胸。兼以風熱內發。其外證脣紅面赤。咳嗽喘促。致胸骨高如覆掌。名曰龜胸。治法寬肺化痰利膈。以除肺經痰飲。先用五苓散和寬氣飲。入薑汁。葱湯調服。次清肺飲。雄黃散。碧玉圓。如意膏爲治。若投前藥。愈而復作。傳變目睛直視。痰涎上壅。兼以發搐。則難治矣。龜背者。蓋初生嬰孩。未滿半周。強令坐早。客風吹著背脊。傳入於髓。故令背高如龜之狀。名曰龜背。終成痼疾。何以爲治。

驚丹

嬰孩生後。百日之內。半歲以上。忽兩眼胞紅。暈微起。面帶青黯色。向夜煩啼。或臉

如臙脂。此伏熱在內。亦有臉不紅者。始因居胎之時。母受重驚。驚邪傷胎。遞相傳襲。降生之後。復受熱毒。或再有驚。有驚則有熱。熱氣內蘊。形發於外。初發時。散生滿面。狀如水豆。脚微紅而不壯。出沒休息無定。次到頸項。赤如硃砂。名爲驚丹。用四聖散先洗其目。次百解散加五和湯同煎。與解驚熱丹毒。牛蒡湯。當歸散。三解散。黃芩四物湯。皆可爲治。如驚丹發至胸乳間。微有痰喘作搐。急宜宣熱拔毒。免致內流。爲害不淺。五和湯加升麻。生乾地黃水。薑燈心煎服。則自消除。仍用前數藥調治。不生他證。或投萬安飲。

瘡疹斑毒附後

瘡疹之作。始自嬰孩生時。啼聲一出。則嚥下口中穢濁。蓄之在胃。因氣運變遷。主客勝復。邪氣鬱發。與元受穢濁激搏。而形於肌肉皮膚之外。初發有類傷寒。不拘四時。皆有此候。經云。春夏爲順。秋冬爲逆。蓋春夏則陽氣布。玄府開。人之氣血流暢。邪毒易出。秋冬則寒氣勝。而水冰地凍。人之氣血凝泣。音凝故難出也。小兒所患此證。輕重不等。命名亦異。輕者如麻。俗言麻子。重者如豆。謂之豆瘡。重而又重。密如浮縠。俗曰赤縠。既傳及此。已是危急。醫與病家。切宜詳審。故出各有其名。心爲

紅點。肝爲水疱。肺爲膿疱。脾主結痂。惟腎居下。不受穢濁。所以獨無其證。若見瘡色黑陷。乃毒氣入腎。急投麝香人齒散救之。及一七金尤妙。此言五藏各有所主。及其發也。始焉壯熱腰痛咳嗽。面目皆赤。或乍涼乍熱。兩足微冷。有驚搐譫語者。有腹痛欲吐者。有頭痛煩渴者。六脈緊數。耳尻音俱冷。呵欠頓悶。至五六日。身出紅點。紅點成水疱。水疱成膿疱。膿疱之後。結痂。痂則瘡愈音矣。此證才見。似是而非。若同而異。疑貳之間。但以升麻湯加麻黃與之發表。及清肺飲。蓋肺主氣。王氏曰。豆瘡氣均則出快。故用之。仍不可過投。兼此疾首尾無下法。若下之必損脾胃。然萬物得土氣溫暖而生。下之則脾土虛冷。氣血無自而盛。故豆瘡因脾胃虛冷。而氣血亦衰。遂有伏陷之變。又內經云。諸痛癢瘡瘍。皆屬於心。雖各藏形證不同。而心實爲之主。心主血。因其血熱在裏。再遇六淫侵襲。兩相攻擊。自內而形於外。則發之爲豆瘡。未有不先見其血點。而後結膿疱。故其原出於心。或痛或癢。以分虛實。經曰。諸痛爲實。諸癢爲虛。切宜知此。不可妄投藥餌。若一出便齊者爲重。不齊者爲輕。以中和湯通順表裏。及耆歸湯催脹而已。既出不多。發之亦少。此爲本疏。不宜再發。有大熱者。以導赤葛散利小府。微熱者用呔咀五苓散。加人參甘草水。

煎。欲出不見者。快斑飲。久而不結。痂死者。是表有熱。盛蒸於皮膚。可用升麻湯加黃芩以解之。若豆瘡見形。有渴瀉吐痢。用陳氏木香散。異功散。豆蔻圓治之。有虛癢者。多服耆歸湯及中和湯。已上豆瘡。大約施治。不過如此。其餘雜證。預防之法。胡大卿陳文秀二公之書。該載詳備。或問升麻湯治豆瘡已發未發。皆可服。何如。愚曰。予每致思及此。屢見病家不循次序。不問可否。以爲常服。自取危困。良可嘆也。殊不知古人立方。深有意焉。但後學不能究心造微。以爲一定之方。誤人多矣。蓋未發之先可服。使其解利肌膚。自然出快。已發之際。便不可服。爲其藥性差涼。凝滯氣血。毒不能出。反以爲害。結痂之後可服。使其解散餘毒。氣順血和。免有豆癰之患。或問豆瘡倒靨。有用麝香人齒散作效。亦有不效者。何。予曰。其說有二。若見黑陷。毒氣入腎。腎色主黑。蓋齒者腎之餘。用麝齒之法。引導歸腎。而發出其毒。故效耳。及用一匕金救之。其效尤速。若見癢塌灰白色。脾虛所致。多投陳氏異功散取效。已上二證。各有主治。不可執一切。須詳審。或問豆瘡投紫草飲。固好。亦有不服者。曾子曰。處方之妙。在乎君臣佐使。後之醫者。不諳古法。令病家自取紫草。修合品味。或爲湯使入諸藥內。彼欲速效。而倍用恣飲。按本草云。紫草性

寒。小兒脾氣實者。或爾偶中。脾氣虛者。反以爲害。如戴氏方名紫草茸飲。後人訛傳此方。缺其茸字。蓋茸者春月纔生之芽。色澤而紅嫩。得陽氣之使然。以類觸類。所以用發豆瘡故效。但罕得嫩茸。後以紫草頭僅半寸者代之。卽與茸初萌處同類。今人不達其理。遽全用之。有脾虛者服之作瀉。瘡陷不救者多。予嘗目擊其事。深爲可傷。凡治豆瘡。不可不明此理。蓋戴氏紫草茸飲。內有人參、黃耆、當歸、白芍藥佐之。故用驗矣。或問。病豆瘡者。忌食粥然歟。予曰。此俗忌也。病家恐患者瘡爛如粥。故忌之。其實不然。毒氣自裏達表。滿口糜潰。乳食不能進。非以粥飲飼之。則脾土虛而豆瘡陷。必致不救。深可痛惜。予嘗調治此證。始終與粥。全活多矣。蓋粥者以米爲之。何毒之有。爲父母者。切宜知此。或問。禁食葷腥者何。予曰。此亦世俗拘執之論。天以五氣生萬物。人以五味養五藏。豆瘡之萌。始因藏受邪毒。感時氣而鬱發。自內達外。榮衛俱虛。裏氣亦弱。必藉五味葷腥。以爲滋補。使氣順血和。自然出快。但不可食動風發熱之物。以助毒氣。亢則必害。或問。豆瘡後與產後相類何如。予曰。蓋產後之婦。血脈傷損。榮衛大虛。敗血未盡。偶六淫侵襲。便致急證。亦有不救者。故郭氏著產後二十一論。正爲此設。且小兒豆瘡。一身精血皆

形於外。熱作脹痛。叫聲不已。耗損真氣。結痂後表裏俱虛。榮衛亦弱。餘毒未解。失於調護。暴感邪氣。多致夭傷。與產後傳變何異。在父母者。儻不究心。及此悔將噬臍。爲之晚矣。然有瘡少氣實。飲食如故。又不拘以此論。醫者宜審之。切勿例指爲虛也。凡豆瘡欲瘡愈音未瘡之間。傳變黑陷乾枯。咳嗽失音。吐瀉煩渴。渾身手足俱冷。睡則昏迷。飲食減少。及痰多氣促燥癢。皆爲不治。醫者宜察之。世言麻子者。亦疹毒也。經曰。疹屬於脾胃。爲脾之府。有疾則同矣。疹毒乃天行氣運變遷之使然。亦隨天地乖戾之氣而受病。故曰時氣。不拘長幼。身發大熱。咳嗽連聲。腰痛口乾。足冷。有寒熱腹痛者。有頭疼自痢者。有煩熱驚搐者。此熱使然也。但外證形於身體頭面。如蚊蚤所螫。五結發紅點而起頭。其瘡脚有紫黯色爲異耳。蓋因四時有非節之氣。著人肌膚。留而不去。再經外邪鬱蒸。與元受蘊熱相觸。毒氣遂發於外。形而爲疹。若熱太甚。則爲癰爲疽。爲赤紫丹瘤。傳入藏府。治之稍緩。亦致害人。有胎受穢液。熱毒蘊蓄於肺胃。因感時氣而發者。並以清肺飲疏表。及百解散去桂加黃連水煎。或餘毒之氣上蒸。口齒糜爛作臭。飲食不便。以當歸散加七寶散。入鹽水薑煎服。併牛蒡湯疏風化毒。若疹出盛時。頭痛肚熱。神思煩悶。麥門冬

湯主之。如夏月得此證者。煩躁發渴。小便少。神不安。投卻暑丹即效。有毒氣甚者。滿口成瘡。目赤腫痛。失音惡心。此餘毒在肺胃之間未解。致肺胃俱虛。肺虛則語聲不全。胃虛則飲食不納。急宜早治。若氣促心煩驚悸者。病必致危矣。世言此證有溫毒發斑。有胃爛發斑。若溫毒發斑。其癰疹如錦紋片。出於兩腋之下。蓋兩腋者。氣之道路。故蘊毒隨氣之道路而先出。其疾咳嗽煩悶。或嘔清水。此因冬時感冒寒毒。停於肌肉之間。至春陽氣發動。而形於外。名爲溫毒發斑。以百解散。牛蒡湯。及當歸散加陳皮。黃連爲治。胃爛發斑。初因傷寒下早。熱毒乘虛入裏。及當下而不下。亦致熱毒內蒸於胃。胃受熱毒。則發出於皮膚。斑之赤者可療。黑者十死一生。治法亦同前議。活人書以玄參升麻湯。大青四物湯。化斑湯爲治。大人小兒。病同一體。用藥施治。無逾古法。但小方分劑。則輕少不等耳。此證更宜投拔毒飲。升脈湯。前豆瘡餘毒發見。皮膚潰爛。治用黃土散。

陰囊腫

巢元方論曰。諸筋會於陰器。邪客於厥陰少陰之經。與冷氣相搏。則陰囊腫痛。而引縮。經中雖分四證。曰腸癰。氣癰。水癰。卵癰。然小兒患此。若治之不早。則成痼疾。

如腰曲腹痛。冷汗自出。而陰囊二子。弔縮入腹。痛止方出。名爲內弔。用烏梅散。勻氣散。金茱圓。金鈴散爲治。有陰莖全縮不見。有陰囊光腫不痛。此因肝腎氣虛。宜以橘子仁煎湯。調下金鈴散。勻氣散。皆可投之。內經曰。癰癰疝。膚脹者。陰亦盛。而脈脹不通。故曰癰癰疝。由是觀之。乃陰氣盛而致有此弔縮者。筋急也。筋遇寒則引縮。遇熱則縱弛。故三因所用方法。以寬小腸氣。疏風爲治。然小兒此證。多因坐陰潤之地。感風溼而得。用當歸散。加檳榔。蒼朮。水薑煎服。並青木香湯。鉤藤膏。外以立消散傳之。有外腎無故而膚囊腫大。不燥不痛。光亮如吹。此名氣虛所致。以勻氣散調治。三因方家韭子圓主之。一證外腎膚囊赤腫通明。及女兒陰戶腫脹。乃心熱之所傳。皆以木通散。導赤散爲治。或用薏苡仁煎湯。調五苓散。及以外消散傳之。併投天花散。用無灰酒煎下。不能飲者。水煎少入酒。同服亦好。

驚癰鶴膝

肝者。東方青龍木也。其動則應於風。病則主驚駭。諸熱引肝風。有風則生痰。有痰亦作搐。小兒驚風之際。手足動掣。當聽其自定。然後療之。免生異證。或父母見其病勢可畏。從而按伏之。豈知筋者肝之令也。臨病發時。若按束其手足。則筋不舒。

伸。遂至經絡爲風所閉。終爲廢人。內經曰。頑弱名緩風。疼重名溼痺。又有四肢痿痺不仁。致手足稍脹痛不堪忍者。此風毒之氣使然。故傳曰。風溼末疾是也。凡小兒心悸不常。及徧身腫痛。或手足不隨。此爲驚癰候也。若治之稍遲。至臂腕膝脛骨節之間。流結頑核。或膝大而腫。肉消骨露。如鶴膝之狀。或爲癰爲癰。此名鶴膝候也。已上形證。並宜發汗爲先。使腠理開通。則風熱可除。有溼亦去。用百解散和吹咀五苓散。倍加麻黃水。薑葱煎服。微得汗爲度。或以麻黃湯發散尤佳。次防己湯。祛風散。及獨活湯加桑寄生投服。並防風湯或黑虎丹。作小圓子間服。使風不生而痰不作。則其疾易瘳。音愈若爲癰爲癰。疼重者用黑牽牛半生半炒。略碾碎。煎無灰酒調下五苓散。以除流注之寒溼。則腫毒可消。如大府閉而不通。此是風熱內蘊。其右頤紅紫。及右手三部脈浮而實滑。宜五和湯。或當歸散。枳殼圓治之。其加減之法。尤在臨機審處。若泥一方。非良醫也。前證更宜間服排風湯。

癰癰

癰癰一證。先賢名曰九漏。究其所因。似熱。稽考形狀。非一。不過隨象命名。大概初發於頸項肌肉之間。未成膿者。從本引末。可使衰去。針之灸之。傳之。從其所因而

施療。然小兒幼弱。豈堪針灸。但以服餌塗貼之劑爲治。此疾多生於耳後及頸項兩旁。初發止是一枚。次必連生。大小十數。纏繞項下。累累如貫珠。逐箇先腫。作膿穿破。輕者可瘡。愈音重者難除。先穴漏膿。長歲不乾。謂之漏項。原其得病之初。自足三陽感受風熱。與血氣相搏而成。治以百解散。加當歸散。水薑葱燈心煎服。次用玄參飲。及牛蒡湯。木通散。內消圓。與之宣熱化毒。洗以櫟皮散。塗用白芨散。二香散。使氣順血行。膿乾汁盡。則自瘡矣。仍忌臊毒野味。其證不致再作。

五淋

巢氏病源曰。諸淋皆腎虛所致。腎與膀胱爲表裏。至水下入小腸。通於胞。行於陰而爲洩。腎氣通於陰。下流之道也。淋有五名。曰膏。曰冷。曰熱。曰血。曰石。各具於後。膏淋。見小便有肥脂似膏。而浮於小便之上。此腎虛不能制其肥液而下行也。冷淋。先戰慄而後小便。此亦腎虛而下焦受冷。冷氣入胞。與正氣交爭。故小便澀而戰慄。熱淋。下焦有熱。熱氣傳於腎。流入於胞。其溺黃多而澀。間有鮮血同來者。血淋。熱之極也。心者血之主。外行經絡。內行藏府。熱盛則失其常道。心與小腸爲表裏。故下流而入於胞。則爲血淋。石淋。腎主水。水結則化爲石。腎爲熱

所乘。遇小便則莖中痛。不得流利。痛引小腹。則沙石從小便出。甚至塞痛。令人昏悶。偏身有汗而後醒。此痛之使然。蓋五淋者。雖曰腎虛所致。然小腸爲受盛之府。氣通於膀胱。膀胱爲津液之府。氣通於腎。餘化下流而不通。皆曰腎氣不足。熱入膀胱。水道澀而不利。出入起數。臍腹急痛。蘊作有時。或如豆汁膏血。並以局方五淋散。下龍腦雞蘇圓。自然平瘡。音愈及香芎圓。補腎地黃圓。與之疏導補益爲上。有癰閉遺溺二證。與淋不同。內經宣明五氣篇曰。膀胱不利爲癰。不約爲遺溺。蓋癰者。乃內藏氣虛受熱。壅滯宣化不行。非澀非痛。但閉不通。腹肚緊滿。宜用呔咀五苓散。加木通。車前子煎服。遺溺者。乃心腎傳送失度。小腸膀胱關鍵不能約束。有睡夢而遺者。有不知而遺者。皆是下元虛冷所致。亦因稟受陽氣不足。用三因方家韭子圓治之。及參苓白朮散。補腎地黃圓。然此證法當實土以存水。乃免滲泄之患。所謂補腎不如補脾是也。平胃散倍加益智仁。剉碎。水薑棗燒鹽煎。空心溫服。又有陰陽二閉證。陰閉者。爲冷溼乘虛入裏。因而不通。名曰陰閉。以白芍藥湯加南木香。水煎服。及用炒鹽以絹帕兜令帶溫熨臍四圍。併投五苓散。入靈砂末。溫鹽湯空心調下。其效尤速。陽閉者。因暴熱所逼。澀而不通。名爲陽閉。以呔

咀五苓散、加車前子。燈心水煎服。及木通散、玉露飲、益元散。皆可用之。或貼薑豉餅於臍上取效。不拘陰陽二證。悉能療之。併投萬安飲。

腹痛

內經舉痛論。五藏卒然而痛者。何氣使然。岐伯曰。經脈流行不止。環周不休。寒氣入經則稽遲。泣音而不行。故卒然而痛。蓋小兒腹痛。有藏寒痛。鎖肚痛。盤腸內串痛。積痛。癥瘕痛。疝痛。疝痛。弔腎痛。偏墜氣。寒疝痛。虬音動痛。諸痛不同。其名亦異。故不可一概論之。藏寒痛議。附胎寒論後。鎖肚痛。一月內嬰孩。忽乳不下。咽肚硬如石。赤如朱。撮口而哭。面青脣黑。手足口氣俱冷。是也。始因斷臍帶不緊。為風冷所乘。證亦危急。以白芍藥湯、烏梅散。一字金投之。日久則難瘳。音更參考臍風證內議論。盤腸內弔痛。議在夜啼論中。積痛。腹中陰陰而痛。面黃不食。兒大者口吐酸醜氣。先治積滯。後調脾胃。其痛自止。仍辨虛實和解治法。見前傷積論中。癥瘕痛。乃久積所致。亦能成疳。此皆榮衛俱虛。外則感受風寒。內則過傷乳食。停滯既久。不能剋化。故邪併於陰為癥。陰則專靜凝而不移。邪併於陽為瘕。假物象形。動而不息。蓋此二證。若久而不治。亦成脾疳積。或兩脇間有塊如石。

按之則痛。不按則輕。或面黃肌瘦。肚硬而脹。及有青筋。晝涼夜熱。蒸潮無時。乳食減少。愛喫泥土。或大便釀瀉。痛則身冷如冰。法當調脾養胃。用醒脾散。參苓白朮散。磨積理疳。用化癖圓。三稜散。木香莪朮圓。治釀瀉。沒石子圓。沉香檳榔圓。然此積滯之疾。非匕劑可療。必須次第調理。則日久自然平復。疔痛者。始則腹內一小長塊。其硬如臂。從腰纏轉。或左或右。良久痛甚。則見於皮下。不妨乳食。其證先因有疾。表解未盡。遽爾下之太過。氣虛寒搏鬱結而成。法宜益氣理虛。用參苓白朮散。沉香檳榔圓。木香莪朮圓爲治。或間投白芍藥湯。加人參。茯苓。水薑煎服。癖痛者。癥瘕疔癖四證大同小異。各有治法。惟癖證詳論在前。弔腎偏墜痛。論在陰囊腫證內。當理腎和氣。寒疝痛。卽在疝證論中詳備。虯蟲動痛。口吐清水涎沫。或吐出蟲。痛不堪忍。其疾因食甘肥葷腥太早而得。故胃寒蟲動作痛。其蟲吐來。或生或死。兒小者此痛苦甚。亦致危難。先以理中湯加烏梅。水煎服。使胃暖不逆。次蘆薈圓。使君子圓。化蟲飲主之。有兒大者。面眇白而間黃色。肉食倍進。肌體消瘦。腹中時復作痛。此有血鼈。虯蟲雜乎其間。以二聖圓下之。又有胃受極寒極熱。亦令蟲動。或微痛。或不痛。遽然吐出。法當安蟲爲上。若以治蟲。反傷胃。

氣固不可也。因寒而動者。用理中湯加烏梅。水煎服。因熱而動者。用呶咀五苓散。亦加烏梅。水薑煎投。

丁奚

丁奚者。亦久積成疳之證。皆因飲食過傷於脾胃。脾胃虛。不能磨化飲食。飲食漸減。無以生其氣血。面白色慘。潮熱往來。腹大而多青筋。手足如筒。顛顛開解。頸項小而身黃瘦。先投萬應圓。次參苓白朮散。早晨一服。與養胃氣及醍醐散。進食。食後下烏犀圓三粒。至五粒。助脾化食。此即用迎奪之法。間投醒脾散。沉香檳榔圓。木香莪朮圓。次第調理。有渴瀉腹痛。千金膏自好。若脾氣稍和。飲食漸進。再以化癖圓。快活圓常服。或用烏犀圓略下二三行。勻氣散止補。有寒熱往來。柴胡飲主之。腹脹投南星腹皮飲。有餘熱麥芽柳枝煎湯。調三解散。有蟲下。使君子圓。故斯疾得之。非一朝一夕。然施治之法。亦須漸漸令其平復。欲求速效。則爲難矣。凡雞酒羊麵魚鮓甘甜生冷毒物。宜忌之。哺露者。亦由乳哺不節。損於脾胃。脾胃損而飲食減。形容羸瘦。則藏府之氣不能宣通。時間有熱。謂之哺露。此候與丁奚相去不遠。但食多吐逆。藏氣虛冷。而泄瀉無度。糞中有蟲。治法同前。丁奚證藥。惟加

養藏湯服之。

口瘡

口瘡一證。形與名不同。故治法亦異。有發於未病之前。有生於已病之後。大抵此疾不拘肥瘦。有血氣盛者。又加將養過溫。或心脾二經有熱。或客熱在胃。熏逼上焦。而成其瘡。此爲實證。宜宣熱拔毒。使無炎熾。自然作效。可用當歸散。加升麻、乾葛、黃芩、水、薑、葱、燈心煎服。及投牛蒡湯、拔毒飲、木通散。點以消黃散。若口內白爛。於舌上口外糜潰。於脣弦瘡少而大。不甚爲痛。常流清水。此因脾胃虛熱上蒸。內已先發。而後形於外。宜百解散疏表。當歸散、水、薑、棗煎服。和胃氣。理虛熱。次投牛蒡湯。三解散。塗以綠袍散。立效。飲黃金散。或投天竺黃散、地黃膏。若瘡生於口角。是脾有積熱。才開口則燥痛。飲食多難。甚至再有外風吹著。便覺折裂。微有清血。謂之燕吻瘡。治法同前藥餌。輕者用甌蓋上炊流汁塗之。亦驗。有口脣下成小片赤爛。此因飲食膩汁。淋漓不潔。蓋以嬰兒皮肉脆嫩。浸漬成瘡。及有風熱乘之。名曰承漿瘡。又謂之疳蝕瘡。其所因者一也。治法同前證內藥劑。有無故口臭糜潰。而不成瘡。或服涼劑。或塗末藥。不能療者。此名元焦。故叔和脈訣云。陰

數脾熱。並口臭。是脾家有虛熱。上攻於口。宜服回陽散。兒大者用黑錫丹。早食前新汲井水入鹽少許調勻送下。與正元氣及參苓白朮散調元散服之以立效。飲黃金散。乾點潰爛處。或用蒸蜜同熟水調點舌上。令其自化。嚥下無妨。誠良法也。仍忌毒物。

諸瘡

內經曰。諸痛癢瘡瘍。皆屬心火。火鬱內發。致有斯疾。蓋心主乎血。血熱生風。熱鬱內甚。遞相傳襲。故火能生土。血注陽明。主肌肉。風熱與血熱相搏。發見皮膚。其名不一。有黃膿而白者。土生金。母歸子也。始生微癢。而熱輕。腫痛潰爛。為熱極。血凝化水。氣滯成膿。甚至寒熱作。而飲食減。尤為可慮。宜宣泄風毒。涼心經。解胃熱。用當歸散。加黃連、升麻、乾葛、水、薑、葱、燈心煎服。及三解散、牛蒡湯、木通散間服。塗以四黃散、一抹金。若頭上散生成片。常常燥癢。毛髮稀少。有類白屑。此因積熱上攻。名曰禿瘡。瘡雖生於頭。世人只知以藥外傳得瘡。愈不逾旬月。其瘡又發。何為而然。蓋頭者諸陽所會之處。洪範五行。火曰炎上。熱毒上攻。兩陽相灼。故瘡生於頭。法當解陳莖_音之積熱。導心經之煩燎。_音斯可矣。宜百解散。倍加五和湯、水、薑

葱、燈心煎服。次連牀散塗之。及四黃散亦好。有偏身糜潰成片。甚至煩躁。衣不可著。蓋因風火內鬱於陽明。流毒於外。名曰風熱瘡。用百解散。加五和湯。入何首烏、荊芥、白芷水煎服。及牛蒡湯、當歸散、木通散、五黃湯、疏滌腸胃。解散風熱。其瘡自瘳。愈音不致再生。外則塗以四黃散。或連牀散亦佳。若見滿頭連額有痂如癩。或成黃膿。即是驚風積熱。久滯在裏。致上熏於頭皮。名胎風瘡。俗曰甜瘡。亦以百解散先和表。次水晶丹去積疏風。或用烏犀圓與之寬利。勻氣散止補。然後塗以連牀散、四黃散。或投消毒飲。自然獲安。更隨稟賦虛實療之。應湯火瘡。先用羌活散發表。次以玄霜膏塗之。即效。

目疾

純陽之子。始生旬月。忽兩目俱紅。弦爛澀癢成翳。此因在胎。為母感受風熱。傳於心肝而得。先以百解散。加當歸散。水薑、燈心煎服。次導赤散及牛蒡湯加黃連、木賊、蟬殼水煎服。自效。有熱極夾風。則目赤腫痛。晝夜不開。驚啼不已。先用九仙散、水薑、葱煎投。次三解散。溫米泔水調下。及點以黃連膏。若豆瘡之後。眼生翳障。昏澀流淚。或浮腫不開。此豆瘡餘毒攻肝。投百解散。少加五和湯。水薑、燈心煎

服。次用牛蒡湯解之。洗以黃金散。及多投柿煎散。有豆瘡後眼中成翳。或大或小。無非餘毒使然。亦用牛蒡湯及柑桔湯。加蟬殼、白蜜水煎服。次以金波散、黃金散。無時頻洗。更詳虛實爲治。並羌活散。加薄荷、穀精草、白菊花、水、燈心、薑皮煎投。間以糖煎散服。若天行時證。暴赤腫痛。晝夜苦甚。久則昏矇。治法先以九仙散解表。次小柴胡湯去半夏。加大黃、薄荷、竹葉、生地黃水煎服。併投草龍膽散。及點用黃連膏貼以清涼膏。有孩兒胃氣表虛。脾氣實盛。眼胞赤腫。羞澀不開。遽投苦寒之劑。以退赤腫。反傷脾胃。不吐則瀉。或四肢微冷。復以溫藥調治。則目疾轉加。宜先用吹咀五苓散水。薑、燈心煎服。次投瀉黃散自瘉。音愈有心脾蘊熱經久。及肝受邪熱。致兩目羞明。眼胞浮腫。微有紫色。大府閉或流利。小便澀或通順。先以百解散發表。次投明目飲。自然平復。仍忌酒葷三五日。有小兒薄劣。多致塵埃入目。揩摩成腫。發熱作痛。啼哭不已。宜用辟塵膏治之立效。

丹毒

經云。赤紫丹瘤。皆心火內鬱而發。赤如丹砂。故名丹毒。心主血而火性熱。血熱相搏。陰滯於陽。卽發丹毒。心虛寒則癢。心實熱則痛。自腹生出四肢者易治。自四肢

生入腹者難療。先用百解散表之。次以當歸散。加連翹、荊芥、水煎服。及牛蒡湯加炒麻仁。研碎同煎。與宣熱拔毒。其次赤葛散。或初用化丹湯亦好。有身上發時。亦如前證。不甚燥癢。但見出浮於徧體。神昏不悅。名陰溼毒證。先以沖和飲加南木香水。薑煎服。次用當歸散。雄黃散。然此二證。不問赤白。若入腹入腎。多致爲害。不可輕視如常。自取困爾。

重舌

凡患此證。是脾與心肝屢受極熱。有所謂重舌、木舌。又謂之舌黃、鵝口。名雖異。皆熱也。大抵重舌生於舌下。挺露如舌。故曰重舌。然脾之絡脈係舌旁。肝之絡脈係舌本。心之絡脈係舌根。凡此三經。或爲溼熱風寒所中。則舌卷音捲縮。或舒長。或腫滿。宜消黃散、綠袍散主之。及當歸散、羌活散與服。木舌者。舌腫硬而妨乳食。此爲風熱盛也。以當歸瀉黃散、玉露飲。皆可服之。次消黃散點擦舌上。蓋舌者心之官。心熱則生瘡破裂。肝壅則血出如湧。脾閉則白胎如雪。熱則腫滿。風則強木。口合不開。四肢壯熱。氣喘語澀。卽其候也。治法涼解上焦。及心肝脾三經邪熱。疏風化痰。初用百解散。加五和湯、水、薑、燈心煎投。次以牛蒡湯同當歸散。入生地黃水。

薑煎服。鵝口者。始生嬰兒。自一月之外。至半歲已上。忽口內白屑滿舌。則上膠戴礙。狀如鵝口。開而不合。語聲不出。飲食多艱。亦因感受熱毒。停積於脾。故上蒸於舌。至極時藥不能頓治。急以絹線扎針嘴。約以粟穀長。刺破舌上下小疱。如芥子大。見黃水清血微出。卽減。方投前證內藥同服。及以硃砂膏。地黃膏。調化塗點舌上。嚥下無妨。或消黃散亦好。

五軟

戴氏論五軟證。名曰胎怯。良由父精不足。母血素衰而得。誠哉是言。以愚推之。有因母血海久冷。用藥強補而孕者。有受胎而母多疾者。或其父好色貪酒。氣體虛弱。或年事已邁。而後見子。有日月不足而生者。或服墮胎之劑不去。而竟成孕者。徒爾耗傷真氣。苟或有生。譬諸陰地淺土之草。雖有發生。而暢茂者少。又如培植樹木。動搖其根。而成者鮮矣。由是論之。嬰孩怯弱。不耐寒暑。縱使成人。亦多有疾。爰自降生之後。精髓不充。筋骨痿弱。肌肉虛瘦。神色昏慢。才爲六淫所侵。便致頭項手足身軟。是名五軟。治法用調元散補腎。地黃圓漸次調養。日久乃安。若投藥不效。亦爲廢人。有小兒體肥容壯。不爲瘦瘁。忽然項軟傾倒。此名下竄。皆因肝

腎氣虛。客邪侵襲風府。傳於筋骨。故成斯疾。蓋肝主乎筋。腎主乎骨。筋骨俱弱。則項軟垂下無力。又名天柱倒。與五軟相類不遠。治同前藥。有解顱一證。其顱縫不合。此腎氣不足。腎主骨而腦爲髓海。腎氣不足。則腦髓不滿。故不合也。名曰解顱。凡得此候。不及千日之內。間有數歲者。偶因他疾攻激。遂成廢人。若氣色精明。能飲食者。多服調元散。補腎地黃圓。旬月內頗見效者。次第調理。或有可治。若投藥後如故。亦難療矣。世言顱腫皆以爲熱。殊不知有陰陽二證。切宜詳辨。堅硬爲陰。紅軟爲陽。故嬰孩寶書云。寒氣上衝則牢。鞣音熱氣上衝則柔軟。正此之謂。若陰證。以勻氣散。理中湯主之。陽證。用玉露飲。當歸散。防風湯爲治。有顱陷者。虛之極也。胃氣虛寒則顱陷。慢驚中有之。胃寒脾困吐瀉者爲虛極。急以金液丹。固真湯。及諸救元等藥治之。外則貼以烏附膏。有後枕陷者。其證尤重。治法以顱陷藥同。不效亦爲難療。此大虛極。百無一活耳。

諸汗

汗者。心之液。故叔和心臟歌曰。液汗通皮潤。聲言爽氣清。蓋人之氣血。猶水火也。平則寧。偏則病。陰虛陽必痿。則發熱自汗。陽虛陰必乘。則發厥自汗。小兒脾虛自

汗多出額上。沾黏人手。速救胃氣。全蠍觀音散。用薑棗煎湯調服。及沉香飲爲治。脾虛瀉自汗。徧身冷而出。有時遇瀉則無。瀉過卽有此候。大虛急當補脾。投益黃散。參苓白朮散。附子理中湯。肺虛自汗。其候右臉色多眊白。肺脈按之無力。蓋久因咳嗽。連聲不已。痰少不活。乃肺經虛氣上壅。致令汗出。宜用補肺散爲治。及以藿香飲調脾。此又益母救子之義也。慢驚自汗。徧體俱有。其冷如冰。此證已危。金液丹。固真湯主之。有實證自汗。外因感冒風邪發熱。無問昏醒。浸浸汗出。當救表解肌。用百解散。水煎服。或間投五苓散。溫白湯調下。有小兒無疾。睡中徧身汗出如水。覺而經久不乾。此名積證盜汗。脾冷所致。用三稜散。水煨薑煎服。次投益黃散。參苓白朮散。有時時冷汗微出。髮根如貫珠。面額上微戰然。此爲驚汗證。宜鎮驚圓。或琥珀抱龍圓。及扶神湯。加麻黃根。水煎服。取效。有夜睡中而汗自出者。名曰盜汗。巢元方論云。病因睡寐中而身體汗流。此因陽虛所致。久不已者。令人羸瘠枯瘦。心氣不足。津液妄出故也。用扶神湯。加黃耆。水薑棗燒鹽煎服。

黃證

凡黃病者。不可一概而論。標本不同。證治亦異。故嬰孩寶書云。黃病皆因胃熱所爲。由是觀之。乃脾胃氣虛。感受溼熱。鬱於腠理。淫於皮膚。蘊積成黃。熏發於外。故有此證。或脾胃虛弱。內因癥癖攻之而成。然疳瀉亦主皮黃髮豎。肚大青筋。肌肉消瘦。外無色澤。身必發黃。此又本於疳病而作。致有是證。治法若感溼熱而得身黃如烟熏之色。以吖咀五苓散。加麻黃水薑煎投。汗之即瘳。音愈或用茵陳蒿湯調下五苓散亦好。若得於疳癖者。其形如黃土相類。以醒脾散。化癖圓。醒脾快胃。磨積理疳。胃氣既和。飲食倍進。運化精微。榮養百骸。灌溉藏府。五色各見於本部。精華乃形於面貌。其黃自除。有嬰孩生下。便見徧體俱黃。惟兩目弦厚如金色。身發壯熱。名爲胎黃。皆因未產之前。母受極熱而傳於胎。故有其證。乳母宜服生地黃湯。使藥入於乳。令兒飲之。必獲安矣。

失血

小兒九道出血。何爲而然。蓋人之所有者。血與氣也。心者血之主。肺者氣之主。氣主呵之。血主濡之。榮養百骸。灌溉孫脈。升降上下。榮衛諧和。自然順適。一或不調。疾由生矣。或外爲六淫所侵。內因七情所汨。氣乃留而不行。血乃壅而不濡。內外

抑鬱。不能流注。以榮於身。必有妄動之患。叔和以芤脈爲失血之義。在七表屬陽故也。陽明主乎多氣多血。未有不因熱而得。蓋氣血俱熱。毒鬱內逼。失其常度。是以妄行。有在襁褓患此證者。因非七情所傷。皆因乳母執著。不自寬釋。及啖辛辣之味。流於乳絡。兒飲之後。停滯不散。鬱蒸於內。亦能動血。又或居重幃暖閣。火氣熏逼。不令常見風日。積溫成熱。或極則湧泄。或吐或衄。或大小府亦多血來者。有氣出而邪熱乘之。則血不得循流故道。滲於諸經。亦生走失之證。其面眊白。脈沉微。血淡紫。口氣緩是也。又况嬰孩脆弱。易虛易實。因熱內攻。血隨氣行。或壅而上逆。或下而忘返。遂有吐血。衄血。瀉血。溺血之證。然而血不自動。因氣使之。風不自生。因熱而起。由是而論。可以類推。治法先明虛實。審得病源。隨經施治。藥餌無差。則不失其機要。實則小柴胡湯。加生地黃。絲茅根。或苦參亦好。並用水煎服。或呔咀五苓散。合五和湯。亦加絲茅根。苦參水煎。及投消毒飲。次用局方鷄蘇圓。三黃圓。間服。虛則理中湯。及人參芎歸湯。皆可服。間有醫者。見其血盛。以爲熱極。過投涼劑。遂使血寒。不能歸源而妄流。其色紫黯而凝滯。或成小片。當服薑附之劑。以溫之。自然流暢。毋致妄行爲佳。

不內外因

愚嘗論十歲以上小兒。飲酒啖熱。因熱動血。醉飽掬擲。胃脘吐血。甚至鼻口俱出。此非內因外因之使然。乃自取過耳。治法先用百解散去桂。加黃連、水、葱、燈心煎服。疏利熱毒。次以小柴胡湯。加生地黃。或藕節、水、薑煎下。定吐止血。其證自除。有長成小兒。偶因他物自傷。或戲走失足。觸損兩目。血脹腫痛。晝輕夜重。投速效飲即快。仍忌鷄酒、羊、麵三五日。庶易瘥也。有因飲食中誤吞骨鯁。吐不出。嚥不下。氣鬱生痰。痰裹其骨。內則作痛。外則浮腫。啼聲似啞。亦爲可慮。投備急散取效。有孩兒貪劣。因弄刀錐。或乘高墮地。致傷皮破血出。輕者先用桃花散傅之。仍服活血散以勻其血。毋使作膿。潰爛肌肉。有僅十五歲者。恃其血氣方剛。惟務馳騁。多致落馬墮車。或鬪很跌折肢體。一切損證。及毒蟲惡獸所傷。此又世醫各有專科。茲不繁引。

小兒常安

康節曰。與其病後求良藥。不若病前能自防。然致疾之始。必有所因。大凡幼穉。要其常安。在乎謹寒暄。節飲食。夫復何慮。每見嬰孩目有所覩。心有所欲。但不能

言惟啼泣而已。父母不察其詳。便謂飢渴。遽哺之以乳食。強之以雜味。不亦多乎。有數歲者。嬌惜太過。不問生冷甘肥時果。聽其貪食。豈能知足。愛之實以害之。遂傷脾胃。不吐則瀉。或成疳積浮腫。傳作異證。此則得於太飽之故。有遇清朝薄暮。偶見陰晦。便加以厚衣重衾。或近於紅爐烈焰。又且拘之懷抱。惟恐受冷。及長成者。所愛亦復如是。遂致積溫成熱。熱極生風。面赤脣紅。驚掣煩躁。變證多出。此乃失於太暖之故。殊不知忍一分飢。勝服調脾之劑。耐一分寒。不須發表之功。余故曰。孩提之童。食不可過傷。衣不可太厚。此安樂法也。爲父母者。切宜深省。

拾遺

論小方脈數差殊

宣和御醫戴克臣侍翰林曰。得叔和小兒脈訣印本二集。一本云。呼吸須將六至看。一本云。呼吸須將八至看。遂與內臺高識參詳字義。審察至數。就診五歲兒常脈。一息六至者是。八至者非。蓋因鏤板之際。誤去六字上一點一畫。下與八字相類。致此訛傳。迨與卒以學易。作五十以學易之誤是也。嘗考默庵張氏脈訣亦云。

小兒常脈一息只多大人二至爲平。卽六至也。然一呼一吸之間。六至明矣。不然。姑俟來者考之。

辨藥病不相主對

鄭氏議古人醫書。不能無失。如錢氏治慢驚用括樓湯。與病不相主對。是謂之失。以愚觀之。所傳藥性。醫者之通曉。縱有前證。未必肯用。但不容不講明耳。殊不知錢氏旣沒之後。其書成於仕路。故人閻孝忠編集刊行。屢經異代。況錢氏儒醫。名聞朝野。施治之法。如珠在貫。未嘗少差。鄭氏所指慢驚誤用括樓湯。然本方下明載治肺熱涎盛。非爲慢驚之設。閻孝忠豈不知此。其或居官錄梓之日。失於參考。訛傳此劑。致有前議。今歷年已遠。卒難校正。若論五藏補瀉之妙。卻無瑕可指。及諸雜方。有功於世。不爲不多。直訣一書。信不誣矣。

治豆瘡不應疏利

張氏治小兒豆瘡法。若才覺是其證。便當疏利。又云。若才見出時。皆不可轉利。自立兩說。遂使後人多生疑惑。以何爲當。此張氏之論別矣。劉茂先曰。嬰孺豆瘡一證屬裏。首尾無下法。若下之則裏虛。毒氣何由而發泄。必至傳變。大要愛護。庶獲

全安。此茂先之言是也。然後學不可執一而取。當擇其善者而從之。亦有孩兒稟賦素實。豆瘡出見。徧體紅壯光澤。飲食快順無外證。自然效速。如俗用符水神藥。皆非良法。慎勿輕信耳。

評非時用附子大黃

前賢議曰。小兒證候。最易虛易實。要施治得宜。如隆暑戒用附子。隆寒戒用大黃。若用之。是實實虛虛。損不足而益有餘。此亦理到之論。以愚評之。拘一法者。不足以善兵。泥一說者。不足以善學。在乎通變而已。記嘗城居。侯自牧次子五歲。盛夏泄瀉。面垢煩渴。耳尻冷。驚悸多。診其心肝脈浮而洪大。脾肺脈虛而細數。予曰。面垢渴瀉。脈虛細數者。此中暑也。驚悸發熱。耳尻俱冷。心肝脈洪大者。此豆瘡欲作也。先服黃連香薷散。解利暑氣。續投陳氏異功散。再加附子。與之實脾。二日瀉止。三日瘡見。不旬餘而收全功。此隆暑用附子之效也。又本路總管楊侯幼子四歲。臘月得患驚風搐掣。諸醫調治。前證俱解。但神昏不食。四肢微冷。已五日矣。前醫用醒脾助陽之藥。不一而足。余診六脈。獨脾脈沉滑。餘脈微緩。脾脈沉而滑者。此積蘊在脾。乃為脾約。當主大便秘不利。非陰厥也。彼曰。然。遂用瀉黃散加大黃水煎。

併三服。大府一通。神氣清而飲食進。隨獲安可。此隆寒用大黃之功也。用藥如用兵。當用豈容自己。如五月渡瀘。雪夜平蔡。何待秋高馬肥而後爲之。若拘以四時取用。則兵藥無成功矣。愚不敏。歷醫五十餘載。凡調理旬月外。嬰孩有病。所用寒涼溫燥之劑。必先明標本。辨虛實。然後處之以藥。屢試輒效。此特又在察色聽聲。心誠求之而得。非假脈取。三歲之上小兒。以色合脈。尤其爲妙。嘗用已驗活法。拯療諸疾。危而復安者多矣。姑以楊侯二家疑難之證。詳述於前。非矜能也。

明小兒四證八候

四證者。驚風痰熱是也。八候者。搐搦掣顫。反引竄視是也。搐者兩手伸縮。搦者十指開合。掣者勢如相撲。顫者頭偏不正。反者身仰向後。引者臂若開弓。竄者目直似怒。視者睛露不活。四證已備。八候生焉。四證既無。八候安有。專是業者。可不究心及此。脈病證治。明有條類。大抵嬰孩得疾。如火燎原。撲之在微。不致有延蔓之盛。療病亦然。若初覺是受驚傷風發熱。便與疏解。何患有傳變之誤。所謂閹門之盜。不可以固留。逆流之水。不可以順決。此有疾在謹初之意也。

治暑風用藥次序

衡州萬戶張侯寓屯田日。長子三歲。六月得患。不語。手足痿縮。已經二旬。命余至。彼諸醫議論不一。觀外形面垢有熱。氣促流涎。口眼喎斜。不省人事。次則手足俱冷而痿縮。身臂反張。診六脈沉。按而取。獨心肝脈虛而細數。餘脈緩弱。余曰。面垢色脈細數。此因中暑感風。前賢所謂暑風者是也。手足冷縮而不伸。或服涼劑太過。寒之使然。若手足溫。其效自速。愚以治法分陰陽。順乎氣。五苓散加寬氣飲。薑汁沸湯調下三服。其證稍慢。次疏風和榮衛。百解散加荊芥、人參、當歸、水、薑煎投。隨以溫灰湯澆洗手足。藥一服。洗一次。至八九次。手足溫則血活。血活則筋舒。筋舒則手足運動如常。餘熱未除。消暑清心飲主之。聲音不全。二聖散取效。調理惟用萬安飲。恰九日前證俱減。張侯曰。此子更生。端藉藥力。不敢忘也。因筆漫紀。後有是證。倣此活人。亦方便心矣。

爲醫要量大見高

元貞乙未春。有王千戶來自廣西。安船河下。一子僅二周。患頭痛。服藥針灸不效。召以診視。色脈俱好。惟額上微紅。以手法驗之。大哭淚下。其母怒而見給。愚亦置之勿論。但究心以病爲事。再問當間得證之因。千戶云。初在靜江。大風吹篷撲著。

便不快。予曰。此疾若令細揣頭上。便知其證。彼諾之。遂遣家人出外探親。其父自抱手揣之。果有小篾籤刺在顙上皮下。卽蓬籤也。以酥油潤透。用摘鑷取出。痛定卽安。若初以匹婦饒舌而退。則及幼之心不溥矣。後之醫流。儻見嬰孩色脈好而病者。用藥不應。必有他故。宜究心推原。切勿拘泥可也。

遇諸塗救治驚風

大德戊戌夏。因幹出郭。至五里外。見有夫婦二人。抱子而哭於道旁。問之。答曰。入城探親。三歲孩兒。忽得驚風。不省人事。觀其面青黯色。目閉神昏。診之六脈全無。按太衝脈沉而微有。余顧曰。毋慮。此子可救。且左右竟無人家。遂於路側拾得破盃半邊。有薑小塊。細嚼捻汁。盃中用五苓散、蘇合香丸。寬氣飲。澆水調和灌下。十數次。方覺氣回。聲出目開。自此蘇矣。漫附卷末。同志鑒之。

活幼心書

元 衡陽 曾世榮德顯編次

鄞縣 曹赤電炳章圈校

卷下 信效方

湯散門

湯類

日生湯

治吐瀉痢後。將傳慢驚慢脾。神昏脈弱。飲食不進。睡露揚睛。晝輕夜重。急宜投解。

北南星一兩剉破瓦器盛東壁土同醋煮少時濾乾切片焙 人參去蘆 冬瓜子仁

右件咬咀。每服二錢。水一盞半。薑三片。慢火煎七分。候溫無時少與緩服。投之急必吐。

此後應諸湯散圓劑。所述服藥次序。不過言其大略。然煎煮調化。分數湯使下

法。尤在臨時量兒大小。以意加減。或多或少。隨病輕重用之。餘皆倣此。再不繁引。

牛蒡湯

主傷風發熱煩躁。鼻塞氣喘。痰嗽驚啼。及諸瘡赤紫丹毒。咽喉腫痛。

牛蒡子三兩略少研碎

大黃半兩

防風去蘆

薄荷去老梗二味各一兩

荊芥去根老梗四兩

甘草一兩一錢半

右件咬咀。每服二錢。水一盞煎七分。無時溫服。

黃芩四物湯

理諸瘡丹毒。赤瘤燥癢。

黃芩一兩

當歸酒洗

生乾地黄

赤芍藥

川芎四味各半兩

何首烏去粗皮

草烏炮去皮

玄參三錢半

甘草六錢

薄荷葉二錢

右件咬咀。每服二錢。水一盞煎七分。無時溫服。

耆歸湯

治小兒稟賦素弱。豆瘡出不快者。及肝虛目視不明。

黃耆一兩蜜炙

當歸酒洗

白芍藥

川芎三味各半兩

甘草三錢炙

右件咬咀。每服二錢。水一盞。煎七分。無時溫服。

枳實湯

主傷風傷寒。胸滿氣促。咳嗽不活。食多夾痰吐出。

枳實去瓢剉片麥

赤茯苓去皮二味各半兩

甘草六錢

半夏七錢湯煮乾

桔梗七錢半剉炒

右件咬咀。每服二錢。水一盞。薑二片。煎七分。無時溫服。

小柴胡湯

治傷寒溫病。身熱惡風。胸滿脇痛。煩渴嘔噦。小便不利。大便秘硬。能解表裏邪毒。

痰嗽氣喘。

柴胡去蘆二兩

半夏如前製

黃芩

人參去蘆

甘草四味各七錢半

右件咬咀。每服二錢。水一盞。薑二片。棗一枚。煎七分。無時溫服。或去棗。加薄荷同煎。

防己湯

治感冒風溼之氣。失於解表。流注兩足疼痛。至兩膝浮腫。不能屈伸。傳成癱瘓。

防己去黑皮

麻黃去節存根功全表裏

薄荷去粗皮三

赤芍藥一兩

赤茯苓去皮一兩

蒼朮米泔水浸一宿去粗皮瀝乾

甘草炙七錢半

右件咬咀。每服二錢。水一盞。薑二片。葱一根。煎七分。空心熱服。或入薤白同煎。

防風湯

治急驚後。餘熱未退。時復手足搐掣。心悸不寧。及風邪中入肺經。兩目視人。開眵不常。

防風去蘆

川芎

大黃

白芷

黃芩

甘草六味各半兩

細辛去葉二錢

薄荷葉二錢半

右件剉焙爲末。每服一錢。用溫湯無時調服。

知母湯

治齁齧氣喘。痰鳴發熱。咳嗽惡風。

知母

甘草二味各半兩

貝母

羌活

滑石別研

大黃

小麥子五味各三錢

麻黃如前製

苦葶藶

訶子肉三錢各一錢半

薄荷去梗二錢

右件咬咀。每服二錢。水一盞。薑二片。煎七分。無時溫服。

白芍藥湯

治冷疝腹痛。及誤汗誤下。卽壞證傷寒是也。並宜先服。次投對證之劑。

白芍藥一兩半

澤瀉去粗皮七錢半

甘草炙三錢

薄荷桂去粗皮一錢半

右件咬咀。每服二錢。水一盞。煎七分。空心溫服。誤汗誤下。加人參、南木香各二錢。臍下痛。入生薑及鹽同煎。加鉤藤亦好。

茯苓厚朴湯

主傷寒傷風。夾痰嘔逆。並吐瀉後。喉涎牽響。飲食減少。脾胃氣虛。

白茯苓去皮

半夏如前製二味各七錢半

甘草炙三錢

厚

朴五錢去粗皮剉碎每一斤用生薑一斤薄片切爛杵拌勻釀一宿慢火炒乾用

右件咬咀每服二錢水一盞半薑三片煎七分無時溫服。或加棗一枚去核同煎。

扶神湯

治心氣不足。虛而驚悸。日常煩哭。及嬰孩生下。羸瘦多驚。宜子母同服。自然有效。

茯

神去皮木根一兩

人

參去薑半兩

甘 草炙二錢

當

歸去薑尾酒洗半兩

右件咬咀。每服二錢。水一盞。煎七分。無時溫服。有微熱煩躁。入麥門冬去心同煎。

守中湯

理春夏相交。陰溼氣重。中傷脾胃。致腹痛泄痢。經久不止。漸傳手足浮腫。飲食少思。

桔

梗去薑剉炒

蒼

朮如前製二兩

白 薑四錢炮

甘 草六錢炙

右件剉焙爲末。每服一錢。空心沸湯調服。咬咀水煎亦可。或用薑棗

瀉肺湯

即瀉白散

主傷風後五心煩熱咳嗽喘促唇紅頰赤發渴引飲。

桑白皮剉炒

地骨皮洗焙乾二味各二兩

甘草炙三錢

右件咬咀每服二錢水一盞粳大米百粒煎七分食後臨臥溫服或不拘時。

五和湯

主宣利藏府積熱調和榮衛。

當歸酒洗

赤茯苓去皮二味各半兩

甘草炙

大黃

枳殼水浸潤去殼剉片麥麩炒微黃三味各七錢半

右件咬咀每服二錢水一盞煎七分無時溫服。

養藏湯

主生津益氣溫腸止痢。

人參去蘆

甘草炙二味各二錢半

白芍藥

白朮二味各半兩

南木香

肉桂去粗皮二錢

罌粟殼去蒂剉碎蜜水炒

肉豆蔻

訶子肉三味各一錢半

右件咬咀每服二錢水一盞薑二片棗一枚煎七分空心溫服或入倉米同煎。

貝母湯

主百日內嬰孩咳嗽有痰。

貝母一兩

甘草

生半炙半二錢

右件剉焙爲末。每服一字或半錢。用陳大米煎湯。空心調服。痰盛。淡薑湯調下。

固真湯

主吐瀉痢後。胃虛脾慢。四肢口鼻寒冷。沈困不省人事。

人參去蘆

附子

湯浸炮裂去皮

白茯苓去皮

白朮

四味各二錢半

山藥去黑皮

黃耆

蜜炮塗炙

肉桂去粗皮

甘草

溼紙裏煨透四味各三錢

右件咬咀。每服二錢。水一盞。薑三片。棗一枚。煎七分。空心溫服。或無時。

生地黃湯

治胎黃。乳母服。嬰兒亦可少與含嚥。

生乾地黃

赤芍藥

川芎

當歸

酒洗

天花粉五味各半兩

右件咬咀。每服二錢。水一盞。煎七分。無時溫服。

薑橘湯

治脾慢胃冷嘔吐不止。

白薑二錢

陳橘皮去白一兩

粉草炙三錢

右件剉焙為末。每服半錢或一錢。用溫棗湯調化。空心少與緩服。

理中湯

主溫脾煖胃。冷吐冷瀉。及治氣虛中寒腹痛。

人參去蘆

白朮二味各一兩

乾薑炮

粉草炙二錢半

右件剉焙為末。每服半錢或一錢。用溫白湯空心調服。

桂枝湯

治太陽中風。陽浮而陰弱。陽浮者熱自發。陰弱者汗自出。嗇嗇惡寒。翕翕發熱。鼻鳴乾嘔者。

桂枝去粗皮

芍藥二味各一兩半

甘草一兩

右件㕮咀。每服二錢。水一盞。薑二片。棗一枚。煎七分。不拘時溫服。

麻黃湯

治傷寒頭疼發熱。身痛無汗喘滿。又治太陽病脈浮緊無汗。發熱身痛。八九日。表證不解者。

麻黃去根節 桂枝去粗皮 甘草半兩 杏仁三十五粒 湯炮去皮

右件㕮咀。每服二錢。水一盞。煎七分。無時溫服。

獨活湯

治驚癰鶴膝。及中風溼。日久致腰背手足疼痛。晝輕夜重。及四肢痿痺不仁。

川獨活黃色如兔眼者佳 半兩 當歸酒洗 白朮

黃耆蜜炙 薄荷 桂皮去粗 川牛膝酒洗 五味 各二錢 半 甘草炙 三錢

右件㕮咀。每服二錢。水一盞。薑二片。薤白一根。煎七分。空心熱服。或無時。

五黃湯

主解利徧身癰癰惡核發熱。及丁黃腫毒丹瘤。

黃耆生用 一兩 黃連 黃芩 黃檗

大黃四味 各二錢 半

右件㕮咀。每服二錢。水一盞。蜜一大匙。煎七分。無時溫服。

化毒湯

解風熱上攻。咽喉腫痛。飲食不便。

桔梗剉炒

薄荷葉

荊芥穗

甘草三錢各

山豆根取淨皮

牙硝

礪砂

朴硝

雄黃

硃砂五味各

右前五味焙爲末。後五味入乳鉢細杵。同前藥末一處再杵勻。每用一字至半錢。乾點舌上化下。或以溫湯濃調。少與含嚥亦可。

青木香湯

治小兒陰莖無故而腫。或痛縮。初因陽明經有風熱。溫氣相傳。所以如是。法當寬此一經。其證自瘳。蓋陽明受病。不能養其宗筋故也。宜服之。及咳嗽痰喘氣促。

青木香去蘆

枳殼如前製 甘草二錢

右件咬咀。每服二錢。水一盞。煎七分。無時溫服。

排風湯

治中風狂言。失音不語。精神昏困。驚癰鶴膝等證。及腫疾才瘳後。偶感外風。滿面

偏體虛浮。並宜可服。

白蘚皮

白朮

白芍藥

薄桂去粗皮

防風去蘆

川芎

當歸酒洗

杏仁湯泡去皮尖

甘草炙九味各半兩

川獨活

麻黃去根節

白茯苓去皮七錢半

右件咬咀。每服二錢。水一盞。薑二片。煎七分。無時溫服。

中和湯

此藥大能通和表裏。溫養脾胃。勻調氣血。順正陰陽。發散風寒。辟除腥穢。善使豆瘡易出易收。不致倒靨黑陷。傳變危急。兼治偏身癰癰已潰未潰。排膿止痛。自然消釋。常服清神駐顏。明目健脾。真元益固。邪氣無干。

人參去蘆

厚朴如前製

當歸酒洗

防風去蘆

白芷

肉桂去粗皮

桔梗

川芎

白芍藥

沉香

檀香

乳香

藿香葉

紫蘇葉

黃耆蜜炙

甘草十六味各半兩

右件咬咀。用無灰酒四兩。重拌勻曬乾。天陰略焙。每服一錢。水一盞。煎七分。無

時溫服。

人參甘桔湯

感冒風熱。火氣熏逼。豆瘡蘊毒上攻。咽喉腫痛。痰氣不順。咳嗽失音。飲食減少。並宜治之。

人參去蘆半兩

桔

梗剉用蜜水浸透一兩

甘

草半生半炙三錢

右件咬咀。每服二錢。水一盞。煎七分。無時溫服。風熱加荊芥、杏仁煎。豆瘡後目生翳膜。用蟬殼淨洗去嘴足同煎。咽痛入礪砂末煎。去渣無時含嚥。

人參芎歸湯

治九道血妄行。

人參去蘆

川芎

當

歸酒洗三味各半兩

荊

芥二錢半

右件咬咀。每服二錢。水一盞。煎七分。無時溫服。

五拗湯

治感風溼。及形寒飲冷。痰嗽咳逆。連聲不已。

麻黃根節不去

杏

仁皮尖不去

荊

芥梗不去

桔

梗四味各五錢用蜜水炒剉用

甘草二錢半

右件咬咀。每服二錢。水一盞。煎七分。無時溫服。

六和湯

治心脾不和。氣不升降。霍亂吐瀉。咳嗽胸滿。頭目疼痛。嗜臥倦怠。并陰陽不分。冒暑伏熱煩悶。成痢中酒作渴。心逆畏食。

人參去蘆

縮砂仁

甘草炙

杏仁湯泡去皮尖

半

夏如前製五兩香薷

厚朴如前製二兩

白扁豆

炒熟剉去殼一斤用生薑一斤碎切爛煮拌勻讓經一宿焙乾

藿香

赤茯苓去皮

木瓜各一兩

右件咬咀。每服二錢。水一盞。薑二片。棗一枚。煎七分。無時溫服。或入鹽半字同煎。

黃耆六一湯

治諸虛不足。煩躁驚悸目揚。身體軟弱。不思飲食。

黃耆六兩蜜炙

甘草炙一兩

右件咬咀。每服二錢。水一盞。棗二枚。煎七分。無時溫服。

真武湯

治傷寒諸疾後。表裏俱虛。煩渴有熱。徧身汗出。

白茯苓去皮

白芍藥二錢半

白朮

附子如前製二錢半

右件咬咀。每服二錢。水一盞。薑二片。煎七分。無時溫服。

牡蠣大黃湯

治三五歲小兒。感受溫溼之氣。侵襲膀胱。致陰莖膚囊浮腫作痛。

牡蠣

用熟黃泥包裹夾水煨透出地上候冷用

大黃紙裹水浸透炮過

右件剉研為末。每服一錢。用無灰溫酒空心調服。不能飲者。溫湯調。少入酒同服。

坎離湯

治虛喘晝輕夜重。食減神昏。

萆澄茄

石菖蒲二錢

白朮

白茯苓去皮

南木香三錢

甘草炙

半夏如前製

紫蘇子略炒杵碎三錢

右件㖞咀。每服二錢。水一盞。煎七分。無時溫服。

清脾湯

治諸瘧久不瘥者。脾胃虛弱。形容憔悴。

厚朴

如前製

烏梅

打破

半夏

如前製

良薑

剉用東壁土炒

青皮

去白四味各半兩

甘草

炙三錢

草果

炮去殼取仁二錢半

右件㖞咀。每服二錢。水一盞。薑二片。煎七分。未發前併三服。仍忌生冷油膩時果毒物。

麥門冬湯

解斑疹熱毒。頭痛煩悶。狂渴妄語。

麥門冬

去心

乾葛

二味各三錢

人參

去蘆

赤芍藥

升麻

赤茯苓

去皮

甘草

五味各二錢

石膏

末五錢

右件㖞咀。每服二錢。水一盞。煎七分。無時溫服。

化丹湯

解利丹毒。徧身燥癢。發熱煩啼。

川獨活

射夜干音干

麻

黃製如前

青木香

甘草

黃芩

薄

桂去粗皮

石膏末八味各五錢

右件咬咀。每服二錢。水一盞。煎七分。無時溫服。

茴香湯

和脾胃。進飲食。理腹痛。散邪氣。

茴香炒

良薑

剉用東壁土炒二味各一兩半

蒼朮

如前製二兩

甘草炙一兩

右件剉焙爲末。每服一錢。燒鹽湯空心調服。

大柴胡湯

疏利風熱。痰嗽腹脹。及裏證未解。

柴胡

去蘆四兩

黃芩

芍藥

二味各一兩半

大黃

半夏

如前製二味各七錢半

枳實

如前製七錢

甘草

故加用小方

右件咬咀。每服二錢。水一盞。薑三片。煎七分。無時溫服。

快膈湯

理胸膈不快。飲食少進。亦能順氣和中。消導宿滯。

人參去蘆

青皮去白

縮砂仁

烏藥

良薑製如前

香附子

甘草炙七味各一兩

右件剉碎爲末。每服一錢。溫鹽湯空心調服。

升麻湯

治時行瘟疫。頭痛發熱。肢體煩疼。及瘡疹未見形先疑貳之間。並宜可服。大能和順血脈。解諸餘毒斑證等疾。

升麻

乾葛

芍藥三味各一兩

甘草半兩

右件咬咀。每服二錢。水一盞。煎七分。無時溫服。

小陷胸湯

治六七歲已上之兒。小結胸證。

半夏一如前製一兩

淨黃連

栝樓實各半兩

右件咬咀。每服二錢。水一盞半。白蜜一大匙。煎至八分。無時溫服。未效再投。得微下黃涎爲好也。

散類

百解散

主和解百病。虛慢陰證不宜。

乾葛二兩

升麻

赤芍藥二兩各

黃芩一兩

麻黃如前製

薄桂去粗皮

甘草半兩

右件ㄗ咀。每服二錢。水一盞。薑三片。葱一根。煎七分。無時溫服。有風熱盛。加薄荷同煎。

五苓散

解傷寒溫溼。暑毒霍亂。分陰陽。理煩渴。

澤瀉去粗皮

白茯苓去皮

猪苓去皮

白朮三兩各

肉桂去粗皮

右前四味剉焙。入桂同研爲末。每服二錢。溫湯調下。不拘時。若作ㄗ咀。用赤茯苓分兩同前。每服二錢。水一盞。煎七分。無時溫服。其餘活法明本論中。隨證詳述。

當歸散

調順氣血。和解表裏。爽利心腹。疏理百病。及治溫熱停積。白痢。煩躁不寧。

當歸酒洗 赤芍藥二味各 大黃半生半炮 川芎

麻黃如前製二兩 甘草半生半炙一兩

右件咬咀。每服二錢。水一盞。薑二片。煎七分。無時溫服。

三解散 一名甯心湯

主上焦蘊熱傷風。面紅目赤。狂躁氣急。渴水驚啼煩悶。丹毒口瘡。痰嗽搐掣。

人參去蘆 防風去蘆 天麻 茯苓去皮

鬱金無以代山梔仁 白附子 大黃七錢半 赤芍藥

黃芩 僵蠶三味各 全蠍十五尾 枳殼二錢如

粉草六錢

右件剉焙爲末。每服半錢至一錢。用溫薄荷湯。無時調下。或燈心湯。

勻氣散

主調補通利後。及冷疝腹痛。氣滯不和。

桔梗二兩

陳皮去白一兩

縮砂仁

茴香二兩

白薑二錢

粉草四錢

右件剉焙爲末。每服半錢或一錢。空心沸湯調服。冷疝腹痛。燒鹽湯調下。

雄黃散

主暴中急慢驚風。駒胎痰涎滿口。及雨侵閉汗不通。或涼或熱。坐臥生煩。

雄黃二錢

白藥去黑皮

川烏頭炮裂去

草烏炮裂去

天麻二錢

川芎五兩

右除雄黃外。餘五味剉焙。同雄黃爲末。驚風痰壅。每服半錢或一錢。用薑汁、茶清調下。發汗。水薑葱薄荷同煎。並投三服取效。

惺惺散

主傷風傷寒。痰嗽咳逆。理虛和氣。寧心清肌。止啼去煩。利咽膈。解失音。

人參去蘆半兩

桔梗剉破

白茯苓去皮

白朮

天花粉四兩

細辛去葉二錢

防風去蘆

川芎

南星生用二錢

甘草炙七錢

右件咬咀。每服二錢。水一盞。薑二片。薄荷三葉。慢火煎七分。無時溫服。

木通散

主上膈熱。小府閉。煩躁生嗔。及淋證諸瘡丹毒。

木通

去節去皮

地篇蓄

去老梗二味各半兩

黃

甘草

赤茯苓

去皮三錢

瞿

麥

去乾

滑石末

山梔仁

車前子

黃

芩

五錢半

右件咬咀。每服二錢。水一盞。燈心三莖。煎七分。無時溫服。或入薄荷同煎。

烏梅散

治腹疼。及初生嬰孩臍下冷痛疝氣等疾。

烏梅

和核

玄胡索

粉

草

半生半炙三味各五錢

乳香

沒藥

鈎

藤

和鈎三味各二錢半

右件咬咀。每服二錢。水一盞。煎七分。空心溫服。

黃金散

解口內舌上瘡毒。及治豆瘡後目生翳膜。

黃 藥去粗皮用生蜜潤透烈日下曬乾再塗上蜜凡經十數次為度 粉 草二味各一兩

右件剉焙。研為細末。治口瘡。用藥末乾點患處。或用麥門冬熟水調點舌上。令其自化。治豆瘡。後目生翳膜。湯泡澄清。無時頻洗。仍投糖煎散。柿煎散二藥。

平胃散

主脾胃不和。嘔逆噦酸。霍亂腹痛。

厚 朴如前製 陳 皮去白二味各二兩半 蒼 朮如前製 甘 草一兩

右件剉焙為末。每服半錢至一錢。薑棗煎湯。空心溫服。燒鹽湯亦好。

七寶散

治時氣傷風傷寒。頭昏體熱咳嗽。及脾胃肺藏不和。口中腥氣異常。或牙縫微有鮮血。兼調理諸病後小證得中。以其品味不僭不燥為佳。

紫 蘇去老梗 淨香附二味各三兩 陳 皮去白 甘 草二味各一兩半

桔 梗二兩半剉炒 川 芎 白 芷二味各二兩

右件呖咀。每服二錢。水一盞。薑二片。煎七分。無時溫服。咳嗽加製半夏。口腥氣入鹽煎。調理諸疾加棗子煎。

三稜散

主諸般停滯。疳積發熱。瀉痢酸醜。水穀不化。常服和脾胃。進飲食。長肌肉。益神氣。

人參去蘆七錢半

三稜炮剉

淨香附二兩半

青皮去白

益智仁

陳皮去白

半夏製如前

枳殼製如前

神麴炒

穀芽洗焙

莪朮醋煮透焙

大黃半生

紫蘇去老梗十兩

甘草半生半炙

右件咬咀。每服二錢。水一盞。薑二片。倉米百粒。煎七分。無時溫服。氣虛勞加白茯苓一兩。

立消散

治膀胱久受熱毒。致陰器膚囊赤腫脹痛。

赤小豆

赤芍藥

枳殼生用

風化朴硝藥拌入末

商陸五味各半兩

右件不過火。剉曬爲末。柏枝煎湯。候冷調二錢。或三錢塗腫處。仍服咬咀五苓散。加車前子。薏苡仁。水煎。

天竺黃散

主上焦風熱。口鼻生瘡。兩目赤腫。咽膈不利。痰涎壅滯。氣不通暢。驚搐煩悶。神思昏迷。

天竺黃

鬱

金梔仁以代山

茯

神去皮

甘

草四味各半兩

硼砂

牙消

白芷

川芎

僵蠶去絲

枳

殼如前製六味各二錢半

硃砂水飛二錢

麝香一字

蟬

殼十五洗去泥土

右除硼砂、牙消、硃砂、麝香四味。乳鉢細杵。餘九味焙乾末。同入乳鉢內再杵勻。每服半錢或一錢。溫薄荷湯。無時調服。或麥門冬湯。

連牀散

治滿頭如癩瘡毒。及手足身上。陰器膚囊。癢則抓爛。黃汁淋漓燥痛。

淨黃連一兩

蛇牀子去埃土半兩

五倍子去內蟲屑二錢半

輕粉貼十五

右前三味曬乾為末。再入乳鉢內。同輕粉杵勻。用清油稀調二錢或三錢。塗搽患處。必先以荆芥和葱煮水。候涼淨洗拭乾。後傅藥。

川草散

治腹痛下痢赤白不拘遠近。

川芎

白芷

甘草半生半炙三味各七錢

赤芍藥

當歸酒洗

淨黃連三味各五錢

右件剉焙爲末。每服半錢至一錢。白痢白薑湯調。赤痢甘草湯調。赤白痢溫米清湯調。並空心服。

柿煎散

治豆瘡後目生翳膜。

白菊花

菉豆殼

穀精草三味各一兩

右爲呖咀。每服二錢。乾柿一枚。粟米泔汁大盞。慢火煎乾去渣。食後臨睡。止喫柿肉。一日三枚。倍加尤好。如嬰孩小。乳母可服。或用煮過柿子去核。薄切焙爲細末。抄半錢。溫米泔水調化。無時與兒服亦可。

拂毒散

治諸風熱陰毒腫核已結成未穿潰。或正發者。

半夏生一兩

貝母

大黃半兩味各

朴消

五倍子

去內蟲屑二味各二錢半

右件剉焙爲末。用醇醋調一錢或二錢。塗患處。如乾再塗。仍服疏風化毒之劑。餘藥成末。除朴消。臨入杵勻用。

金鈴散

治疝氣腹痛。投諸藥後。瘡而復作宜服。

金鈴子肉六錢

三稜炮剉

莪朮醋煮

青皮去白

陳皮

去白二錢半味各赤茯苓去皮

茴香二兩味各

南木香二錢

甘草

四錢檳榔

枳殼製如前

鈎藤和鈎三錢各

右除檳榔、木香不過火。餘十味剉焙。仍同木香、檳榔爲末。每服半錢至一錢。仍用炒茴香煎無灰酒空心調服。不飲酒者。煎炒茴香湯調下。

消黃散

治風熱溫氣上攻。舌硬腫大不消。

風化朴消

真蒲黃半兩味各

右蒲黃曬乾爲末。同朴消乳鉢內細杵勻。每用一字至半錢。點搯舌上下。

疏風散

主小兒薄劣。跌觸頭腦。或弄刀錐。因而破血感風。致面目傷痕浮腫。

荊芥穗一兩

防風去蘆半錢

甘草半生半炙二錢

右剉焙爲末。每服一錢。用無灰溫酒調服。或葱湯亦好。

陳氏木香散

能和表裏。通行津液。清上實下。扶陰助陽。及治腹脹瀉渴。溫壯豆瘡。

南木香

厚桂去粗皮

陳皮去白

訶子肉

丁香

人參去蘆

赤茯苓去皮

半夏如前製

甘草半生半炙

大腹皮淨洗

前胡去蘆十一味各半兩

右件咬咀。每服二錢。水一盞。煎七分。無時溫服。

陳氏異功散

能除風寒溼痺。調和陰陽。滋養血氣。使豆瘡易出易斂。不致癢塌瀉痢。

南木香

當歸酒洗

人參去蘆

肉豆蔻

陳皮去白

丁香

白茯苓去皮

厚桂去粗皮

白朮

厚朴製如前

半夏製如前

附子如前製二錢

右件咬咀。每服二錢。水一盞。薑二片。棗一枚。煎七分。空心溫服。或不拘時。

羌活散

治傷風時氣。頭痛發熱。身體煩疼。痰壅咳嗽。失音鼻塞聲重。及解時行下痢赤白。

人參去蘆

羌活

赤茯苓去皮

柴胡去蘆

前胡去蘆

川芎

獨活

桔梗剉炒

枳殼製如前

蒼朮製如前

甘草十一兩

右件咬咀。每服二錢。水一盞。薑二片。薄荷三葉。煎七分。無時溫服。發散風邪入

葱白同煎。痢證薑倉米煎。

香薷散

主夏秋藏府冷熱不調。或飲食起居不節。致吐痢心腹疼痛。發熱煩悶。身體拘急。或脚轉筋。四肢厥冷。有似陰證。但口氣溫。脈按沈緊為驗。

陳香薷去老梗

白扁豆製如前

厚朴如前製二味

右三味。六兩。呖咀了。用無灰酒三兩拌勻。仍曬乾或焙。臨入呖咀生甘草一兩和勻。每服二錢。水一盞。煎七分。去渣。以瓦器盛在水中沈溫。不拘時服。如熱極或瀉痢中有鮮血者。加淨黃連一兩。細剉拌勻。名黃連香薷散。下法如前。

瀉黃散

治胃虛脾實。生熱煩渴。頭痛惡心。

藿香葉半錢

梔子仁

防風去蘆二味各一兩

甘草四錢半

石膏末八錢

右前四味剉。同石膏末用酒蜜微炒香。爲呖咀。每服二錢。水一盞。煎七分。空心溫服。

調元散

主稟受元氣不足。顛顛間解。肌肉消瘦。腹大如腫。致語遲行遲。手足如癰。神色昏慢。齒生遲者。服之有效。

乾山藥去黑皮五錢

人參去蘆

白茯苓去皮

茯神去木根

白朮

白芍藥

熟乾地黄酒洗

當歸酒洗

黃耆蜜水塗炙入
味各二錢半

川芎

甘草炙二味
各三錢

石菖蒲二錢

右爲呖咀。每服二錢。水一盞。薑二片。棗一枚。煎七分。無時溫服。如嬰孩幼嫩。與乳母同服。

醒脾散

主醒脾養胃。止吐痢。進飲食。及調理病後神昏目慢。貪睡多困。脈弱氣短。微有痰涎。並宜投服。

人參去蘆

白茯苓去皮

藿香葉

白朮

甘草炙五味
各五錢

丁香四粒
不見火

大南星入錢剉作小塊
裏水透溼炮過用紙

縮砂仁四十粒

右爲呖咀。每服二錢。水大盞。薑三片。冬瓜子仁五十粒。杵碎慢火煎七分。空心緩投服之。急必吐。

醍醐散

治吐瀉後。調和脾胃。消進飲食。及丁奚哺露。虛熱煩渴。氣逆心惡。

陳皮去白

縮砂仁

厚朴製如前

麥芽洗淨焙乾

烏梅和核五味各五錢

良薑製如前

乾葛

烏藥三味各二錢半

草果仁炮二錢

甘草炙三錢

右爲呔咀。每服二錢。水一盞。薑二片。棗一枚。鹽少許。煎七分。空心溫服。

二聖散

治風痰壅閉。語音不出。氣促喘悶。手足動搖。似搐非搐。

訶子十個大者半生半炮去核

大腹皮洗淨焙乾五錢

右爲呔咀。每服二錢。水一盞。煎七分。無時溫服。

補肺散

治久患咳嗽。肺虛氣促。有痰惡心。

阿膠一兩半剉炒

白茯苓

馬兜苓去老梗

糯米三味各半兩

杏仁二十粒湯泡去皮尖

甘草炙四錢

右爲呔咀。每服二錢。水一盞。煎七分。無時溫服。

安神散

證。治吐瀉諸病後。心虛煩悶。觸物易驚。氣鬱生涎。涎與氣搏。睡不得寧。預防變生他

人參去蘆

白茯苓去皮

半夏夏製如前

甘草炙

陳皮去白

枳實如前製六錢

右爲呖咀。每服二錢。水一盞。薑二片。棗一枚。竹茹小團。煎七分。無時溫服。有微熱微渴。入麥門冬去心同煎。

燒鹽散

治走馬疳。牙根肉潰爛黑臭。

橡斗不拘多少

右件每用大者兩個。入鹽滿殼。蓋作一合。或五六個。或十數個。安在火內。和鹽燒透。取出地上。以瓦盤蓋定。存性候冷。入麝香少許。乳鉢內極細杵勻。每以半錢塗搽患處。常收用小瓦合盛貯。勿使紙裏。蓋鹽能作潤。

綠袍散

治重舌。及滿口內外瘡毒。咽膈不利。

薄荷去老梗

荊芥穗二錢各

青黛

玄明粉

礬砂三錢各

百藥煎

甘草二錢各

右件剉焙爲末。除玄明粉、礬砂二味。在乳鉢內細杵。同前藥末再杵勻。用一字至半錢。乾點舌上。令其自化。或以新汲水入蜜調點舌上亦好。

益黃散

治脾虛受冷。水穀不化。泄瀉注下。盜汗出多。

陳皮去白

肉豆蔻炮二錢各五錢

丁香二錢

訶子肉炮去核二錢

甘草炙二錢半

右件咬咀。每服二錢。水一盞。煎七分。空心溫服。

解表散

主傷風感冷。咳嗽痰喘。嘔吐瀉痢驚悸。有熱證在表裏發。當用氣解藥可投。

麻黃如前製

杏仁湯炮去尖

赤茯苓去皮三兩

川芎

防風去蘆

枳殼如前製三兩

甘草七錢半炙

右件咬咀。每服二錢。水一盞。薑二片。葱一根。煎七分。無時溫服。有熱入薄荷同

煎。

參苓白朮散

主脾胃虛弱。飲食不進。多困少氣。中滿痞噫。嘔吐咳逆。此藥不寒不熱。性味溫平。常服調脾悅色。順正去邪。

人參去蘆

白茯苓去皮

粉草

白朮

白扁豆製如前

山藥去黑皮

縮砂仁

薏苡仁

桔梗剉炒九味各一兩

蓮子肉煎去心

右件剉焙爲末。每服半錢至一錢。用棗湯空心調服。或溫米湯亦可。

守胃散

治陰陽不和。吐瀉不止。預防風證。常服調脾胃。進飲食。

人參去蘆

白朮

白茯苓去皮

山藥去黑皮

乾葛

扁豆製如前

南星製如前

甘草

藿香梗去老

防風去蘆

天麻各半兩

右件咬咀。每服二錢。水一盞。薑二片。冬瓜子仁五十粒。搗碎煎七分。空心溫服。

如瀉不止。入沉香、白豆蔻同煎。

南星腹皮散

主腫疾欲瘡未瘡之間。脾胃虛慢。氣促痰喘。腹脹胸滿。飲食減。精神困。小便不利。面色痿黃。

南星同前製

大腹皮淨洗焙乾

生薑皮

陳皮去白

青皮去白

桑白皮剉炒

甘草炙

扁豆同前製七味各半兩

右爲呔咀。每服二錢。水一盞。薑二片。煎七分。無時溫服。

導赤散

治心經壅熱。煩躁睡語。或時復上竄。齧五巧切牙。小便黃澀。久則成驚。觸物易動。

生乾地黃淨洗

木

通去皮節二味各一兩

黃芩

赤茯苓

去皮二錢半

甘草三錢

右爲呔咀。每服二錢。水一盞。竹葉三片。煎七分。無時溫服。或加麥門冬去心同煎。

錢氏白朮散

治脾胃不和。嘔吐瀉痢。惡心發渴。大能補虛損。調榮衛。

南木香

白朮二兩各

人參去蘆

白茯苓去皮

藿香葉

甘草四兩各

乾葛二兩

右爲呔咀。每服二錢。水一盞。煎七分。無時溫服。

和中散

主久病方瘳。面黃清瘦。神昏氣弱。脾胃未實。食物過傷。停飲生痰。留滯中脘。耗虛真氣。或成吐瀉。此藥性味甘平。大能調治。常服和胃氣。進飲食。悅顏色。理風痰。

人參去蘆

白扁豆同前

白茯苓去皮

川芎

縮砂仁

香附子

半夏同前

甘草八兩各

肉豆蔻

訶子去核二味各七錢

右爲呔咀。每服二錢。水一盞。薑二片。棗一枚。煎七分。空心溫服。或不拘時。

糖煎散

治豆瘡餘毒。攻目成翳。澀痛有熱。多淚羞明。

赤芍藥

當歸尾

大黃

川芎

荊芥

防風去蘆

漢防己去黑皮

龍膽草

黃耆生用

黃芩十味各半兩

右爲呔咀。每服二錢。水一盞。沙糖小塊。煎七分。食後臨睡溫服或無時。

六柱散

治吐痢泄瀉。胃虛脾慢。手足俱冷。六脈沉微。

人參去蘆

白茯苓去皮

熟附子

南木香

肉豆蔻

白朮六味各半兩

右爲呔咀。每服二錢。水一盞。薑二片。棗一枚。煎七分。不拘時溫服。

九仙散

解諸目疾。不拘歲月遠近。並宜先服。

柴胡去蘆

蒼朮同前製二味各二兩

赤芍藥

荊芥

甘草三味各六錢半

麻黃同前製

川芎

薄荷

和梗三味各半兩

旋覆花去老梗三錢

右件呔咀。每服二錢。水一盞。薑二片。葱一根。煎七分。不拘時溫服。

草龍膽散

治暴赤火眼。晝夜澀痛。作腫淚多。

草龍膽

木賊去節

荊芥

菊花

防風去蘆

草決明半生炒

甘草七味各半兩

右件咬咀。每服二錢。水一盞。煎七分。無時溫服。痛甚加羌活、乳香同煎。

金波散

治時行赤眼。腫痛成翳。有熱多淚。

淨黃連一兩

硼砂

寒水石

大黃三味各二錢

海螵蛸

銅青二味各一錢

玄明粉二錢

麝香一字

全蠍七尾去尖毒

右除玄明粉、麝香。餘七味剉曬為末。仍入玄明粉、麝香。乳鉢內同前藥末杵勻。每用一字至半錢。溫淨湯或涼水調化。澄清去渣。無時頻洗。有風夾蟲作癢。入輕粉取效。仍忌酒葷三五日。

內金散

治牙根肉臭爛黑色。有蟲作痛。

雞內金即雞肫內麤皮陰乾一兩

白芷

銅青三味各半兩

麝香一字

右前三味。剉曬或焙為末。仍以麝香乳鉢內同杵勻。每用一字或半錢。乾擦患處。先用溫鹽水灌漱。後傅藥。

霹靂散

解急慢驚風。不省人事。

猪牙皂角三錢 細辛

川芎

白芷三味各二錢

躑躅半錢

右件剉曬為末。每以少許。用大燈心三寸長。蘸點鼻內。得噴嚏為驗。前藥不可焙。焙則不應。

順搐散

解男右女左搐不順者。

枳殼製如前

鈎藤去鈎

荊芥

羌活

防風去蘆

甘草六味各半兩

右件咬咀。每服二錢。水一盞。順切薑三片。煎七分。無時溫服。或入薄荷同煎。

外消散

治嬰孩初生。旬日外臍突。或痛或不痛。痛則啼聲不已。及療小兒因感溫熱相搏。致陰器膚囊浮腫。

大黃

牡

蠣如前製二味各半兩朴消二錢

右前二味。剉焙爲末。仍入朴消。乳鉢內同杵勻。抄一錢或二錢。取田螺三枚。淨洗。再以水半盃。活過一宿。去螺用水。調塗腫處。卽消。其螺仍放水中。勿害之。昔賢有曰。殺生救生。去生遠矣。物命雖微。亦可戒也。治陰器膚囊腫。車前子煎湯候冷。調傅患處。

活血散

解破血傷風。

當歸酒洗

生乾地黃酒洗

川芎

紅花

赤芍藥

蘇木六味各半兩

甘草三錢

右件咬咀。每服二錢。水一盞。煎七分。無時溫服。

桃花散

治一切破損肢體。血出作痛。

好石灰用紗淨

清油小盞

大黃五錢剉碎水浸取汁大半盞

右石灰先用鐵鐺炒令帶熱。次入大黃汁。清油和勻。仍以慢火炒如桃花色。為盆盛之。傾出在內。浮而不沉。鵝翎拂聚紙上。別著瓦器收藏。凡是破損傷痕。用塗立效。仍服疏風散。活血散。

三白散

解初中腫疾。四肢膚囊浮脹。大小便不利。皆因膀胱蘊熱。風溼相乘。

白牽牛半生半炒

桑白皮剉炒

白朮

木通去節

陳皮去白

甘草六味各半兩

右件咬咀。每服二錢。水一盞。煎七分。無時溫服。

麝香人齒散

治豆瘡黑陷。因毒氣入腎。而形於外。

麝香少許

活人牙齒不拘多少火煨過得小兒自脫者佳

右二味同研爲末。每用半錢至一錢。無灰溫酒調下。止以一服。然此藥固好。但人齒難得。嘗用一匕金取效。

四黃散

治小兒身上一切熱毒瘡疾燥癢。抓破有汁不乾。

淨黃連

黃檗

黃芩

大黃

滑石五兩各半兩

五倍子去內蟲屑二錢半

右件剉曬爲末。用清油入桐油和調二錢至三錢。塗搽患處。仍服四順飲。消毒飲。

薄荷散

治陽證脫肛。

薄荷和梗

骨碎補去毛二味各半兩 甘草二錢

金罌刺根七錢半

右件咬咀。每服二錢。水一盞。入無灰酒大匙。煎七分。空心溫服。或無時。槲皮散

解癰癰作腫疼痛。

槲

皮仍去粗皮此樹在處有皮之即包鹽槲葉木也

右件不拘多少。剉碎煮水候溫。頻洗患處。

白芨散

治療癰膿汁不乾。

白芨

貝母

淨黃連三味各半兩

輕粉三十貼

右前三味。剉焙爲末。仍以輕粉乳鉢內同杵勻。抄一錢至二錢。清油調擦患處。必先用槲皮散煮水候溫。淨洗拭乾方塗藥。

二香散

治同前證。

白膠香

降真香用心無土氣者

海螵蛸

五倍子去內蟲屑四味各半錢

右件爲末。如前先用槲皮散煮水淨洗患處。後以此藥一錢或二錢乾塗上。外將水紙封掩。三五次即效。

萬金散

治水瀉下痢。久不瘥者。

罌粟殼去蒂二兩一兩一兩生用

陳皮去白二兩

甘草兩不去節二兩生用

烏梅和核一兩

右件咬咀。每服二錢。熱湯一盞。略煎二沸。和渣傾出盃內。上以盞蓋定。候澄清去渣。空心溫服。

神效散

治赤白痢晝夜頻數。食減腹痛。小便不利。

罌粟殼去梗蒂炒白

烏梅和核三味各一兩 乳香

撫芎二味各半兩

右件咬咀。每服二錢。水一盞。煎七分。空心溫服。

赤葛散

治因血熱與風熱相搏。徧身丹毒燥癢。日久不消。

赤葛二兩 甘草三錢

右件咬咀。每服二錢。無灰酒一盞。煎七分。無時溫服。不飲酒者。止用水一盞。入

酒大匙同煎。

四聖散

主嬰孩胎受熱毒。生下兩目不開。

燈心

黃連

秦皮

木賊

棗

子和核五味各半兩

右爲呔咀。每服二錢。水一盞。煎七分。澄清去渣。無時頻洗。兩目自開。

天花散

治外腎膚囊腫痛。

天花粉二兩

甘草三錢

右件呔咀。每服二錢。無灰酒一盞。煎七分。空心溫投。不能飲者。止用水煎。少入酒同服。

蟠龍散

治陽證脫肛。

乾地龍蟠如錢樣者佳略去土一兩

風化朴硝二錢

右剉焙研爲細末。仍和勻朴消。每以二錢至三錢。肛門溼潤乾塗。或乾燥用清油調塗。先以見毒消。荆芥。生葱。煮水候溫浴洗。輕與拭乾。然後傅藥。

伏龍肝散

治陰證脫肛。

伏龍肝一兩

鼈頭骨半兩

百藥煎二錢

右三味焙研爲末。每用二錢至三錢。濃煎紫蘇湯候溫。和清油調塗患處。並如前法浴洗。拭乾方上藥。

益元散

解暑毒。利小便。理煩渴。除驚悸。

滑石六兩

粉草一兩
細剉

右二味。或曬或焙。研爲細末。每服一錢至二錢。溫熟水無時調服。涼水亦可。

祛風散

治卒暴中風。全不能言。口眼喎斜。驚癱搐掣。痰實煩躁。神昏有熱。睡臥不穩。

防風去蘆半

南星生用

甘草生用

半夏製如前

黃芩四味各一兩

右件咬咀。每服二錢。水一盞半。薑三片。慢火煎七分。不拘時溫服。

全蠍觀音散

治外感風寒。內傷生冷。吐瀉交作。脾胃俱虛。盜汗出多。神昏色慢。常服溫中益氣。進飲食寧心。

蓮子肉去心

人參去蘆

扁豆如上一製三味各一兩 天麻

防風去蘆

全蠍去尾毒

羌活 白芷

南木香

甘草炙

黃耆鹽蜜水塗炙八味各半兩

神麴炒

白茯苓去皮二味各七錢半

右除木香不過火。餘十二味剉焙。仍同木香碾爲末。每服半錢至一錢。用棗湯無時調服。

備急散

治小兒諸般骨硬。致咽喉腫痛。

五倍子末一兩

先春茶末半兩

右二味和勻。抄一錢。溫湯半盞。調化無時。少與嚥下。依此法服。餌不過三五次。即效。如骨出或刺破處。血來多者。研砂末六錢。水煎消毒。飲調服。血止痛住。腫消食進。

黃土散

治豆瘡餘毒太甚。徧身潰爛。濃汁不乾。

黃

土不拘多少。取曠野背陰處深掘為妙。

右件安地上。炭火煨透。候冷。研為乾末。用絹或紗兜撲患處。仍服解餘毒之藥。併忌動風發熱等物。

回陽散

理脾虛。感受風寒。溼氣。傳作吐瀉。手足逆冷。腹痛有痰。及陰證脫肛。疝疾盜汗。

附

子如前製

甘

草半生半炙。二錢半。

人

參去蘆。七錢半。

細

辛去葉。一錢半。

桔

梗剉炒。五錢。

厚

桂去粗皮。

白

茯苓去皮。

川

獨活三錢。各半。

半

夏同前製。三錢。

右件咬咀。每服二錢。水一盞。薑二片。煎七分。無時溫服。或入棗子同煎。

蜜陀僧散

治走馬疳。齒焦黑爛。

蜜陀僧一兩

輕粉五十

麝香一字

右件爲末。同輕粉、麝香乳鉢內杵勻。每用半錢擦患處。

圓膏門

圓類

琥珀抱龍圓

抱龍之義。抱者保也。龍者肝也。肝應東方青龍木。木生火。所謂生我者父母也。肝爲母。心爲子。母安則子安。況心藏神。肝藏魂。神魂既定。驚從何生。故曰抱龍圓。理小兒諸驚。四時感冒。風寒溫疫邪熱。致煩躁不寧。痰嗽氣急。及瘡疹欲出發搐。並宜可投。其藥性溫平。不僭不燥。常服祛風化痰。鎮心解熱。和脾胃。益精神。

真琥珀

天竺黃

檀香細剉

人參去蘆

白茯苓去皮五味各一兩半

粉草三兩去節

枳殼如前製

枳實如前製二

水飛硃砂五兩先以碎石引去鐵屑次用水乳鉢內細杵取淨者飛過淨器中澄清去上餘水如此法一般精製見硃砂盡乾用

山藥去黑皮一斤剉作小塊慢火炒令熱透候冷用南星一兩剉碎用臘黃

金箔百片去護紙取見成藥一兩同在乳鉢內極細杵仍和勻前藥末用

右前十二味除硃砂、金箔不入研。內餘十味檀香不過火外。九味或晒或焙。同研爲末。和勻硃砂、金箔每一兩重取新汲井水一兩重入乳鉢內略杵勻。隨手圓此樣○。大一粒陰乾。晴霽略晒。日色燥甚則捩折。宜頓放當風處。取其自乾。治法並用葱湯。無時化服。或薄荷湯。痰壅嗽甚。淡薑湯下。豆瘡見形有驚。溫淨湯下。心悸不安。燈心湯下。暑天迷悶。麥門冬熟水下。百日內嬰孩每圓分三次投。二歲以上者止一圓或二圓。其品劑修合之日。但缺一味。不依製度。必無效矣。常用瓦瓶入麝香同貯。毋使散泄氣味。入珍珠末一兩合和。名金珠散。蓋珍珠能鎮心寧肝。墜痰尤效。治法湯使同前。此藥乃家傳秘方。嘗自精製出賣。人多信用。取者甚衆。今推誠利行。願與天下共之。非敢自矜。特以全嬰爲念耳。

鎮驚圓

主急慢二驚。風痰上壅。手足抽掣。口眼喎斜。躁煩生嗔。精神昏悶。常服寧心鎮驚。

疏風順氣。

人

參去蘆三錢

粉

草半生炙

茯

神去木根

僵

蠶去絲

枳

殼如前製各五錢

白附子

南

星如前製

白茯苓去皮

礪

砂

牙消

硃

砂水飛各二錢半

全蠍拾尾去毒

麝

香一字

右除牙消、礪砂、麝香、硃砂、四味。用乳鉢細研。餘九味焙爲末。入乳鉢內和勻。前四味用糯米粉水煮清糊爲圓。梧桐子大。就帶潤以銀硃爲衣。每服三圓至五圓。或七圓。急驚用溫茶清磨化投服。慢驚以生薑熟附子煎湯研化溫服。薄荷湯化下。或麥門冬湯。

烏犀圓

主諸積滯夾風。溫胃調脾。消進飲食。吐逆有酸醜氣。面黃肌瘦。不拘孩兒生後歲月遠近。並宜可服。

烏犀

皂

莢剉三寸長。安灰火中。見清煙起爲度。取出。地上瓦盤蓋定。存性。冷用。七錢。

硫黃

白

薑二錢半

陳皮去白

川

烏炮去皮。臍二

巴豆七十七粒去殼膜心存油

右硫黃一味。先入研內研細。除巴豆外。餘四味同焙爲末。仍以巴豆薄切。在乳鉢極細杵。再同前五味藥末杵勻。用粳大米飯包作糝子一大箇。小瓦瓶盛水熟煮。候冷取出。在沙鉢中爛杵。細布兜緊。捻出如稠糊。安在別器內。以藥末亭分同杵細軟。圓粟穀大。取諸積每服十五圓或二十一圓至三十三圓。並用淡薑湯泡冷飯取汁小盞。五更初空心送下。通利三五行。以勻氣散止補。治積吐有酸醱氣。每服三圓至五圓。用淡薑湯入米醋少許。候溫空心投下。

香芎圓

治諸淋證。若患風閉尤效。

淨香附鹽水炒

川芎

赤茯苓去皮三味各半兩 海金沙

滑石二味各一兩

枳殼如前製

澤瀉去粗皮 石葦去毛梗取薄葉

檳榔不過火四味各二錢半

右件剉晒爲末。糯米粉煮爲清糊。圓麻仁大。每服三十三圓。至五十五圓。或七十七圓。並用麥門冬熟水空心送下。若小便澀痛。滴三五點者。取長江順流水。

用火微溫。入鹽少許調勻。空心嚥服。

香連圓

治赤白下痢。煩渴作痛。

南木香過半兩不淨黃連炒一兩。剉用。茱萸

烏梅肉二錢半。薄切。用

右件爲末。用阿膠半兩。剉碎炒脹。水化如糊。候冷入乳鉢內。同前藥末。亭分杵勻。圓作麻仁大。赤痢每服三十三圓。至五十五圓。或七十七圓。甘草湯空心下。白痢圓數同前。白薑湯空心下。赤白交作。溫米清湯空心嚥服。

化癖圓

主癖結氣塊。在兩脇之間。日久不化。乍寒乍熱。藏府不調。米穀不消。噎氣喘促。胸腹滿悶。及理丁奚哺露。

南木香 陳皮去白 莪朮去毛 三稜炮剉

青皮巴豆九粒。去 枳殼製如前 檳榔七味各

白朮 丁香二錢各 細墨燒存性。用四錢

右除木香、檳榔、丁香不過火。餘七味焙。同前三味爲末。麵糊圓。作麻仁大。每服十五圓。至二十一圓。清米湯空心下。有寒熱往來。以柴胡飲間服。忌油膩生冷飲食。

蘆薈圓

主五疳八痢。蛇蟲藏府虛弱。身體瘦悴。頭髮焦疏。腹脹青筋。小便白濁。渴水無度。洞泄不時。穀食難化。徧身瘡疥。神色乾燥。此藥大能養胃壯氣。止痢除蟲。長肌健力。

南木香

丁

香二錢半各

訶

子去核

肉豆蔻二錢半各

使君子肉

蘆

薈二錢半各

棗

肉一兩薄切用屋瓦盛慢火焙乾

右除使君子肉薄切。於乳鉢內極細杵。仍將前南木香等四味。溼麵裹煨。至香熟取出。地上候冷。去麵剉焙。同棗肉。蘆薈爲細末。再入乳鉢。同使君子肉杵勻。煉蜜圓。作麻仁大。每服三十圓至五十圓。溫米湯空心送下。兒小米湯化服。

使君子圓

治腹內諸蟲作痛。口吐清水。

使君子肉

薄切屋瓦焙乾

榔

酸石榴根皮

東向者佳淨洗剉焙

大黃

半生半炮四味各七錢半

右除檳榔剉晒不過火。餘三味再焙。同檳榔爲末。沙糖水煮麵糊。圓麻仁大。每服三十圓至五十圓。淡猪肉汁空心下。或雞肉汁亦好。

補腎地黃圓

治稟賦不足。腎氣虛弱。骨髓枯竭。顙大頭縫不合。體瘦語遲。行步多艱。齒生緩者。

乾山藥

去黑皮

山茱萸

酒浸潤蒸透去核取皮爲用

熟乾地黃

酒洗焙乾三味各五錢

鹿茸

蜜塗炒酒亦好

川牛膝

酒洗焙二味各四錢

牡丹根皮

淨洗

白茯苓

去皮三錢二味

澤瀉

去粗皮二錢

右件剉焙爲末。煉蜜圓。作麻仁大。每服十五圓或二十五圓至三十五圓。空心溫鹽湯下。溫酒亦佳。

寬腸圓

治痢後裏急。大府閉澀不通。

枳殼

同上製仍用清油浸透一宿焙乾五錢

麻仁

去殼

木通

去節皮

大黃半生半炮

檳榔

大腹皮淨洗焙乾五錢半

右除麻仁用乳鉢極細杵。外五味檳榔不過火。餘焙同研成末。入乳鉢中。與麻仁再杵勻。煉蜜圓。菜豆大。每服三十圓至五十圓。仍以枳殼甘草煎湯空心送下。一二月嬰孩。溫蜜湯化服。

香陸胃苓圓

治腫疾日久不瘳。此藥大能實脾導水。多服取效。

丁香香去梗

商陸

赤小豆

陳皮去白

甘草炙五味各二兩

蒼朮如前製三兩

澤瀉去粗皮二兩半

赤茯苓去皮

猪苓去皮

白朮三兩各一兩半

肉桂去粗皮一兩

厚朴同上製二兩

右除丁香肉桂不過火。餘藥剉焙。同前二味爲末。用麵微炒。水浸透。煮糊圓。菜豆大。每服二十圓。至五十圓。或七十圓。空心溫湯下。兒小者圓作粟穀大吞服。粒數引子。並如前法。

二薑圓

治瘧疾往來寒熱。經久不瘳者。

夏 薑一兩剉片白 薑一兩剉片巴豆九粒去

右爲細末。用獾猪膽汁和水煮麵糊圓麻仁大。就帶潤以硃砂末爲衣。熱多用溫湯。早晨面北空心送下。寒多亦於清旦用溫酒面南空心嚥服。若寒熱相亭。用陰陽湯以一半冷水一半熱湯參和是也。不拘向南北投服。

沒石子圓

治久患疳痢及釀瀉。

沒石子二枚 南木香溼紙包 肉豆蔻炮一枚

淨黃連剉碎薑汁炒過 訶子四枚炮

右剉焙成末。如烏犀圓內製飯糊爲圓。粟穀大。每服十五圓至三十圓或五十圓。溫白湯空心下。或米清湯。

半夏圓

治痰證神妙。若驚搐後。風涎潮作。服之尤驗。

半 夏生用 赤茯苓去皮 枳殼同上製二錢

右前三味。剉焙爲末。入乳鉢同朴消杵勻。用生薑自然汁煮糯米粉爲糊。圓菜

豆大。每服三十圓至五十圓。仍以淡薑湯食後臨睡送下。兒小者圓如粟穀大。

六聖圓

治諸積和胃。大能主氣厚腸。消疳快膈。屢用取效。

莪 朮 炮剉

淨黃連

陳 皮 去白

白 薑 炮剉 各四錢

南木香 半二錢

右除南木香不見火。餘四味剉焙。同木香為末。每一錢重。巴豆三粒。去殼膜。心
存油碎切。入乳鉢極細杵。同前藥末再拌勻。煮醋麵糊圓。麻仁大。每服十五圓
至二十五圓。或三十五圓。淡薑湯五更初空心送下。利三五行。勻氣散止。補常
服助脾化積。進食消疳。臨睡以淨湯或溫酒下三粒及五粒而已。每一次止圓
藥末三錢重。淨巴豆九粒為則。不可多合。久則味過。用之效遲。

內消圓

治癰癰作膿穿破。久不瘡者。或初得此證。投之亦效。

斑 貓 一兩 除翅足 粟米大 盞炒

右件入薄荷葉三兩。同研為末。雞子清為圓。菴豆大。初用半飢半飽間。以溫茶

清下一圓。逐日加一圓。加至五圓之外。又逐日減一圓。減至一圓之後。每一日只服五圓。得瘥即止。不可過投。

截驚圓

治驚風搐掣。煩躁有熱。兩目上視。口噤牙關。

龍膽草去蘆

防風去蘆

青黛

鉤藤和鉤

淨黃連

牛黃

甘草

硃砂末水飛者八味各五錢

薄荷葉二錢

麝香半錢

右除牛黃、麝香外。餘八味剉晒。或焙為末。仍同前二味乳鉢內杵勻。煉蜜圓。芡實大。每用一圓至二圓。溫湯化服。或茶清。

散氣圓

理諸疝氣。小便利或不通。臍下作痛。不堪忍者。

海

藻湯浸洗七次焙乾用

瀉去粗皮

茴香炒

車前子焙

蘿蔔子

用屋瓦慢火焙乾

川練子

取肉斑貓九枚去翅足同炒少時仍去斑貓候冷用

大腹皮淨洗焙乾七味各一兩

右件剉焙為末。酒煮麵糊圓。菴豆大。每服三十圓至五十圓。南木香煎酒空心。

下。或防風、牡丹皮煎酒下。不能飲者。於木香湯中防風、牡丹皮湯內各少入酒。並空心投亦可。再用鹽炒茴香煎湯尤妙。

金粟圓

治下痢赤白。水穀不化。

淨黃連 一兩

神

麴

一兩別研末作糊 川

芎

枳

殼

製如前

穀 芽淨洗焙乾

赤茯苓去皮

白 芷

南木香

六味各半兩

右除木香別剉。不過火。餘六味焙。入木香同為末。用神麴末煮糊圓。粟穀大。每服七十圓至百圓。空心溫米清湯下。不拘時。

萬應圓

治諸般疳證。胃口有熱。飲食不進。頭髮作穗。面色痿黃。

五倍子去內蟲屑

胡黃連

青 皮去白

陳

皮去白

黃 檗

神 麴

麥 芽淨洗焙乾

三

稜炮剉

莪 朮炮剉

蕪 荑

檳 榔

龍膽草

川練子肉

使君子肉十四味各一兩

右除檳榔不過火。麥芽二味外。餘十二味剉碎。炒令微焦色。候冷同前麥芽檳榔研爲細末。水煮麵糊圓。麻仁大。每服三十圓。至五十圓。或七十圓。溫米清湯無時送下。或空心。兒小者圓作粟穀大。粒數下法同前。

金菜圓

治冷疝氣痛。及膚囊浮腫。

金鈴子肉 一兩 家菜莢 半兩

右二味焙研爲末。酒煮麵糊圓。麻仁大。每服三十圓至五十圓。空心溫鹽湯下。溫酒亦好。兒小者圓作粟穀大。粒數下法如前。

二聖圓

治腹內諸蟲。及消穀逐水下氣去風。

檳榔 一兩 巴豆 十五粒去殼膜內存油

右檳榔剉晒爲末。巴豆碎切。在乳鉢內極細杵。仍入檳榔末同再杵勻。麵糊圓。菴豆大。每服七十七圓至九十九圓。用溫茶清五更初空心止投一服。見蟲下盡。進以稀粥自安。

商陸圓

治水腫小便不通。勿拘遠近。

商陸一兩

淨黃連半兩

右二味焙為末。薑汁煮麵糊圓。菉豆大。每服三十圓至五十圓。用溫紫蘇熟水空心下。或溫葱湯。

枳殼圓

治大府虛閉氣連日不通。痢後裏急。用之亦效。利小便熱閉。

枳

殼

仍不拘多少剉片麥麵炒過。以清油潤透一宿焙乾。

右焙為末。煉蜜圓。作芡實大。兒小者用甘草糯米煎湯化下一圓至二圓。兒大者圓菉豆大。每服三十圓或五十圓。食前溫米清湯送下。小府熱閉。用車前子煎湯。候溫空心投之。

濬川圓

治水腫及單腹滿脹。氣促食減。偏身面浮。

大戟

芫

花醋炒

沉香

檀香

南木香

檳榔

莪朮

大腹皮焙乾淨洗

桑白皮

剉炒九味各半兩

黑白牽牛

曬研取生末一兩

巴豆

去殼膜心存油三十粒

右除牽牛末巴豆外前九味。內有沉香、檀香、木香、檳榔、不過火。餘五味焙乾。同沉香等爲末。就加牽牛末和勻。巴豆碎切。在乳鉢內極細杵。入前藥末同再杵勻。水煮麵糊圓。麻仁大。每服十七圓。濃煎葱湯候溫五更初空心下去。水未盡。停一日減用十三圓。次減作九圓。再減至七圓。湯使下法如前。證退卽止。仍投南星腹皮散。如單腹腫甚。能飲食氣壯者。加甘遂末同圓取效。仍忌有甘草草藥餌。不致相反。

三聖圓

治諸瘧不拘遠近。

穿山甲

一兩半湯浸透取甲剉碎同雞骨常山熱灰鑊內慢火炒令焦黃色

雞心檳榔

二味各一兩薄剉曬乾

右件再晒爲末。水煮糯米粉爲糊。圓莖豆大。就帶潤以紅丹爲衣。陰乾。每服三十圓至五十圓。未發前隔晚用酒空心投一服。重則二服。經久不瘥。下祛瘧丹。

莢朮圓

和脾益胃。消進飲食。寬膈快氣。悅色清神。

莢 朮 炮剉

三 稜 炮剉

淨香附 三味各四兩 醇醋浸 一七 慢火煮乾再焙

檳 榔 一兩 薄剉

生牽牛末 別一兩 研

青木香 去蘆

穀 芽 淨洗 焙乾

青 皮 去白 三味 各半兩

華澄茄

丁香

南木香 三味各 四錢

右除檳榔、丁香、木香不過火。及牽牛末。餘七味剉焙。仍同檳榔、丁香、木香為末。臨入牽牛末和勻。水煮麵糊圓。菴豆大。每服三十圓至五十圓。無時用淡薑湯下。溫茶溫酒皆好。兒小者圓粟米大。粒數下法如前。

豆蔻圓

治患豆瘡。脾虛作瀉。

肉豆蔻

南木香

縮砂仁 三味各 三錢

白龍骨

訶子肉 二味各 五錢

赤石脂

枯白礬 二味各 七錢半

右除木香不過火。餘六味剉焙。仍同木香為末。稠煮麵糊圓。麻仁大。每服三十圓至五十圓。溫米清湯空心送下。或不拘時。兒小者圓粟穀大。下法同前。

碧玉圓

治痰嗽氣喘胸滿。飲食減少。睡不得寧。煩躁有熱。

青黛

明白礬生用

南星生用

滑

石

四味各二錢半

輕粉五十貼

全蠍去尖毒

巴豆四十九粒去殼膜心存

入乳鉢極細杵

右除輕粉。巴豆外。餘五味或晒或焙為末。仍入前二味。同在乳鉢杵勻。薑汁煮糯米粉為糊。圓粟穀大。每服七圓至九圓或十一圓。用淡薑湯空心投。熱甚者薄荷湯下。或不拘時。

快活圓

治丁奚疳證。皮膚瘦削。骨露如柴。肚大青筋。小便白濁。睡臥煩躁。神氣昏沉。常服健脾化積。進食肥肌。

蒸餅

一兩去頂剗空入青礬內半錢重仍碎餅屑

右件剗焙為末。別以肥棗用米泔水浸。經一宿飯上蒸。少時去皮核。用乳鉢爛杵如糊。同前餅末亭分。再杵勻。圓麻仁大。每服三十圓至五十圓。溫米清湯無時送下。兒小者亦以米湯化服。其蒸餅不拘箇數。大約以一兩入青礬半錢重。

爲定。下常如前法製半斤。作一料。後人切勿以見方不重藥爲誤。余嘗屢試屢驗。其餅如南饅頭樣者

沉香檳榔圓

和脾助胃。進食清神。寬胸快膈。順氣調中。悅顏色。壯筋骨。理面帶痿黃。肌膚瘦弱。過食生果。停寒在裏。乳癖腹脹作痛。及吐痢瘧腫。瘥後諸疳蟲積。並皆可投。

沉香

檳榔

檀香

南木香

丁皮

三稜

莪朮

神麴炒

穀芽洗焙

厚朴製同上

蒼朮製同上

使君子肉瓦焙乾

青皮去白

陳皮去白

縮砂仁

益智仁

淨香附

枳殼製同上

良薑味同上製十九

粉草炙半一

右除沉香、檳榔、檀香、木香、丁皮不過火。餘十五味剉焙。仍同沉香等爲末。水煮麵糊圓。麻仁大。每服三十圓至五十圓。溫米清湯無時送下。兒小者不能吞嚥。煉蜜圓如芡實大。每以一圓或二圓。溫湯化服。

膏類

硃砂膏

五心煩熱。喉痰壅盛。驚風搐搦。渴飲無時。睡中不寧。見人煩躁。口瘡糜爛。

硃砂水飛五錢

牙消

硼砂

玄明粉三錢各

麝香一字

金箔

銀箔各十貼

白附子

枳殼如前製二錢

粉草二錢各

人參去蘆

黃芩

薄荷葉三錢各

右前七味。入乳鉢杵勻。後七味剉焙爲末。仍入鉢中同前藥和。煉蜜圓芡實大。每服一圓至二圓。用麥門冬熟水無時化服。

如意膏

治痰喘氣促咳嗽。連聲不已。冷熱二證皆可投。

半夏炮裂

南星炮裂二味各一兩半

右二味爲末。以生薑汁和勻。捻作小餅如錢樣。用慢火炙乾。再爲末。復取薑汁如前。經兩次炙乾。仍焙爲末。煉蜜圓芡實大。每服一圓至二圓。仍用薑蜜湯無

時化服。有熱以薄荷湯。

地黃膏

治口內舌上生瘡作痛。飲食艱進。晝夜煩啼。

山梔仁

萊豆粉二味各一兩半 粉 草六錢

右件或晒或焙爲末。用生地黃爛杵取汁一兩半。好蜜一兩半。以薄瓦器盛。在銅鐵鉢中水煮成膏。如稀糊相似。候冷亭分。入前藥末。同在乳鉢再杵勻。圓莢實大。每以一圓至二圓。麥門冬熟水無時化服。兒大者每用一圓納口內含化。或以新汲水調點舌上。

烏梅膏

治諸渴不止。吐瀉後口乾無味。及病中昏悶。咽痛不利。心悸似驚。此藥品味不寒不燥。用得其宜。暑月出路含化。則津液生而煩渴少。神效異常。

人參去蘆

檀香剉曬

薄荷葉三味各半兩

烏梅肉薄切用屋瓦慢火焙乾

乾葛

縮砂仁

百藥煎

粉 草五味各一兩

右除檀香不過火。烏梅肉別焙。餘六味或晒或焙。仍同前二味研爲細末。煉蜜

圓芡實大。每服一圓或二圓。無時含嚥。兒小者麥門冬熟水化服。

烏附膏

理顛門陷。

綿川烏生用

綿附子生用二味各五錢

雄黃二錢

右件爲末。用生葱和根葉細切爛杵。入前藥末同煎。空心作成膏。貼陷處。

烏豉膏

治六七歲以上小兒。疳顛腫毒。牙關緊硬。飲食不便。

綿川烏水浸潤炮裂去皮臍半兩

玄明粉二錢

淡豆豉三錢重水浸飯上蒸透

右以川烏爲末。同蒸豆豉玄明粉在乳鉢爛杵爲膏。圓芡實大。每用一圓。兒大者安在牙關內。令其自化。和痰吐出。又再如前法含化。腫毒自消。兒小者用薄荷蜜湯化開。以指頭抹入牙關內。嚥下亦不妨。

辟塵膏

治小兒塵埃入目。揩成腫熱作痛。啼哭不已。

油煙細墨

右以煙墨新汲井水濃磨。入玄明粉半錢。和勻爲膏。用筆多點目內。三五次卽效。仍忌飲酒一晝宵。

草麻膏

治暴患脫肛。

草麻子一兩

右件爛杵爲膏。捻作餅子。兩指寬大。貼顙上。如陰證脫肛。加生附子末。葱蒜同研作膏。依前法貼之。

鉤藤膏

治百日內嬰孩。脣面青冷。腹痛夜啼。及周歲以上者。盤腸內疳。諸疝氣疾。

鉤藤和鉤

玄胡索

當歸酒洗

粉草炙

乳香五錢各

肉桂去粗皮

麝香一字

右前四味焙乾。桂不過火。同爲末。乳香藟葉裏熨斗盛火。熨透候冷。入乳鉢同麝細杵。後入前藥末再杵勻。煉蜜圓芡實大。每用一圓至二圓。白湯空心化服。

黃連膏

治時行火眼。赤腫澀痛。晝夜煩啼。

淨黃連二錢半

右件細剉。雞子一枚。筋嘴札開。一頭大處。取清瓦盞盛入黃連和勻。釀一時。見黃色。以絹濾過成膏。患者仰面臥。外令人挑一字許。頻點目內。覺口中有苦味。滿舌。上藥之驗也。豆瘡餘毒攻眼。眇多有熱。用之亦驗。

益中膏 一名助胃膏

治脾胃虛弱。吐瀉腹脹。肚疼困倦。有因感冷而瀉。夜起頻數。大便過時。食不剋化。

肉豆蔻

丁香

縮砂仁

訶子肉

炮去核四味各二錢半

粉草炙

青皮

去白二味各半兩

陳皮

去白一兩

馬

芹淨洗焙乾三錢

右除丁香不過火。餘七味焙。仍同丁香爲末。煉蜜圓。芡實大。每用一圓至二圓。白湯空心化服。

玄霜膏

治一切湯火瘡。但傅上痛止。更無癰痕。

好糯米五升或不少不拘

右用堅硬鐵器盛貯。見天處以雪水浸一二月。不問腐爛。仍用竹器撈出。於大筲箕內。別取淨水淋過晒乾。焦炒研為細末。新汲井水調塗患處。如乾燥。又以軟雞翎蘸水添拂瘡上。使之滋潤痛減。藥少再添用。自然效速。末久成團再研細。一名玄霜散。炒透黑色。煙清為度。

清涼膏

治暴赤火眼腫痛。及血癰作疼發熱。

大黃

淨黃連

黃檗

赤葛

細辛和葉

薄荷葉

風化朴消七味各一兩

右前六味。或晒或焙為末。臨入朴消。乳鉢內同杵勻。每用一錢至二錢。冷水加薑汁調塗太陽。或新汲井水調妙。熱癰以涼米湯水調。搽患處。

祛風膏

治急慢驚搐。臍風撮口。牙關緊閉。痰涎壅盛。咽喉腫痛。

歲靈仙

去蘆一兩半細剉焙研為末

右用皂莢三兩。去皮弦搥損。挪溫水一盃。絹濾過。慢火熬若稀糊。入醇醋半兩。

再熬三五沸。去火候冷。用前藥末亭分。乳鉢內杵勻。圓芡實大。先用鹽梅肉擦牙根。次以此膏一圓或二圓。溫白湯濃調。抹入左右牙關內。卽開。續進別藥。熬時得瓦器爲上。銀器尤佳。及解風痰壅盛。淡薑湯調化。無時少與含嚥。咽喉腫痛。溫茶清調下。或薄荷湯。

千金膏

治水瀉疳瀉。下痢赤白。腹痛煩渴。

橡斗子一兩

細茶

白薑

甘草三味各二錢半

白芷五錢

右件剉焙爲末。煉蜜圓芡實大。每服二圓至三圓。溫米清湯空心化下。入醋。與蜜相亭。爲膏尤妙。湯溫化服。

丹飲門

丹類

水晶丹

治驚積、食積、蟲積腹脹。煩啼惡心。食減面黃。並宜通利。此藥有頑積驚重風緊。涎多熱極。乃可服。非常用之劑。及急驚後。風痰未盡。免生癡疾。宜再投。

南星劉作小塊。湯煮少時。半夏如前製。二錢。滑石四錢。輕粉五十

淨蕪荑二百片。巴豆五十粒。去殼。全者湯泡七次。又去膜。作二邊水煮少時。曬乾。碎切。

右前三味焙為末。拌和輕粉外。蕪荑仁、巴豆二味同碎切。在乳鉢內細杵。入前藥末再杵勻。如烏犀圓內製麵糊。圓麻仁大。每服十五圓至二十五圓。或三十圓。糯米湯泡葱白取汁。小盞五更初空心下。過三五行。進勻氣散調補。下風痰用淡薑湯空心服。

不驚丹

治因驚氣而吐逆作搐。痰涎壅塞。手足掣縮。目睛斜視。常服疏風順氣。自不作驚。和脾胃。進飲食。

枳殼同上製。一兩。淡豆豉焙乾。茯神去皮。南星同上製。三

蠍梢五十尾。去尖毒。淨蕪荑二錢半。先入乳鉢內極細研爛。

右除蕪荑外。餘五味焙為末。再同蕪荑乳鉢內杵勻。醋煮糯米粉糊為圓。周歲

內嬰孩粟穀大。每服三十圓至五十圓。乳汁下。三歲以上者。麻仁大。每服五十圓及六十圓。溫米清湯下。候一時得喫乳食。

鶴頂丹

治陰陽二證結胸神妙。勝陷胸、承氣、瀉心三藥。

明白礬一兩

真銀硃半兩

右二味同研爲末。用熨斗盛少炭火。坐小瓦盞在上。平抄礬硃末一錢入盞中。鎔化。急刮出。就搓成圓。如有前證。每用一圓。研細茶清調勻。溫服。或入薑汁少許同炒下。聽心上有隱隱微聲。結者自散。不動藏府。不傷真氣。無問虛實證。皆可投。白礬能化痰解毒。銀硃是水銀或硫黃煉成汁。專破積聚。故治結胸。

黑虎丹

治諸般風證。

草烏

去黑皮只川

烏

去黑皮

甘草

七錢

麻黃

根不去

甘松

熟乾地黄

淨洗

藿香葉

白芷

油煙墨

燒存

猪牙皂莢

川芎

當歸

何首烏

南星生用

僵蠶去絲

赤小豆

羌活

白膠香

木鼈子去油十六兩

右件剉碎。或焙或晒。研為細末。糯米粉煮糊。圓麻仁大。每服三十圓至五十圓。或七十圓。稍空心用淡薑湯下。兒小者。圓作粟穀大。治法如前。

祛暑丹

治小兒暑月五心煩熱。睡臥不穩。無時啞噤。及小便少。乳食減。渴飲水漿。

硃砂末

水飛三錢

黃芩末

甘草末二兩

五苓散末二兩

右件和勻。煉蜜圓。芡實大。每服一圓至二圓。麥門冬熟水無時化服。臨睡時投亦佳。

四神丹

治水瀉赤白痢。

淨黃連三錢

黃檗去粗皮七錢

白薑

當歸酒洗焙乾二錢半

右四味薄剉。或曬或焙為末。用烏犀圓內製飯糊。圓麻仁大。每服三十圓至五十圓。烏梅煎湯空心下。其他病證。多好甘甜鹹美。惟瀉痢惡之。專喜酸苦澀淡。

爲上。故以烏梅作湯使兒小者圓粟穀大。下法同前。

祛瘧丹

治瘧疾經久不瘥。

常山二兩細剉 烏梅和核一兩薄切 紅丹半兩

右除烏梅屋瓦別焙。常山或曬或焙。仍同烏梅紅丹研爲細末。糯米粉煮糊圓。麻仁大。每服三十圓至五十圓。未發前涼酒空心送下。或隔晚酒下。重則二服。輕則一服。忌雞麵羊生冷飲食毒物。

飲類

百傷飲

主百物所傷。感冒風寒邪氣。不拘冷熱二證。並宜可服。惟慢驚慢脾不用。

乾葛三兩 淨香附二兩 升麻淨洗 青皮去白

陳皮去白 穀芽淨洗 麥芽淨洗 桔梗剉炒

紫蘇和根 縮砂仁 甘草 神麴炒

赤芍藥各十一兩 麻黃同上 枳殼同上製二味

右件呔咀。每服二錢。水一盞。煎七分。無時溫服。或入薑、葱同煎。有積加水、酒、麴。熱多添燈心、竹葉煎投。

速效飲

治長成小兒。因他物或跌著觸損兩目。血脹腫痛。

荊芥穗

薄荷葉二味各半兩

草決明微炒一兩

甘草三錢生用

右爲粗末和。半生半炒。芝麻等分。炒二錢。在掌中盛。以乾喫咀嚼。味盡吐去渣。如此法投三五次即效。

柴胡飲

治骨蒸疳氣。五心煩熱。日晡轉盛。口乾無味。渴多身瘦。胸滿痰緊。小便黃色。食減神昏。

北柴胡去蘆淨洗

人參去蘆

當歸酒洗

黃芩

赤芍藥

甘草炙六味各一兩

大黃生用

桔梗去蘆剉炒

北五味去梗

半夏同製四味各半兩

右件呔咀。每服二錢。水一盞。爲梅小角。薑二片。煎七分。無時溫服。

四順飲

治血脈壅實。藏府生熱。煩赤煩躁。四肢驚掣。及因乳哺過傷。寒暄失理。令兒腸胃不調。蘊蓄積滯。並風熱結核。頭面多生瘡癬。目赤咽痛。

當歸酒洗二兩

大黃半一兩

赤芍藥三兩

甘草一兩

右件剉焙爲末。每服一錢。湯調溫服。不拘時。

清肺飲

治肺受風邪客熱。嗽聲不斷。氣促喘悶。痰壅鼻塞。流涕失音。及解時行疹毒豆瘡。涎多咳嗽。咽痛煩渴。

人參去蘆半兩

柴胡淨洗二兩

杏仁湯泡去皮尖

桔梗剉炒

赤芍藥

荊芥

枳殼同前製

桑白皮剉炒

北五味

麻黃同前製

半夏同前製 旋覆花五錢

甘草半一兩

右件咬咀。每服二錢。水一盞。薑二片。葱一根。煎七分。無時溫服。或入薄荷同煎。

冲和飲

治感冒風寒。頭疼發熱。肩背拘急。惡心嘔吐。腹痛膨脹。兼寒溼相搏。四肢拘急。冷氣侵襲。腰足疼痛。

蒼朮同上製一兩二錢

人參去蘆

前胡去蘆

桔梗剉炒三味各五錢

枳殼同上製

麻黃同上製

陳皮去白三味各三錢

川芎

白芷

半夏同上製

當歸酒洗

薄桂去粗皮

白芍藥

赤茯苓去皮七味各一錢半乾

薑

厚朴同上製二味各二錢

甘草炙七錢半

右件咬咀。每服二錢。水一盞。薑二片。葱一根。煎七分。無時溫服。傷冷惡心嘔吐。煨薑同煎。開胃進食。加棗子煎。空心溫投。寒疝痛。入鹽炒茱萸。茴香同煎。

明目飲

治心脾蘊熱。肝受風邪。致兩目羞明。經久不瘳。

山梔仁

淨香附二味各一兩

夏枯草去梗半兩

右件咬咀。每服二錢。水一盞。蜜大匙。煎七分。無時溫服。

玉露飲

治頰赤咽乾。心煩躁。睡不穩。身熱頭痛。兼中暑發渴昏悶。小便不通。驚氣入腎。夢中齧牙。加金珠散。薄荷湯。空心溫服。

寒水石 中有細紋以手可碎者是

石膏 潔白堅硬而有牆壁者是二味各一兩重

甘草 三錢曬乾天陰火焙

右除前二味外。甘草剉曬或焙。同為細末。每服半錢至一錢。溫湯無時調服。或麥門冬熟水。

寬氣飲

主通利關節。除胸膈痞結。消痰逐水。進美飲食。及治蓄氣而成痞。傳變急慢驚風。氣逆不和。精神昏倦。

枳殼 同上製

枳實 同上製二人實味各一兩

甘草 炙二味各半兩

右件剉焙為末。每服半錢至一錢。淨湯無時調服。驚風痰搐加薑汁。葱湯同調。熱極者入寬熱飲。薄荷蜜湯調下。或麥門冬湯。

菴豆飲

解誤服熱劑。煩躁悶亂。或作吐或狂渴。宜先投之。次服對證藥劑。

萊豆粉一兩

淨黃連

乾葛

甘草三兩各

右除萊豆粉外。餘三味或曬或焙為末。入乳鉢同萊豆粉杵勻。每服半錢至一錢。溫豉湯調服。

寬熱飲

主伏熱在裏。風痰壅滿。氣促昏悶。或脾胃停滯。日久飲食減少。面黃脈實。發熱無時。並宜可服。

枳

殼去麤心一兩剉片已豆十五粒作二邊去

大黃一兩

粉

草七錢

玄明粉二錢

右前三味。剉焙為末。臨入玄明粉。乳鉢內同前藥末杵勻。每服半錢至一錢。兒小者抄一字。並用薑蜜湯無時調服。或薄荷湯。

赤蒼飲

主脾胃因虛受溼。面浮而黃。或偏身作腫。飲食減少。氣不升降。小便赤色。腹肚膨脹。咳嗽有痰。及腫後當服神妙。加草果仁炮過。水薑棗煎投。

赤茯苓去皮

蒼朮同上製二味各一兩半

枳殼同上製一兩

藿香和根

半夏同上

淨香附

紫蘇和梗

厚朴同上

陳皮去白六錢半 甘草炙一兩

右件咬咀。每服二錢。水一盞。薑二片。煎七分。無時溫服。

化蟲飲

治化蟲毒在腹作痛。

檳榔

酸石榴根皮淨洗焙乾二兩

紅丹煨過

雷丸

貫衆如雞頭

使君子肉薄切焙四兩

甘草炙

枳殼同上

大黃三錢

右為細末。用清油煎雞子一枚。如春餅樣。候冷抄藥末一錢於上攤勻。空心捲而食之。兒小者用糯米粉水煮糊圓。粟穀大。每服十五圓至三十圓。以淡猪肉汁空心下。雞肉汁亦好。

玄參飲

治癰瘰。及頸上生惡核腫痛。

玄參

升麻二錢

川烏炮裂去

草烏炮裂去

當歸酒洗

川芎

赤葛

生乾地黃

赤芍藥

七味各二錢半

甘

草三錢

大

黃炮半生半四錢

右件咬咀。每服二錢。水一盞。薑二片。煎七分。無時溫服。

參香飲

治胃虛作吐。投諸藥不止。

人參

去蘆一兩

沉香

丁香

藿

香和梗

南木香

四味各二錢半

右件咬咀。每服二錢。水一盞。煎七分。去渣。臨入薑汁少許。作三次空心溫服。

健脾飲

健脾養胃。理嘔吐。治瀉痢。及諸病後氣色虛弱。有痰惡心。腹中微痛。飲食減。精神慢。並宜投服。

厚朴

同上製。再熱炒入醇醋。碎透。仍以慢火炒乾。

人

參去蘆二味各一兩

白茯苓去皮

肉豆蔻

半

夏同上製

益智仁

淨香附

五味各二錢半

良薑

剉片。東壁土炒。

訶子肉

二味各二錢

甘

草炙五錢

右件咬咀。每服二錢。水一盞。薑二片。棗一枚。煎七分。空心溫服。或無時。

五皮飲

主頭面四肢浮腫。時有微喘。飲食不進。

大腹皮淨洗焙乾

桑白皮去粗皮剉炒

茯苓皮淨去埃

生薑皮略洗焙乾

陳皮去白五味各一兩

右件咬咀。每服三錢。水一盞。煎七分。無時溫服。此劑但多投自然作効。勿以見方不重藥爲誤。

立効飲

主口內牙根舌上發瘡作痛。致語言飲食不便。咽痛。茶清調下。

淨黃連一兩

北細辛去葉二錢半

玄明粉二錢

右件細剉。或曬或焙爲末。仍同玄明粉乳鉢內杵勻。每用一字。乾點患處。或以一錢。新汲井水調塗瘡上。兒小者畏苦不肯點。用蜜水調抹爛處及舌上。令其自化。

沉香飲

治吐痢後。神昏倦怠。飲食減少。脾胃氣虛。水穀不化。或隨時直下。五心煩熱。盜汗常出。或聞食心惡。

沉香

丁香

南木香

藿香葉四味各二錢半

陳皮去白

白朮

半夏同上製

白茯苓去皮

肉豆蔻五味各五錢

粉草炙三錢

右除沉香、丁香、木香不過火。餘七味或曬或焙。仍同前三味研為細末。每服半錢至一錢。用紫蘇、木瓜煎湯。空心調服。棗湯亦好。

拔毒飲

解風熱毒氣上攻頭項。浮腫作痛發驚。及治發斑。

天花粉去粗皮一兩

生乾地黃淨洗

白芷

當歸尾酒洗

桔梗剉片蜜水炒過

甘草五味各半兩

右件咬咀。每服二錢。水一盞。煎七分。無時溫服。

藿香飲

理虛化痰。及治脾胃不和。飲食少進。正氣除邪。

人參去蘆

半夏同上

赤茯苓去皮

甘草炙四味各一兩

蒼朮同上製

陳皮去白

藿香去皮七錢半味厚

朴同上製一兩半

右件咬咀。每服二錢。水一盞。薑二片。棗一枚。煎七分。空心溫服。或入燒鹽同煎。

參蘇飲

解驚風煩悶。痰熱作搐。咳嗽氣逆。脾胃不和。

人參去蘆

紫蘇和梗

前胡去蘆

乾葛

半夏同上

赤茯苓去皮六錢半味

枳殼同上

陳皮去白

桔梗剉炒

甘草四錢各五錢

右件咬咀。每服二錢。水一盞。薑三片。煎七分。無時溫服。

紫草茸飲

和益脾胃。催張豆瘡。庶使易收。不致傳變。

紫草茸無嫩茸取近蘆半寸者代

人參去蘆

黃耆生用

當歸酒洗去尾

白芍藥

甘草六錢各半兩

右件咬咀。每服二錢。水一盞。糯米五十粒。煎七分。無時溫服。或入棗一枚。去核。

同煎。

天麻飲

治諸般風搐。不省人事。

天麻者明亮

川

烏炮製去皮二味各七錢

右件吹咀。每服二錢。水一盞。薑三片。慢火煎。若稀糊。無時勤與溫服。

黑白飲

治臍風氣實者。及急驚壯熱發搐。

黑牽牛半生炒

白牽牛半生炒

大黃生用

陳皮去白

檳榔五兩各

甘草炙三錢

玄明粉二錢

右除檳榔不過火。餘五味或曬或焙。仍合檳榔為末。同玄明粉入乳鉢再杵勻。每服半錢至一錢。溫蜜湯調化。空心投服。或無時。此藥新合最妙。久則效遲。

白附飲

治肝風剋脾土。痰涎壅盛。和飲食吐出。蓋風能生痰。痰壅甚食故吐出。

白附子

南星生用

半夏生用

川烏生用仍

天麻者明亮

陳皮去白

南木香

全蠍去尾尖毒

僵蠶去絲

丁香各二錢

右件咬咀。每服二錢。水一盞半。薑三片。慢火煎七分。作五次空心溫服。

二仙飲

治瘧疾。不拘歲月遠近。

青蒿去梗二兩五月五日采暴乾用

桂枝去粗皮半兩

右二味。剉曬為末。每服一錢。寒熱未發前。用涼酒調服。或先隔晚。亦以酒調下。加香薷葉二兩。好茶芽半兩。合研成末。又名斬邪飲。治證下法同前。療暑瘧尤勝。

雙金飲

治下痢赤白。晝夜頻密。及泄瀉經久。

大罌粟殼去蒂剉碎蜜水炒透晒乾一兩

大川芎剉碎釀醋半兩透候乾

右二味。再曬或焙為末。每服一錢至二錢。用粳米清湯空心調服。或溫蜜湯。

大順飲

解冒暑毒。煩渴吐瀉。腹痛發熱神昏。或衄血咯血。及大府下血。小便黃少。口乾汗多。

細 麵 二十

生 薑 十六

赤茯苓 去皮

粉 草 二味各五兩

右先以生薑方切如菉豆樣。石鉢內略杵爛。入麵再杵勻。攤作薄片。烈日中暴乾。赤茯苓粉草二味。細剉。同前薑麵片。或曬或焙。合研爲末。每服一錢至二錢。新汲井水無時調服。或溫熱湯。

快斑飲

治痘瘡出不快。

麻

黃 去節存根一兩半略以酒浸透一宿焙乾

紅色麴 半兩

薄

桂皮 去粗

甘

草 二味各三錢

右剉焙爲末。每服一錢。用溫白湯無時調服。

消暑清心飲

解伏熱中暑。煩躁作渴。神氣不清。及有驚搐。名暑風證。投之卽效。

香

薷梗 去老

澤

瀉 去粗皮二兩一扁

豆 同上

淨黃連

羌活

猪苓去皮

厚朴同上

白朮

乾葛

赤茯苓去皮

升麻

川芎十味各半兩

甘草二錢

右件咬咀。每服二錢。水一盞。煎七分。無時帶涼服。治暑風證。先投此劑得效。次服卻暑丹。其搐不致再發。

定喘飲

治夾風痰喘氣促。不拘冷熱二證。

人參去蘆

麻黃根不去節

防己去黑皮

訶子去核

半夏同上

甘草六味各五錢

右件咬咀。每服二錢。水一盞。薑二片。煎七分。無時溫服。

常山飲

治瘧後單熱不退。

常山

檳榔二味各二兩

烏梅一兩和核

右前二味各剉片。各用醇醋釀一宿。常山炒乾。檳榔曬乾。仍同烏梅咬咀。每服

二錢。水一盞。煎七分。熱未發。先空心帶涼服。仍忌雞酒羊麵生果毒物。有寒熱經久不除者。加此劑於小柴胡湯。或藿香飲內。同煎亦效。

消毒飲

解急驚風毒。赤紫丹瘤。壯熱狂躁。睡臥不安。胸膈滿悶。咽喉腫痛。九道有血妄行。及徧身瘡疥。

牛蒡子 六兩

荊芥穗 二兩

甘草 一兩

右件咬咀。每服二錢。水一盞。煎七分。無時溫服。

縮砂飲

和胃氣。消宿食。及理腹痛。快膈調脾。

沉香 一兩

縮砂仁

烏藥 二兩 各

淨香附 四兩

甘草 二錢 炙一兩

右除沉香不過火。餘四味剉焙。仍同沉香研為細末。每服一錢。用溫鹽湯無時調服。或空心燒鹽湯調下亦好。及紫蘇棗湯尤妙。

定吐飲

治吐逆投諸藥不止。用此神效。

半夏同前製咀咀如菴豆大篩去細末二兩

生薑淨洗拭乾和皮二兩薄 桂咀去粗皮三錢

右生薑切作小方塊。如菴豆大。同前半夏和勻。入小鐺內。慢火順手炒令香熟。帶乾。方下桂再炒勻。微有香氣。以皮紙攤盛。地上出火毒候冷。略簸去黑焦末。每服二錢。水一盞。薑二片。煎七分。稍空心少與緩服。

萬安飲

此劑能推陳致新。除邪輔正。和益脾胃。宣通氣血。調順飲食。疏解風寒。寧心化痰。去煩理熱。不拘證在表裏。並宜可投。常服百病不生。貞元益固。補養諸虛。亦有驗矣。此方與宣明論當歸飲相類不遠。治法最多。其藥品之外。惟加枳殼。半夏。

人參去蘆

當歸酒洗

大黃生用

防風去蘆

柴胡去蘆

枳殼同前製

半夏同上製

芍藥淨洗

黃芩

甘草十味各一兩

滑石末六兩

右件咀。除滑石末。臨入和勻。每服二錢。水一盞。薑二片。煎七分。無時溫服。或加棗一枚同煎。

金餅門

金類

一字金

治初生嬰孩一七之外。欲成臍風撮口。及卒中急驚慢風。牙關緊閉。痰涎上壅。

殭

蠶去絲

威靈仙去蘆二味各四錢

明白礬二錢

細辛去葉一錢

甘

草生用二錢半

右件剉焙爲末。每服一字至半錢。薑汁沸湯調和。以指抹入牙關內。治卒中急慢驚證。口噤不開。用鹽梅湯調擦上下牙根二處。

一匕金

治痘瘡黑陷。或變紫黯色。證在急危。但投此藥。亦能頓蘇而復紅壯。則此劑又勝人齒散。若精神昏慢。口鼻氣冷。不復救矣。

穿山甲

同上製五錢

紅色麴炒

川烏一枚

灰火中帶焦炮二味各二錢半

右研爲末。入麝香半字。同在乳鉢杵勻。每用一匕。用葱白濃煎湯調下。止投一

服或二服。

一抹金

治偏身生瘡。潰爛如糜梨。燥痛膿汁不乾。

黎蘆淨洗

蛇牀子去埃土

紅丹火飛過三錢

硫黃

赤石脂

明白礬火飛過

五倍子去內蟲屑

黃

槩去粗皮五錢

輕粉五十貼

右前八味。或曬或焙為末。仍同輕粉在乳鉢再杵勻。用生肥猪膏碎切。以瓦鉢和藥末爛杵。塗抹患處。或清油調搽亦可。

餅類

香橘餅

治嬰孩過傷乳食。或吐或瀉。及病後虛中感積成痢。氣弱神昏。面黃目慢。

南木香

陳橘皮去白

青皮去白三錢半

朴同上製七錢

縮砂仁

神麴溼紙裏炮

麥芽淨洗焙三錢

稜炮剉三錢

右除木香不過火。餘七味剉焙。仍同木香研為細末。煉蜜捻作餅子。如芡實大。

每服一餅至三餅。用棗湯化開。空心溫服。米清湯亦可。

通聖餅

治大府閉澀。連日不通。滿腹膨脹。氣壅悶亂。服藥罔效。

淨黃連二錢

巴豆

生蒜一箇

生鹽半錢

右以黃連剉碎爲末。同後三味石鉢內爛杵。捻作餅子。寸半闊。貼臍。緊搓乾艾。切作菴豆大五枚。作五次安臍間餅子上。以火灸之卽通。

薑豉餅

治久因溼氣中於膀胱。復爲風邪客熱攻激。小便不利。臍凸腹脹。食減作痛。先投解表散。後用此藥貼之。

生薑碎一兩

生

葱五根

豆豉七錢

生鹽一錢

生蒜碎七個

酖

糟一盞。薑酒代。穿山甲同上製。

右件入石鉢內同杵爛。捻作餅子。二寸闊。用微火炒熱。帶溫貼臍上。外以絹帕兜住。如冷。依前法換帶溫者貼之。或再以火烘煖亦好。

拾遺

香艾圓

此劑小兒常進。驚積自除。色澤殊異。手足肥健。脾胃調和。兼理男子婦人諸虛不足。生氣血。暖中焦。固養精神。消進飲食。男子服之。身體強壯。寒暑耐安。婦人投之。百病不生。經脈通順。

淨香附 一斤

乾艾葉 四兩

右二味。瓦器盛。用醇醋浸經七日。於淨鍋內用火煮令醋盡。就炒乾研為細末。仍用醋煮粳米粉為糊。入乳鉢亭分杵勻。小兒圓如蘿蔔子。大人圓如梧桐子。每服三十圓至五十圓。或七十圓。湯酒米飲隨意送下。並不拘時。婦人血氣素虛無生育者。加琥珀二兩。同作圓服。極效。粒數湯使下法。亦依前。或用棗湯。

烏白圓

治五六歲以上小兒。頭風苦痛。或一邊作痛。及療耳聾耳。

綿川烏

湯浸潤略去皮

草

烏略炮去皮

川白芷

蒼

朮

如上製四味各一兩

右件剉焙為末。用生葱汁合麵糊圓。菴豆大。慢火焙乾。晴曬亦好。每服三十圓至五十圓。或七十圓。食後臨臥用溫清茶送下。其葱汁法。用生葱不去根葉。入

水同搗爛取汁

既濟解毒丹

治小兒中熱。睡中齧牙。夢語驚悸不寧。或吐血溺血。強渴引飲。手足動搖。狀似鬼祟。並宜投服。

淨黃連五分

黃蘗去粗皮

黃芩淨者

大黃三錢各

肉桂去粗皮

枳殼同上

白茯苓去粗皮三錢各

甘草七錢

右除桂不過火。餘七味剉焙。仍同桂爲末。滴水乳鉢內熟杵。圓葉豆大。帶潤以水飛。硃砂末爲衣。陰乾。每服三十圓至五十圓。用麥門冬熟水無時送下。吐血溺血。梔子仁煎湯下。兒小者。薄荷湯磨化投服。

輕粉散

治長成小兒。蟲蛀牙疼。飲食不便。

輕粉

白礬生用

雄黃

紅丹四錢各

麝香半字

右件入乳鉢細杵爲末。先用五倍子、鶴虱、生葱。煮水大半盃。候溫灌漱令淨。次

以前末藥一字或半錢擦患處。六七次即效。

獨聖散

治嬰孩滿口白屑。或如粟穀。糜爛作痛。不能乳食。晝夜煩啼。此名鵝口證。

大北南星

對開白者爲佳不拘多少

右件爲末。炒一錢或二錢。醋蜜調塗顴門上。於中間留一小指大不塗。及傅男左女右足心。仍以立效。飲溫蜜水調點舌上。令其自化尤佳。

藿香托裏散

治諸腫毒癰疽。已潰未潰者。及疔瘡流注徧身。並內外一切黃證。惡心嘔逆。憎寒壯熱。晝夜疼痛。不拘老少。悉宜服之。此藥非特解毒。大能正氣理虛。祛風去煩。排膿活血。定痛消腫。

藿香

連翹

山梔仁

川當歸酒洗

木通去節

芍藥

僵蠶去絲

甘草八味各二錢半

大黃生用

茵陳

黃耆生用

貝母四味各五錢

右件咬咀。每服二錢。酒水各大半盞。煎八分。病在上食後溫服。病在下食前溫

服。

拔毒散

治癩犬惡犬所傷。不拘老幼。並宜可投。

斑

蝨

七枚去翅足用屋瓦盛入糯米同煮不用米

黑牽牛末

二錢半先研取末

右二味和勻。用無灰溫酒調作一服。空心投。其毒自小便中出。或從大府過。似葡萄肉。或如犬形。見毒出盡。尚覺腹中有痛。取用青黛入乳鉢杵勻。仍羅為末。每服三錢。井花水調下二服。不拘時。

神應散

治小兒大人虛嗽。神效。

罌粟殼

去梗蒂剉碎蜜水炒

杏

仁

湯泡去皮尖炒過

白膠香

浮者水煮過曬乾

人

參

去蘆

阿膠

剉碎炒過

麻

黃

去節存根

烏

梅

和核五味各二兩

桑白皮

去粗皮剉碎蜜水炒

款冬花

浮者四味各一兩

甘

草

炙一兩

右件咬咀。每服二錢。水大盞。薑三片。棗一枚。煎八分。空心溫服。或不拘時。

涼肺散

治小兒大人一切實嗽。

桑白皮

去粗皮剉碎蜜水炒過二兩

桔梗

剉炒 天花粉

乾葛

麻黃

薄荷

黃芩

杏仁

不去皮尖 知母

貝母

木通

款冬花

淨者 麥門冬

去心二錢半味甘草兩生用一錢

右件咬咀。每服二錢。水大盞薑三片。葱一根。煎八分。無時溫服。如有熱氣促。加

大黃製。枳殼各一兩。

玄明粉

治腎水衰虛。肝經邪熱。視物不明。或生障翳。胫肉攀睛。迎風淚出。或如蠅飛油星。或睛澀腫。痛癢不可忍。並皆治之。及療風熱上壅。咽痛口瘡。痰實咳嗽不活。悉宜加諸藥內。自然作效。

明淨朴硝

右於臘月霜雪凝寒之際。用皂莢三兩重。略炮搥碎。溫熱湯六盞。挪去渣浸化。薄皮紙二重濾過澄清。入鐵鍋煮至一半。候溫。傾出瓦盆內。於見天處露一宿。

次早結塊。再用淨熱水六盃化開。入大蘿蔔八兩重。切作二分厚一片同煮。見蘿蔔熟爲度。仍便在瓦盆去蘿蔔片。放在見天處露一宿。次日結塊去水。取去濾乾。入好皮紙袋盛。懸掛當風處。自然成粉。用以點眼。只如常法。治風熱等疾。隨意加減用之。

必勝散

治小兒大人病中聞飲食藥氣。即惡心乾嘔。不能療者。

川白芷

不拘多少

右件剉曬或焙研爲細末。抄一字及半錢於舌上。令其自化。或用掌心盛之。以舌舐嚥。兒小者溫淨湯濃調。少與含化。並不拘時。至六七次即效。

遠徹膏

治大小府祕澀。投諸藥無驗。不拘老幼。並皆療之。

穿山甲

尾足上者佳。燒透二錢重。

五靈脂

淨者二錢重。

右二味研爲細末。次以巴豆二錢重。去殼研碎。和前藥末。仍用大蒜四錢重。去上粗皮三五層。於砂鉢內爛杵如泥。圓作一餅。納臍中。以絹帕繫之。外以掌心

火上烘熱。熨至八九次。聞腹中微響即通。

至聖散

治老幼暴吐。服藥不止者。神驗。

枇杷葉

淨刷去葉後毛
剉碎二兩重

半

夏四咀淨者
兩重

右件用生薑四兩重。切作菰豆大。拌勻。釀一宿。慢火炒令微焦色。以皮紙盛於地上。候冷。每服二錢。水一盞。煎七分。去渣。空心少與緩投。或入諸藥內同煎服。亦效。

八仙飲

治小兒男子婦人血風目疾。經久不瘥。晝夜澀痛。視物不明。甚至生翳散漫。投諸藥未驗者。

生乾地黃

淨洗
焙乾

赤芍藥

大川芎

羌活

川當歸尾

酒洗
焙乾

龍膽草

漢防己

甘

草

八味各
五錢

右件咀咀。每服二錢。水一盞。白蜜半匙。煎八分。去渣。食後臨臥二時溫服。

活幼心書終

跋一

曾世榮活幼新書上中下三卷。上卷爲決證詩賦。中卷爲明本論並拾遺。下卷爲信效方並拾遺。余向曾見此刻多闕失。故未收。後又收得一本。非此刻矣。適從五硯樓以醫書一櫥歸海寧友人。余爲之介。遂檢得是書。中多缺葉。影鈔別本補全。卽所收之又一本。而非原刻也。重付裝池。而識其緣起如此。

嘉慶辛未中秋前二日復翁丕烈識

跋一一

元本活幼心書三卷。每半葉十一行。每行二十一二字不等。蓋至元甲午曾氏原刻全裘。藝風前輩所藏士禮居本也。德顯出處無徵。是書辨證詳明。處方精審。允爲仁人之言。自序備述淵源。極有心得。爰爲重刻。以廣流傳。同治衡陽縣志及各家著錄。多作新書。黃跋偶沿其誤。千頃堂書目。光緒湖南通志。據抱經堂補元志。並作二卷。殆亦未見全書。明宣德庚戌有修補本。日本高保甲寅曾爲校刻。皆不及此本之善。因屬翟君展成鳳翔蕭君伯丞延平再三讎校。改正良多。並附校記於後。其昭晰無疑者。不復贅列。庶後之君子有所考焉。

宣統二年庚戌二月武昌柯逢時

活幼心書校記

決證詩賦卷上

吳序

善狀

狀原

反激他證

反原

成效之速

成原

原作

威速

決證詩六論

因有薄荷

原文

恐誤

下文

有皮

嫩皮

厚

皮嫩

嫩原

不言之疾乎

原

耳作

詩七論

蓋周歲以前

蓋原

疏滌

積聚

條原

詩十九

揚晴

原作

詩五十一

風痰結聚

風痰原

作

咳嗽

十一改

詩五十六

風溼

溼原

詩七十一

暑溼

溼原

賦七十五

腎有證攻

腎原

怨咨

咨原

晉代叔和

代原

明本論卷中

胎寒一

庶漸瘥也

漸原

夜啼四 遏熱鎮心遏原

急驚五 目睛原作如怒怒原勻氣散止補勻原

慢驚六 惟載陰癇載原不可治也治原

風毒七 營化營疑但依前依原

傷積八 風寒所襲襲原

熱證九 面慘慘原恰五百一十二日恰原作目腹疼嘔吐腹原中指獨自冷原

中指毒遇晚二發二疑

傷寒十 書音省省原以無驚圓圓原之例惟多錯錯原今一律改圓名遽然

出外遽原正氣將衰正氣二百骸骸原

咳嗽十一 癖塊頑塊作

吐瀉十二 詳究治法究原養宗筋宗原

諸吐十三 其吐自減減原

諸瀉十四 素弱素原化癖圓癖原粳米粳原不黏者以下照改抗糞稠糞原

赤白痢十五 亦效效原

腫證十六 施治施原兩脇脇原鴨塘塘原手足背皆腫背原其腫如初其原

脫肛十九 風屬木木原

癰證二十 七情所汨汨原

瘧疾二十一 閒日而作閒原勻氣散止補勻原加草果果原為醫為父母者者原

在醫字下

瘡疹二十六 發之亦少之字原導赤葛散導字原為其藥性藥原異功散功原噬

臍臍原作劑蚊蚤蚊原作蚊病必致危病原

陰囊腫二十七 縱弛弛原張張原感風溼溼原

驚癰鶴膝二十八 閒服排風湯閒原

五淋三十 而為洩洩原名曰陰閉閉原薑豉餅豉原

口瘡三十三 脣弦弦原

諸瘡三十四 及三解散及原木通散閒服閒原

目疾三十五 紅弦弦原

重舌三十七 卷音捲音卷札針札原

五軟三十八 鞠音報原作鞠

諸汗三十九 驚汗作汗原肝

黃證四十 兩目弦作弦原弦

辨藥病不相主對二 所傳藥性作傳原侍

評非時用附子大黃四 侯自牧侯原作侯下同惟

信效方卷下

目錄 使君子圓圓原作丸以下

拾遺目錄凡十四原

白芍藥湯十 臍下痛臍原

六和湯三十三 水一盅盅原

黃耆六一湯三十四 口揚揚原甘草一兩缺一原

坎離湯三十七 甘草無分數或下二

化丹湯四十 石膏末無分數薄桂下注入

雄黃散六 川烏頭此葉鈔補作川芎按下重

瀉黃散二十七 微炒香錢氏原作妙據

調元散二十八 手足如癰癰原作簡

霹靂散五十 白芷三味各二錢原作

麝香人齒散五十六 入腎腎原作胃

補腎地黃圓九 取皮為用用原作則

香陸胃苓圓十一 此藥藥原作茲

二薑圓十二 就帶潤帶原作滯

沒石子圓十三 肉豆蔻一枚一原刻

二聖圓二十二 逐水逐原作遂

地黃膏三 納口內納原作紙

烏豉膏六 炸炸原作腰

劫風膏十四劫原作錄改方

寬熱飲十一 見微黃色去巴豆片原作見微去黃

白附子飲二十六 白附飲共十味原注五味各二錢茲據

拾遺

輕粉散四 五倍子倍原作部

藿香托裏散六托原作托

拔毒散七 犬形形原作刑

玄明粉十 蠅飛飛原作方 類類原作維 繩繩改

〔清〕 孟介石 編著

幼科直言

中國醫學大成

幼科直言提要

清孟河著。河字介石。江寧人。雍正四年刻成。首論痘症各證。次論痧疹及證治各方。次論小兒有病看三關虎口。小兒始生變蒸。小兒脈法、望色、嘔吐、泄瀉、急慢驚、五疳、痞疾、痢、瘧、中暑、五疸、傷寒、腹痛、頭痛、眼病、癩癬、瘡、疔、氣、腫脹、喘、汗、吐血、童子癆、龜胸、龜背、吐蟲、解蟲、鼻衄、口瘡、墊舌、馬牙、齒血、耳聾、赤遊風、疥瘡、風疹、疔瘡、溺血、淋疾。孟氏庭訓。末附敗毒良方。易產良方。及一切雜方。附論脈直指。送方送藥。說以淺顯之文。達幽深之理。雖村翁老嫗亦能讀之。曰直言者。以直言無隱。簡而不繁。質而不華。介乎淺深之間。狀難明之症。傳經驗之方。按其方而治病。百無一失。足使舉世之稚兒無夭枉之患。亟爲重刊。傳之後世。

孫敘

雍正乙巳。予奉命視學安徽。署在姑孰。與金陵密邇。丙子春。予幼子疾幾殆。延醫於金陵。而東山孟年兄。竟不我棄。而肯來焉。東山之先人。世以醫名家。而東山業儒。邃於儒而兼醫。故其醫尤邃。計日程效。不爽時刻。雖古之和緩。不是過也。暇日出其先人介石公所著幼科直言。予讀之而肅然起敬焉。夫醫道不易。而幼科尤難。凡視病者。望聞問切。小兒不能言。而脈易變。不可問而切也。故其症難明。臟腑皆弱。不勝諸毒。故其藥難用。而天下之爲幼科者。類皆村翁老嫗。不能精通文義。故其書亦難著。淺言之而不詳。深言之而不解。以不精通文義之人。讀不詳不解之書。以臨難明之症。而用難用之藥。如是而望其有效。必無冀矣。孟氏有憂之。故與之直言。簡而不繁。質而不華。介乎深淺之間。其言易曉。而未嘗不詳。其理甚備。而盡人可解。狀難明之症。傳經驗之方。雖村翁老嫗讀之。而皆能豁然有悟。按其方以治症。百不失一焉。是不啻汲上池之水。遍飲天下之人。皆可以爲鵲佗和緩。將天下之孤幼得遂長。而老者可以無悲。其爲德豈有旣哉。東山之重刊是書而

廣之也。可謂善繼先志而能仁天下者矣。故爲序。

昔雍正四年仲秋朔旦安徽督學使者合河孫嘉淦書於姑孰署中

送方送藥說

凡送方送藥者。必先求其無害。而後求其有效。始稱完全功德。如小兒癩癧瘡方。傳者甚衆。搽上即愈。其後遺害不小。可不慎乎。故方必始終無害。乃可流傳。若一概施之。功小害大。誤人不淺。即如吐血虛弱等症。亦不可概施於人。恐陽臟陰臟不同。虛實各異。倘一錯傳。爲害尤甚。甚至害眼生瘡。藥物種種不同。誤事亦多。皆宜慎之。其方內藥料太貴者。不宜用。恐貧乏者無力取買。或路僻取藥不便。妄爲改換。反致有誤。高明者幸酌量之。

幼科直言送方送藥說

幼科直言目錄

卷一 痘症

總論	一
發熱	二
見點	二
部位	二
顏色	四
神情	四
驚	四
惡心作嘔	五
口渴	五
瘡	六

煩躁	六
喘湊	六
咬牙	七
寒戰	七
吐蟲解蟲	七
吐血鼻血便血撒血	八
噴嚏	八
腹痛	八
腰痛	八
身痛	九

腫	九
唇腫	九
舌	九
齒	〇
眼目赤紅	〇
鼻	〇
汗	一
胃口	一
泄瀉并便結	一
痢疾	二
小便	二
賊痘	二
聚痘	二
起泡	三

報痘	一三
封眼	一三
抓破	一四
灌漿	一四
停漿不收	一五
皮薄痘	一五
結痂	一六
夾痧疹	一七
夾斑	一七
痘後生瘡	一八
痘後生毒	一八
貼痘毒膏藥	一九
痘後作腫	一九
痘疔	二〇

孕婦出痘

目翳

一一

一一

口瘡方

一一二

卷一一

順症痘方

險症痘方

逆症論

閉症論

痘症用藥大概加減

痘症必用方

十全大補湯

四君子湯

六君子湯

獨參湯

一

三

〇

一

一

二

二

三

三

四

當歸養血湯

神功散

竹葉石膏湯

黃連解毒湯

加味逍遙散

潤腸丸

抱龍丸

犀角解毒丸

補脾肥兒丸

參苓白朮散

一四

一四

一五

一五

一六

一六

一七

一七

一八

一八

六一散	一九
猪肝散	一九
護眼方	一九
金汁	二〇
人糞灰	二〇
痘落痂後洗浴方	二〇
稀痘說	二一
水痘辯	二一

總論	二二
發表藥說	二五
論醫	二六
忌觸犯	二六
用燈看痘	二七
芫荽觀音柳洗浴	二七
食物類	二七
藥引說	二八

卷二 痧症

總論	一
痧症方	四
痧症用藥大概加減	一

補遺二則	一四
募施治痧要方	一五

卷四

卷五

小兒有病看虎口三關	一
經紋歌	一
小兒初受氣論	二
小兒始生變蒸	二
小兒脈法	四
持脈三要	四
脈象綱領圖	四
望色	五
嘔吐	七
傷寒	一
傷寒咳嗽	六
腹痛	九

泄瀉	九
急驚	一二
慢驚	一六
五疳	一七
痞疾	二二
痢疾	二三
瘧疾	三一
中暑	三七
五疸	三九
頭痛	一二
霍亂	一二
眼症	一四

小兒癩癬瘡症	一六
疝氣	一七
腫症	一七
脹症	二〇
出汗	二一
喘症	二三
童子癆	二六
吐血	二八
龜胸龜背	二九
中溼	三一
吐蟲解蟲	三三
鼻衄	三五
發熱	三八
口瘡	四〇

墊舌馬牙	四一
頭暈	四二
耳聾	四三
齒縫出血	四五
丹瘤	四六
胃脘疼	四七
氣疼	五〇
疥瘡膿窠瘡	五〇
風疹疙瘡	五二
便血	五三
小便撒血	五五
淋疾	五五
胎疾	五七
傷食	五九

附刻孟氏庭訓……………六一

卷六 雜症

敗毒良方……………	一
易產良方……………	一
蛇丹瘡 蜘蛛瘡……………	二
火湯傷患……………	二
天泡瘡……………	三
腿上生血風瘡……………	三
男婦水臌腫脹效方……………	三
小腸氣膀胱脹痛……………	三
鼻衄方補……………	四
乳蛾……………	四
募施夏秋泡湯正氣散……………	四

果報四則……………六一

中風……………	八
勿藥……………	八
痘毒痘疔膏……………	一二
小兒脫肛不收……………	一二
滋腎種子丸……………	一二
調經養榮種子丸……………	一三
白虎癰節瘋……………	一四
痔瘡經驗良方……………	一七
治男婦小兒頸上瘰癧方……………	一七
治小兒不出痘經驗良方……………	一八
治痘風眼經驗良方……………	一九

治小兒痰核腫硬良方	一九
發背勿藥良方	一九
雜症驗方	二〇
頸項對口毒良方	二〇
久痢不止方	二〇
又方亦治久痢	二一
吞黑豆良方	二一
痔瘡良方	二二
壁蟾傷人方	二二
治婦人兒風	二二
治刺良方	二三
洗浴癱瘓勿藥良方	二三
貼頸項瘰癧第一神效膏	二三
藥方	二三

便血日久良方	二四
用藥必分陰臟陽臟說	二五
敷毒驗方	二五
心口疼方	二六
治中風口眼歪斜	二六
大痲風癩疾	二六
膈食病方	二六
受蠱毒	二七
華仙人稀痘良方	二七
又稀痘方	二七
跌打刀傷方	二八
去竹柴魚刺方	二八
鵝掌風神效方	二八
湯火傷患	二九
治一切腫毒疼痛難忍者	二九

論脈直指

脈之理甚微。凡看病須知望聞問切。望者望其顏色。聞者聞其聲音。問者問其致病之根由。切者切其脈之表裏虛實。但遇病必先明告醫家。而後切脈。庶不有誤。病犯重症而脈乃現。或雀啄。或蝦遊。或沸湯。或有或無。皆不治之症。至於尋常病症。恐未必盡準也。必病家詳說。始知端的。

病有受暑似寒者。亦有虛弱似實者。用藥有宜涼宜溫者。且有陰臟陽臟之不同。至於真傷寒。乃冬月受之。而逢春末夏初發者。方爲確耳。餘月發者。不過類傷寒。今之醫家。無論表裏虛實。一見發熱。卽云傷寒慢寒。又云傳何經絡。或云結胸。或云漏底。用藥回陽。况慢寒之說。古書從無一慢字。種種謬論。誤人不淺。凡遇病症。萬不可草率。務須用心辨別。

陽臟誤用煖藥則害。陰臟誤用寒涼則損。

症候有宜餓者。有不宜餓者。有當行而不行者。有當補而不補者。有宜清涼者。有宜溫補者。有雖病而不須藥者。有宜攻伐者。有宜安守者。有一種病家。急欲求好。

醫家又圖速效。兩家相急。而致於壞者。此等不可不知。

幼科直言

清江寧孟河介石編著

四明曹赤電炳章校點

卷一 痘症

總論

夫小兒稟天地陰陽之氣以有生。受父精母血以成形。此一定之理也。然父精母血。皆有形之物。有形卽有渣滓。渣滓卽毒氣也。感氣深入臟腑。出胎之後。感歲氣而出痘。痘卽渣滓也。渣滓卽濁氣也。濁氣輕者毒亦輕。濁氣重者毒亦重。出痘者。乃發出濁氣也。因感歲氣。運動氣血而發。毒氣有淺深。而氣血有虛實之不等耳。故察痘必在顏色鮮明。桃花色者。毒輕。順候也。胭脂色者。毒深。險候也。紫黑色者。毒重。逆候也。毒氣深入臟腑。激搏而喘促。不能透出者。卽閉症也。豈泛常瘡毒之可比者哉。痘粒尖聳而稀者爲上。頂平者爲中。平陷而不起者爲逆。成片者爲凶。

密而分根顆者爲險。大約看痘。必看顏色。分根顆。熱透三日而出者爲吉。熱一二日而出者爲夾熱。爲險。看痘必見症多。用藥必傳授真。見症多者。始終能辯吉凶。傳授真者。用藥庶無雜亂。豈可輕視。而卽妄爲醫也耶。

發熱

外熱。三日見點者。爲吉。外熱一二日見點者。爲險。爲逆。亦有熱數日而不出。復又發一二日熱而出者。此症尤吉。其熱之輕者。毒亦輕。熱之烈者。毒亦烈。人身有上、中、下三焦。發熱三日。則氣血通暢。故云吉。出痘以熱退爲齊。若外熱不退。不可定其爲齊。

見點


一見而卽高大。顆粒滾圓者爲吉。見而稠密碎小者。爲險。爲逆。

部位

從脣而出者爲吉。脣屬脾。乃進飲食之關。有生氣常存焉。故吉。從額而出者。爲險。額屬腎。謂之冷臟。皮肉之外。又屬心火。頭面爲諸陽聚會之處。如痘多者。又爲朦頭。爲險候也。從咽喉而出者。乃進水穀關竅之處。謂之鎖喉。爲大險候也。從兩頤而出者。乃氣血融化之處。爲吉。胸腹稠密者。諸陽受氣之地。乃心肺之宮。痘多者。謂之縵胸。爲險。從耳骨而出者。屬腎。爲險候也。先見於手足心四肢者。爲吉。先見於下部兩胯當內。乃盛血之處。爲吉。見於兩胯外而密者。亦險。俗云。以脚底心見之。方爲出齊。不準之說也。

一說看耳後有紅紋橫貫耳邊者。男左女右。爲必出痘之兆。亦不足準信。

部位吉凶圖



顏色

色如桃花。華彩可愛者。乃毒氣輕。而血脈榮和爲吉。色深紅而亮者。乃血熱之故。亦爲吉論。其色鮮明。痘雖多而始終可愈。其色深紫。顆粒大而稀者。亦爲可治。若深紅紫色。而顏色不暗。且高起者。亦爲可治。一種痘密而平。其色亦如水噴桃花。此氣虛毒漫。凶候也。色紫而痘平。平而不圓。且密者。凶候也。色紫黑而暗。兼之不起。凶候也。色如銀硃而密。此肺胃毒盛。凶候也。面青。指甲皆青。乃毒陰伏於內。重候也。

神情

痘症前後。神情如舊者爲吉。見苗之時。神情微倦。或時呵欠。身體潮潤。或有微汗。此亦吉兆也。如初起時。眼目無神。面皮渾色。神情不安。或時狂叫。肚腹攪痛。爲逆症也。

驚

痘未見形時起驚者。爲吉。驚屬心。乃熱逼心經之故。心不染邪。出痘故輕。古云。驚之輕者痘亦輕。驚之重者痘亦重。而驚痘之吉者居多。但痘後卽不宜驚。此又毒盛氣虛所致。故不吉也。

惡心作嘔

痘見時。惡心作嘔。嘔之有聲者。惡聲也。上犯清道之故。險症也。經云。絃敗者。聲必嘶。木陳者。葉必落。臟敗者。聲必噦。此之謂也。又有口角流涎。乃毒犯於胃。亦爲險症。

灌漿并同時。作乾嘔者。因灌漿未足。乃餘毒復歸於脾胃。嘔之輕者爲險。嘔之重者爲逆。然嘔吐之症。有傷冷物者。有受寒氣者。亦有稟賦元氣弱者。必分胃寒胃熱而施治。有餘毒者。用解毒之藥。此時大約以痘痂潤色爲吉。

痘將出時。有種大吐大瀉而後見點者。不在乾嘔者論。乃毒氣宣暢之故。爲順症也。

口渴

作渴者。乃熱氣攻胃。渴之輕重。痘之輕重。灌漿時。或收靨時。或因泄瀉而作渴者。或傷乳食而作渴者。或因服燥補藥而作渴者。與前作渴。又不同也。煩燥作渴。用麥冬、黃芩、花粉之類。飲食作渴。用山查、桔梗、陳皮之類。泄瀉虛寒作渴。用四君子湯等類。

噎

痘之前後作噎者。皆內毒薰灼於上也。噎之輕重。痘之輕重。有因喉乾而噎。有因喉內有痘而噎者。若喫乾物而不噎。喫稀物而噎者。喉內有痘也。聲啞而作噎者。此症必重。

煩躁

痘之煩躁。毒盛也。然亦看躁之輕重。以定痘之輕重。

喘湊

痘之前後喘湊者。皆毒逆於肺。大不相宜者也。服解毒藥而隨愈者。或可醫治。仍喘者。壞之甚速。古云。諸喘皆爲惡故耳。

咬牙

在灌漿之時。乃氣虛留毒於胃。故有是症。若在初起見苗之時。當作有驚有熱論。

寒戰

灌漿之時。臟腑精脈。俱逼出於外。空則生風。內不實而外搖動。此虛症也。若在初起見點之時。乃風熱激搏而戰也。又非虛論。

吐蟲解蟲

初起時吐蟲者。熱毒上攻。蟲隨而出。此重症也。解蟲乃大腸之熱。蒸逼而出者。宜清涼藥治之。大約吐者重而解者輕。若在貫漿收靨落痂之時。乃脾虛有熱。用藥以扶脾胃爲主。或量加烏梅一二可也。

吐血鼻血便血撒血

口鼻出血。乃毒氣歸於肺胃。前後皆凶候也。元氣實者。用竹葉石膏湯。元氣虛者。用六味地黃湯。若毒氣流於大腸則便血。流於小腸則撒血。用竹葉石膏湯。

噴嚏

痘之噴嚏。與痧不同。如過於噴嚏。即頭面稠密。此風熱行於上。痘欲達於外也。結痂時而噴嚏者。又在感風感熱論。

腹痛

痘初起時。腹痛帶嘔者。毒盛也。痛之輕重。痘之輕重。灌漿時而腹痛者。有傷食與毒氣歸內之不同。須在臨時細辯。隨症施治。大約以清毒化氣為主。

腰痛

痛於痘初起時。乃腎經有毒。凶候也。腎屬冷臟。出痘最難現形故耳。

身痛

痘將見苗身痛者。毒盛之故。灌漿時而身痛者。乃痘漿激搏而痛。此症爲輕。

腫

痘初起時。頭面身體作腫脹。皆凶候也。耳腫腮腫。皆內熱也。喉腫者。凶候也。灌漿時。痘腫而皮膚不腫者爲順。痘肉皆腫者爲險。皮膚作腫而痘不腫。則毒盛凶候矣。結痂後。身體作腫。又係脾虛。餘毒漫腫。與前作腫不同。

唇腫

出痘唇腫。或起黃衣。乃毒攻脾胃。爲重症。服藥隨消者。或可得生。灌漿時作腫者。則險候也。

舌

舌紅或有黃胎者。熱盛也。色照常者爲吉。伸縮如常者爲吉。舌強而攣者爲凶。弄舌者爲熱。舌如黑墨者爲凶。宜用解毒清熱之藥。

齒

齒痛屬胃熱。齒縫出血者。毒盛也。卽妨痘後牙疳等症。宜服竹葉石膏湯。

眼目赤紅

毒氣薰蒸於肺。則眼目赤紅。輕者隨藥而愈。重者卽防痘後生翳。若痘一見眼外胞卽作腫者。乃毒盛險候也。藥宜清肺解毒。

鼻

鼻孔乾黑者爲凶。潤而有涕者爲吉。乾黑者。脾經熱盛之故。鼻孔掀而氣湊者。尤重用。

清肺飲

桑皮	貝母	桔梗	蘇子	柴胡
薄荷	陳皮	甘草	<small>有毒或而氣倭者加黃連石膏</small>	

汗

痘初起時。微汗則吉。或見苗時。一汗而外熱全退者亦吉。灌漿時。忽大汗如水。汗多傷表。即損真氣。致痘變色。慘白者。此重症也。補中益氣湯內。倍加黃耆治之。

胃口

痘初起時。胃口如舊者為吉。不喜食者亦無妨。帶乾嘔者即重。灌漿時。即宜甜進飲食。不食者重。帶乾嘔者尤重。一種雖能食。慌張強吞。覺不自然。亦不可言輕。結痂後作嘔噦者。毒氣反歸之故。亦有受冷寒而嘔者。當分別治之。

泄瀉并結燥

痘前作瀉。毒隨利減。此吉兆也。瀉黃紅色者屬熱。便結者。亦屬熱盛。灌漿時泄瀉。

乃脾虛。或傷於藥。或傷飲食湯水。白色者。作脾胃虛寒論。紅黃者。作熱論。

痢疾

痘之前後。有紅白痢疾者。看其元氣虛實。量加清熱之藥。純紅者。單屬熱論。黃連等味爲是。起長與灌漿之時而痢疾者。只可清熱。不可分利。分利則痘不長不貫矣。痘後痢疾。乃脾虛。餘毒流入大腸。宜清熱健脾。量加分利一二味可也。

小便

小便赤紅色。或瀉痛者。皆熱盛也。雖頻頻而出。出而少者。亦屬熱論。

賊痘

賊痘。乃毒盛所致。痘出三四朝。其痘有先灌黃膿者是。必用銀針挑破。以油胭脂塗之。紫草末亦可。但看賊痘。須認真方妙。若將正痘妄行挑破。則誤事矣。

聚痘

身原有瘡疤。出痘多攻其處。而成攢聚者。此症爲輕。一種痘見點三四日。每三五粒一攢者。形如蜘蛛瘡。名爲聚痘。若週身皆是。則爲毒盛大險。

起泡

有痘成空泡者。有皮膚成泡者。皆毒盛凶候也。亦有灌漿時。其痘發如空泡。而鼓起者。若皮厚而實。亦在可治之例。臨症分別。不可盡棄。

報痘

未發熱之先。卽現一二痘。其粒甚大。一名痘母。過數日後。又復發熱。方現周身。此痘先出脣上者爲吉。出於頭上。脊背上者。爲險爲逆。因內熱之極。故先報出。亦必看後出之痘。方可定其吉凶。

封眼

毒之輕者。痘之稀者。自不封眼。毒之重者。痘之密者。腫起者。灌漿時自是封眼。結

痂時。開眼爲正。若漿期未足。封而忽開者。此漿不足而虛也。服補劑而復封者。亦爲可治。一種毒盛而痘色乾紫。不能封眼者。凶症也。大約色乾而紫。雖封眼亦爲難治也。一種未到長期。眼胞腫而封眼者。此毒盛所致。凶候也。

抓破

灌漿時。有血熱而抓破者。若流膿血。卽無妨。抓破乾而無血者。乃毒盛不能化血成漿。此重症也。抓破而膿水爛皮者。以松花粉搽之。或用蕎麥粉搽者。或用乾牛糞燒灰。爲細末搽者。皆妙方也。

一種抓破。而內生蛆蟲者。若能進飲食。不勉強。亦可治。

一種自潰。而無臭氣。或瘡爛破。而無生色者。爲倒靨。不治之症也。

灌漿

毒輕痘稀。出齊三日。長足三日。第六朝時。乃順序灌漿之期。九日後。乃收靨之期。此順症也。至於火症。色紅而乾。必大敗毒清涼。待七八朝。方得有漿意。不可以順

症之日期定也。色白氣虛者。必服助漿補劑。方得漸生清漿。徐徐成膿。亦不可以順症之日期定也。臨症細察。貴在變通。

一種七醮痘。又名七朝痘。乃長貫收靨。俱在七日之內。此乃毒氣最輕。而痘粒最稀者。爲大順症也。

一種痘雖稀。而灌漿亦滿。但色如竹葉者。此毒最重盛。不可不知。

一種痘。灌漿如飯色者。吉症也。

停漿不收

痘在十二朝。色如冷粥皮。竟不結痂。乃氣虛不能運毒。此症甚重。藥宜健脾胃。服四君子。六君子湯。而轉動者可治。不然則難愈矣。

皮薄痘

痘皮薄而漿清。不應同時而先回者。若能進飲食。不作乾嘔。則無妨。不然。則爲毒氣歸內論。蓋氣弱而內毒盛。故有此症。不可以七朝痘論之。又不在倒靨之論。須

臨症細心辨察。

結痂

痘在九日後。漸漸收靨。其痂如油而潤。如蒼蠟色者。此順症也。有抓破而成膿水。復又結痂者。此險中之順也。

痂色乾而皮膚白者。雖回時亦有性命之憂。蓋痂乾而無潤色。爲血少。皮膚白。爲氣不足故耳。

結痂之期。最不宜腹脹氣湊。乃餘毒入內之故。脹之輕者可治。脹而氣湊不食者。難治。若兼惡心。餘毒在胃也。皆爲重症。

結痂時發熱者。乃蒸痂熱。聽其自愈。不必治之。亦看熱之輕重。毒之輕重。不可皆泥爲蒸痂也。亦有外感發熱者。須留神治之。如或鼻流清涕。帶微咳。鼻氣不利。卽外感熱也。此時既不可發散。又不可清涼。忌酸斂之物可也。灌漿時發熱。亦如是看之。亦如是治之。落痂後而疤凹。其色白如紙者。乃氣虛血少。宜服補中益氣湯。無雜症者可治。有

雜症者難痊。

落痂後。疤色紅潤而凸者。爲氣實。正道也。若色太紅者。用銀花解毒湯。落痂後。精神照舊。飲食如常者爲吉。若精神倦怠。飲食不甜。亦重症也。

夾痧疹

夾痧疹。乃肺經之熱。痘初起時。與落痂時夾之者輕。灌漿時夾之者重。見而隨退者吉。久留者凶。蓋灌漿時夾之重者。因用溫補助漿而不可補。用清涼退痧而不可逆。有礙於必用藥之時故耳。

清痧散

連翹

牛蒡子

黃芩

防風

荊芥

桔梗

歸尾

陳皮

甘草

白水煎。痧色紅紫者。石膏亦可加入。

夾斑

痘之夾斑。百不救一。有紅、有紫、有青、有黑。大小不一。皆毒盛而氣血不行。激烈而生。色紅者。服藥隨散。或可醫治。久留不退。爲凶候也。

化斑湯

石膏

紅花

連翹

荊芥

生地

黃芩

陳皮

甘草

歸尾

白水煎。或加黃連、竹葉。

痘後生瘡

痘後餘毒生膿疥等瘡者。銀花解毒湯。脾虛者。服補脾肥兒丸。

痘後生毒

痘落痂後。餘毒歸內。或生毒者。治法看其元氣虛實。痘後餘毒。多腫於曲腕之間。有潰者。有消者。用藥解毒健脾。宜服

解毒固本湯

生地 丹皮 白芍酒炒 黃芩酒炒 連翹
當歸 貝母 銀花 陳皮 甘草

白水煎。

痘毒腫硬。人之面色青白、瘦弱。宜服

補元化毒散

生黃耆 白朮土炒 白茯苓 苡仁 當歸

扁豆 銀花 山藥 僵蠶酒炒 甘草

白芍 陳皮

白煎。

貼痘毒膏藥

用扁柏葉。麻油熬。去渣成膏。攤貼患處。藥內或加黃蠟、黃丹。少許。

痘後作腫

痘後周身作腫者。乃元氣虛弱。而有餘毒。有兼腹脹而喘者。難治。宜服補脾解毒飲。

苡仁

當歸

扁豆

僵蠶

黃芩

川貝母

陳皮

白芍酒炒

銀花

甘草

牛蒡子

白水煎。

痘疔

痘之先有紫色。後因毒攻而成疔。生於喉間腹間爲重。疔之多者亦重。其形似螺螄蓋。必挑破。多貼靈藥膏藥。此時雖敗毒。又須補脾胃。宜服

銀花解毒湯

僵蠶

連翹

銀花

黃芩

丹皮

生黃耆

苡仁

白芍酒炒

陳皮

甘草

白煎。

孕婦出痘

孕婦出痘。用藥前後與小兒同。惟忌用山查、紫草、玄明粉、苡仁、牛膝、紅花等味。至灌漿時。藥內酌加阿膠。酒炒續斷可也。若因出痘而落胎者。宜用四物湯。或入物湯調養血氣為主。若汗多。即倍加黃耆。

四物湯加四君子即入物湯

熟地

白芍炒

當歸

川芎

白水煎。

目翳

結痂後。開眼之時。眼白作紅。內有翳膜。乃熱氣熏蒸肝肺而成。宜服兔糞丸。或服清肝退翳散。若痘傷瞳人。即不易治。

兔糞丸

兔糞四兩

為細末。煉蜜成丸。每丸重一錢。每日午間。白滾水服一丸。以愈為度。
清肝退翳散

生地一錢 丹皮六分 桑皮八分 穀精草八分 黃芩六分

陳皮四分 甘草五分 車前子六分 青葙子六分

白水煎。或加白芍、當歸。

口瘡并牙疳宜服

滋陰解毒湯

僵蠶 扁豆 山藥 桔梗 陳皮

生黃耆 當歸 黃連土炒 白芍酒炒 甘草

白水煎。

搽藥方

人中白五錢 銅綠半分 枯礬半分 牛黃一分 冰片半分

兒茶四分

共為細末。徐徐搽之。

幼科直言

清江寧孟河介石編著

四明曹赤電炳章校點

卷二

順症痘方

順症者。顆粒稀朗。顏色紅潤。長灌如期。蓋先天所感之胎毒輕。而後天之氣血和。故耳。若此者。可不必服藥。後方六首。存而應便可也。發熱。看歲氣時行。防其出痘。未見點。疑似之間。用

葛根解肌湯

乾葛

防風

桔梗

前胡

薄荷

山查肉

陳皮

甘草

白水煎。

見點一朝二朝用

鬆肌透表湯

羌活

乾葛

紅花

荊芥

連翹

山查肉

牛蒡子

蟬退

陳皮

甘草

葶薺爲引。白水煎亦可。

見點三朝出齊之日用

活血解毒透肌湯

黃芩

川芎

防風

荊芥

紅花

山查肉

連翹

牛蒡子

葶薺爲引。白水煎亦可。

痘見四朝五朝長足之期用

助長解毒湯

當歸

紫草

桔梗

牛蒡子

連翹

黃芩

花粉

陳皮

甘草

白水煎。

痘見六七八九朝用

行血助漿湯

黃耆

防風

丹皮

當歸

桔梗

殭蠶

川芎

連翹

陳皮

甘草

糯米一錢。

痘見十朝。十一二三朝。結痂收靨用

固元解毒湯

當歸

銀花

苡仁

白茯苓

丹皮

扁豆炒

連翹

桔梗

黃芩

陳皮

山查肉

甘草

白水煎。

險症痘方

險之一字。可死可生。有中變而為逆。中變而為順故耳。用藥當者。救其險也。用藥不當。則險變為逆矣。初起時。屬火症者。灌漿時。或轉為虛寒者。變症不一。故名曰險。

險症發熱。或一日二日。即見點者。一名夾熱。或外熱盛。而兼作煩。用

加味鬆肌透表湯

連翹

牛蒡子

山查肉

羌活

乾葛

紫草

升麻少許

黃芩

桔梗

陳皮

甘草

葶薺為引。

險症見點三朝。出齊之日。色紅口乾。用

加味活血透肌解毒湯

玄參

黃芩

川芎

紅花

連翹

山查肉

花粉

石膏

歸尾

桔梗

牛蒡子

陳皮

甘草

葶薺爲引。

險症在四朝五朝長期用

化毒成漿湯

連翹

紫草

歸尾

桔梗

石膏

牛蒡子

黃芩

生地

知母

陳皮

甘草

白水煎。

險症在六七八九朝。毒氣盛而顏色乾紅者用

加味行血助漿湯

黃耆

防風

當歸

丹皮

殭蠶

桔梗

連翹

牛蒡子

糯米二錢。

險症結痂。十朝十一二三朝用

金銀解毒湯

金銀花

川貝母

黃芩

連翹

僵蠶

苡仁

當歸

扁豆

陳皮

甘草

白水煎。

險症結痂收靨後用。

健脾解毒湯

白朮

苡仁

扁豆炒

銀花

連翹

丹皮

當歸

陳皮

川貝母

甘草

白水煎。

險症結痂之時。大便泄瀉者用。

白朮健脾飲

白朮炒

白芍炒

扁豆炒

苡仁

白茯苓

神麴炒

甘草

陳皮

車前子

瀉黃色者。加炒黃芩。瀉紅色者。加炒黃連。瀉白色。或如水者。加木香、蓮米、肉桂、黃耆。

前順險二症之方。不過循其日期大概之藥。其痘必始終看顏色。分輕重。元氣虛實。毒氣淺深。用藥宜表宜涼。宜溫宜補。量其輕重加減可也。

痘初見一二日內。顏色紅紫。渾無彩色。此熱盛之極。前險症鬆肌透表湯內。加紫草、石膏、生地、黃連。若大便不通而煩亂者。即加大黃。

一種痘出齊。三四五日內。顏色乾紅。大便不通。前險症活血透肌湯內。量加大黃、玄明粉。或入化毒成漿湯內亦可。

一種火症。前曾用涼血解毒之藥。毒氣稍退。顏色少淡。在六七八九朝。當用保元托膿散。

黃耆 當歸 僵蠶 白芍 防風

丹皮 桔梗 陳皮 甘草 糯米

七八九朝。如泄瀉。寒戰咬牙。漿清。痘殼不鼓。當用

補中益氣湯

人參 黃耆 白朮 歸身 升麻

柴胡 陳皮 甘草

引用煨薑一片。大棗一枚。糯米二錢。

痘或色白漿清。虛寒之甚者。用

加味保元湯

人參

黃耆

白朮炒

白芍炒

肉桂

甘草

糯米

痘症氣弱脾虛。十二三朝無雜症者。當用

和中健脾湯

白朮炒

白芍炒

白茯苓

歸身

苡仁

扁豆炒

神麴炒

陳皮

甘草

白水煎

痘之險症。見在七八九十朝。前已清涼解毒。在此時又不可重用清涼。又不可行。又不可補漿。又清而血又熱。用

六味地黃湯

熟地三錢

山藥五錢

丹皮一錢

山萸肉五錢

白茯苓一錢

澤瀉一錢

白水煎。此方可以化血成漿。最為切當。

一種痘症。至七八九朝。色白氣虛。寒戰澹泄。若用參耆之藥。胃間有火。反致氣湊痰喘。當用

七味地黃湯

熟地三錢 山藥一錢 丹皮一錢 山萸肉一錢 澤瀉一錢

白茯苓一錢 肉桂三分

白水煎。此方生水固氣。功有神效。

一種痘症。長漿時。或在結痂時。因中氣不足。肺氣不固。毒氣流入大腸。忽然下血如注。當用

固金湯

阿膠一錢蛤粉炒

生黃耆一錢

白芍六分

甘草六分

淨薑灰七分

黃芩七分炒

歸身五分

白朮七分炒

白水煎。

痘至收靨後。仍復以解毒藥進之。恐餘毒歸內故也。

連翹飲

連翹

僵蠶

黃芩

桔梗

陳皮

金銀花

土貝母

丹皮

甘草

白水煎。

痘後人虛。必補脾生血。宜用

加味養血湯

黃耆

當歸

丹皮

扁豆炒

木瓜

苡仁

白芍炒

白茯苓

陳皮

甘草

白水煎。

逆症論

一種逆症。痘。或脣腫惡心。或煩亂作喘。痘甚稠密。發熱不退。蓋因先天所受毒熱深重。百不活一。當下當涼。醫治不過盡心而已。

閉症論

一種閉症。初起之時。或面色脹而光浮。有微喘之意。眼白微紅。或微作乾嘔。默然無聲。形若無病。治之者。必週身細看。有一二痘粒微現。色紫暗而不起者是也。蓋先天毒熱。深藏臟腑。固結而不能達於外。二三日即死。不可不知。

痘症用藥大概加減

表散、清涼、利下、溫補。已在前方詳著。如大便不通。煩躁色紅。必用

大黃 玄明粉

熱盛者必用

金汁 黃連 石膏 紫草 黃芩

牛蒡子 人糞灰 生地 此數味不可全入隨症量加一二味可也

補劑。看其症。宜輕補。宜重補。隨症量加。

人參

黃耆

白朮

糯米

泄瀉者。看其溏瀉水瀉。如面青唇白。虛寒。酌用

木香

肉桂

訶子煨

蓮米炒

白茯苓

煨薑

粟殼炒蜜水

量加一二味。

生痰。看其虛實。酌用

貝母

桔梗

膽星

熟半夏

排膿入補劑用

川芎

僵蠶炒

防風

皂刺

白芷

穿山甲酒炒

加一二味。不可用全。其等分。亦不過佐使而已。

痘症必用方

十全大補湯

治痘瘡灌漿不滿。氣虛血少。色無華彩。面青唇白。大便不實。寒戰咬牙等症。

人參	黃耆	白茯苓	白朮 <small>炒</small>	肉桂
白芍 <small>炒</small>	熟地	當歸	川芎	甘草
白水煎。				

四君子湯

治痘色白。虛寒泄瀉。漿不充滿。頂陷等症。隨症加減用之。

人參	白朮	白茯苓	甘草
白水煎。			

六君子湯

治痘症脾胃虛寒。生痰作瀉。漿色不足。隨症加減用之。

人參	白朮	白茯苓	甘草	半夏
陳皮				
白水煎。				

獨參湯

治痘氣虛血少。虛寒作瀉。面青脣白。不能多進藥者。以此湯服之。
人參一錢 紅棗二枚

當歸養血湯

此湯能充實痘瘡。漿不足者服之。功有神效。

黃耆五錢 當歸一錢
白水煎。或用糯米二錢。

神功散

專治痘瘡大火症。用在見苗以至起長之日。元氣壯實。痘色乾紅而紫。大小便結塞不通。非行利而不能透現者。服一二劑。功有神效。若元氣少虛。大便通利。即不可用也。

大黃 山查肉 石膏 甘草梢 紫草
牛蒡子 白水煎。

竹葉石膏湯

治痘瘡見苗。以至起長。一切火盛熱症。

石膏 生地 桔梗 紅花 薄荷
竹葉 黃芩 陳皮 甘草
白水煎。若大便秘結。加大黃、紫草。

黃連解毒湯

治痘見苗。以至起長。一切煩熱火症。或眼目赤紅。或腮咽腫痛。或生口瘡。或牙痛。或衄血。皆宜速服。

黃連 玄參 連翹 梔子 花粉

陳皮 甘草 竹葉
白水煎。

加味逍遙散

痘之前後。不可補。不可涼。似虛非虛之症。此方治之爲善。能舒和氣血。調暢榮衛。令諸症不生。

白朮炒 白芍炒 白茯苓 丹皮 石斛
當歸 柴胡 薄荷 陳皮 甘草
白水煎。

潤腸丸

治痘症大便結塞不利。煩躁有熱。一切火症。

大黃四兩 歸尾一兩 枳殼一兩 牛蒡子二兩
共爲細末。煉蜜爲丸。如彈子大。每服一丸。白滾水化下。

抱龍丸

治痘症前後咳嗽。有驚有痰。

陳膽星二兩

天

麻五錢

鈎

藤五錢

全

蝎三錢去尾尖及子洗淨

僵蠶五錢微炒

陳

皮五錢

川貝母

五錢去心

共爲細末。煉蜜成丸。每丸重五分。硃砂爲衣。每服一丸。白滾湯下。有表症。傷風咳嗽者。淡薑湯化下。

犀角解毒丸

治痘前後內熱。眼白赤紅。煩躁作渴。弄舌等症。

生犀角

五錢犀角不用

黃

芩一兩

貝

母六錢去心

連

翹六錢

生

地一錢

甘草四錢

梔

子八錢炒

薄

荷四錢

陳

皮五錢

或加黃連三錢

共爲細末。煉蜜成丸。每丸重一錢。每次一丸。白滾水化下。

補脾肥兒丸

治痘後脾虛。元氣虧損。或脣白面青。大便不實。或發熱等症。

人參	三錢	黃耆	一兩	白朮	一兩	五穀蟲	炒一兩	扁豆	炒一兩
黃連	四錢	陳皮	八兩	白芍	炒一兩	甘草	五錢	當歸	六錢
麥芽	炒一兩	神麴	炒一兩	白茯苓	八錢	丹皮	六錢		

共爲細末。煉蜜成丸。每丸重一錢。每服一丸。白滾湯下。如無力之家。去人參亦可。

參苓白朮散

治痘症泄瀉。或惡心。或寒戰。服之皆有奇效。

人參	三錢	黃耆	六錢	白茯苓	六錢	官桂	五錢	白朮	炒六錢
甘草	五錢	木香	二錢	白芍	酒炒六錢	陳皮	四錢		

共爲細末。每服五分。或一錢。米湯調下。

六一散

治痘症溼熱作渴。小便不利。或赤紅瀉痛。

白滑石

六兩爲細末飛過用

甘草一兩

共爲細末。每用一錢。或二錢。竹葉湯下。滾水亦可。

猪肝散

治痘後翳膜遮睛。

穀精草三錢

大黑豆五錢

蛤蜊殼一兩
搗碎

用雄猪肝一片。重一兩。以竹刀花破。同藥入砂罐內。井水煮熟。令兒食肝。或飲湯少許。藥渣勿用。以愈爲度。

護眼方

黃柏一兩

紫草一兩

共爲細末。蘇油調成膏。凡痘一見苗。卽塗眼眶周圍上下。痘之毒氣卽不能入眼矣。乾再塗之。

金汁

多年無臭氣者方可用

專治火症毒盛痘瘡。顏色乾紅不起。或惡心煩渴。或夾痧夾斑。或脣腫不食。躁悶不寧。雜言夢語。大便結實。或不通利。此物不宜見火。隔水盪服。量其體之大小。服之多寡可也。若氣血虛寒。并泄瀉者。及顏色鮮明者。皆不宜服此。

人糞灰

治痘瘡不起。顏色慘暗。或夾斑疹。煩亂作渴。一切熱症。每服一錢。白滾水下。此物宜乾硬者。用陰陽瓦煨存性。以臘月者爲佳。必預先製成。臨時研用。乃痘中救人之要品也。

如無臘月者。卽覓園地上。乾硬而露過數夜者。亦可。廁坑者勿用。

痘落痂後洗浴方

當歸 苦參 甘草各五錢
共煎湯。溫溫浴之。浴後不可見風。如地僻無藥。以豆殼煎浴亦可。不拘何豆殼皆可用。

稀痘說

俗傳稀痘之方。有用臍帶硃砂者。有用瓜蒂散者。有除夕日用烏魚水浴者。種種不一。皆毫無應驗。卽有見效者。亦是偶中者耳。平日宜常服三豆湯。乃敗毒稀痘之古方。有益無損。爲正道也。

三豆湯

綠豆 大黑豆各五錢 赤小豆三錢卽擠砂豆非雲南豆也 甘草節一錢
井水煎服。

水痘辨

水痘乃風熱所致。皮膚小疾。不經臟腑。一出卽灌。如水之明亮而皮薄。多有破者。

一現卽回。色如粉紅。亦有灌稀膿者。亦有如胭脂紅者。但不圓實。形多歪斜。此一種不可不細辨也。有等醫者。妄言水痘內帶過真痘。不知水痘乃毒之輕者。真痘乃毒之重者。重病兼輕病。容或有之。豈有輕病帶過重病之理。高明之家。切勿爲其所誑。

水痘不可發表。恐攻破痘皮。後成瘡患也。其乳食亦宜清淡。服犀角丸。或

連翹飲

連翹

荊芥

赤芍

黃芩

桔梗

陳皮

甘草

白水煎。

總論

凡病有外症相同。而內症實不相同者。一定之方。有效於此。而不效於彼者。臨症時。必虛心審察。古云。醫者意也。不可言傳。正此是也。治病有汗吐下三法。惟痘不可用藥令其吐。不可用藥令其汗。若下之一法。隨症

施之可也。

一種痘初起時。四肢作冷者。不可用溫熱之藥。多有熱伏於內。而作冷者。乃火極似水之故。必細察之。

痘至灌漿時。有云必固塞大便。瀉者固之可也。不瀉者。聽其自便。如常爲是。

痘之險症。如寒戰咬牙。泄瀉不食。煩躁作乾。顏色乾紅。作痒。弄舌。脣腫面腫。此種原係險症中之應現者。用藥應手而愈者可治。用藥不應手者。則爲逆矣。此數症亦有輕有重。有可治不可治者。俱在臨時對症施治耳。

治痘有首尾當補者。有首尾不宜補者。必細察斟酌之。痘之火毒盛者。十有八九。用藥有首尾當清涼者。有涼之宜輕者。有涼之宜重者。若拘一定之方。及一定之日期。則大害事矣。

一種一見苗。即當行利大便者。須察其虛實。熱之輕重。毒之淺深。不可因循有誤。養邪成後患也。

一種痘瘡。大便不通。若用大黃芒硝。又恐太過者。藥劑內。倍加紫草、歸尾、牛蒡子。潤下之可也。

虛寒泄瀉。寒戰咬牙。惡心者。用人參、肉桂。必須臨時看其面色青白。體之大小。斟酌量用。萬勿以偏熱偏寒。誤人性命也。

出痘多在子午卯酉之年。蓋子午君火司天。卯酉君火在泉。諸瘡皆屬心火故也。然亦有不準者。

江右多出神痘者。輕便易妙。藥劑醫方。竟覺無用矣。有兒女之家。不可不訪其善者。

犀角、紫草茸。雖係涼血解毒。不過比爲菜內之交頭可耳。焉得如石膏、黃連、紫草、人糞灰。實爲濟事也。人牙、雞冠血、桑蟲。雖爲助漿之補。焉得如人參、黃耆、白朮。當歸。實爲救急也。

老嫗俗傳。茱萸痘、菟痘、珍珠痘。乃相形以命名耳。至云蛇皮痘。必安土地上之說。此不可通俗之事。有種火症。未經清涼。煩躁不安。或一經土地而愈者。此千中之一二也。豈可常試也哉。

小兒未出痘之前。光皮俊臉。數日之後。焦頭爛額。喘脹不堪。如離水之鰕鱖。性命反掌。悲哉何故。古傳云。乃前生殺業之報。此論實耶虛耶。

小兒體幼。不能服藥者。乳母照方服之。亦有一二分之功。

發表藥說

痧痘本來屬火毒。借感歲氣而出。非寒疫病也。初見點時。古人用羌活者。必同入清涼藥內。乃借羌活鬆肌透表。或兼以荆芥、防風、前胡。皆相助達外之意。庸醫不悟。重用發散。豈不謬哉。

痘至灌漿時。用白芷、川芎、或皂刺、穿山甲者。乃排黃耆、當歸、糯米、成膿起頂之故。若無參耆。此發散之物。不可用也。

灌漿時作癢。乃氣弱漿清。不能化毒成漿。用藥保元可也。俗人止癢。多用蟬退、皂刺、白芷、川芎等味。不知此發散之物也。保元湯內。惟加一二味。以佐參耆成功。若專言白芷等味。能止癢起頂。冤哉。反盜其真氣。不但不能止癢。而更令其作癢矣。未灌漿之期作癢。并同時作癢。此非病也。不過瘡熱之所致耳。李瀕湖云。出痧痘。戒吃筍湯。并忌爲藥引。此物能發汗。傷真氣。原夫痧痘。不宜發汗。故戒之也。以生葶薺去皮代之。葶薺能發而不發汗。所以爲善。

論醫

俗傳醫家。神而明者。一見能定生死。遇逆症全現。一見而知其死。遇順症全現。一見而知其生。蓋有之矣。若險症。必三日出齊。觀其顏色。見其稀密。方可定之。及灌漿時。猶有變症。或險而變逆。或重而變輕。此一種醫家。未必一見而了然也。故傳其神者。不免過褒。傳其庸者。未免過貶。此皆習俗之愚傳愚耳。總之看痘。須細詳險逆。用藥要對症。溫涼湯補得宜。藥勿雜亂。勿炫奇惑愚。勿偏寒偏熱。爲正道也。有等醫家。看痘之症候了然。而用藥即雜亂不一。乃無師之學故耳。痧痘乃現形之症。現形即不診脈。若泥以脈理推詳。反誤事矣。出痘有不藥而愈者。有賴藥之力而愈者。亦有誤在醫藥而壞者。一種逆症。醫家即束手無爲。藥餌亦覺爲廢物。即神傳其術。至此亦無可奈何也。

忌觸犯

凡出痘。月經婦人。師尼僧道。不可進房。生母月經無礙。

痘初見苗時。宜燒芫荽紅棗。

因生人穢物觸犯。以致痘變顏色者。屋內宜燒檀香乳香。能驅邪氣。扶正氣也。收靨時。燒茵陳。或茶葉。

以上所燒諸品。皆宜遠遠焚之。不可切近小兒身體。

用燈看痘

用之照影則可。看顏色。分輕重。則不可也。必在窗前亮處。方能定其險順。如夜晚醫家到遲。不過從權而已。此習氣。多誤在富貴之家。夜晚用紙撚點燈照痘。不可用紅紙作撚。此紙有礬能炸。且光亦不亮。宜用草紙作撚。爲是。倘用紅紙。非徒無益。而反誤事矣。

芫荽觀音柳洗浴

痘將出未出時。微微煎洗則可。如見形。卽不當浴矣。

食物類

痘見苗時。宜疎淡薄粥。清虛爲是。若吃發物。如菠菜、芫荽、蔴菰湯、葶薺湯、薺菜湯、可也。次後用葷發物。用魚白切麵。灌漿時。煮輝棗肉。糯米晚米粥飯。蓮米。皆生漿健脾之物。俱可用也。結痂時。如陳火腿、山藥、扁豆。亦可以漸而進。但忌發物。起長與灌漿之時。鹽醬酒醋椒薑葱蒜。并諸鹹物。皆當切禁。小孩不善吃者。乳母亦如是進之。

藥引說

藥內用引子。不可雜亂。治痘尤所當慎。庸醫泛加。多致誤事。卽筍尖一物。爲害不淺。

初見苗。藥內宜用去皮荸薺。或觀音柳。

補劑內。宜用紅棗。或輝棗。

熱在表內。宜用竹葉。

止瀉藥內。宜用蓮米。或加生薑。

幼科直言

清江寧孟河介石編著

四明曹赤電炳章校點

卷二 痧症

總論

痧症屬肺。屬火。係稟胎毒。蘊積本經。亦因感歲氣而出。發熱五七日。方得見形。初時咳嗽涕淚。目如含水之狀。身體微汗潮潤。則出最輕。若氣喘鼻乾。作嘔驚狂者。最重。初見如芥子。如米尖。再後成片。紅色者輕。紫色者險。黑色者逆。不可視爲泛常。死生雖由天命。豈可用藥失序。致令夭亡。務宜辨寒熱虛實。察毒氣淺深。庶人事始盡也。大抵初發熱時。必當微表。見形卽宜清涼。一種初起。眼白赤紅。聲啞唇腫。作渴。腰痛腹脹。人事不清。口鼻出血。煩亂狂叫不安。閉塞不出。卽大凶候也。服大清涼解毒藥後。若能現出者。或可得生。鼻內流血者。毒重。口內流血者。毒尤重。

又一種初時失於清解。過於發散。以致後來元氣虛弱。毒氣停內。口鼻出血腥臭。骨瘦不堪。或生牙疳。身熱不退。終成壞症。不可不慎。此症日出三次。三日九次爲順。總宜出透。毒氣得淨。卽無他患。

一種癩痧風疹。此類感風熱而出。乃皮膚小疾。服疎風清熱之藥卽愈。不在此痧症中論也。

痧症與痘瘡不同。未見形。并初見形時。微表或可。如太過。則胃氣受傷。反令停毒攻肺。生痰作喘。以致閉塞難現。若服發表藥而不出者。此熱結在內。速宜清涼行利。則肺竅清而毛孔易開。痧疹乃現。今之愚夫愚婦。表痧痘。多用櫻桃、荔枝核、蔥頭等物。不知此數種性熱。大不相宜。輕者服之轉重。重者變逆。惟發表時。只宜羌活、荊芥。少加一二味。兼佐以連翹、牛蒡子、觀音柳、紫草、石膏。此種實爲專司發痧之藥。其性雖涼。而能通達肺表。故不可少。

一種痧痘初起。手足心如火熱。非常者。出之必垂危。

一種痧毒盛。多有發熱。躁亂不安。必用大黃、玄明粉行利後。方能現出。大腸通利。肺熱清減。方能透達於外。大抵痧症正出之時。用藥最忌酸斂。如五味子、生白芍。

是也。其白芍必用酒炒黃色。痧疹前後皆可加入。能舒肝氣。通血脈故耳。一種痧疹初起。四肢逆冷。乃火極似水之故。不可妄投熱藥。宜當利下清涼。痧現自然漸和也。

痧疹吐蟲解蟲。皆係熱盛。大約吐者重而解者輕。用藥以清熱為主。如黃芩、梔子、丹皮、若吐蟲解蟲。在出痧之後者。可加烏梅一二。痧前則忌。痧疹前後瀉痢。不宜用藥速止。如瀉黃紅色。乃內有伏熱。加黃連、黃芩、車前子可也。

痧疹所畏者。燥熱之藥。如蒼朮、丁香、肉桂、砂仁等味。萬不可妄投。受害不淺。未出痘。先出痧者。不算正砂。出痘後。隨出痧者。乃痘之餘熱所發。亦不算正痧。必出痘後。離月分遠者。方爲正痧也。江寧多見如此。不知別省京地何如耳。痧疹後。眼目赤紅者。當用生地、菊花、決明子、蒺藜、歸尾、柴胡、紅花等味。一種痧後面色青白。骨瘦不堪。元氣損傷。肝脾血少。成痞眼。懶睜畏明。似害非害。宜服健脾肥兒丸。或服六味地黃丸。庶可漸愈。一切疎風治眼之藥。萬不可妄投。不但痧後當如此。凡小兒病後失調。成痞疾病眼者。俱當如此醫治。養血健脾爲主。倘大便

泄瀉稀白水者。歸脾湯。補中益氣湯。皆對症要藥也。若瀉黃水者。則又在熱論。即不宜服此。

痧疹用藥。男婦小兒皆同。惟孕婦方內去紅花、山查。痧疹初起時。總宜清疎薄粥調養。萬不可多傷厚味。忌食葱蒜、酒醋、麵食、羊肉、魚腥等物。

痧症方

痧症發熱。二三日。或四五日。未見形。疑似之間。用

防風發表湯

防風	五分	乾葛	八分	紅花	三分	枳殼	七分	山查肉	二錢
桔梗	八分	蘇梗	六分	川芎	五分	荊芥	六分	杏仁	一錢
當歸	六分	陳皮	六分	甘草	五分				

白水煎。

痧症見形一二日內服。

解毒快斑湯。托表涼解毒

連翹	七分	牛蒡子	六分	荊芥	六分	防風	六分	山查肉	二錢
生地	二錢	蟬退	三枚	歸尾	六分	桔梗	八分	黃芩	酒炒八分
川芎	五分	乾葛	八分	紫草	八分				

白水煎。或加觀音柳五分。

痧症見形。二三日內。色紅煩躁。出不透快。宜服

竹葉石膏湯

煨石膏	三錢	竹葉	三片	紅花	三分	生	地	二錢	黃連	五錢
花粉	八分	陳皮	五分	甘草	五分	僵蠶	五條	牛蒡子	六分	
連翹	六分	玄參	一錢	桑皮	一錢					

如大便不解。加生大黃二錢。再不解。即加玄明粉二錢。惟熱毒重盛者方可。如瀉紅水。或作煩渴。亦加大黃。

痧症四五六日同時。尚有餘毒。留於肺胃。咳嗽氣粗。外熱不退者。服

清肺飲

石膏	二錢	生地	二錢	柴胡	六分	麥冬	一錢	玄參	一錢
----	----	----	----	----	----	----	----	----	----

桔梗八分 殭蠶五條 甘草五分 陳皮六分 黃芩八分

歸尾八分 知母八分 竹葉二片

白水煎。

痧後面色青白。脣淡氣弱。宜服

調元健脾保肺湯併治痧後瘦弱成痼疾

黃耆 白茯苓 丹皮 陳皮 沙參

扁豆 白芍 當歸 百合 山查

如大便腥臭瀉白色者。加木香、白朮。

如瀉黃色。加酒炒黃芩、車前子、黃連。

痧後痢疾。下紅白。乃餘火未清。熱移大腸。或飲食失調。宜服

健脾解熱湯

炒黃連七分 澤瀉八分 山藥八分 甘草五分 炒扁豆一錢五分

白芍酒炒六分 白茯苓八分 木香一分 丹皮七分 炒白朮七分

陳皮五分 山查肉一錢

如無黃連。加蜜水炒黃柏亦可。身體虛弱。面青唇白。加沙參三分。晚米二錢。痧後口瘡。牙疳等患。宜服

清胃敗毒湯

殭蠶

丹皮

甘草

生地

連翹

桑皮

沙參

白茯苓

銀花

黃柏

炒蜜水

如體虛。加白朮。

痧後口瘡。牙疳。宜搽

救苦散

人中白

五錢

飛青黛三分

冰片一分

殭

蠶

一錢

寒水石

井水飛
細三錢

共為細末。先以苦茶拭口。隨搽此藥。富貴之家。加牛黃二分。研入。其效更速。

痧疹咽喉腫痛。不拘初起回後。用

二聖散

苦參

三錢

白殭蠶

一錢

共為細末吹入。

有一種痧痘。大吐大瀉而後見者甚輕。與作惡心乾嘔者不同。用藥微表。和平安胃為主。宜服

和中湯

白朮 八分

歸身 七分

陳皮 五分

甘草 五分

白芍 酒炒 六分

柴胡 六分

防風 六分

白茯苓 七分

乾葛 八分

丹皮 五分

桔梗 七分

白水煎。

有種病後瘦弱。脣白氣虛。感時氣出痧疹者。宜服

加味逍遙散。體弱氣虛。少紅。居者俱可服。出白色。

炒白朮

炒白芍

薄荷

白茯苓

歸身

丹皮

陳皮

柴胡

麥冬

甘草

乾葛

白水煎。

痧症不拘前後。痰多咳嗽。有風有熱。俱宜服

抱龍丸

陳膽星 四兩

鉤

藤 一兩

桔

梗 二兩

天

麻 二兩

升

麻 五錢

陳皮 一兩

薄

荷 一兩

殭

蠶 九錢

川貝母 去心一兩

共爲極細末。煉蜜成丸。如彈子大。硃砂爲衣。乳孩每服半丸。大者每服一丸。白滾水下。若外感風邪。用防風五分。煎湯調下。若內熱。用竹葉湯調下。痧症咳嗽氣喘。脣紅結熱在內。煩躁不安。口鼻出血。不拘前後。俱宜服。

犀角解毒化痰清火湯

生犀角 一兩

歸

尾 八錢

連

翹 一兩

赤

芍 六錢

生

地 二兩

丹皮 一兩

紫

草 一兩

牛蒡子

三錢

花

粉 一兩

黃

連 三錢

薄荷 一兩

川貝母

去心一兩

甘草梢

一兩

共爲細末。煉蜜成丸。如彈子大。每服一丸。竹葉湯化下。犀角不入藥。

痧後失調。體瘦氣弱。或成疳疾。或泄瀉等症。宜服

健脾肥兒丸

人參	三錢	黃耆	一兩	炒神麴	二兩	扁豆	一兩	山查肉	二兩
甘草	六錢	生黃連	三錢	白朮	一兩	白芍	六錢	橘紅	五錢
當歸身	八錢	陳皮	五錢	白茯苓	一兩	山藥	一兩	地骨皮	六錢
百合	八錢								

共爲細末。煉蜜成丸。如彈子大。每食遠白滾水下。一丸。不用人參亦可。
痧後咳嗽。內熱不清。心神慌亂。夜臥不安。脾虛或生瘡疥。宜服

天真膏

生地	四兩	麥冬	四兩	玄參	四兩	白茯苓	二兩	生黃耆	四兩
沙參	四兩	茯苓	二兩	當歸	二兩	炒棗仁	二兩	丹皮	二兩
紫苑	二兩	桑皮	四兩	橘紅	二兩	生苡仁	四兩		

取長流水。用砂鍋桑柴文武火熬成珠。上好白蜜收成。盛磁器內。每服三五茶匙。白滾水調服。

觀音柳。一名西河柳。乃痧疹之聖藥也。冬月用枝梗。春夏用苗葉。每用一錢。煎湯服。年力大者。多服一二次。更妙。能清肺解毒發表。

痧症用藥大概加減

發熱初起。或在疑似之間。用

防風

乾葛

紅花

山查肉

羌活

荆芥

前胡

咳嗽有涕淚用

杏仁

桔梗

蘇子

枳殼

貝母

薄荷

升麻

脣紅有熱用

花粉

連翹

桑皮

牛蒡子

腹痛有食用

枳殼

山查肉

神麴

青皮

白芍酒炒

見形鼻乾脣紅煩躁作渴用

石膏

梔子

桔梗

牛蒡子

連翹

玄參 黃芩

見苗影出發不快。兼之大便秘塞。或漬黃水。或煩亂不寧。當速加

石膏 大黃 歸尾 紫草 牛蒡子

小便不通用

車前子 薄荷 木通 柴胡

散風熱用

薄荷 赤芍 桔梗 荊芥 柴胡

紅花

痧子夾斑用

紅花 丹皮 石膏 赤芍 紫草

生地

痧毒盛顏色紅紫。煩躁作渴目赤用

石膏 玄參 紅花 生地 紫草

花粉

口瘡用。

桔梗

甘草

僵蠶

生地

大便瀉白色用。

木香

白茯苓

白朮

神麴

大便瀉黃色用。

車前子

丹皮

木通

黃芩

大便瀉帶紅色用。

丹皮

黃芩

赤芍

木通

紅白痢疾用。

木香

白茯苓

黃栢

黃連

神麴

痧後脾虛用。

白朮

苡仁

山藥

茯苓

沙參

人參

百合

丹皮

歸身

甘草

炒白芍

石斛

炒扁豆

痧後餘熱等症用

生地

銀花

地骨皮

玄參

黃栢

痧後咳嗽不止用

桑皮

紫苑

貝母

麥冬

玄參

蘇子

痧疹前後鼻血用

知母

丹皮

犀角

花粉

生地

玄參

連翹

紫草

痧症兩脇作脹氣疼用

薄荷

白芍酒炒

木香

柴胡

歸身

白茯苓

丹皮

桔梗

痧出紫黑色。閉塞不透。煩亂不寧。最爲重症。急用人糞灰。白滾水服二錢。或可救其萬一。人糞灰製法。詳見痘症方內。

補遺

痧疹屬肺火。肺爲五臟華蓋。清虛其上。故出痧。現形卽沒。皮膚不留形迹。不似痘瘡。灌漿結痂也。所以服藥不可重表。恐攻動臟腑之熱。薰蒸於肺。令肺竅閉塞。致痧不現。反增喘脹。今之庸醫愚婦。一見痧疹。無論熱輕熱重。概行燥散。病家亦歡欣而進。彼此皆不知深受其害也。大抵此症初起時。當以輕清微表。隨宜清涼。以解肺熱。此治痧之大法也。痧有順險逆。逆者不可治。醫家或逢此症。用清涼藥治之。而不愈者。此乃逆症。原不可治者也。在病家卽云。誤用涼藥。深爲致怨。庸醫就俗。而清涼竟不敢用矣。可不悲哉。痧後宜戒魚腥猪肉。過三七後。人事清爽。方可吃之。痧後餘熱生毒者。看其元氣虛實。用藥解之。如生地、貝母、銀花之類。元氣虛者。兼以黃耆、當歸。

小兒口瘡。或牙疳。多因痧痘後。或病後元氣虛弱。不能運化邪熱。毒氣停胃之故。當依前方修合搽藥。萬不可多入冰片、麝香。蓋此二味香氣迅烈。直達心肺。大傷真氣。致令睡臥不寧。飲食不甜。壯實者幸免其害。倘面色青黃。肌瘦不堪。氣弱者。則有性命之憂。况見效不專在此二味。用者不可不慎。

募施治痧要方

石 膏兩煨九

生黃芩三兩

紅 花一兩

荆 芥二兩

桔 梗二兩四錢

地骨皮五錢兩

乾 葛二兩

甘 草二錢兩

赤 芍五錢兩

當歸尾三兩

薄 荷五錢兩

牛蒡子三兩生用

陳 皮一兩

桑白皮三兩

枳 殼二兩

右方共爲粗末。每次用末五六錢。白水三鍾煎湯濾去渣服。

專治小兒並男婦痧疹不拘四時將見形已見形者皆可煎投痧輕者用六七服。重者十數服大能起發透表解毒清熱不傷元氣功有神效此係較正良方經驗有年等分藥味萬勿增損恐致錯亂無益其痧數年流行一次或傳染一方一村今祈四方善士照方多合施濟貧苦所費無幾功德無窮。

痧疹屬火胎毒蘊積獨稟肺經毒氣亦能流傳諸經臟腑借感歲氣而出肺象金上爲太白星是以知病之在皮毛也肺有孔竅不宜閉塞有病卽喘咳痧疹用藥不可太表太攻恐氣塞竅閉則皮毛不開痧亦不現藥須清潤達表痧始易出易透易淨治痧最忌酸斂溫補燥熱古云痧要清涼痘要溫清涼者清肺熱也溫者溫補生漿也蓋肺積熱於腸則成痢毒蘊於胃則成牙疳虧損元氣則虛弱蓋痧亦有順逆險順者不須服藥險者服藥尙可救逆者百不救一惟險候全要藥餌

相宜。不致後患。治痧貴慎乎初。本方實爲專司發痧解毒者。甚有俗醫。視方而起謗。或云涼。或云輕。今表藥性於左。了然可見。

石膏味辛。色白。達表。淡而利竅。煨用。卽純痧症要藥。清涼解毒。用以爲君。陳皮、枳殼、桔梗、疎氣消肺脹。桑皮潤肺止喘。清火化痰。紅花、歸尾、赤芍、味辛。活肺經血熱。血活則毒散。牛蒡子解毒發癰疹。乾葛味辛。發表解渴透肌。薄荷清肺胃間熱。通氣舒毛孔。地骨皮解肺毒。消熱躁。甘草解毒和藥。荊芥散血分中之風熱。能開毛孔。黃芩清肺熱解毒。痧宜戒醋酒魚腥。甜糖厚味。葷膩椒蒜。飲食只宜清淡。蔬菜薄粥。避風調理。

幼科直言卷三補遺

幼科直言

清江寧孟河介石編著

四明曹赤電炳章校點

卷四

小兒有病看虎口三關

初節寅關。食指第一節

次節卯關。食指第二節

三節辰關。食指第三節

經紋歌

左手紅生似線形。須知發熱又兼驚。右手脈紋如左樣。脾傷驚積一齊生。紋頭有似三叉樣。肺氣生痰夜作聲。色青應有傷寒症。若是空紅瀉定生。指脈深青不暫停。微青腹痛糞多青。若兼黑色盤腸疳。眼搐牽抽不得寧。小兒指脈深紅色。發熱驚時目強直。微紅下痢腹中疼。吐瀉脾虛多不食。

指上紋生紫氣深。驚時啼叫又呻吟。微微紫色腸中痛。若是紅彎主惡心。虎口脈紋多。須知氣不和。色青驚積聚。下痢瀉如何。青黑慢驚發。入掌內釣多。三關急通過。此症必沉疴。

小兒初受氣論

聖濟總錄云。小兒在母腹中。受其精氣。一月胚。二月胎。三月血脈。四月形體。五月動作。六月筋骨成。七月毛髮生。八月臟腑具。九月穀氣入胃。十月百神備而生。生後六十日。瞳子成。孩兒能頻笑語。識人。百日任脈生。能反覆。一百八十日。尻骨成。能獨坐。二百一十日。掌骨成。能匍匐。三百日。髕骨成。能獨倚。三百六十日。脛骨成。乃能移步。此是常定之法。至於已及期而不能者。則又稟賦之豐怯。是又不可以一概拘也。

小兒始生變蒸

三十二日一變。生癸腎臟。

屬足少陰經。

六十四日二變。一蒸。生壬膀胱腑。

屬足太陽經。

九十六日三變。生丁心臟。

屬手少陰經。

一百二十八日四變。二蒸。生丙小腸腑。

屬手太陽經。

一百六十五日五變。生乙肝臟。

屬足厥陰經。

一百九十二日六變。三蒸。生甲膽腑。

屬足少陽經。

二百三十四日七變。生辛肺臟。

屬手太陰經。

二百五十八日八變。四蒸。生庚大腸腑。

屬手陽明經。

二百八十五日九變。生己脾臟。

屬足太陰經。

三百二十二日十變。五蒸。生戊胃腑。

屬足陽明經。

至於心胞絡臟。屬手厥陰經。三焦爲腑。

屬手少陽經。

此一臟一腑。俱無形狀。故不變而不蒸也。然所謂變者。變生五臟也。蒸者。蒸養六腑也。又曰。變者。變其情態。蒸者。蒸其骨體。故血脈方榮。骨格始長。情性有異於前。當變蒸之時。看兒脣口。如上脣微腫。有如臥蠶。或如珠泡子者。見變蒸症也。卽宜少與乳食。不可妄投藥餌。切不可用艾火灸。若不依此。多致殺兒。屢遇有此者。故

書以告之。

小兒脈法

小兒之脈。與大人異。九至為傷。平和六至。沉細而知為冷。十至而病困矣。急弦為氣之干。沉緩為食之滯。促急必是虛驚。緊者風癰是矣。弦而又急。客忤之氣。沉而數者。骨熱何疑。脈來亂者。必然難治。

弦急、主氣不和

沉緩、主傷食

促急、主虛驚

浮、主風

沉、主冷

持脈三要

一曰舉、尋之、輕手

二曰按、取之、重手

三曰尋、不輕不重、委曲求之

右三要。惟尋字是診家之至訣。即經之所謂三菽、六菽、十二菽之旨也。

脈象綱領圖

此將七表八裏之脈融會至為切要

浮、舉之有餘、按之不足

輕手得而有力、則為洪

沉舉之不足

重手得而無細小則為微

至骨有力

遲來一息三四至

重手得而無少緩則為軟

短細則為瀦

數來一息七八至

輕手得而流極數則為緊

有力則為實

論浮沉遲數四脈。有力無力主病。

浮而有力為風

遲為風寒

俱為表症。

沉而有力為氣滯

遲內寒

俱為裏症。

遲而有力為痛

數而有力為熱

滑者主氣壅滯

主痰不和

瀦者主傷精敗血

主氣不和

俱看在此何部。此診脈之切要也。

望色

小兒有病。必察色聽聲。虎口脈紋。病重乃現。是望聞問切之四端。不可缺其一也。

故察其面色之神情。卽知五臟氣血之受病。如面色白者氣虛。面色青者氣弱傷肝而有驚。面光澤而急脹者有火有食。面色暗而急脹者有毒有熱。面色紅而脣赤者有熱。弄舌者心經有熱有驚。氣湊鼻乾無淚者肺熱有驚。哭無轉聲者關竅不通爲病重。神情倦怠目睛無神者慢驚之候。爲最重。耳根黃色眼眶週圍淡黃者傷脾之候。脣青面白者爲吐瀉慢驚之候。眉頭頻蹙者爲腹痛。兼之脣口青色者腹痛而有蟲。凡病後額角及耳後乾枯若無血色由臟腑有虧不治之候。面黑色者乃脾腎有虧。兼之乾枯亦爲難治。鼻孔掀露有涕有淚則爲傷風。無涕無淚須防成驚作喘。一切病症聲直者乾叫者迷困者無涕淚者皆危候也。凡看小兒之病必以指甲掐其人中并眉心間。若易哭易叫有轉聲者爲輕。無轉聲者爲重。小兒指甲青紫者有驚有食面白指尖冷者初病則爲風冷之候。病久則爲氣虛有驚。小兒凡有病身體微潤者易治。乾熱者難治。若病後乾熱四肢作冷者乃脾虛成疳。總之必察形望色以辨其爲寒熱虛實而治之。以上諸款舉其大端。臨症之際細心審察自無錯亂也。

凡一切病中顙門下陷。喉中拽鋸。痰氣不轉。鴉聲眼暗。牙齦如粉白。兩腮似塗硃。

現此等症者皆危。

嘔吐

小兒嘔吐。皆屬於胃。有胃間受風。有傷乳食。有胃間受熱而作嘔吐。雖云傷胃則吐。傷脾則瀉。但症有寒熱虛實之不同。吐者有物無聲。嘔者有物有聲。乾嘔則無物矣。

一種寒吐者。有冒風寒。有乳母過飲冷物。以致小兒受冷乳作嘔吐者。或吐乳吐食。或夾清水白痰。或進茶湯皆吐而不受。宜用

平胃散 或兼服和中丸

蒼朮製

厚朴炒

陳皮

甘草

或加用

木香

半夏

砂仁

引用生薑一片

一種胃熱作嘔吐者。或三焦受熱。或傷熱物。或受熱藥。夏月受暑氣。即嘔吐黃痰。或乾噦或煩躁。脣紅面赤。作渴。大便不利。宜用

竹葉石膏湯 兼服六一散或抱龍丸

竹葉五片 石膏三錢

白水煎服。

一種傷食吐。或傷乳吐。或腹痛手足心發熱。或作噯氣。或嘔酸水。或作渴唇紅。宜用

加減二陳湯

陳皮 半夏製

山查肉

枳殼

柴胡

神麴炒 木香

引加生薑一片

一種虛寒嘔吐。或因體弱。面色青白。肢體困倦。眼目少神。或久吐胃虛。不能運化乳食。氣脈不通。上焦少氣。或生痰沫。宜用

四君子湯 或兼服健脾丸

人參 白朮炒 白茯苓 甘草

生薑一片。大棗一枚。或加半夏。陳皮。即六君子湯亦可。

一種乳孩吐乳。若從口中射出。或順口角流出。此非病也。蓋小兒不知飢飽。隨口輒嘔。以致滿而上溢。書云。水多則沼溢。酒滿則卮傾。自然之理。非疾病也。若妄服藥餌者。必反添病症。不可不慎。大凡吐症。藥引宜用生薑。不宜用葱。薑溫胃。葱則達表發汗。吐已傷表。豈可令葱汗之。

小孩一切吐乳。必戒乳。以清米湯代之。胃間清疎。即可速愈。虛寒吐瀉。古方加丁香者。或用附子理中湯者。但醫家須善用之。投之少許。其效甚速。真有起死回生之功。若用之不善。恐後隨生熱症。不可不斟酌之。凡小兒嘔吐不止。目上視。頭後仰者。不治。

泄瀉

泄瀉之症。人皆知其脾胃不調。但症非一端。有風瀉。有虛寒瀉。有傷食。有大腸熱瀉之不同。當辨其症而治之。一種熱瀉。口乾作煩。或腹痛。糞出射遠。或瀉後肛門努脹者。必分利清熱。用

黃芩湯 或兼服六一散

炒黃芩

紅花

車前

山查肉

陳皮

甘草

白芍炒

澤瀉

薄荷

青皮

白水煎。或加烏梅爲引。

一種虛寒作瀉。或傷冷乳卽作渴。瀉青白色。或腹痛。或兼吐乳食。服藥宜溫脾胃。用

調脾散 或兼用參苓散 五苓散治之

炒白朮

炒白芍

白茯苓

陳皮

甘草

木香

砂仁

官桂

麥芽

生薑一片。大棗一枚。

一種傷食瀉肚痛作渴。或瀉糟粕惡臭。宜用

加味平胃散 或兼用和中丸

蒼朮製

厚朴炒

陳皮

木香

白芍

山查肉

檳榔

澤瀉

生薑爲引。

一種風瀉乃大腸受風或瀉沫。或黃白凍。兼腹痛者。宜用

防風湯 或兼用五苓散

防風

柴胡

炒白朮

木香

木通

炒厚朴

陳皮

甘草

生薑一片爲引。

一種人虛之極。或瀉成慢驚。手足逆冷。宜用

加味補中湯 或兼用參苓散

人參

白朮炒

黃耆

當歸

肉桂

白芍炒

木香

升麻

柴胡

陳皮

甘草

煨薑一片。大棗一枚。

泄瀉一症。多因傷食。或傷乳。必戒乳食。以米湯薄粥代之。泄瀉多在夏秋時。亦有受暑氣者。當審明時候。果有暑者。發熱脣紅。作渴煩悶。當量入香薷、柴胡、薄荷、白

扁豆、烏梅等一二味治之。或兼用六一散。

凡小兒泄瀉。用藥必審虛實寒熱。其藥如五苓散、補中湯、平胃散、參苓散、黃芩湯、六一散、香薷飲。仍察四時所感投藥。無有不效者。

五苓散

白朮炒一兩 白茯苓一兩 官桂四錢 猪苓一兩 澤瀉一兩
共為細末。每服一錢或五分。白滾水下。

參苓白朮散

人參四錢 白朮炒一兩 木香四錢 蓮肉去皮心一兩
砂仁五錢去殼 白茯苓一兩 甘草六錢 陳皮六錢 山藥一兩
黃耆一兩加黃耆五錢亦可
共為細末。每服一錢或五分。陳米湯。或生薑湯調下。

急驚馬

急驚者。因受病在內。發於卒然之間。痰涎壅塞。手足抽掣。角弓反張。目睛上視。或

邪視。牙關緊急。人事不省。蓋心爲火。肝爲風。風火相搏。抽搐不寧。其症有因過傷肥甘辛熱之物。兼感風熱在內。以致傷脾損肝。生風生熱生痰。清氣不升。濁氣不降。關竅閉塞。卽發抽搐。症有輕重不同。不可皆泥爲急驚可治。而醫家卽輕忽之也。用藥宜清涼行痰之劑。乳孩發驚者。皆受乳母熱乳。兼之寒熱不調。或受驚嚇而成。必戒乳。服牛黃錠子。并抱龍丸。一種急驚。有風有食有痰。宜用

醒風湯 兼服牛黃鎮驚錠子

天麻

膽星

薄荷

防風

羌活

枳殼

白僵蠶

鈎藤

石菖蒲

紅花

甘草

全蝎

洗淨去尾尖

生薑爲引。

一種熱盛煩躁作渴。抽搐等症。宜用

涼肝散 兼服牛黃丸

石膏煨

貝母

膽星

天麻

陳皮

甘草 枳殼 桔梗 紅花 花粉

薑皮爲引。

一種驚搐之症。體氣壯實。氣湊痰喘。大便閉塞。宜用

清氣化痰湯 兼服牛黃丸

枳殼 大黃 梔子 花粉 黃芩

薄荷 牛蒡子 天麻 杏仁炒去尖

竹葉爲引。

牛黃鎮驚錠子 治一切風痰氣喘。咳嗽發熱。着嚇。急驚等症。并肚腹膨脹疼痛。

夾風夾食。并大便不通。若慢驚并吐瀉。則不可用。

天麻 二兩 鈎藤 二兩 廣皮 二兩 羌活 二兩 枳實 二兩

僵蠶 二兩炒 青皮 二兩 生黃連 一兩 貝母 一兩去心 莪朮 一兩

獨活 二兩 生大黃 二兩 牛黃 一錢 麝香 一分 冰片 二分

飛硃砂 一兩 薄荷 二兩 桔梗 二兩 赤芍 一兩 飛滑石 二兩

防風 二兩 柴胡 二兩 全蝎 二兩洗淨腹內 陳膽星 二兩

共爲細末。用砂器煉好川白蜜揉末爲錠。每錠重一錢五分。晒乾聽用。每服一錠。或半錠。有外感用生薑湯磨服。餘症用白滾水磨服。治病多端。不能盡

述

抱龍丸 治小兒着驚嚇。傷心肝二經。卽脣青。四肢搖動。起臥不寧。蓋抱者保也。龍者象東方肝木也。故此丸爲治驚之要藥也。

赤芍藥三錢 貝母五錢 礮蠶一兩 防風二兩 天麻五錢

鉤藤一兩 薄荷一兩 枳殼一兩 桔梗一兩 膽星二兩

陳皮一兩

共爲細末。煉蜜成丸。龍眼核大。硃砂爲衣。每服一丸。白滾水化下。有外感卽用薑湯化下。

牛黃丸 治痰多急驚。肺間鬱熱。脣紅作渴。及久傷風。煩咳氣喘等證。

羌活一兩 連翹五錢 陳膽星一兩 甘草五錢 花粉五錢

黃芩八錢 牛蒡子三錢 薄荷三錢 天麻三錢 枳殼五錢

全蠍五錢 僵蠶五錢 牛黃五錢

共爲細末。煉蜜成丸。每丸重五分。有風邪用生薑湯化下。如內熱用竹葉湯化下。

慢驚

慢驚者。因小孩稟賦先天不足。或因一切病後。虧損元氣。神不歸經。或過傷藥餌。飢飽不一。卽成慢驚。慢脾風等症。醫治與急驚大相懸遠。因虛生風。張口露睛。手足微搐。面白脣青。四肢作冷。蓋急驚可治。而慢驚不可治。因真氣有虧。俗云。急驚驚病不驚醫。慢驚驚醫不驚病者是也。凡驚症有涕淚則輕。用手指掐人中。哭有轉聲者。可救其萬一。不然。則束手無爲矣。一種似慢驚非慢驚之症。宜用

加味逍遙散

白朮炒

白芍炒

白茯苓

陳皮

甘草

當歸

薄荷

全蠍洗淨

僵蠶炒

生薑爲引。

一種面白脣青。吁氣常出。微作驚搐。或閉目。或張睛。此真氣有損。宜用

補中益氣湯 兼服四君子湯六君子湯

人參 黃耆 白朮炒 當歸 升麻

柴胡 陳皮 甘草

生薑一片 大棗一枚

一種慢驚。慢脾風。或因吐瀉有傷。或一切病後虧損氣血。面白脣青。或吐痰沫。四肢厥冷。宜用

附子理中湯

人參 白朮炒 附子製 甘草

大棗一枚爲引。

五疳

夫疳疾雖有心肝脾肺腎五症之不同。總因氣血失調而起。或缺乳進穀。或過傷物膩。卽成脾疳。或感熱症後。卽成肝疳。或稟來心氣不足。遇病後作驚悸。卽成心

疳。或久咳而醫藥失當。即成肺疳。或肝脾血少。以致腎水不足。即成腎疳。必察明而施治之。則無過犯矣。

脾疳多因乳食不調。飢飽不一。或一切病後。虧損氣血。以致時熱時冷。或大便非結即瀉。面黃肌瘦。肚大夜熱。宜用

加味逍遙散 兼服健脾肥兒丸

白朮八分炒

白芍八分炒

當歸八分

白茯苓八分

柴胡五分

薄荷五分

陳皮六分

白扁豆一錢炒

甘草六分

神麴一錢炒

麥芽八分炒

白水煎

肝疳多因病後濕熱內蒸。肢體雖瘦。而善能哭叫。毛髮稀少。飲食頻進。或作煩渴。皮膚多黑。凡疳疾者多無股肉。或便食蟲。宜用

滋肝散 兼服蚶皮蘆薈丸

黃連三分炒

白芍八分

陳皮六分

甘草六分

當歸六分

白茯苓八分

柴胡五分

山查肉一錢

白朮八分

神麴一錢炒

丹皮六分

白水煎。

蚶皮蘆薈丸 專治肝經疳疾。并治繼抱子疳疾。

蚶皮炒一兩

蘆薈三錢必拌黃土炒過方可入藥生用則能作瀉

甘草五錢

白朮一兩

當歸一兩 史君子肉五錢

白芍一兩

山藥一兩

麥芽炒一兩

白扁豆炒一兩

陳皮五錢

黃耆一兩

白茯苓一兩

山查肉二兩去核淨

共爲細末。煉蜜成丸。如彈子大。每服一丸。米湯化下。白滾湯下亦可。

心疳一症。體虛神弱而多驚悸。面色乍紅乍白。瘦弱畏人。宜用

神棗湯 兼服健脾丸

茯苓七分

棗仁六分

白朮七分

當歸六分

黃耆七分

沙參七分

百合七分

白芍七分

陳皮五分

甘草六分

白水煎。

肺疳面多青白。因肺經受傷。或久咳後而成者。或泄瀉肚痛。或朝涼暮熱。或病中

服藥失序。虧損脾肺。宜用

保肺健脾湯 兼服健脾丸八珍散

白朮七分炒

白芍七分炒

苡仁一錢

白扁豆一錢炒

黃耆七分

沙參八分

陳皮六分

甘草六分

當歸六分

白茯苓七分

白水煎。

腎疳乃肝脾失調。加之稟來先天腎水不足而成。體多瘦弱。目昏神倦。或涼或熱。或時時傷風。宜用

保元地黃湯 兼服六味地黃丸

黃耆八分

白朮八分炒

白芍八分炒

沙參八分

當歸六分

丹皮八分

白茯苓八分

熟地二錢

車前子八分

白水煎。

六味地黃丸

熟地黃八兩

山藥四兩

白茯苓三兩

丹皮三兩

山萸肉四兩

澤瀉三兩

共爲細末。煉蜜成丸。每服二錢。白滾水空心吞下。不善吞者。調服亦可。

健脾肥兒丸。

治小兒一切疳疾。諸病失調。瀉痢後骨瘦如柴。朝涼暮熱。夜出盜汗。皮膚乾枯。毛髮稀落。遍體生瘡。精神怠倦。或嘔蟲食。腹痛常作。面色青浮。四肢虛腫。肚腹脹硬。痞眼羞明。久咳脾虛。黃痞等症。

白朮一兩如雞腿者土炒

白茯苓八錢

川黃連三錢生用

山查淨肉一兩

人參三錢

史君子肉四錢炒

當歸六錢

廣皮四錢

五穀蟲一兩炒

木香二錢

白芍一兩酒炒

白扁豆一兩炒

青皮四錢

山藥一兩

牡丹皮五錢

甘草四錢

共爲細末。煉蜜成丸。每丸重一錢。每服一丸。年大者服二丸。不拘時候。白滾湯下。

八珍散。

治小兒虛損。泄瀉疳疾。一切病後失調等症。

鍋巴四兩炒

山藥二兩炒

白茯苓二兩

白扁豆二兩炒

苡仁二兩

蓮肉二兩去皮心

春冬入炒。百合二兩。夏秋不加。

共爲細末。每服二三錢。每服量加白糖五分。白滾水不拘時調服。

痞疾

症有痞塊痞滿。皆因氣血不和。或腹如鼓硬。或眼羞明。而成雀朦。乃血脈失調。臟腑濕熱薰蒸。故肚腹痛。四肢乾瘦而黃。藥餌不可尅伐磨積。惟養中得保速愈。如春和則冰解也。宜用

白朮七分炒

白芍七分炒

木香二分

白扁豆一錢炒

白茯苓七分

當歸六分

丹皮七分

史君子肉七分

陳皮六分

神麴一錢炒

甘草六分

白水煎

猪肝散 專治一切痞痞。病後失調。四肢無力。精神倦怠。骨瘦如柴。并痞眼羞明。

雀朦怕亮。痘後目病。翳膜遮睛。

雄猪肝一片重九錢

穀精草一錢

白殭蠶七條酒炒

共入砂罐內。并水二鍾。煨一鍾。吃湯并肝。餘渣不用。每日一服用。二三十服之後。方可得愈。功有神效。

一種小兒喜食泥土雜物。乃臟腑濕熱。脾胃不和。宜服蚶皮蘆薈丸。脾胃得和。邪自不能勝正矣。

一種食傷脾胃。有似疳痞之症。宜用和中丸。

厚朴炒一兩

白芍酒炒一兩

蒼朮土炒一兩

廣木香三錢

陳皮一兩

砂仁去殼三錢

青皮五錢

真神麴炒一兩

甘草五錢

共爲細末。煉蜜成丸。如彈子大。每服一丸。淡薑湯化下。此方能治食傷脾胃。腹痛嘔吐泄瀉。或吐蟲食。或受冷氣冷物皆可服之。

痢疾

痢之一症。乃伏暑於臟腑。兼裏飲食而成。氣血不能運化。腸胃不能通利。努脹墜痛。而下紅白凍矣。紅凍屬暑傷血分。白凍屬暑傷氣分。若暑毒攻胃。卽成噤口。孩痢症亦因傷熱乳而成。症有輕重之異。體有虛實之分。用藥必細心審察。方不至於錯誤也。

一種痢疾初起體壯滯多者宜用

分利化滯湯

柴胡

薄荷

厚朴

陳皮

甘草

猪苓

枳殼

歸尾

紅花

黃芩

木香

山查肉

白水煎

一種痢疾暑氣重者。惡心腹痛。澀脹不寧。不知飢餓。兼之煩悶。或發熱。作渴。脣乾。宜用

清熱導滯湯

猪苓

澤瀉

薄荷

紅花

陳皮

甘草

枳實

檳榔

大黃

黃連

白水煎

一種痢疾兼泄瀉腹痛。脣紅作渴者宜用

加味平胃散 或兼服加味香連散

蒼朮製

厚朴炒

陳皮

甘草

黃芩

車前子

山查肉

澤瀉

白芍炒

木香

白水煎。

一種痢疾。體虛不便。行利導滯者。宜用

加味逍遙散 或兼服加味香連散

白朮炒

白芍炒

薄荷

陳皮

甘草

柴胡

白茯苓

當歸

白扁豆炒

砂仁

木香

黃芩

白水煎。

一種暑傷血分。下純血者。宜用

芩連散 兼服香連丸并六一散

黃連

黃芩

紅花

木香

當歸

生地黃

澤瀉

山查肉

陳皮

甘草

白水煎。

一種暑傷氣分。下純白者。或兼青色。或兼泄瀉者。宜用加味逍遙散。或兼服加味香連散。

白朮炒

白芍炒

砂仁

柴胡

薄荷

當歸

白茯苓

木香

陳皮

甘草

生薑一片爲引。

一種痢疾。便雜色滯凍。兼嘔噦不食者。此症必危。乃暑毒深重之故。宜用

黃連解毒湯

或兼服香連丸或六一散

木香

黃連

歸尾

白芍炒

紅花

連翹

滑石

枳殼

陳皮

甘草

白水煎。

一種痢疾日久。元氣虛弱。面白脣青。或作嘔吐。或爲藥餌傷胃。大便不墜而自利者。宜用六君子湯。或四君子湯。或參苓白朮散。或加味香連散。皆可詳察擇而用之。

一種人虛面青脣白。久痢傷氣。四肢作冷。宜用補中益氣湯。或六君子湯。引加煨

薑大棗治之。

一種痢症。暑傷血分。墜脹。作渴。體虛。用藥不便燥補。不便消導。又不可分利寒涼。宜用

加味四物湯

當歸

川芎少許 熟地

白芍炒

丹皮

白水煎。

一種痢症日久。腰痛。因作墜努。有傷肝腎。宜用
加味地黃湯

熟地

山藥

白茯苓

山萸肉

澤瀉

丹皮

白芍炒

五味子少許

白水煎。

一種痢疾日久。面白作渴。津液枯乾。肢體瘦弱。糞門不收。兼無股肉。宜用
固真湯

人參

黃耆

白朮炒

白芍炒

陳皮

甘草

歸身

丹皮

五味子少許

山萸肉

補骨脂鹽水炒

大棗一枚為引。

一種痢疾初起。毒氣深重。米穀湯水不能進。而成噤口者。宜用

加味香連散此方治一切紅白痢疾

白朮湯拌炒

黃連土炒

砂仁五錢

厚朴三兩炒

黃芩三兩

薄荷二兩

白茯苓三兩

白芍酒炒

木香二兩

陳皮二兩

甘草二兩

山查淨肉四兩

紅花一兩

扁豆炒

柴胡二兩

車前子三兩

當歸三兩

隔紙烘乾另磨或晒乾恐回潮也

共為極細末。男婦大人每服二錢。或三錢。三五歲者每服一錢。或二錢。乳孩每服五六分。一切痢疾。俱用白滾湯化下。水瀉用生薑湯化下。此方藥味平和。須宜多服。以愈為度。

一種久痢。元氣虛弱。暑熱在內。脣紅作煩。而成噤口。水米不進者。宜用

石蓮子湯 兼服香連丸

石蓮肉

陳皮

甘草

白朮炒

當歸

川木瓜

白芍炒

白茯苓

白扁豆炒

丹皮

烏梅二枚爲引。

一種痢疾。或體虛腫滿者。四肢厥冷者。氣血衰弱。不能運化穀氣者。古方有用八味地黃湯。或補中益氣湯治之。醫家必察明投用。真有起死回生之功。痢疾初起。最忌澀藥。若香連丸。乃痢中之聖藥也。孕婦痢疾。治法皆同。惟忌用山查、牛膝、紅花等味。痢疾之藥。必斟酌不可苟簡。如地僻人貧。缺少黃連。不得已以黃栢、黃芩代之。缺少人參。倍用黃耆亦可。痢疾有暑熱鬱結於小腸。尿管澀痛不利者。藥內可加車前子、川牛膝、薄荷、柴胡。或兼以六一散服之。

六一散

白滑石

六兩飛過細末

甘草二兩

共爲細末。每服一錢。或二錢。白滾水調下。

香連丸

黃連一觔吳茱萸湯將湯拌連炒用

木香四兩

右爲細末水疊成丸量體之大小服之多寡可也。白滾水吞下。乳孩調化服之專治一切痢疾功有神效。

八味地黄湯

熟地二錢

山藥一錢

山萸肉一錢

澤瀉瀉七分

白茯苓七分

丹皮七分

附子二分炒

肉桂三分

白水煎。

痢疾有傳云必先發散。嗟乎。內已受傷。豈可復傷其表。如果兼風邪。方內量加防風葛根薄荷柴胡升表氣分則可。如在盛暑之時。或量服四味香薷飲。一等愚俗。秋盡冬初。仍講病中有暑。猶加香薷。此愚之甚者也。

有云治痢必先以大黃芒硝行利而後可。此說不可執一而誤事也。補洩須審輕重虛實用藥治之。

老嫗訛傳云撐不死的痢疾。餓不死的傷寒。不知痢疾乃暑氣積滯而成。必以飲

食清疏。當戒葷腥膩物。服藥方望速愈。不然。則有誤性命矣。
痢疾單方甚多。而有害者亦復不少。不可兒戲輕試。

瘧疾

夫夏傷於暑。秋必痃瘧。寒時湯火不能溫。熱時冰雪不能寒。如凌虐人之狀。故謂之瘧。其症雖有寒有熱。莫不由痰食勞暑風濕諸因而成。迨陰陽相勝。上下交爭。即寒熱相搏矣。邪乘於陽。則作於午前。邪乘於陰。則作於午後。瘧久則邪盛氣弱。即來無定時矣。初起時。必先取其汗。令邪從汗解。若少有塞閉。即累月累日。難望其愈矣。猶必辨其邪氣之淺深。體氣之壯弱。活變施治。若泥一定之方藥。則謬之甚也。

乳孩之瘧。亦受風受暑受濕。或受乳母之熱乳而成。初起當升清氣。散鬱熱。而汗自透。然非羌活獨活白芷蔥頭攻發之法也。
瘧起於暑風濕熱。未有不生痰者。古云無痰不成瘧是也。服藥必理氣血。分陰陽。則痰自從之而化也。

夏月之汗。得之於風於暑。卽生濕熱於臟腑間矣。故瘧疾之初。必善取其汗。不然瘧雖愈。而後隨生瘡疥於遍體。皆初不曾化其濕也。

瘧疾初起。寒熱相等。必先汗透而後易截之。邪從汗解也。宜用透肌湯。乳孩兼用抱龍丸。

防風

乾葛

陳皮

甘草

山查肉

薄荷

柴胡

紅花

枳殼

熟半夏

生薑一片爲引。

如服本方三五劑。而汗出不透者。可加麻黃少許服之。一瘧因暑熱盛。作渴作煩。汗不透者。宜用

加味透肌湯

防風

乾葛

當歸

薄荷

山查肉

枳殼

柴胡

陳皮

甘草

川貝母

煅石膏

生薑一片爲引。

瘧在五七次上。體壯有食。面赤脣紅。寒熱相等。來後汗多。宜用

青皮飲 乳孩兼服和中丸六一散

青皮

知母

山查

枳實

熟半夏

當歸

柴胡

陳皮

甘草

生薑二片爲引。

瘧在五七次上。汗多人虛。宜用

清熱逍遙散

白朮土炒

白芍酒炒

白茯苓

陳皮

甘草

薄荷

柴胡

當歸

黃芩酒炒

丹皮

生薑二片爲引。

瘧在盛暑伏天。脣紅煩躁。作渴。有暑有食。宜用

加味香薷飲

香薷

厚朴炒

白扁豆

甘草

柴胡

陳皮

川貝母

白水煎。

瘧在五七次後。人雖虛而多熱。其體勢在不可截。不可消。不可補者。宜用加味逍遙散。

白朮炒

白芍炒

白茯苓

陳皮

當歸

甘草

薄荷

柴胡

白水煎。或加生薑一片爲引。

瘧來過數次。脣紅作渴。寒少熱多者。宜用

清瘧飲

煨石膏

知母

厚朴炒

貝母

當歸

白茯苓

青皮

陳皮

甘草

柴胡

白水煎

瘧來數次後。熱少寒多者。宜用

桂枝湯

桂枝

當歸

白芍炒

白朮炒

白茯苓

柴胡

熟半夏

陳皮

甘草

生薑二片。紅棗二枚爲引。

瘧在盛暑之時。脣紅面赤。煩躁作渴。欲飲冷水者。或熱多寒少者。宜用

加味石膏湯

煨石膏

柴胡

陳皮

甘草

竹葉十片爲引。

瘧在六七次上。雖寒熱交戰。而後少汗者。元氣不能升。邪故難愈也。雖用截藥。恐其不能應手。卽或愈。亦多反覆。不可不慎。

凡治瘧必先問來後出汗多寡。方可截之。如汗少。均不可下手截也。

瘧症日久不愈。常多自汗。面青脣白。或四肢作冷。或手足心發熱。神倦食少。宜用

補中益氣湯。如熱多寒少者。加酒炒常山。寒多熱少者。加煨薑肉桂。

瘧症日久不愈。寒戰後。腰脊作痛者。宜用八物湯。熱多寒少者。加酒炒常山。寒多

熱少者。加煨薑肉桂。如瘧久不愈。或爲藥餌所傷。後來腰痛腿酸者。宜用六味地

黃湯。如熱多者。加酒炒常山。寒多者。加肉桂。如瘧久單寒不熱。手足厥冷者。宜用

獨參湯。或當歸養血湯。或補中益氣湯。或加肉桂煨薑等味。瘧疾日久。有用參五分。或一錢。或三錢。如夾食瘧疾。食重人壯。有用山查、青皮、檳榔者。

熱瘧方內。或加知母、何首烏、常山、黃芩、石膏、鱉甲等味者。

獨參湯

人

參或一錢二錢三四錢

生薑二片。大棗二枚爲引。

當歸養血湯

黃耆一兩

當歸二錢

生薑二片。大棗二枚爲引。

藥劑之大小。須看症之輕重。人之大小。以定君臣佐使。所以前方未定等分。小孩夏秋之時。忽然驚悸。而後發熱。竟成瘧疾。乃風兼熱相搏。而逼於心經之故。宜用透肌湯。兼牛黃錠子。并抱龍丸治之。必戒乳食。避風暑。如瘧與痢并作者。必先治瘧爲是。

乳孩瘧疾。惟戒乳大半。或照方乳母服藥。亦有微效。

治截瘧良方。無論男婦長幼新久。

生薑錢一片 料豆九粒 烏梅三個 常山酒炒 檳榔三錢
紅棗三枚 甘草三錢

用水二碗。煎一碗。露一夜。次早空心溫服。二服再煎。次早再服。服藥後不可喫飲。食戒鯉魚、鴨蛋、牛肉、羊肉。瘧疾來過三次後。方可服此藥。如遇天雨。即露於廊簷下。

中暑者

夏月伏天。陽氣浮於外。陰氣伏於內。炎熱騰蒸而成暑。乃六氣之一。中暑毒者。其性命損於時日之間。可輕視也哉。正伏時。中暑者。忽然昏悶如醉。或流痰涎。作喘。面赤。不省人事者。宜隨服竹葉石膏湯。并牛黃錠子。六一散。抱龍丸。中暑面赤作渴。煩躁嘔吐者。宜服

四味香薷飲或加黃連

香薷

厚朴炒

白扁豆炒

甘草

白水煎。

中暑兼腹痛。惡心泄瀉。有食者。宜服

加味香薷飲

香薷

山楂肉

枳實

猪苓

陳皮

甘草

白扁豆炒

厚朴炒

白水煎。

小兒中暑成暑厥。則人事不省。迷蒙昏沉。痰熱阻竅所致。宜服六一散、牛黃錠子、抱龍丸等治之。

中暑而氣虛面青。肢體軟弱。大小便自利。兼作寒熱者。宜服

人參竹葉石膏湯

乳孩兼服五苓散

人參

石膏

竹葉

粳米

白水煎。

中暑兼感風者。宜服四味香薷飲。蓋香薷一味。即大發散之藥。不可重加羌活、川芎等味矣。

伏時中暑。裹食。而秋後成瘧痢泄瀉等症。又在各本症詳著。

大人中暑者。內雖服藥。而外取新荷葉并西瓜。多列於榻旁。亦解暑之一則也。

五疸

疸之一症。由四時鬱熱而成。或脾胃不和。表裏不達。以致肝肺火邪濕熱薰灼。則眼目皮膚四肢黃如金色。或生黃衣。出黃汗。而人分大小。症有五種。食疸、黃疸、酒疸、穀疸、女勞疸者。必分表裏虛實輕重治之。

乳孩此症。多因吃乳母熱乳而成。然必戒乳吃藥方效。以米湯薄粥代之。其乳母亦當如方服藥。亦有功益也。

黃疸初起者。宜用

茵陳湯 幼孩兼服抱龍丸并六一散

茵 陳 柴 胡 薄 荷 當 歸 猪 苓

陳皮

車前子

白茯苓

甘草梢

白水煎。

黃疸脾虛有鬱熱者宜用

鬱 金逍遙散

白朮土炒

白芍酒炒

當歸尾

白茯苓

黃芩

紅花少許

柴胡

陳皮

甘草

薄荷

鬱金如無真代者以丹皮代

竹葉三片爲引。

黃疸神效良方

川芎二錢五分

烏梅三個

當歸二錢五分

白茯苓二錢五分

生藕節七個

千年矮一兩一名雪一名

右方用水三碗。露一宿。空心溫服。吃藥後。隨量飲酒。令得微汗。二三劑可以

全愈。小兒三次服一劑可也。

黃疸而人虛體瘦。兼骨蒸勞熱者。宜用

加味地黃湯

熟地黃三錢

薄

荷六分

澤

瀉一錢

山萸肉五錢

白茯苓一錢

柴胡六分

牡丹皮一錢

山

藥五錢

白水三鍾。空心煎服。

疸症須戒魚腥、酒麵、猪肉、鯉魚、羊肉、野鷄、等物。

幼科直言

清江寧孟河介石編著

四明曹赤電炳章校點

卷五

傷寒

小兒傷寒。與大人相等。但乳孩感真傷寒者少。而成童子者方有之也。書云。冬月中寒。深入經絡。至春夏而作。則爲正傷寒。餘則類其症而已。治小兒傷寒。若泥於傳經。以日期分表裏。多舛誤矣。惟察症分陰陽表裏虛實而治之。傷寒初起在表。發熱頭疼。脊強腰痛。宜用

羌活湯

羌活	川芎	陳皮	甘草	乾葛
桔梗	枳殼	山查肉		

葱白一寸爲引。

傷寒發表已過。仍在表裏相兼。發熱。惡心。作渴。宜用

乾葛解飢湯

乾葛

陳皮

甘草

柴胡

枳殼

神麴

川芎

紅花

山查肉

葱白一寸爲引。

傷寒得汗之後。身體微熱。內症多而外症少。脣紅。作渴。腹痛。宜服

加減柴胡湯

柴胡

陳皮

甘草

乾葛

薄荷

黃芩

枳實

前胡

生薑一片爲引。

傷寒厥陰。腹痛作瀉。或成結胸者。宜服

桂枝湯

桂枝

厚樸炒

陳皮

甘草

桔梗

紅花 柴胡 麥芽 神麴 木香
生薑一片。紅棗二枚爲引。

傷寒傳裏爲熱。發熱作渴。譫言亂語。血分生熱。小便赤黃。兼得微汗。傳入少陰之症。宜服

黃芩芍藥湯 兼服牛黃錠子

柴胡 黃芩 赤芍 陳皮 甘草

花粉 桃仁 山查肉 歸尾

白水煎。

傷寒至八九十日之間。傳入足厥陰肝經。大便結塞。小便赤色。腹痛昏迷作渴宜用

桃仁石膏湯

桃仁 石膏煨 陳皮 枳殼 大黃

歸尾 黃芩 甘草

白水煎。

傷寒表症解。裏症作。身有微汗而作渴者。鼻乾目紅。耳竅不通。兼手足心熱。宜用連翹飲。

連翹 生地黃 陳皮 白芍炒 甘草

當歸 花粉 黃芩 柴胡

竹葉三片爲引。

傷寒表裏陰陽得分。仍作渴作煩。乃太陰脾經之鬱熱耳。宜用

丹皮逍遙散

白朮炒 白芍炒 陳皮 甘草 當歸

白茯苓 丹皮 柴胡 薄荷

白水煎。

傷寒失表傳裏症而發斑者。宜用

化斑湯

黃芩 生地黃 柴胡 紅花 連翹

歸尾 陳皮 甘草

白水煎。

傷寒發熱狂言。其證似陽證。而大便泄瀉。不渴。乃厥陰症也。宜服

官桂逍遙散

白朮炒

白芍炒

白茯苓

當歸

柴胡

薄荷

陳皮

甘草

官桂

生薑一片為引。

傷寒八九十朝後。面青。四肢懶動。齒根紅紫。或出血。或作渴。大便不通。其證似厥陰。而實伏熱在內。宜用

黃連解毒湯

黃連

石膏

桔梗

當歸

陳皮

甘草

連翹

知母

白水煎。

傷寒表裏失序。汗未通達。遺留積熱。或生毒。或手足不利。強痛不伸。宜服

生地芍藥湯

生地黃

白芍

當歸

連翹

陳皮

甘草

白茯苓

川貝母

苡仁

百合

白水煎。

傷寒之後。表裏俱清。身體瘦弱。皮膚乾枯。宜服六味地黃湯。兼服肥兒健脾丸。脾腎調和。自然復元矣。傷寒厥陰。四肢逆冷。多陰。有用附子理中湯者。有用獨參湯者。此又在方脈中論。醫家臨症酌之可耳。醫治傷寒。每以小兒風裏飲食。爲傷寒治之。以輕爲重。非大表。卽大消。常誤事於此。俗云。傷寒不藥得中醫者。乃惟恐其錯治也。邇來有見一風食雜病。輒云慢寒。則謬甚矣。

傷寒咳嗽

小兒傷風。四時皆有。或裏食。或裏熱。而冬春亦有寒伏火者。有傷風。又復加傷風。謂之重傷風。有咳嗽作噎聲者。有病後表虛而易得傷風者。有風裏熱。而初時失

表散。卽成頓咳者。治法須分輕重虛實。體之大小。用藥可耳。初起病在肺胃在表。日久在脾。脾乃肺之母也。

初傷風。或咳嗽。或發熱。宜用

杏蘇飲 幼孩兼服薑湯抱龍丸

枳殼

杏仁

紫蘇

防風

陳皮

甘草

桔梗

前胡

生薑一片爲引。

傷風有涕淚咳嗽。眼胞鼻樑。或兼作微浮者。宜服

加味杏蘇飲 兼服抱龍丸或錠子

杏仁

枳殼

前胡

川芎

陳皮

甘草

熟半夏

蘇子

生薑一片爲引。

重傷風咳嗽。并寒伏火。宜用

羌活湯 小孩兼服錠子

羌活	紅花	陳皮	枳殼	桔梗
甘草	蘇子炒	杏仁	乾葛	薄荷

生薑一片爲引。

傷風咳嗽。面青。脣白。體弱。或兼大便不實者。宜用

加味柴苓湯

柴胡	白茯苓	甘草	陳皮	防風
----	-----	----	----	----

白芍炒	當歸身	白朮炒
-----	-----	-----

生薑一片。紅棗一枚爲引。

傷風咳嗽。面色青白。或自汗。或病後表虛。時時傷風。體弱。或泄瀉者。不便重用發散。宜用四君子湯。或六君子湯。或補中益氣湯。氣壯脾健。自無此患矣。傷風日久。存熱在肺。成頓嗽。此症有二三月不愈者。一咳卽一氣無休。或吐痰食。面目作浮。或眼白作紅。或腑內帶血塊。血系者。宜用

清肺飲 兼服牛黃丸并錠子

黃芩	蘇子	貝母	歸尾	陳皮
----	----	----	----	----

甘草 苡仁 花粉 連翹 薄荷 桑白

竹葉三片爲引。

頓咳日久。面色青白。身體瘦弱。或爲藥餌傷敗元氣者。宜服

保肺健脾湯 兼服健脾肥兒丸

苡仁 白朮炒 山藥 陳皮 白茯苓

白芍炒 當歸 桑皮

白水煎。

腹痛

小兒腹痛。有風痛、積痛、熱痛、冷痛、蟲痛。治法隨症治之。
傷食腹痛。或病在一時。而無外證者。宜用

加味平胃散 小兒兼服和中丸

蒼朮 厚朴炒 陳皮 甘草 木香

白芍酒炒

生薑一片爲引。

積滯腹痛。體壯者。宜用

化滯湯 兼服和中丸

枳榔 厚朴炒

陳皮 甘草 枳殼

歸尾 青皮

生薑一片爲引。

腹痛有外證初愈。而積滯未行。元氣未虧。大便不通。或結燥。脣紅者。宜用

導滯湯 兼服牛黃丸

大黃 厚朴 枳榔 陳皮 甘草

青皮 歸尾 白芍酒炒

白水煎。

腹痛。面青。脣口青色。腹內一塊或高起。手不可摸者。此證有蟲。宜用

史君子湯 兼服和中丸

當歸 厚朴 木香 白芍酒炒 甘草
陳皮 神麴 史君子肉

生薑一片為引。

腹痛受冷。無病忽然而作。或兼泄瀉者。宜用

防風湯 兼服和中丸

防風 木香 厚朴炒 白芍酒炒 甘草

蒼朮炒 砂仁 陳皮 麥芽

生薑一片為引。

腹痛而體虛弱。或在病中。不可消導。行滯者。宜用

加味逍遙散

白朮炒 白芍炒 神麴 當歸 木香

陳皮 甘草 白茯苓 柴胡 薄荷

生薑一片。紅棗一枚為引。

腹痛因熱而作者。面赤作渴。此證甚少。若察明此症。宜用

梔子飲

梔子炒黑

白芍炒

黃芩炒

柴胡

陳皮

甘草

神麴炒

麥芽炒

當歸

白水煎。

頭痛

小兒頭痛。種種不一。有感冒風寒者。用防風、乾葛、川芎、柴胡。有熱痛者。用黃芩、丹皮、薄荷、柴胡。有誤服燥補者。用知母、甘草、花粉、歸尾。有痰者。加貝母。虛火上炎。用生地、四物湯。或六味地黃湯等類治之。在醫家臨症細辨之可也。

霍亂

霍亂之症。因風入胃。陽氣不舒作吐。陰氣不納作瀉。四時皆有。惟夏秋月因伏暑在內。陰陽之氣相逆而作。一種乾霍亂。嘔而不吐不瀉。陽氣不升。風熱鬱而不達。嘔噦不寧。今存方數種。詳辨擇用可也。

霍亂上吐下瀉。升氣寬中。分陰陽。宜用

朮苓湯 兼服和中丸或五苓散

蒼朮製 厚朴炒 山查

防風 柴胡

木香 陳皮 茯苓

生薑一片爲引。

霍亂吐瀉。面青脣白。四肢逆冷。宜用

加減五苓散

白朮 白茯苓 官桂

木香 防風

熟半夏 陳皮

生薑一片爲引。

霍亂吐瀉。氣壯食重者。宜用

寬中湯

山查 厚朴炒 陳皮 熟半夏 桔梗

麥芽 神麴 木通 木香

生薑一片爲引。

乾霍亂宜用

順氣湯

柴胡

薄荷

枳殼

山查

陳皮

桔梗

生薑一片爲引。

霍亂吐瀉。在夏秋時。有伏暑在內。面赤脣紅作渴。宜用

加減五苓湯 兼服六一散

柴胡

陳皮

甘草

厚朴炒

山查

白茯苓

白芍炒

麥芽炒

扁豆

猪苓

白水煎。

霍亂吐瀉。陰陽不分。伏熱在內。宜用蜀漆米煎湯服之。亦有神效。

眼症

小兒病眼。多因感風熱而攻上焦。或赤紅浮腫。服藥先以清風散熱、活血為主。其後方可清涼。凡害眼不宜頭痛。頭痛多能傷目。小兒目疾。萬不可點洗治之。初起宜用

清風散 乳孩兼服抱龍丸

川芎	羌活	柴胡	薄荷	紅花
歸尾	桔梗	枳殼	陳皮	甘草

引用葱白一寸。目中有翳。加決明子。

目疾發表已過。單有熱症。宜用

清熱飲 兼服犀角丸

黃芩	生地	當歸	川芎	桑皮
連翹	麥門冬	丹皮	陳皮	甘草

白水煎。有翳加決明子。熱騰盛者加黃連。

一種痞眼羞明。或成雀矇者。多因病後失調。或多傷藥餌成痞眼。其身體如疳疾者。宜服豬肝湯。或六味地黃丸。或健脾肥兒丸治之。此又不在風熱眼中論之。

一種害白眼。不大紅。微羞明。生眵者。亦當疎風清熱可愈。

小兒爛癬瘡症

此瘡發於百朝。一週內外。係稟胎毒。生連背上。出水作痒。沾衣濕被。頭堆厚痂。發而又發。毒氣出盡。自然漸愈。萬不宜用藥搽洗。卽如香蔬油、柏油、鰵子油、燭油、并花椒、苦茶、米泔等水。一概不可兒戲輕試。雖極輕微搽洗之藥。亦能受害。犯者多致傷命。倘瘡乾入內。卽結熱生痰作喘。腹脹成驚。或頸項紅腫結核。或發熱迷悶作嘔。其證似受外感。實係內毒相搏於外。當用生葶薺去皮。每次以十數枚搗汁。徐徐飲之。但能咳嗽。有涕淚則輕。瘡復發爲愈。平日用清水溫洗無妨。若瘡盛者。必常服二聖解毒丸。能清熱化痰。消散毒氣。

二聖解毒丸

川貝母

金銀花

共爲極細末。煉蜜成丸。每丸重一錢。每次服一九。白滾水化下。
乳母戒葱、蒜、椒、薑、燒酒、牛羊、鯉魚、動火等物。

疝氣

小兒疝氣。與大人不同。大人之疝。多因腎虛受冷。若勞碌着急。則舉發之。治法多用橋核、茴香、溫煖之味。小孩此症。雖因受冷。然多肝氣相兼。腎不納肝之故。不可隨例而治。

童子疝氣。或右一腎子脹大而痛者。當用

加味逍遙散

白朮

白芍炒黃

白茯苓

柴胡

薄荷

陳皮

甘草

木香

香附醋炒

當歸

生薑一片爲引。

乳孩稟賦性急。好哭叫。亦能令腎子偏大。過時隨愈。不可用藥治之。服抱龍丸。或牛黃錠子。和其肝氣可耳。

腫症

腫之爲病不一。有脾虛作腫。有濕氣作腫。有瘡毒入內作腫。有肺氣虛作腫。肺主皮毛。受熱受風受濕。亦能作腫。有濕熱流行下部。腎囊小便俱腫大而明亮者。凡腫病兼腹脹硬。或作喘者爲重。當分別治之。脾虛作腫無雜症者宜用

健中湯 兼服肥兒丸

白朮炒

白芍炒

苡仁

扁豆炒

陳皮

白茯苓

柴胡

神麴炒

白水煎

病後失調。元氣有虧。脾虛作腫。宜用

健脾湯

廣藿香

白芍炒

白朮炒

白茯苓

苡仁

陳皮

甘草

車前子

白水煎

脾虛傷食作腫。善能飲食。宜用

消中分利湯

厚朴炒

山查

神麴炒

麥芽炒

陳皮

猪苓

青皮

澤瀉

大腹皮

白水煎。

瘡毒入內作腫。或兼微喘。宜用

連翹飲

連翹

貝母去心

牛蒡子

陳皮

桑皮

桔梗

甘草梢

白水煎。

一種腫症。元氣無虧。不過因濕熱蒸肺。藥宜微汗即愈。然此症甚少。不可以發汗而嘗試之。此症宜用

解飢湯 兼服抱龍丸

枳殼

乾葛

陳皮

防風

川芎

桔梗

柴胡

薄荷

葱白一寸爲引。

脹症

脹症與腫不同。有傷飲食。胸前作飽脹者。有病後失調。以致肚腹腫脹者。有瘡毒入內而腫脹者。有元氣大虧。內少真氣。而肚腹作腫脹者。須臨症辨明施治之。傷飲食胸前作飽者。宜用

加減平胃散 小兒兼服和中丸

厚朴炒

陳皮

桔梗

白芍炒

柴胡

山查

枳殼

神麴炒

生薑一片爲引。

瘡毒入內。肚腹腫脹者。宜用

銀花解毒湯

金銀花

牛蒡子

甘草

連翹

柴胡

黃芩

扁豆炒

車前子

白芍炒

陳皮

白水煎。

元氣虧損。真氣有傷。肚腹作虛脹。此症必重。宜用

加減六君子湯

人參

白朮炒

白茯苓

白芍炒

陳皮

甘草

扁豆炒

苡仁

柴胡

生薑一片。大棗一枚爲引。

四肢乾瘦。肚腹腫硬。夜間發熱。或出盜汗。宜服

天真膏

白朮去節

白芍炒

沙參

白茯苓

陳皮

丹皮

當歸身

共入沙器內。井水煎。去渣。成珠。再加好蜜一斤。同熬數滾。入磁器內收用。每服半酒盃。白滾水不拘時調下。

出汗

小兒出汗。有濕熱出汗。因脾胃不調。有濕有熱。內蒸而外出汗者。謂之濕熱出汗。面青脣白。稟賦氣虛而出汗者。謂之虛汗。有病後面黃瘦弱。夜出汗者。謂之盜汗。有因脾胃不和。內鬱風熱。外兼發熱。必出汗而外熱方退者。謂之邪汗。用藥不一。必察其元氣虛實治之。

濕熱出汗。宜用

柴胡湯 小兒兼服和中丸或抱龍丸

黃芩

柴胡

白芍炒

丹皮

陳皮

甘草

山查

神麴

白水煎。

小兒面青脣白。出虛汗者。宜用

黃耆湯

黃耆

扁豆炒

白芍炒

當歸身

苡仁

白茯苓

沙參

地骨皮

浮麥一撮為引。

小兒病後。面黃瘦弱。夜出盜汗者。宜用

加味健中湯

白朮炒

白芍炒

扁豆炒

黃耆

陳皮

甘草

白茯苓

丹皮

棗仁

沙參

大棗一枚爲引。

小兒身體發熱出汗而熱方退者。宜服

逍遙散

白朮炒

白芍炒

白茯苓

柴胡

當歸

陳皮

甘草

薄荷

生薑一片爲引。

喘症

諸病之中。皆有犯喘者。當隨證看表裏虛實治之。但喘必重。諸喘皆爲惡候。鼻乾孔掀。腹脹。雖盧扁亦難挽回矣。

小兒傷風咳嗽有涕淚作喘者宜用

三蘇飲 兼服抱龍丸

蘇梗 蘇子炒

蘇薄荷

陳皮 杏仁

川芎 防風

枳殼

葱白一寸爲引。

小兒傷食作喘者宜用

山查湯 兼服牛黃錠子

山查肉 陳皮

桔梗

蘇子 枳殼

柴胡 杏仁炒

生薑一片爲引。

小兒脣紅面赤內熱作喘者宜用

連翹湯 兼服牛黃錠子

連翹 花粉

牛蒡子

桔梗 貝母

黃芩 麥冬

枳殼

陳皮

竹葉三片爲引。

小兒內熱盛。食重。大便閉結。作喘者。宜用

大黃湯

大黃

石膏

桔梗

花粉

蘇子

薄荷

歸尾

白水煎。

小兒咳嗽。有驚作喘者。宜用牛黃錠子。或抱龍丸。
喘脹內熱。大便不通。一切火毒症。宜用

潤腸丸

大黃四兩

歸尾一兩

枳殼一兩

牛蒡子一兩

蘆薈三錢

共爲細末。煉蜜爲丸。如彈子大。每服一丸。或半丸。白滾水化下。
小兒虛喘。或出汗。面青脣白。或兼泄瀉。宜用

加減逍遙散

白朮炒

白茯苓

白芍炒

陳皮

甘草

柴胡

石斛

生薑一片。紅棗二枚爲引。

大人虛喘出汗泄瀉。宜用參耆桂附等類。此又在方脈中論也。

童子癆

小兒十歲以內。謂之疳疾。十歲以至十六歲。謂之童子癆。有因胎元不足。有因病後藥餌失宜而成者。有因奔走負重。勞傷而成者。其症有咳嗽骨蒸發熱。或吐血。或盜汗怔忡。或嘔噦作瀉。女子或肝鬱經閉。病類種種。然皆屬真元有虧。如此等症。照方依治。或可救其萬一耳。

咳嗽吐痰。面青脣白。骨蒸發熱。宜用加味養血湯

黃耆

當歸

白芍炒

白茯苓

沙參

苡仁

百合

甘草

白朮炒

麥冬

蓮米五枚去皮心爲引。

胎元不足。面白心慌。或泄瀉盜汗。宜用

加減歸脾湯

人參

黃耆

棗仁炒

歸身少許

白茯苓

木香少許

白芍炒

百合

大棗一枚爲引。

咳嗽虛癆。夜熱咽痛。大便乾結。或有女子經閉。宜用

加味地黃湯

熟地

山萸

山藥

丹皮

澤瀉

白茯苓

麥冬

沙苑蒺藜

白水煎。宜餓服。

癆症咳嗽咽痛。大便燥結。面赤脣紅。虛火上炎。或吐血。宜用

滋陰益氣湯

黃耆

歸身

丹皮

苡仁

生地

沙參 桑皮 麥冬 白扁豆炒
藕節一枚爲引。

吐血

小兒吐血症。與大人不同。有肺火者。有途路奔傷者。有久咳成頓嗽者。必究其因而治之。

小兒吐血。面赤脣紅。宜用

滋肺飲

生地 沙參 麥冬 黃芩 歸尾
桑皮 丹皮 玄參 枇杷葉去毛 白芍

藕節爲引。

小兒咳嗽吐血。虛怯者。與前童子癆治法相等。

小兒頓咳吐血者。不在此論。方見咳嗽論中。

癆症陰虛者。應用滋陰之藥。如六味地黃湯。沙參、鱉甲等類。受之不添泄瀉。則可

醫也。

癆症陽虛者。應用補中湯。或四君子湯、歸脾湯、河車等類。服之咽喉不痛、不煩、不噎。則可望其愈也。

癆症但服對症之藥。反增他病。實難愈也。

陰虛者。服滋陰之藥。而不見效。陽虛者。服氣分之藥。而不見效。皆水少火盛。陰陽兩虧。在醫家亦束手無爲矣。

虛癆之症。不究其本。而醫病證之標。如頭痛用川芎。咽痛用桔梗、梔子。泄瀉用木通、澤瀉。氣脹用香附、木香。發熱用蘇梗。浮腫用腹皮、葶藶。出汗用浮麥。喘嗽用蘇子、半夏。吐血用茜草等類。若如此醫治。是爲催命牌也。

龜胸龜背

龜胸者。胸前之骨高起而作痛。龜背者。腰中之骨拱起。又名曰龜背痠。皆因稟受胎氣不全。借感風濕。風熱而生痰入肺。其症胸喘、痰涎、氣壅。如是者。作二三月。其病方定。前高後弓。此亦因人家風水墳墓之由來也。治法先宜清痰利氣之藥。然

後養脾固肺。主一身之經絡。服藥止可救其性命。不能愈其殘疾也。
發熱齁喘痰壅初起宜用

利肺湯 小兒兼服錠子并抱龍丸

蘇子炒 桔梗 薄荷 前胡 獨活

杏仁炒 枳殼 陳皮

生薑一片爲引。

外證漸減。有痰熱者宜用

清肺飲

天麻 膽星 貝母 桔梗 陳皮

花粉 桑皮 枳殼 黃芩

白水煎。

咳嗽氣壅。前症已退者宜用

固金湯 兼用健脾肥兒丸

苡仁 紫苑 百合 陳皮 甘草

白朮炒

白芍炒

當歸

僵蠶炒

白茯苓

白水煎。

單龜背痰動已定者。乃先天腎氣不全。宜用

加味地黃湯

熟地黃

山萸肉

白茯苓

澤瀉

山藥

牡丹皮

薏蘖

白水煎。空心服。

單龜胸。氣壅已平。當保肺健脾。宜用

加味四物湯 兼服肥兒丸

當歸

川芎少許

白芍炒

熟地黃

苡仁

薏蘖

白茯苓

山藥

扁豆炒

白水煎。

中溼

小兒溼症。皆因潮溼。風雨地氣。以致腿脚腎囊小便肚腹作腫生瘡。亦有因之而作吐瀉者。看元氣虛實用藥。溼熱薰蒸。清道不通。沉重不利。故有是症。受溼。腿腹腫脹。宜用

加味朮苓湯

蒼朮炒

厚朴炒

木瓜炒

腹皮

柴胡

陳皮 猪苓

生薑一片爲引。

中溼。腎囊小便發腫生瘡者。宜用

車前利溼湯

白朮炒

白芍炒

白茯苓

苡仁

當歸

白扁豆炒

車前子

神麴

懷牛膝

白水煎。

中溼生風。滿身作痒。瘡疥遍身者。宜用

防風散

白朮炒

白芍炒

紅花

金銀花

防風

荊芥

苡仁

白茯苓

連翹

陳皮

甘草

白水煎。

脾虛受濕。腫脹。或作泄瀉。或兼嘔吐。宜用

加減逍遙散

白朮炒

白芍炒

白茯苓

陳皮

甘草

柴胡

當歸

神麴炒

熟半夏

石斛

生薑一片爲引。

吐蟲解蟲

蟲之一症。種種不同。有寒氣傷胃而出者。有脾胃鬱熱而吐者。有飲食內傷。致生濕熱便蟲者。有熱蒸肺胃。鼻內出蟲者。有大腸受風。便寸白蟲者。小兒面部青色。肝脾不舒。多有蟲症。腹內拱痛。手不可近。卽蟲症也。治法消蟲。惟宜調脾胃。清鬱

熱。節飲食。氣血和暢。則無是症矣。然各症內出蟲者。又在各症中論之。脾胃鬱熱。作渴脣紅。吐蟲者。宜用

加減平胃散

厚朴炒

陳皮

甘草

白芍炒

丹皮

黃芩炒

神麴炒

柴胡

史君子肉

生薑一片為引。

食傷脾胃。因生濕熱。下蟲。腹痛者。宜用

史君子湯 兼服和中湯

史君子肉

蒼朮製

厚朴炒

陳皮

白芍炒

甘草

柴胡

枳榔

山楂肉

木瓜

生薑一片為引。

寒氣入胃。吐蟲。面青。手足作冷者。宜用

桂枝湯

桂枝

防風

神麴

史君子肉

厚朴

木香 陳皮 白芍

生薑一片爲引。

肺胃濕熱。鼻內出蟲者。宜用

加味甘桔湯 兼服抱龍丸

甘草 桔梗 桑皮 丹皮 陳皮

黃芩 白芍 烏梅肉 史君子肉

生薑一片爲引。

小兒脾弱面青。似有驚風。而解蟲者。宜用

加減逍遙散

白芍 白朮 當歸 白茯苓 柴胡

陳皮 甘草 木香少許 史君子肉

生薑一片爲引。

有老人常便寸白蟲。諸藥不效。後服補中益氣湯。加烏梅、防風、生薑、大棗、而愈。

鼻衄

鼻衄者。鼻中流血不止。乃肺熱也。小孩受熱物傷肺。卽有此症。或稟陽臟者。常多此患。有跌傷出鼻血者。或常有此症。俗名沙鼻子。大約陽乘於陰。則鼻衄。當察其虛實治之。

肺熱鼻流紫血者。宜用

竹葉石膏湯 兼服犀角丸

煨石膏

連翹

黃芩

花粉

甘草梢

薄荷

柴胡

竹葉五片爲引。

肝肺火盛。脣紅面赤。鼻衄不止者。宜用

犀角地黄湯 兼服六一散

生犀角

生地黄

連翹

黃連

白芍

甘草梢

玄參

麥冬

陳皮

藕節一枚爲引。

脾肺虛弱。虛火上炎。鼻常流血水者。宜用

滋肺飲

山藥

苡仁

茯苓

白扁豆炒

桑皮

丹皮

歸尾

甘草梢

百合

柿蒂三枚爲引。

肺腎不交。鼻常流血者。身體乾瘦。毛髮不潤。心慌氣弱。鼻衄者。宜用

加味地黄湯

熟地黄

山萸肉

山藥

丹皮

澤瀉

白茯苓

麥冬

葳蕤

黃柏炒

車前子

白水煎。

一種大人鼻衄。流血不止。盈盆者。其脈微細不起。有止用六味地黄湯。加龜板。鱉甲而愈者。

一種大人鼻衄。流血盈餘者。六脈虛大。乃命門火衰。不納肺氣。有用八味地黄湯。加五味子。煎湯冷服而愈者。此等症候。又在醫家臨時細察。神而明之可也。鼻中流血不止者。用生白礬二兩爲末。入熱水內將脚浸入盆中。

血流不止者。用熱酒四五觔。將脚入盆內浸之。

發熱

發熱一證。各症中皆有者。當隨其表裏虛實治之。

潮熱者。或涼或熱是也。有實有虛。當分別治之。內有食者。氣壯脣紅作渴。宜用

加減平胃散 或兼服和中丸

柴胡

厚朴

山查肉

陳皮

甘草

神麴

青皮

白水煎

潮熱而脣白。神倦怠者。乃體虛也。宜用

加味養血湯 兼服健脾丸

黃耆

白朮炒

白芍

丹皮炒

柴胡

陳皮

甘草

當歸

白水煎

久熱症。或因病後失調。或過傷藥餌。體瘦乾枯。宜用

歸朮湯 兼服健脾丸

當歸

白朮炒

地骨皮

白芍炒

丹皮

沙參

黃耆

陳皮

甘草

或加人參

白水煎

傷食發熱者。脣紅氣粗。或夜熱尤重。或兼腹痛。宜用

山查湯 兼服和中丸

山查肉

柴胡

麥芽

青皮

陳皮

白芍炒

薄荷

白水煎

手足心發熱如火者。此熱必有大病。或有毒。或有驚。或出痧痘。當察症治之。或消導。或解毒。或發表可也。發熱將生驚者。面目青色。神氣不安。宜用

天麻飲 兼服抱龍丸

天麻 防風 貝母 陳皮 乾葛

薄荷 枳殼 桔梗 甘草

生薑一片爲引。

久熱不退。乾枯瘦弱。或悞傷藥餌。飲食或太飽太餓。以致久熱者。宜用

六味湯 或兼服六味地黃丸

熟地黃 山萸肉 山藥 丹皮 澤瀉

白茯苓

白水煎。

口瘡

口瘡屬熱。但有虛實不等。有因乳母吃動火熱物。小孩感受而生者。有小孩過傷飲食。動濕熱而生者。藥宜清涼。有病後濕熱上蒸而生者。雖係內熱。有因虛火上炎者。甚有氣虛胃火盛而成牙疳者。最難於用藥。若以清涼治之。又與本病虛怯礙手。必量酌藥餌。近有治口瘡者。藥內又兼消導。此則爲害不淺矣。當慎之。

內熱生口瘡。或牙根舌腫者。宜用

連翹湯 兼服犀角丸

連翹

僵蠶

陳皮

甘草

桔梗

黃芩

丹皮

或加黃連

白水煎。

病後虛熱。生口瘡者。宜用

調中湯

生黃耆

白僵蠶

甘草

當歸

白茯苓

扁豆炒

白芍炒

苡仁

連翹

白水煎。

墊舌馬牙

墊舌者。舌下重厚是也。乃小兒受母腹中積熱。多有此症。亦有因胎熱而生馬牙者。牙根之上。如米尖總屬胎熱。墊舌宜用銀針挑破。少出毒血可愈。但馬牙必用

新青布。水濕擦去。亦有用銀針挑去者。二證俱宜用犀角丸、黃連水、化毒丹治之。氣壯能裹乳者易愈。如胎弱而有熱。不能裹乳者。雖用藥亦難愈矣。

頭暈

小兒頭暈。虛實不一。有面白氣虛而作暈者。有面紅火盛而作暈者。有病後氣虛而作暈者。當辨其有餘不足治之。

養血健脾湯

白朮炒

白茯苓

當歸

沙參

丹皮

黃耆

陳皮

甘草

白扁豆炒

白水煎

氣壯面紅火盛。而頭暈者。宜用

生地湯

玄參

當歸

生地黃

黃芩

陳皮

甘草

薄荷

柴胡

白水煎。

病後元氣有虧而作暈者。宜用

加味四物湯

熟地黃

川芎少許

白芍炒

當歸

白茯苓

白扁豆炒

白水煎。

耳聾

小兒耳聾。最難治之。一種肝肺火盛。以致內生濕熱。耳出膿水過多。成耳聾者。一種着驚嚇。有傷心經。有傷肝氣。以閉腎氣。成耳聾者。一種肝肺火盛。耳中作痒。以致挖傷。成耳聾者。雖對症服藥。十愈其二三。若內傷耳底之明瓦。則不可愈矣。此症亦因人家風水使然者。有之耳。

清肝散

柴胡

薄荷

陳皮

甘草

當歸

車前子

白茯苓

桔梗

白水煎。

小兒着驚嚇。有傷心經。有傷肝氣。以閉腎氣。耳聾者。宜用

養肝湯

沙參

石菖蒲

蟬退

當歸

茯神

生地

棗仁

柴胡

陳皮

甘草

白水煎。

小兒病中服藥不當。以閉腎氣耳聾者。宜用

加味地黄湯

熟地黄

山萸肉

丹皮

澤瀉

麥冬

白茯苓

山藥

沙苑蒺藜

白水煎。空心服。

一種肝肺火盛。耳中作痒。以致挖傷耳聾者。宜用

玄參湯 兼服犀角丸

玄參

黃芩

麥冬

白茯苓

丹皮

桔梗

陳皮

甘草

連翹

薄荷

柴胡

當歸

白朮煎

齒縫出血

小兒齒縫出血者。皆因肺胃火盛。或食辛熱甜糖。厚味之物。治宜清肺胃火邪。而自愈也。

齒縫出血。宜服

連翹解毒湯

玄參

陳皮

甘草

黃連

石膏

薄荷

柴胡

歸尾

連翹

竹葉爲引。

一種齒縫出血日久。服前方而不愈者。宜用

加味地黄湯

熟地黄

山藥

山萸

丹皮

白茯苓

澤瀉

黃柏

車前子

白水煎。空心服。

丹瘤一名赤遊風

瘤者。流走動也。其症如紅雲成片。如胭脂色。總屬胎熱。或借烘衣被。或受乳母熱乳而發。走入心腹者。作喘作脹。不裹乳食。毒氣深入。而胎弱者。即難治之。或腎囊糞門。皆紅如胭脂色。或出水者。或起乾皮者。治宜清熱解毒。乳母亦兼服藥治之。爲是。

胎瘤遊風。宜用

黃連解毒湯

兼服犀角丸

黃連

桔梗

連翹

土貝母

丹皮

甘草梢
白水煎。

黃芩

生地

白殭蠶

玄參

乳母宜服

銀花解毒湯

金銀花

甘草梢

連翹

歸尾

丹皮

土貝母

白殭蠶

生地

黃芩

玄參

白水煎。

胎瘤紅腫處。宜用敷藥。

生大黃爲細末。合生桐油調敷。

又方

生大黃一塊。人乳磨敷瘤上。

胃脘疼

胃脘疼者。卽心口疼也。乃胞絡間痛。非真心痛也。小兒此症。多因風寒飲食。或積

冷傷胃。痛不能忍。食與冷氣痛者。十居八九。氣裏食痛者。亦有二三。積熱痛者。十之一耳。必審明分別施治之。而真心痛者。旦發夕死。夕發旦死。此一種不可醫治矣。

風裏食。胃氣痛者。宜用

香砂散 兼服和中丸

製蒼朮

木香

砂仁

陳皮

熟半夏

甘草

防風

生薑爲引。

積冷作痛。嘔吐痰水者。宜用

加味平胃散

防風

陳皮

製蒼朮

厚朴

木香

枳殼

白豆蔻

製香附

甘草

檳榔

生薑爲引。

胃氣虛寒。身體瘦弱。或遇風冷飲食。胃脘痛者。宜服

加味逍遙散

白朮

白芍

當歸

柴胡

薄荷

陳皮

甘草

白茯苓

木香

防風

生薑爲引。

一種熱痛者唇紅面赤。作渴。熱氣上攻。而卽痛不能忍。宜用

梔子湯

梔子炒

丹皮

薄荷

柴胡

山查

陳皮

甘草

歸尾

紅花

白水煎。

一種胃寒。痛不卽止。唇白面青。四肢厥冷。宜用

溫胃湯

丁香少許

木香

陳皮

甘草

當歸

白茯苓

白朮炒

乾薑

白水煎。

氣疹

小兒氣疹。此症屬肝。或稟性善怒。脾胃失調。面青體瘦。多有此症。或痛于右。或痛于左。痛氣或能走動者。藥宜舒肝理氣而愈。不宜過用發散消導溫燥之藥。或病後失調。亦有此症。宜多服

加味逍遙散

白朮

白芍

白茯苓

當歸

薄荷

柴胡

陳皮

甘草

丹皮

石斛

木香少許

白水煎。生薑爲引。

疥瘡膿窠瘡

小兒生瘡。皆因濕熱而生。亦有因病後濕熱感出而生者。不宜用藥搽洗。并不宜用薰藥犯之者。瘡毒入內。能作腫作喘生痰。因此而成。不救者有之。藥宜清熱疎

風。解毒。日久不愈者。即宜滋陰養脾。方可得愈。疥瘡作痒。乃血分風熱所致。宜用
荆防解毒散

荆芥

防風

連翹

黃芩

當歸

生地

甘草

陳皮

白水煎。

疥瘡兼皮乾肉瘦者。宜用

苡仁湯

薏苡仁

連翹

黃芩

當歸

生地

生黃耆

金銀花

甘草

丹皮

沙參

白水煎。

紅根膿窠。乃血熱蒸脾。宜用

清涼散

黃芩

赤芍

丹皮

金銀花

當歸

生地

黃柏

牛蒡子

荆芥

或加黃連

白水煎。

頑癬疥瘡。年久不愈。謂之腎疳。宜用

加味地黃湯

熟地

山萸

山藥

白茯苓

澤瀉

丹皮

黃柏

鹽水炒

木瓜

白水煎。餓時服。

風疹疙瘡

小兒此症。乃肺鬱風熱。所感而出。此症極輕。宜疎風清熱。萬不可煎鹽蒲包等水洗浴。宜用

連翹散 兼服抱龍丸

連翹

荊芥

薄荷

柴胡

防風

紅花

枳殼

陳皮

甘草

白水煎

便血一名腸風下血

此症多因病中失調。脾胃虧損。不能裹血而便者。古云糞前便者。屬大腸經來者。糞後便者。屬小腸經來者。有以糞之前後。以氣血論之者。必皆分虛實治之。小兒此患。或傷食積熱。損胃而成者。亦有肺經有熱。流入大腸而成者。以致血敗則面黃瘦。或因之浮腫者有之。有血裹糞而出者。此屬熱也。大人便者。又與小兒不同。有傷氣怒而成者。有傷色慾而成者。近又有傷于燒酒烟毒而成者。又有糞門生痔瘡。出大便時流血者。總要詳察人之形體虛實治之。則萬無一失矣。

涼血散

黃芩

當歸

陳皮

甘草

地榆

白茯苓

柴胡

神麴

白芍炒

白水煎

肺經有熱。流入大腸而便血者。宜用

清肺飲

連翹

陳皮

甘草

黃芩

苡仁

當歸

生地

或加黃連

白水煎。

便血日久。面色萎黃。或作浮腫者。宜用

固真湯

黃耆

丹皮

當歸

真阿膠

陳皮

甘草

白朮炒

白芍炒

白扁豆炒

或加人參

大棗一枚爲引。

血裏糞而出者。此大腸熱也。宜用

加減涼膈散

并治糞門痔瘡流血者

槐花炒

黃芩

陳皮

甘草

白芍

當歸

連翹

丹皮

白水煎。

一種大人傷七情六慾。便血不止。面色萎黃。身體虛浮。或傷於涼藥。氣血大虧。有用補中益氣湯。或加附子服之而愈者。此又在醫家宜酌詳察治之。此一等又不可不知也。

小便撒血

此症皆因肺熱流入小腸。肺與小腸大腸相連。故有是症。然皆屬溼熱。藥宜清熱分利。宜用

利金湯

車前子

桑白皮

黃芩

黃連

歸尾

懷牛膝

甘草梢

木通

紅花

白朮肉爲引。

淋疾

小兒淋疾。亦屬肺經濕熱。流入下焦。有赤白二色。作痛者。各有五種。然皆屬於熱。一種久淋。面色黃瘦。淋而不痛。或小便後淋濁而不痛者。此脾肺兩虛之故。又在調脾固氣治之。一種濕熱流下。而成白濁。亦當分利其熱可也。小兒赤白淋疾。痛不可忍者。宜用

分利飲 或兼用犀角丸

澤瀉

猪苓

懷牛膝

車前子

歸尾

黃芩

黃連

甘草梢

薄荷

竹葉爲引。

一種雖淋而不痛者。或久淋而不愈者。宜用

加味逍遙散

白朮炒

白芍炒

白茯苓

當歸

薄荷

柴胡

陳皮

甘草

家艾葉

丹皮

白蓮鬚

白水煎

一種淋疾。肝腎有虧。淋而不痛。月分久而不愈。或爲藥餌所傷者。宜用加味地黄湯

熟地黄

山萸肉

澤瀉

白茯苓

山藥

丹皮

薏苡

白水煎。空心服。

小兒白濁疼痛者。宜用

連翹湯 兼服犀角丸

連翹

白茯苓

車前子

甘草梢

陳皮

當歸

黃芩

丹皮

白水煎。

淋疾作痛單方 生陳米一鍾搗碎。以井水泡湯。擠汁去渣。用白朮肉三四十枚。搗汁去渣。合而服之。如不愈時再服之可也。此汁須隔水盪溫餓吃。

胎疾

凡小兒在月內有病者。此胎疾也。并治其母。小兒月內。腸胃甚脆。氣血未充。若有微疾。不可妄施補瀉。恐傷臟腑。臟腑一傷。將貽患於終身矣。或致夭命。可不戒哉。如不得已。而用湯丸。毋伐天和。中病即止。又不可過劑也。若娠母自乳。則不可亂投湯藥。蓋產後之婦。虛實不同。有補有瀉。倘兒有熱。而用涼藥。或犯產後之禁。必害其母。如有溫補。或反助小兒之熱。又害其子。醫者人之司命。偏害之事。而可爲乎。必須斟酌謹慎。勿損陰陽也。

凡小兒生下就死者。急看兒口中懸癰。前腭上必有泡塞住。即以手指摘破其泡。用軟綿拭令血淨。若血入喉即死。

凡小兒初生。宜用舊衣襖。改作衣衫。真氣相滋。令兒無病。切不宜新製紵絲綾羅氈絨之類。

凡初生三五月內。宜綳縛令臥。勿豎頭抱出。免致驚癇。

凡乳與食宜相遠。不宜一時混吃。令兒生疳癖痞積。一周歲以內。止可稀粥哺之。不可吃葷腥等物。

凡小兒初出胎時。常常傷風者多。因乳母抱宿。鼻孔之風。吹其顙門。即有此症。乳

母不可不留神戒之。

凡小兒生後。或月內。或百日。痰多氣喘。目閉眼赤。眵淚神困呵欠。遍身壯熱。小便赤澀。大便不通。時復驚煩。此胎熱也。因母平日恣食辛熱。貪服煖藥而致。以犀角丸。黃連解毒湯治之。

凡小兒生後。覺口中冷。腹痛腸鳴泄瀉。昏昏多睡。或夜啼。此胎寒也。因母喜啖生冷。或有外感。多服涼藥。致傷胎氣。以和中丸。勻氣散治之。

勻氣散

桔梗一錢 陳皮一錢 砂仁五分 白芍二分 木香三分

粉甘草四分

共爲細末。每服一匙。棗湯調下。

傷食

小兒傷食。受病皆從此而得。大者傷飲食雜物。小者傷宿乳。熱乳。或鬱結之乳。體有大小虛實。症有輕重淺深。凡傷食大者必斷食。小者必斷乳。宜多吃滾水粗茶。

傷乳傷食之重者。或全戒其乳食。傷乳食之輕者。或戒其一半。其症亦有餓一十者。有餓二三日者。在醫家與病家當細審之。

傷乳食之重者。用藥如青皮、枳實、枳榔、厚朴。傷之輕者。如桔梗、神麴、麥芽、山查、陳皮。傷乳食而內熱者。或兼用黃芩、花粉、柴胡、薄荷、石膏、紅花。有傷乳食而有外感者。或兼用防風、乾葛、前胡。有傷乳食大便閉塞。或兼用大黃、蔓仁。有傷飲食而氣湊生痰者。或兼用貝母、杏仁、膽星。或有脾虛瘦弱而傷乳食。不可消導者。當以白朮、茯苓、當歸、扁豆、神麴、麥芽、山查肉治之可耳。此論不過大概。必臨症察而治之。小兒之病。有虛有實。有急有緩。有宜攻者。有宜守者。有不必服藥者。若認病不直。妄爲醫治。或表或消。或補或行。不免其有誤。損功敗德。莫甚於此矣。

醫治乳孩。全以丸散錠藥。隨症調攝。醫家必照本方虔合。藥篩必細。等分炮治。必如法如數。煉蜜必真正。應症服之。無不見效者也。

小兒之病。誤於父母失調者有之。誤於過服藥餌者有之。若有微病。不可輕易服藥。必少用乳食。避風調養。亦可愈也。

小兒有病。衣被隨其四時。不可太厚太薄。更不可輕加厚蓋。取汗。倘孟浪妄加。誤

事不淺。

附刻孟介石先生庭訓

醫道蓋難言也。一舉指間而人之生死繫之。苟非學問淵博。探索精深者。未足辦焉。故古之良醫。明其道。不謀其利。行其義。不居其功。如或行堅言僞。欺世盜名。止足供有識者之一哂耳。予也承先人舊業。履薄臨深。偶有見長。未嘗索報。况學識粗疏。從未授一生徒。即有親友見託者。往往固辭。非以此矯語鳴高。第恐自誤。以誤人也。汝曹有志上進。當以耕讀爲事。或不得已而爲此。亦惟精其業。虛其心。親賢遠佞。矢志於德行人品之間。其庶幾乎。因錄果報四則以誌警。

果報四則

許叔微少嘗以登科爲禱。夢神告曰。汝欲登科。須憑陰德。叔微自念家貧無力。乃精意醫學。久遂通妙。人無高下。皆急赴之。所治愈多。聲名益著。後夢神授以詩曰。藥有陰功。陳樓間處。堂上呼盧。喝六作五。是年登第六名進士。其第五姓盧。因上

名不錄。升第五上則陳祖言。下則樓材。方省前夢不誣。

嚴用和能醫。施藥濟人。時鄰人有死三日復甦。言至一宅第。有穹碑。主者令亟記碑語。傳示人間。語云。醫生嚴用和。施藥陰功多。自壽添二紀。養子掇高科。誦畢遂寤。後用和子。少年登第。位至大冢宰。

婦人楊阿剩。自幼貧病。晚亦狼狽。臨終自語曰。我前生本一醫人。失於詳審。有一婦人。自稱病蠱。我不能辨其是孕。遽以藥下之。婦人與腹中二子俱斃。是我一舉而殺三命。陰官罪我。令受諸苦。滿足。罰變女身。今已三次。世世嘗爲賤隸。長因飢渴。多病少安。可語世之醫者。以我爲戒。言訖而死。

目連尊者。日朝出城。見一餓鬼。哭泣告曰。我之此身。有數塊肉。被諸禽蟲。常時噉食。何罪所致。目連曰。汝之生前行醫。不精其術。妄投藥餌。使彼病者。不得其愈。是以此報。

幼科直言

清 江寧 孟 河介石編著
四明 曹赤電炳章校點

卷六 雜症

敗毒良方

治一切大毒。癰疽發背。疔毒魚口。對嘴無名腫毒。未成形者。服之即消。已成形者。服之易膿易愈。功效不能盡述。服之者。勿令加減。

黃 芩二錢

當 歸二錢

廣 膠二錢

懷生地黃三錢

枳 殼二錢

連 翹二錢

懷牛膝二錢

穿山甲酒炒二錢

右方照等分一劑。水三碗。煎一碗服之。喫藥後隨量飲酒。輕者二三服。重者五七服。無有不愈者。此方藥味平和。能愈大症。惟孕婦忌之耳。

易產良方

等分必如數

孕婦至八九箇月。即宜煎三五貼服之。臨月時。再服二三貼。服之功有神效。

川芎一錢

羌活五分

當歸一錢

川貝母八分

陳皮八分

甘草六分

枳殼八分

丹皮八分

生地黄二錢

生黃芩二錢

生薑一片。水二大鍾。煎一鍾。食遠服。

孕婦忌食兔獐鹿肉。犯者多生缺脣。多食螃蟹。損胎難產。多食生薑。犯者手足指尖生瘡。多食鯊肉。生子頸短。懷胎時不可手指天虹日月星象。犯者生子六指。

蛇丹瘡多生腰上

蜘蛛瘡多生頸上

雄黃末。調熟猪油。多敷瘡上。以愈爲度。二瘡同。一方治之。此瘡多生於夏秋之間。

火湯傷患

鷄蛋清。調定粉多數之。即愈。定粉。卽是婦人搽面者。

天泡瘡多生夏秋之時

井底泥。調滑石末。敷之即愈。

腿上生血風瘡

生大黃末。調生桐油。多搽瘡上。外將紙裹。或每日一換。或二三日一洗。以愈爲度。
此瘡能作痒如傷手則日久難愈

男婦水臃腫脹效方

兔絲子洗淨

車前子

大蒜去皮

白蜜

每味四兩。將藥蜜盛入健豬肚內。用河水砂器內煮煎。抖去藥。將豬肚再入湯內煮爛吃之。重者服一二肚可愈。病者戒鹽。

膀胱脹痛方

此方專治大人受熱。小腸氣膀胱脹痛。

當歸

青皮

枳殼

細甘草

條芩

知母

瞿麥

白滑石

烏藥

木通

車前子

每味一錢。白水二碗。煎服即愈。此症遇辛苦受熱即發。

鼻衄方補

男婦鼻血不止。或流盆許者。速用玄參四兩。井水四碗。煎至一碗。服之即愈。
吹藥方 鼻血不止。用生梔子。研爲極細末。吹入鼻內可愈。

乳蛾

咽喉乳蛾。並喉內一切腫痛危症。蓬砂一味。研細三五分。井水調化含漱患處。以愈爲度。

募施夏秋泡湯正氣散

余家泡劑治病。殊多經驗。取其氣薄達表。而外感不能深入。使邪氣易出。正氣得扶。以致表裏無傷。病有風寒暑溼。斯藥無不兼該。四時之病。惟夏秋二季感症最多。故今錄方於左。如法合製。勿令增損。取效甚捷。

夏秋方

共為粗末如後法泡服

治夏間一切風暑寒熱往來。出汗不透。煩躁不安。身體倦

怠。胸膈不舒。兼腹痛瀉痢。噁心。瘧疾。鼻衄等症。服之有效。

柴胡一兩

薄荷一兩

生白扁豆二兩

甘草六錢

白茯苓一兩

當歸一兩

赤芍八錢

乾葛一兩

陳皮五錢

煨石膏四兩

生黃苓三兩

獨活五錢

生黃耆一兩

紫蘇五錢

真青皮二兩

懷牛膝五錢

生桑皮二兩

前方每料磨為粗末。如期施送。每服用末五錢。入一碗內。將極滾水冲泡。去渣

喫湯。其渣再泡。即如沖茶之法。病輕者服三五次可愈。病深者必十數服方痊。

須戒葷腥酒麵烟物。

夏秋無疾人服之。得其腸胃通暢。亦可免生他病。

前方一交夏至。即當修合。至冬至方止。

藥料必揀擇真正。等分藥味。必如法如數。勿妄行增損。恐致無益有害。前方實利於貧苦之人。而途路舟次。亦最爲便當。若照方虔合。施送廣濟。則功德有歸。

或有不知者。見方內有石膏。卽畏而謗之。則誤事多矣。今將本草所載藥性。詳開於後。則無疑矣。

石膏 味辛甘。氣微寒。氣味俱薄。火煅方靈。辛能透汗解肌。上行而理頭痛。甘則緩脾益氣。生津止渴。故風邪傷陽。寒邪傷陰。總解肌表而愈。

醫者意也。善用意者。存乎心。不善用意者。矯以臆。每遇中暑傷風諸症。輒倡爲臆說。名曰慢寒。桂附蒼朮。熱燥紛投。貽感曷極。吾友介石氏憂且憫之。梓家傳泡湯藥方。以行世。余昔薄遊晉豫。夏往秋歸。置藥盈囊。隨處施餌。輿隸廝卒。及旅館道路之人。應手立愈。存活者。無慮數十百輩。此明驗也。或有以石膏爲疑者。余常作諧語云。點膏爲腐。味淡性和。貴賤均餐。比於菽粟。曾聞有戕生殞命者乎。冤哉石膏。負此奇謗。坐客曰。靈藥在此。蘆莊庚弟何平舟謹識。

春冬便方 春冬并初夏深秋之時。多有頭痛發熱作寒。嘔吐霍亂。腹痛脹滿。胸

膈不舒。或傷風咳嗽多痰。或有汗。或無汗等症。今錄古傳驗方。以便通行服之。

鮮生薑一錢

陳茶葉一錢

大紅棗二枚

乾紫蘇一錢

水二大鍾。煎湯去渣服之。

若途路舟次貧苦者。煨藥無具。以此藥入碗內。將極滾水泡湯。去渣服之亦可。即如沖茶之法。

寒冬服之。免其來年春夏時疫之患。夏時服之。能免秋時瘧痢等病。凡遇微恙。即當多進。寒亦可散。風亦可除。食亦可化。使病不得深入。即有諸病亦能減輕。幸乞四方修合施濟。

四時傳染不正之氣。照方服之。但不可妄自加減。反令無益。生薑必用鮮者。茶葉無論粗細。隔年者爲佳。紅棗連核搗破。紫蘇梗葉并用。藥味須照等分。服藥必戒葷物油膩生冷。男婦小兒同一治之。如幼小者。藥味照等分減半服之。可也。

江寧逢秋夏受暑者。有發熱頭痛作嘔。四肢或冷等類。多有誤認爲風寒。陰寒者。即用發表燥熱之劑。如川芎、羌活、蒼朮、半夏、薑灰、蔥頭、桂附、砂仁、香附、藿香。

等味。反令病人或流鼻血。或躁熱不寧。仍妄言回陽。此皆是認病不真之害。遇初感者。不若服前方探之。不失其爲穩當也。存心者辨之。

中風出本

紫背浮萍。七月十五日採。依法曝之。竹篩攤開。水盆架住。曝向烈日。纔得燥乾。盆無水。則不燥。研爲細末。煉蜜成丸。如彈子大。空心醇酒化服。按普濟大風丹云。東京開河。掘得石碑。梵書天篆。無有曉者。林靈素逐字釋解。乃是治中風方。歌曰。天生靈草無根幹。不在山間不在岸。始因飛絮逐東風。泛梗青青飄水上。神仙一味去沉疴。採時須是七月半。怕甚攤風與中風。酒下三丸都汗散。

勿藥

凡一切久病。服藥不效。更醫不愈。當以不藥得中醫爲是。以恬愉爲務。以自得爲功。往往得此法而愈者甚多。補益并種子。不宜服熱藥。更不宜熱藥浸酒。無病不可輕嘗。非沉寒痼冷。吐利之

症不可用也。稟來陰臟者服之或可。若陽臟之人。則受害無窮。如海狗、丁香、肉桂、附子、巴戟、料豆、骨脂、川椒、河車等類。雖能助陽。日後受惠。多成中風。或失血。或生毒。或病目。或落齒。蓋以性熱能助相火。相火偏勝。則多慾。多慾則精枯。水少火盛。則熱極生風。諸病出矣。保身者可不慎與。至於一切房術方書。有損無益。尤當遠之。

膈食病。皆因虧損中氣而成。禁投通關破氣之藥。

老年咳嗽痰火。不可用藥消痰利氣。若攻盡其痰。則無血養筋。反令攣急偏枯。病目不宜過點。

生瘡不宜煎烟根水薰洗。

屋簷口雨水不可久吃。多因蛇蝎居之。受害則能生毒。

孕婦忌食兔獐鹿肉。犯者生子缺唇。多食螃蟹損胎難產。多食生薑。生子手足指尖生瘡。多食鱉肉。生子頸短。有孕不可手指天虹日月星象。犯者生子六指。小兒有病不得已用挑驚推法則可。如將滾熱水蒸洗。其後復加衣被。小孩啞口難言。反成不救。更不宜輕用艾灸頂門。

小兒皮骨嫩弱。凡洗頭面。萬不可用滾熱水。熱氣入內。感生瘡毒。惟以溫和爲是。小兒不可吃二三人乳。有等富貴之家。意欲兒女壯大。但不知乳雜卽有毒。因各稟氣血不合。小兒遇病反重。

核桃一物。俗傳能消食。殊不知此種氣溫興陽助腎火。動風生痰。小兒有病。當切戒之。

雞肫皮。乃磨堅之物。能刮腸胃。小兒多服。能成軟病。傷於臟腑。則無可救治。體虛之人。并久病者。不可多服香附川芎。本草云。過服者損真氣。此二味庸醫常犯之。

夏暑之時。發熱頭疼噁心等症。不可錯認風寒。輕用發散燥熱之劑。

驟風暴雷之時。不可出戶視之。

凡人熟睡之時。不可狂叫嚇醒。

凡人臥時。頭間不宜置火爐。

三光之下。不宜赤身裸體。多招災病。

人熟睡時。不可戲圖花臉。

冰麝。不可輕入羣藥。戒之。

蠱脹之症。有用大戟。商陸等藥。受害者多。受益者寡。

朝腦。勿令入髮熏頭。因氣烈傷人。多成勞病。

遇梅瘡之人。勿與同器。

傷寒一證。用藥必看受症淺深。元氣虛實。真正傷寒。初起用藥。發散固宜。有飲食者。兼用消導。但可用枳殼。山楂之類。若加蒼朮。厚朴。香附。則不宜也。此等藥能厚腸胃。堅積滯。反燥大便。生熱之害。

書云。益母草。去瘀血而生新血。若元氣虛弱之人。去其瘀血而望生新血。遲矣。所以婦女面白氣虛者。不可概用。

稀莖丸。乃治壯實之人。而中風者。若虛人類中風。服此搜風之劑。受害不淺。必九

方妙

荷蒂逐瘀血。虛人併吐血者。不可多用。

古人藥引。不過借此引經。原不足爲輕重。玩其引子二字可見。乃今人則多方加入。行術欺愚。可歎也。

燈心爲引。此無益亦無害之物。本草云。熟草只可點燈。不堪入藥。夏枯草。治壯實人生癰癰甚善。但虛人不可多服。能損胃傷脾故也。雄黃性熱。不可入丸錠。與小兒服之。惟造敷藥。用之無礙。

痘毒痘疔膏

扁柏葉。麻油熬成膏藥。攤貼患處。藥內或加黃蠟、黃丹少許。

小兒脫肛不收

蒲黃細末。合熟豬油。調搽肛上。以愈爲度。

滋腎種子丸

大懷熟地黃八兩用蒸不用煨 黃者須搗爛另入羣藥

車前子四兩酒洗晒乾

沙苑蒺藜二兩先用酒洗晒乾

大懷山藥四兩

山萸淨肉四兩酒洗晒乾

枸杞子三兩酒洗晒乾

牡丹皮酒三兩洗晒乾口者

白蓮鬚紅一兩五錢蓮勿用

人參五錢

川草薺酒二兩洗晒乾白色者

兔絲子酒三兩洗去土

魚鰾二兩粉炒

右方共為細末。煉白蜜成丸。如桐子大。每日空心。白滾水吞三錢。服藥後。隨宜進飲食。將藥壓入下部。服藥須恆。勿令間斷。

調經養榮種子丸

九蒸何首烏四兩用大黑豆蒸不

家芡實二兩

懷牛膝洗一兩酒乾

遼五味子錢一兩五錢烘乾

杜仲水拌炒去絲

魚鰾二兩粉炒

牡丹皮酒一兩洗晒乾

芍藥酒一兩炒

沙苑蒺藜酒二兩洗

續斷洗一兩酒乾

白茯苓五錢

大熟地黃另搗

黃芩酒一兩炒

兔絲子錢一兩五錢

山萸肉二兩

杜仲水拌炒

川草薺酒一兩洗白色

山藥二兩

當歸洗一兩酒乾

車前子酒二兩洗

阿膠粉一兩五錢真者

益母草

一兩取嫩尖晒乾酒拌飯上蒸過再晒乾

香附米一兩童便浸七日洗淨炒

右方共爲細末。煉蜜成丸。如桐子大。每早白滾水吞三錢。空心服後。隨宜進飲食。將藥壓入下部。

古傳種子方極多。無非煖腎助陽之藥。服之者。不但無有效驗。且受害不淺。本堂考訂男婦二方。應驗十有六七。且治男婦一切虛損百病。但服藥者。必分陰陽二臟。陽臟者。服藥必當滋陰生水。陰臟者。必當生火養元。此方乃滋水生精之要藥。水足精生。自然生子。此理之曉然者。服之者。必照方炮製。萬勿增減。功效若神。男婦二方。不限定一齊並服。

白虎癱節瘋

大人小兒皆有此症。總因體虛受風故耳。週身骨節疼痛。手不可近。身不能翻。卽如虎咬之狀。故名爲白虎癱節瘋。此症有似中風。半身不遂者。或大小便不通。或瀉稀黃水。用藥初宜疏風。隨後當以理脾清熱爲主。

疏風化痰湯

生薑一小片爲引。	山查一錢	甘草五分	膽星八分
	柴胡五分	杏仁炒一錢	天麻六分
	薄荷五分	獨活六分	防風六分
		枳殼六分	陳皮五分

加味逍遙散

白芍炒八分	白朮炒八分	陳皮六分	甘草六分
當歸八分	白茯苓八分	薄荷六分	黃芩炒一錢
僵蠶炒一錢	柴胡六分		

清熱止痛湯

連翹七分	山查肉一錢	赤芍七分	牛蒡子五分
花粉八分	黃芩炒一錢	白芍炒八分	柴胡六分
白茯苓八分	白朮炒八分	陳皮六分	甘草六分
當歸六分	薄荷六分		

如大便不通。加玄明粉、知母。白水煎。

清熱地黃湯

熟地二錢

山萸肉一錢

山藥一錢

丹皮八分

白茯苓八分

澤瀉八分

柴胡六分

薄荷六分

白水煎。空心服。

六君子湯 治節瘋脾虛作瀉腫滿。

人參三分

白朮八分

白茯苓八分

甘草六分

熟半夏五分

陳皮六分

生薑一片。大棗一枚爲引。

清熱理脾湯 治節瘋作瀉。或解黃水。

白芍八分

白朮八分

木通八分

僵蠶一錢

陳皮六分

甘草六分

白扁豆一錢

白茯苓八分

當歸八分

黃芩一錢

柴胡六分

薄荷六分

白水煎。

節瘋方六首。隨症之虛實。酌而用之。

痔瘡經驗良方

馬齒莧一味。白水煮喫。並煎湯洗浴患處。多年日久者。皆有神效。久久洗之服之。自然全愈。馬齒莧春夏秋用鮮者。冬月即用安樂菜。

治男婦小兒頸上瘰癧良方

全蠍一兩去尾尖炒

白芍藥一兩酒炒

玄參二兩烘乾

何首烏一兩

當歸身一兩烘乾

昆布一兩焙乾陰陽

土貝母一兩

海藻一兩焙乾陰陽

黃芩一兩

生黃耆一兩

白直僵蠶一兩酒炒

黃花地丁一兩

共為細末。煉蜜成丸。如桐子大。每晚用粗茶吞三錢。小兒不善吞者。用粗茶調服二錢。

戒用羊肉、野雞、鯉魚、鴨蛋、蘿蔔、蔥蒜、烟酒等物。

無論已破未破。皆可服之。

治小兒不出痘經驗良方

羌活五分	生地黃五分	升麻五分	防風五分
黃柏五分	麻黃五分	甘草三分	黃連二分
當歸身三分	川芎二分	藁本二分	黃芩二分
柴胡二分	乾葛二分	蒼朮二分	紅花一分
蘇木一分	陳皮一分	白朮一分	細辛一分
吳茱萸半分	連翹五分		

右藥二十二味。合一劑。每逢立春、立夏、立秋、立冬之前一日。取水二鍾。煎至八分。露一夜。如遇天陰。即露在房簷下。露時須防蛇蝎之類。次早溫服。服後瀉則毒去。第二次服則不瀉。亦有初服不瀉者。胎毒輕也。一年之內。只服四劑。永不出痘。即服一二劑者。出痘亦少。此方神驗。不可輕視之。分數藥味。毫不可苟。簡泡製。藥俱生用。驗後當發願隨力放生。或鯉魚、鯽魚、烏獸等類。

治痘風眼經驗良方

小孩初生。剪衣胞時。將臍帶內血。用磁鍾收下。以軟鷄毛點入眼邊內。如晚間點時。次早洗去。餘血或乾。即用人乳拌之。點一二次可愈。其眼不拘新舊皆可治。

治小兒痰核腫硬良方

用地蔘萍草。搗取汁。合陳細酒。每服三五茶匙。量兒之大小服之多寡可也。或生頸項。耳根傍。或生兩脇內。或生週身腿上。服之俱能消滅。

發背勿藥良方

發背未出膿時。先用清水洗過拭乾。取人糞合於毒頂上。外用真陳蘄艾搓丸。如龍眼核大。放於糞上。用火灸之。以知痛爲度。屢試屢驗。人糞須用乾硬者爲是。必灸透知痛痒。方可徐徐去艾。

治中滿不受飲食呃逆吐痰帶白沫或腹脹等症
神效方

白茯苓一兩

橘紅一兩

鮮枇杷葉一兩剪去毛

鮮蘆根三兩

以上藥四味。合併水入砂鍋內。以炭火先煨。俟熟時。用新白淨布濾去渣。取汁再同甘蔗汁一飯碗。白梨汁一茶盃。薑汁一酒盃。人乳一碗。齊煨。將濃。加上好蜜八兩。熬成珠。後加柿霜三錢。此藥每次半酒盃。用白滾水調下。不妨勤服。開關之後。止用薄粥。萬勿卽飯。

治頸項對口毒勿藥良方

猪眼騷四枚。和糯米飯半酒盃許。同騷搗爛。敷毒患處。不露頭。二日一換。再敷之。如此八日卽愈。敷毒須在未出膿時。猪眼騷生猪頭眼傍。乃屠人挑去不用之物。猪眼騷係生搗。

久痢不止方

用海味燕窩菜一箇。陰陽瓦焙黃為細末。陳細酒下。以愈為度。

又方亦治久痢

陳白蘿蔔英。每用一兩煎湯。露一宿。溫服。以愈為度。

吞黑豆良方

料豆

凡陰臟人。一歲吞一粒。如四十歲者。每日用白滾水生吞四十粒。七十歲者。每日生吞七十粒。久服能治陽氣不足。堅筋骨。烏鬚黑髮。百病不生。此豆扁而小者。即是陽臟人不可服。

黑大豆

即家常煮鹽豆者

此豆專補陰分不足。久服堅筋骨。烏鬚黑髮。百病不生。又能治諸瘡熱毒。每日用白滾水生吞二錢。不必拘時。或一日分作二次吞之可也。宜圓而小者為貴。陰臟人不可服。

平日喜食性熱之物而無害者。即係陰臟之人也。平日喜食性冷之物而無傷者。即係陽臟之人也。服豆者務須恆久。勿令間斷爲妙。此豆方極便於途路舟次。更利於貧苦之人。乃養身之妙丹也。

痔瘡良方

生杏仁。用熱水潤去皮。隔紙趕去油。淨末五錢。用好冰片五分搗碎。同杏仁拌勻。用雞蛋清調搽。每搽少許。數日即愈。如內痔。即按痛處搽在外面。亦愈。倘杏仁油去不淨。搽上即疼。

壁蟻傷人方

壁蟻。即喜喜。做窩貼在壁上者。性極毒。咬人至死。用桑樹柴燒灰。入滾水攪過澄清。調生白礬。搽患處。旋乾旋搽。即愈。此方載本草內。何省齋先生所經驗者。常以此方治人。

治婦人兒風

用各種骨頭。與狗食之。即將狗糞內骨頭。淘出洗淨。陰陽瓦焙焦存性。研爲細末。每次一二錢。或滾水或酒調與病人服之。即愈。

治刺良方

凡一切竹木之類。刺入肉內者。用生栗子。嚼碎敷滿。即刻止痛。其刺自出。二三日可愈。如遇瘋狗咬傷者。亦照此方治之。即愈。

洗浴癱瘓勿藥良方

凡遍身腫痛。淫痛。忽然癱瘓。手足痿痺。百節風。鶴膝風等症。用臭梧桐煎水洗浴。以愈爲度。輕者半月即痊。重者必洗浴至百日外方效。臭梧桐高三尺許。對節生開紅花者。

貼頸項瘰癧第一神效膏藥方

溼痰之

槐枝

四兩向陽者

柳枝

四兩向陽者

川木鱉

五錢

真肉桂

五錢

白芷六錢

白藜六錢

杏仁六錢
去皮

以上諸味切碎。用真麻油四十兩。浸三日。入鍋內文武火熬之。仍用柳枝徐攪。熬至黑色。去渣再熬。俟滴水成珠。加黃丹二十兩。先用水飛過。炒乾徐徐而入。膏成時。離火片刻。入乳香三錢。沒藥三錢。血竭一錢五分。麝香五分。俱研細攪勻。用冷水一盆。將膏隔水浸露一宿。聽用。攤膏藥不宜近火。只宜用熱水炖化。攤之為妙。無論已破未破。俱可貼之。男婦小兒。皆有神驗。

便血日久良方

專治男婦小兒。腸風下血。日久不愈。面色痿黃。或作浮腫。

生黃耆二兩

白朮一兩
土炒

熟地黃四兩
另搗

黃芩一兩
酒炒

牡丹皮一兩

川木瓜六錢

車前子一兩
洗晒乾

五味子一兩
烘乾

晚蠶砂二兩
淨

白芍一兩
生用

右方共為細末。煉蜜成丸。如桐子大。每日空心。白滾水吞三錢。服之者。照方炮製。

藥味等分。不可增損。喫藥必恆心。勿令間斷。方得速效。戒色慾煙酒鯉魚羊
肉椒蒜蘿蔔芥菜

用藥必分陰臟陽臟說

世人病卽服藥。而有效有不效者。皆由未探其本原。而混投藥餌也。本原者。乃陰陽二臟也。陽臟之人。止可滋陰。萬不可妄用大熱之藥。如桂附、人參、鹿茸、丁香、胡椒、硫黃、仙茅、河車、巴戟等類是也。陰臟之人。方宜溫補。萬不可過用苦寒之藥。如黃柏、苦參、龜板、大戟、葶藶、大黃等類是也。如有半陽半陰者。滋補則用六味丸。或加大黑豆、九蒸何首烏等類。近見有餘之家。希圖長生。并壯陽種子。不分陰陽二臟。概用溫煖補劑。久之百病俱出。受害不淺矣。良醫診視之時。必細心審察。男婦皆然。如平日多服性冷之物。而無礙者。卽係陽臟之人。多服性熱之物。而相安者。卽係陰臟之人。體此而用藥。自當易於奏效。不務此而徒以脈理尋之。恐其尙有誤也。

敷毒驗方

凡遇匾壁蟻、蜈蚣、蝎子咬傷。頭目發腫。毒氣攻內。疼痛難忍者。急用靛花半盃。入雄黃末二分。麝香半分。調搽痛處。能止痛消腫。

心口疼方

心口疼。用檀香心內泥一錢。調鐔酒溫服。即痊。或用蘇木心內泥。調鐔酒服亦效。

治中風口眼歪斜

并筋骨抽痛
白虎厲風節

用木通十二兩。大而黃者。同陳細酒十斤。入砂器內隔水煮一線香時。遲一二日出火氣。每日隨量溫飲。其效如神。

大癱風癱疾

用苦參一斤。荊芥一斤。同陳細酒浸一宿。取起晒乾。爲細末。酒疊爲丸。每日用滾水早服二錢。晚服二錢。量佳者。酒吞更妙。

隔食病方

隔食早晚用陳細酒合黃牛乳服之。久久自愈。

受蠱毒

粵省婦人。多下蠱毒。受之者。皆有性命之患。惟服食大葶薺。久久其毒自化。服者無論生熟。并湯服之。

華仙人稀痘良方

凡出痧痘初覺時。將好硃砂一味。研爲細末。以水醮遍晒乾。用生蜜對滾水調服。量兒大小與服。不論溫痘痧疹。皆可服之。輕者全然無事。重者可保無虞。週歲以下。可服三四分。五歲以下。可服六七分。十歲以下。可服八九分。屢用屢驗。

黃河決後。徐城土人起修華仙洞。因得此方於洞中石碑上。赤砂必用堅固而方整者多良。煉片後。硃色或黝者。多鬆而易碎。不可不察。

又稀痘方

生黃耆一兩

黑豆一兩

甘草一兩

右藥三味。共爲細末。用蜜糊丸。與初生小兒在杯子內滾水調服。作六日服完。最能稀痘化毒。

跌打刀傷方

燕窩菜。凡跌打損傷。刀傷竹刺傷。將燕窩菜用口嚼爛碎。貼上三日即愈。刀傷指落者。仍可接上。

去竹柴魚刺方

不拘竹柴魚刺梗咽喉內不下者。用灰條菜油拌食之。自下。

鵝掌風神效方

採城頭上青蒿草。春夏秋皆有。不拘多少。將手先用熱水洗軟後。用此草擦之。擦至十日後。起老皮即愈。

湯火傷患

用蓮蓬殼燒灰爲細末。生麻油調之。敷患處卽愈。

治一切腫毒疼痛難忍者

用密陀僧一味。不拘多少。爲細末。生桐油調敷患處卽愈。

幼科直言終

後記

《活幼心書》三卷。元初醫家曾世榮撰於至元三十一年（公元一二九四年）。

世榮，字德顯，號育溪，衡州府（今湖南衡陽）人。初從鄉先生李月山習儒子業，長則棄而攻醫，師世醫劉直甫，盡得其心傳。世榮業醫三十餘載，精研方脈，頗有聲譽。平素推崇宋太醫戴克臣及其師祖劉茂先爲活幼宗師，乃懼其心傳幾不復見，因就其遺書而精加編次，參以閱證之已效者，纂以爲帙，姑爲活幼之一助。

是書上卷列決證詩凡七十五首，後附以論，詳具兒科診法及胎寒、胎熱等病證；卷中述臍風、夜啼等各種常見病證治法心傳；卷下分列湯散、丸膏、丹飲、金餅四門，備載小兒病治效方二百餘劑，以資遴選。書中既示人以證治軌範，更有諸多獨到見識。如五苓散之在諸家，多用以

解傷寒溫濕，而曾氏以之療驚風痰搐瘡疹；小兒驚風，世俗但以金石腦麝蜈蚣蛇蝎等劑遣治，曾氏則別出氣鬱而搐之論，另立寬氣飲治法等，讀之使人廓然而有所悟，恍然而有所得。是書自槧版以來，不脛而走，相繼有多種版本流傳。今據武昌醫館重校本正其錯訛，間有疑文之處則從本校、理校。

《幼科直言》亦名《幼幼指掌集成》，清代醫家孟河撰於雍正四年（公元一七二六年）。

孟河，江蘇江寧人，生卒年未詳。是書凡六卷，卷一至卷三專論痘痧證治，條分縷析，至爲周詳。卷四至卷六則統述幼科病治方藥，頗爲簡明切用。值得一提的是，本書收錄不少民間單方驗方，如陳蘿卜英之治久痢、生杏仁之療痔疾等，可資臨證參考。是書梓行後流傳不廣，茲據上海中醫學院所藏清代嘉慶三年（公元一七九八年）著石堂本刊正重校。

書目

(一) 黃帝內經素問集註	(清) 張隱庵	(二) 黃帝內經靈樞集註	(清) 張隱庵	(三) 傷寒明理論	(宋) 吳學勉	(四) 傷寒九十論	(宋) 許叔微	(五) 陰證略例	(清) 張倬	(六) 傷寒兼證析義	(清) 尤在涇	(七) 傷寒貫珠集	(清) 沈目南	(八) 傷寒六經辨證治法	(清) 張卿子	(九) 傷寒補例	(清) 周學海	(十) 傷寒來蘇集	(清) 何琴	(十一) 重刊金匱玉函經	(清) 趙希德	(十二) 沈註金匱要略	(清) 周振俊	(十三) 金匱要略心典	(清) 尤在涇	(十四) 金匱翼	(清) 尤在涇	(十五) 脈經	(清) 杜光庭	(十六) 玉函經	(清) 張太素	(十七) 重訂太素脈秘訣	(明) 劉伯祥	(十八) 脈語	(明) 吳崐	(十九) 醫燈續焰	(明) 王紹祥	(二十) 脈說	(清) 葉子雨	(二十一) 望診遵經	(清) 汪廣卷	(二十二) 重訂診家直訣	(清) 周學海	(二十三) 臨證驗舌法	(清) 楊雲峰	(二十四) 察舌辨證新法	(清) 劉恒瑞	(二十五) 脈學輯要詳	(清) 丹波元簡	(二十六) 瘟疫論	(明) 吳有性	(二十七) 醫門普度瘟疫論	(明) 吳有性	(二十八) 張氏溫暑醫目	(清) 孔以立	(二十九) 溫疫明辨	(清) 張翰香	(三十) 溫熱暑疫全書	(清) 戴天章	(三十一) 溫證指歸	(清) 薛生白	(三十二) 溫熱病指南集	(清) 周約元	(三十三) 溫熱病指南集	(清) 陳平伯																																																																																																																																						
(三十四) 南病別鑑	(清) 葉香岩	(三十五) 痧脹玉衡	(清) 薛生白	(三十六) 瘧疾論	(清) 郭石陶	(三十七) 溫溫時疫治療法	(清) 韓善徵	(三十八) 增評傷暑全書	(清) 紹興醫學會	(三十九) 伏氣解	(清) 張鳳達	(四十) 伏邪新書	(清) 葉子雨	(四十一) 伏陰論	(清) 葉子雨	(四十二) 羊毛瘟論	(清) 劉吉人	(四十三) 溫熱逢源	(清) 田雲樵	(四十四) 隨息居霍亂論	(清) 柳寶詒	(四十五) 霍亂霍亂答問	(清) 王士雄	(四十六) 霍亂霍亂要	(清) 陳盤龍	(四十七) 霍亂霍亂要	(清) 連文仲	(四十八) 霍亂霍亂要	(清) 余伯陶	(四十九) 霍亂霍亂要	(清) 吳鞠通	(五十) 霍亂霍亂要	(清) 王士雄	(五十一) 霍亂霍亂要	(清) 葉子雨	(五十二) 霍亂霍亂要	(清) 周修復	(五十三) 霍亂霍亂要	(清) 潘蔚	(五十四) 霍亂霍亂要	(清) 饒居	(五十五) 霍亂霍亂要	(清) 胡慎	(五十六) 霍亂霍亂要	(清) 胡慎	(五十七) 霍亂霍亂要	(清) 胡慎	(五十八) 霍亂霍亂要	(清) 胡慎	(五十九) 霍亂霍亂要	(清) 胡慎	(六十) 霍亂霍亂要	(清) 胡慎	(六十一) 霍亂霍亂要	(清) 胡慎	(六十二) 霍亂霍亂要	(清) 胡慎	(六十三) 霍亂霍亂要	(清) 胡慎	(六十四) 霍亂霍亂要	(清) 胡慎	(六十五) 霍亂霍亂要	(清) 胡慎	(六十六) 霍亂霍亂要	(清) 胡慎	(六十七) 霍亂霍亂要	(清) 胡慎	(六十八) 霍亂霍亂要	(清) 胡慎	(六十九) 霍亂霍亂要	(清) 胡慎	(七十) 霍亂霍亂要	(清) 胡慎	(七十一) 霍亂霍亂要	(清) 胡慎	(七十二) 霍亂霍亂要	(清) 胡慎	(七十三) 霍亂霍亂要	(清) 胡慎	(七十四) 霍亂霍亂要	(清) 胡慎	(七十五) 霍亂霍亂要	(清) 胡慎	(七十六) 霍亂霍亂要	(清) 胡慎	(七十七) 霍亂霍亂要	(清) 胡慎	(七十八) 霍亂霍亂要	(清) 胡慎	(七十九) 霍亂霍亂要	(清) 胡慎	(八十) 霍亂霍亂要	(清) 胡慎	(八十一) 霍亂霍亂要	(清) 胡慎	(八十二) 霍亂霍亂要	(清) 胡慎	(八十三) 霍亂霍亂要	(清) 胡慎	(八十四) 霍亂霍亂要	(清) 胡慎	(八十五) 霍亂霍亂要	(清) 胡慎	(八十六) 霍亂霍亂要	(清) 胡慎	(八十七) 霍亂霍亂要	(清) 胡慎	(八十八) 霍亂霍亂要	(清) 胡慎	(八十九) 霍亂霍亂要	(清) 胡慎	(九十) 霍亂霍亂要	(清) 胡慎	(九十一) 霍亂霍亂要	(清) 胡慎	(九十二) 霍亂霍亂要	(清) 胡慎	(九十三) 霍亂霍亂要	(清) 胡慎	(九十四) 霍亂霍亂要	(清) 胡慎	(九十五) 霍亂霍亂要	(清) 胡慎	(九十六) 霍亂霍亂要	(清) 胡慎	(九十七) 霍亂霍亂要	(清) 胡慎	(九十八) 霍亂霍亂要	(清) 胡慎	(九十九) 霍亂霍亂要	(清) 胡慎	(一百) 霍亂霍亂要	(清) 胡慎																																																																		
(一百一) 痰火點雪	(清) 胡慎	(一百二) 理虛元鑑	(清) 胡慎	(一百三) 虛損啓微	(清) 胡慎	(一百四) 何氏虛勞心傳	(清) 胡慎	(一百五) 症因脈治	(清) 胡慎	(一百六) 周慎齋遺書	(清) 胡慎	(一百七) 脈因證治	(清) 胡慎	(一百八) 韓氏醫通	(清) 胡慎	(一百九) 醫林改錯	(清) 胡慎	(一百一十) 醫學舉要	(清) 胡慎	(一百一十一) 一草亭目科全書	(清) 胡慎	(一百一十二) 異授眼科	(清) 胡慎	(一百一十三) 銀海指南	(清) 胡慎	(一百一十四) 口齒要	(清) 胡慎	(一百一十五) 尤氏喉科秘書	(清) 胡慎	(一百一十六) 咽喉脈證通論	(清) 胡慎	(一百一十七) 喉舌備要秘旨	(清) 胡慎	(一百一十八) 包氏喉證家寶	(清) 胡慎	(一百一十九) 重訂喉證家寶	(清) 胡慎	(一百二十) 正體類要	(清) 胡慎	(一百二十一) 外科證治全生集	(清) 胡慎	(一百二十二) 外科選要	(清) 胡慎	(一百二十三) 外科醫鏡	(清) 胡慎	(一百二十四) 外科全書	(清) 胡慎	(一百二十五) 外科法門	(清) 胡慎	(一百二十六) 徐評外科正宗	(清) 胡慎	(一百二十七) 盤珠集胎產證治	(清) 胡慎	(一百二十八) 胎產指南	(清) 胡慎	(一百二十九) 重訂產孕集	(清) 胡慎	(一百三十) 女科切要	(清) 胡慎	(一百三十一) 女科經緯	(清) 胡慎	(一百三十二) 女科經緯	(清) 胡慎	(一百三十三) 女科經緯	(清) 胡慎	(一百三十四) 女科經緯	(清) 胡慎	(一百三十五) 女科經緯	(清) 胡慎	(一百三十六) 女科經緯	(清) 胡慎	(一百三十七) 女科經緯	(清) 胡慎	(一百三十八) 女科經緯	(清) 胡慎	(一百三十九) 女科經緯	(清) 胡慎	(一百四十) 女科經緯	(清) 胡慎	(一百四十一) 女科經緯	(清) 胡慎	(一百四十二) 女科經緯	(清) 胡慎	(一百四十三) 女科經緯	(清) 胡慎	(一百四十四) 女科經緯	(清) 胡慎	(一百四十五) 女科經緯	(清) 胡慎	(一百四十六) 女科經緯	(清) 胡慎	(一百四十七) 女科經緯	(清) 胡慎	(一百四十八) 女科經緯	(清) 胡慎	(一百四十九) 女科經緯	(清) 胡慎	(一百五十) 女科經緯	(清) 胡慎	(一百五十一) 女科經緯	(清) 胡慎	(一百五十二) 女科經緯	(清) 胡慎	(一百五十三) 女科經緯	(清) 胡慎	(一百五十四) 女科經緯	(清) 胡慎	(一百五十五) 女科經緯	(清) 胡慎	(一百五十六) 女科經緯	(清) 胡慎	(一百五十七) 女科經緯	(清) 胡慎	(一百五十八) 女科經緯	(清) 胡慎	(一百五十九) 女科經緯	(清) 胡慎	(一百六十) 女科經緯	(清) 胡慎	(一百六十一) 女科經緯	(清) 胡慎	(一百六十二) 女科經緯	(清) 胡慎	(一百六十三) 女科經緯	(清) 胡慎	(一百六十四) 女科經緯	(清) 胡慎	(一百六十五) 女科經緯	(清) 胡慎	(一百六十六) 女科經緯	(清) 胡慎	(一百六十七) 女科經緯	(清) 胡慎	(一百六十八) 女科經緯	(清) 胡慎	(一百六十九) 女科經緯	(清) 胡慎	(一百七十) 女科經緯	(清) 胡慎	(一百七十一) 女科經緯	(清) 胡慎	(一百七十二) 女科經緯	(清) 胡慎	(一百七十三) 女科經緯	(清) 胡慎	(一百七十四) 女科經緯	(清) 胡慎	(一百七十五) 女科經緯	(清) 胡慎	(一百七十六) 女科經緯	(清) 胡慎	(一百七十七) 女科經緯	(清) 胡慎	(一百七十八) 女科經緯	(清) 胡慎	(一百七十九) 女科經緯	(清) 胡慎	(一百八十) 女科經緯	(清) 胡慎	(一百八十一) 女科經緯	(清) 胡慎	(一百八十二) 女科經緯	(清) 胡慎	(一百八十三) 女科經緯	(清) 胡慎	(一百八十四) 女科經緯	(清) 胡慎	(一百八十五) 女科經緯	(清) 胡慎	(一百八十六) 女科經緯	(清) 胡慎	(一百八十七) 女科經緯	(清) 胡慎	(一百八十八) 女科經緯	(清) 胡慎	(一百八十九) 女科經緯	(清) 胡慎	(一百九十) 女科經緯	(清) 胡慎	(一百九十一) 女科經緯	(清) 胡慎	(一百九十二) 女科經緯	(清) 胡慎	(一百九十三) 女科經緯	(清) 胡慎	(一百九十四) 女科經緯	(清) 胡慎	(一百九十五) 女科經緯	(清) 胡慎	(一百九十六) 女科經緯	(清) 胡慎	(一百九十七) 女科經緯	(清) 胡慎	(一百九十八) 女科經緯	(清) 胡慎	(一百九十九) 女科經緯	(清) 胡慎	(二百) 女科經緯	(清) 胡慎
(二百一) 程杏軒醫案	(清) 程杏軒	(二百二) 何澹安醫案	(清) 何澹安	(二百三) 邵蘭蓀醫案	(清) 邵蘭蓀	(二百四) 吳鞠通醫案	(清) 吳鞠通	(二百五) 冷庵醫話	(清) 陸定園	(二百六) 柳洲醫話	(清) 魏玉璣	(二百七) 鵲塘醫話	(清) 張景岳	(二百八) 先哲醫話	(清) 淺田惟常	(二百九) 潛齋醫話	(清) 王士雄	(二百一十) 友漁齋醫話	(清) 黃退庵	(二百一十一) 對山醫話	(清) 毛對山	(二百一十二) 客塵醫話	(清) 計壽喬	(二百一十三) 巢氏諸病源候總論	(隋) 巢元方	(二百一十四) 儒門事親	(金) 張從正	(二百一十五) 重訂靈蘭秘要	(明) 王肯堂	(二百一十六) 肯堂醫論	(明) 王肯堂	(二百一十七) 知醫必辨	(清) 李冠仙	(二百一十八) 研經言	(清) 莫枚士	(二百一十九) 醫學讀書記	(清) 尤在涇	(二百二十) 讀醫隨筆	(清) 周學海	(二百二十一) 市隱廬醫學雜著	(清) 王士雄	(二百二十二) 醫學源流論	(清) 葉天士	(二百二十三) 慎疾芻言	(清) 徐大椿	(二百二十四) 醫學心悟	(清) 程林	(二百二十五) 神農本草經	(清) 程林	(二百二十六) 珍珠囊補遺藥性賦	(清) 程林	(二百二十七) 雷公炮制藥性解	(清) 程林	(二百二十八) 重刊本草衍義	(清) 程林	(二百二十九) 藥微	(清) 程林	(二百三十) 藥微續編	(清) 程林	(二百三十一) 劉涓子鬼遺方	(清) 程林	(二百三十二) 醫方考	(清) 程林	(二百三十三) 聖濟總錄要	(清) 程林																																																																																																																																						